

6. 10. A. 31

MEMOIRES

D E

Messire Pierre de Bourdeille, Sei-
gneur de BRANTOME,

C O N T E N A N T

es Vies des Hommes Illustres & grands
Capitaines François de son temps.

QUATRIEME PARTIE.

Biblio  *Levr*
all. *Nom*
loc. *Refu*


BIBLIOTECA NAZ.
ROMA
VITTORIO EMAN.



A L E Y D E,

Chez JEAN SAMBIX le Jeune, à la
Sphere.

M. DC. XCIX.





MEMOIRES

D E

Mr. DE BRANTOME

CHARLS IX.



POur parler du Roy Charles IX. je diray qu'il estoit si courageux, bouillant & hardy, que si la Reyne sa mere, qu'il craignoit & honoroit fort, ne l'eust arresté en ses plus jeunes ans que la guerre civile se suscita contre luy, il vouloit luy-mesme estre en personne en ses armées & luy seul en estre le General. Je me souviens que lors de ce commencement les Huguenots crioient par tout que ce n'estoit point contre luy à qui ils faisoient la guerre, ny qu'il la leur faisoit, mais le Roy de Navarre & le Triumvirat. Sur ce il fut arresté

Tom. IV.

A

au

au Conseil que le Roy meshuy marcheroit, tout jeune qu'il estoit, mais jamais je ne vis personne si aise que luy quand il entendit cette sentence, & qu'il falloit aller au siege de Bourges, de Rouën, Havre & autres; où estant il desesperoit de quoy la Reyne ne luy permettoit de s'approcher plus près de la ville ny des tranchées qu'il faisoit. Quand le siege estoit devant Paris, il en vouloit faire de mesme, mais la Reyne le tenoit tousjours de court. Après la mort de Monsieur le Connestable il y eut quelqu'un que je sçay qui luy demanda l'estat de Connestable, il luy respondit qu'il estoit assez fort & puissant pour porter son espée, & n'avoit en cela besoin de l'ayde d'autrui, d'autant que l'estat de Connestable est de porter l'espée devant le Roy quand il marche en solemnité, mais fut bien trompé, car pensant luy mesme faire cet estat & aller à ses armées, la Reyne voulut que Monsieur son bon fils fust Lieutenant General, dont il fut encore plus dépité, disant qu'il estoit aussi & plus capable que luy, & plus vieux, pour conduire son armée, & qu'il n'avoit pas besoin de Lieutenant en son armée, puis qu'il le pouvoit estre luy-mesme. Quand la Reine le mena vers Mets, pour rompre le

des-

deſſein de l'entrée du Duc des Deux-Ponts en France, il voulut aller commander en l'armée que menoient Meſſieurs de Nemours & d'Aumale; elle ne le voulut non plus, & lors qu'ils entre-
rent, il dit que ſ'il y euſt eſté, ils n'y fuſſent jamais entrez, où qu'il euſt cre-
vé, & que ſa vie n'eſtoit pas plus chere à la France que celle de ſon frere, que quand il l'auroit perduë, ſon frere prendroit ſa place, & par ainſi le Royaume ne ſeroit jamais ſans Roy, & ſa vie n'é-
toit point de ſi grande conſequence qu'elle deuſt eſtre ſi precieusement gar-
dée dans un coffre comme les bagues de ſa Couronne. Apres les batailles de Jarnac & Montcontour, il y eut Mr. d'Orat qui luy preſenta quelques vers qu'il avoit faits à ſa louange; Ha! dit-il, n'eſcrivez deſormais rien pour moy; car ce ne ſont que toutes flatteries & menteries de moy, qui n'en ay donné encore nul ſu-
jet d'en bien dire; mais reſervez tous ces beaux eſcrits, & tous vous autres Meſ-
ſieurs les Poëtes, à mon frere, qui ne vous fait que tous les jours tailler de bon-
ne beſoigne: monſtrant par là une com-
paſſion qu'il avoit de luy-meſme, & une ſourde emulation de Monſieur ſon frere, duquel il diſoit ſouvent que la Rei-
ne, pour l'aymer plus que luy, luy

oſtoit l'honneur qu'il devoit avoir, dont il ne ceſſa jamais de l'importuner & luy faire parler par les uns & les autres, & meſme par Monſieur le Cardinal de Lorraine, d'aller au ſiege de Saint Jean d'Angeli ; où il ſe pleut ſi fort qu'on ne le pouvoit retenir qu'il n'allaſt ſouvent dans les tranchées & n'y paruſt à deſcouvert comme le moindre ſoldat de ſon armée, pour le plaſir qu'il y prit. Il dit qu'il voudroit de bon cœur que Monſieur ſon frere & luy deuſſent tenir le Royaume alternativement, où qu'il deuſt tenir ſa place la moitié de l'année. Ce n'eſtoit pas ce qu'il dit lors qu'il fut ſacré à Reims, n'ayant que douze ans, & que la Reine ſa mere luy demanda ſi ſon âge lui pourroit permettre de porter la peine de ce jour-là à faire toutes les longues ceremonies neceſſaires & requiſes à cette feſte, il reſpondit, Je ne reſuſeray jamais, Madame, une telle peine, & me fera tres-douce toutes & quantes fois que tel Royaume ſe preſentera à moy. Si eſt-ce qu'une fois oyant parler à feu Monſieur de Sipièrre des guerres de Piedmont & des vieilles bandes des ſoldats qui la faiſoient, & comme il les faiſoit beau voir en leur bel ordre, police & diſcipline militaire, il dit qu'il euſt voulu avoir eſté de ce temps & par meſme

me moyen porter l'harquebuse , & qu'il se fust bien fait valoir. Après cette prise de Saint-Jean il vouloit bien passer plus outre & suivre Messieurs les Princes & Amiral jusques en Gascogne & Languedoc, mais la Reine rompit ce coup, & Mr. luy donnant à entendre que son armée n'en pouvoit plus & s'en alloit toute perdue si elle ne se reposoit. Nous tenions que Monsieur le disoit & le tenoit à dessein, afin qu'il ne prist si grand goust à cette conduite d'armée que son autorité n'en fust rognée, ainsi que Mr. de Tavannes avoit conseillé à la Reine de faire la paix, laquelle l'entreprit, comme j'ay dit ailleurs; & pour ce il se retira à Angers, où l'on la commença à traier, si bien qu'elle fut faite, non qu'il la desirast autrement, sinon d'autant pour se preparer mieux à la feste de Saint-Barthelemy & attirer à soy Mr. l'Amiral à Blois & à Paris, comme il fit; les uns disent qu'elle n'avoit point esté arrestée sinon au pont de Saint Cloud un mois avant, comme j'ay dit ailleurs: d'autres disent sinon après la blessure de Monsieur l'Amiral & les menaces de ses confidens: d'autres de cette paix faite encor long-temps avant, comme l'on presume par les paroles que le Roi dit après la fête passée, N'ay-je pas

bien joué mon jeu ? dit-il, N'ay-je pas bien sceu diffimuler ? N'ay-je pas bien appris la leçon & le Latin de mon ayeul le Roy Louis XI ? On disoit qu'il avoit ainsi appris d'estre diffimulateur de son grand favory Albert Gondy, Marechal de Rets, qui estoit un Florentin, fin, caut, corrompu, menteur, grand diffimulateur.

Pour parler de luy en deux mots, son grand-pere fut meünier, à deux lieües près de Florence, d'un moulin où il se retira durant la ligue, n'osant demeurer en France, mais il y laissa sa femme pour faire valoir son talent : puis son pere fut banqueroutier à Lyon, & sa mere Madame de Perron, grande revenderesse de putains, & pour ce le Roi Henry la prit en amitié & la fit Gouvernante de ses enfans, & sur tout du Roy Charles IX, à qui elle donna son fils le Perron, qui fut long-temps commissaire des vivres aux armées du Roy, lequel après le prit en amitié, & ne l'appelloit jamais que son serviteur, & puis estant Roy l'avança ainsi qu'il a esté, & apprit au Roy à jurer & diffimuler, car de son naturel il ne l'estoit nullement en sa jeunesse, estant fort ouvert, prompt, actif vigilant, esveillé & peu songeard, comme doit estre tout diffimulateur.

De

De plus, feu Monsieur de Sipierre, son Gouverneur, qui estoit le plus genereux & plus brave Seigneur qui fut jamais Gouverneur du Roy, ne l'estoit nullement, mais tout loyal, franc, ouvert, & du cœur & de la bouche, point menteur ny dissimulateur, qui l'avoit nourry tres-bien & instruit, & ne l'avoit jamais fait estudier dans les chapitres des dissimulations : aussi disoit-on qu'après sa mort ledit Marechal de Rets, dit le Perron, le pervertit du tout & luy fit oublier & laisser toute la belle nourriture de ce brave Gouverneur ; si bien qu'on disoit qu'il luy avoit appris à jurer aussi debordement comme il faisoit, bien que Monsieur de Sipierre juroit quelquefois, mais c'estoit en Cavalier ; non le Perron, qui juroit & renioit en sergent qui prend un pauvre homme par le collet qui ne se defend, comme l'on le disoit à la Cour, car on tenoit, & le tient-on encore, le Perron pour le plus grand renieur de Dieu, de sang froid, qu'on peust voir. Ainsi avec les loups apprend-on à hurler, si bien que le Roy apprit de luy ce vice & s'y accoustuma si fort, qu'il tenoit que blasphemer & jurer estoit une forme de parole & devis plus de braveté & de gentillesse que de peché ; à cause

dequoy il ne faisoit point de difficulté de fausser sa foy toutes fois & quantes qu'il vouloit & luy venoit en fantasie; de sorte qu'on donnoit alors à la Cour ce los à Monsieur son frere, qu'il le tenoit mieux & plus ferme que le Roy, si bien que quand il avoit asseuré une chose & donné sa parole & sa foy, elle estoit inviolable; mais il ne la tint bien gueres depuis à l'endroit du pauvre Monsieur de Guise. Voilà comme il se changea, comme l'autre à l'endroit du pauvre Monsieur l'Amiral, à cette bonne feste, où l'on dit que le Roy pour le coup n'y vouloit point tant entendre; il s'en est dit tant de diverses façons qu'on ne sçait qu'en croire, mais il fut tant poussé de la Reyne & persuadé du Marechal de Rets, qu'il se laissa aller & couler aisément & y fut plus ardent que tous, si bien que lors que le jeu se jouoit & qu'il fut jour, & qu'il mit la teste à la fenestre de sa chambre & qu'il voyoit aucuns dans le fauxbourg Saint Germain qui se remuoient & se sauvoient, il prit une grande harquebuse de chasse qu'il avoit, & en tira tout plein de coups à eux, mais en vain, car l'harquebuse ne tiroit si loin; incessamment crioit, Tuez, tuez, & n'en voulut jamais sauver aucun, sinon maistre Ambroise Paré, son premier Chi-

Chirurgien & le premier de la Chrestienté , & l'envoya querir & venir le soir dans sa chambre & garderobe, luy commandant de n'en bouger, & disoit qu'il n'estoit raisonnable qu'un qui pouvoit servir à tout un petite monde , fust ainsi massacré ; & si ne le pressa point de changer de religion, non plus que sa nourrice, laquelle il aymoît si fort, qu'il ne luy refusa jamais rien , la priant pœurtant tousjours de reprendre la religion Catholique, sans la presser ny contraindre autrement, ce qu'elle fit après la Saint-Barthelemy, dont il en eût une joye extrême & le disoit à tout le monde, mais ce qu'elle en fit, ce fut plus pour luy complaire que pour zele , car après sa mort elle en sentoît encore , & icyay bien ce qu'elle m'en disoit un jour à part : c'estoit une tres-sage & honneste femme.

On donna grand blasme au Roy dequoy il ne sauva la Comte de le Rochefoucaut, qu'il avoit pris en amitié pour sa belle , douce & plaisante conversation, qu'il ne s'en pouvoit passer, & le soir quand il fut couché il le voulut faire arrester & le faire coucher en sa chambre. Ledit Comté dit qu'il n'en feroit rien , & qu'il le tenoit là pour le fouëter la nuit & ne faire que du fol , com-

me quand ils estoient ensemble, & Monsieur le Comte de Maulevrier & autres, ils en faisoient de bonnes : enfin ledit Comte de la Rochefoucault s'en alla où quand le matin on vint pour rompre & fouler la porte de sa chambre pour le tuer, (on dit que ce fut Chicot le Bouffon & son frere le Capitaine Raymond, qui fut tüé en une escarmouche à la Rochelle, y faisant tres mal & du poltron, Dieu le punit en cela, & n'estant si vaillant que son frere Chicot,) pensant que ce fust le Roy qui le vinst föüeter, il se leva & s'habilla aussi-tost en criant, Ce sont des jeux du feu Roy vostre pere, vous ne m'y attrapperez pas, car je suis tout chauffé & vestu, & ayant commandé qu'on ouvrist, il fut ainsi tüé en pensant à autre jeu. Le Roy le regretta pourtant, au moins en fit semblant, & pour excuses il dit deux ou trois fois de ne bouger ; mais on le devoit retenir par force, car le plaisir n'estoit qu'à demy : toutesfois aucuns luy dirent, & mesme ledit Mareschal, son grand favory & conseil, qu'aussi-bien s'il fust eschappé, il luy eust fait autant de mal que jamais, car il ne se fust reduit non plus qu'un heretique, & qu'il avoit grand credit parmy les Huguenots & qu'il remueroit enco-

re,

re, enfin que la defaite en estoit auffi bonne que des autres.

Quelques jours après que Mr. l'Amiral fut tüé & porté à Montfaucon pendu par les pieds, ainsi qu'il commençoit à rendre quelque senteur, le Roy l'alla voir ; aucuns qui estoient avec luy bouchoient le nez à cause de la senteur, dont il les reprit & leur dit, Je ne le bouche comme vous autres, car l'odeur de son ennemy est tres-bonne & la parole aussi mauvaise.

Il voulut voir mourir le bon homme Monsieur de Briquemaut & Cabagnes, Chancelier de la cause, & dautant qu'il estoit nuit à l'heure de l'exécution, il fit allumer des flambeaux & les tenir près de la potence, pour les voir mieux mourir & contempler mieux leurs visages & contenance ; ce que plusieurs ne trouverent beau, disant que c'estoit aux Rois d'estre cruels seulement toutes & quantes fois que le cas le requiert, mais les spectateurs le doivent estre encore moins, de peur qu'ils ne s'accoustument à choses plus cruelles & inhumaines.

Aussi il avoit cette rebellion si fort à contrecœur, qu'il disoit & tenoit que contre les rebellés c'estoit cruauté que d'estre humain, & humanité d'estre cruel. Certes en ce cas il le fut en toutes

fortes, & par actes & par spectacles, car il y prit fort grand plaisir de voir passer sous les fenestres par la riviere plus de quatre mille corps en se noyant ou tüez, dont depuis il se rendit tout changé, & disoit-on qu'on ne luy voyoit plus au visage cette douceur qu'on avoit accoustumé de luy voir.

Pour quant à moy, au retour du siege de la Rochelle, que je le vis & ne l'avois veu depuis cette feste, je le trouvay aussi changé : sur lequel changement Mr. de Longueville en donna avis à Mr. de la Nouë, qui me le dit aussi-tost après, quand le Roy le manda querir au sortir du siege de Monts parler à luy, pour l'envoyer à la Rochelle, ainsi que je le dis ailleurs.

Monsieur de la Nouë, luy dit Mr. de Longueville, avisez bien quand vous serez devant le Roy, d'estre sage & parler sagement, car vous ne parlez plus à ce Roy doux, benin & gracieux, que vous avez veu cy-devant, il est tout changé, il a plus de severité à cette heure au visage, qu'il n'a jamais eu de douceur. De cet avis Monsieur de la Nouë s'en sceut bien ayder,

Or puis que je suis sur le passage de ce vilain massacre, il faut que j'en fasse toute cette petite digression. Force gens, au-
tant

tant estrangers que François, trouverent fort vilain & mauvais ce massacre de la St. Barthelemy, tant pour avoir rompu à l'endroit de Mr. l'Amiral, sa foy si sollemnellement donnée & jurée, que pour le Roy ne s'estre servy de lui en de belles occasions qu'il luy presentoit, &, s'il vous plaist, non pour petites choses, mais pour la conqueste de la Flandre & de tout le Pays-bas; ce qu'il eust fait, car je le sçay bien autant qu'un autre, parce qu'il y avoit de grandes intelligences, bien que le grand Duc d'Albe eust fait son pouvoir pour l'en empescher & lui eust donné de la peine. J'en ay parlé ailleurs, & par ainsi il eust réparé les fautes qu'il avoit faites par ces guerres passées, & ne s'en fust jamais plus parlé du passé.

Il ne se peut alleguer sur ce sujet un plus bel exemple que celuy que nos Histoires racontent, & mesmes celles de ce grand Paul, Amiral d'Eudon, Duc d'Aquitaine, qui fit venir les Sarasins en ses pays, contre lesquels alla si bravement & de furie ce grand Charles Martel, vray Prince des François, mais avant que les assaillir il envoya premier vers Eudon, pour le prier d'alliance & d'amitié, & de se convertir encontre ces meschans Barbares, ce qu'il fit tres volontai-

tairement , atteint d'un bon Ange , & le jour de la bataille comparut si bravement & donna si vaillamment par surprise dans le camp des Sarasins, presque plutôt qu'ils ne l'apperceurent, qu'il y tua tout, sans pardonner à pas un ny à pas une ; si bien que Charles Martel donnant de l'autre costé, tous deux furent la principale cause du gain de la bataille : ce que ledit Charles sceut par après tresbien remontrer aux siens, que si Eudon avoit fait la faute premier, d'avoir fait armer ces Sarasins, il la repara bien par après par ce bel exploit, & que si auparavant il avoit offensé la France, il meritoit par ce nouveau secours & beau fait d'armes, qu'on luy pardonnast. Nostre Roy Charles de même devoit pardonner à Mr. l'Amiral, que s'il avoit fait la faute de mouvoir guerre en son Royaume, & fait venir les Allemans à son secours, ou du tout ne luy devoit point pardonner, ou du tout l'ayant pardonné luy tenir sa foy, & mêmes le voyant en train de reparation, & luy tailler des morceaux qu'il eust eu de la peine à les mascher & avaler. S'il eust sceu & leu ce conte de cet Eudon, possible s'en fust il avisé, & en eust combattu ces beaux conseillers de merde, qu'il n'ayma gueres par après, & les maudit en foy-

foy-mefme & tout , mais il n'eftoit plus temps. Si Charles Martel eult voulu faire mourir paravant de poifon & d'affaffinat cet Eudon , la France s'en fust mal trouvée , & infailliblement elle eftoit du tout renverfée : & quand tout eft dit , comme je tiens de plus grands perfonnages que moy , on ne doit eftre fi prompt à faire mourir les perfonnes pour leurs fautes fi legeres fans premier les confiderer bien ; car les repentances & les penitences des uns & des autres s'en enfuivent bien-toft après.

En voulez-vous un plus bel exemple que de Mr. Saint Pierre , qui par la grande faute qu'il fit de renier Jesus son Maître , il fut neantmoins pardonné de luy , le reconnoiffant repenty & penitent par fes larmes qu'il luy vit repandre , & fit plus , il le fit Chef de son Eglife.

J'ay ouy dire à un grand Docteur , que fi Judas ne fe fust point defefperé de la mifericorde de Dieu , & ne fe fust allé pendre & eult voulu fe reconnoiftre par penitence & repentance , poffible luy eult efté pardonné. Pour reprendre le fufdit maffacre de la Saint Barthelemy & nôtre Roy Charles l'auteur , aucuns difoient , les plus paffionnez & animez dans le fang , que fi ce Roy avoit efté cruel par
trop

trop contre les Huguenots, ce n'avoit esté sans de tres-grands sujets qu'ils luy avoient donné & luy continuoient tous les jours. Sur tout la journée de Meaux l'irrita fort, car les autres se pouvoient pallier de quelque honneste couverture de Religion, ou conservation de leurs vies: mais cette journée se pouvoit appeller proprement un attentat sur la personne du Roy, de son frere & de la Reine, qu'ils eussent volontiers executé s'ils eussent peu, ainsi le disoit-on à la Cour: aussi le Roy disoit souvent qu'il ne leur pardonneroit jamais celle-là, & bien luy servit, disoit-il, qu'il fit bonne mine de defense parmy ses Suisses, avec lesquels marchant en bataille, entre autres beaux & animez propos qu'il leur dit, fut celuy, qu'il aymoit mieux mourir Roy que vivre serf & captif. La prise des armes du Mardy-gras luy toucha fort au cœur aussi, & s'anima encore plus contre les Huguenots pour avoir débauché & corrompu Monsieur son frere & le Roy de Navarre, & les avoir induits & poussez à se mesler parmy eux à luy faire la guerre en un estat tres-miserable de sa maladie, qui le tourmentoit & le languissoit peu à peu; au moins, disoit-il, s'ils eussent attendu ma mort, c'est trop m'en vouloir; & ne se laissant
t il

t-il pourtant tant aller au mal , qu'il ne se faisiſt des perſonnes de Monſieur , du Roy de Navarre & de Meſſieurs de Montmorency & Coſſé , & ordonna de faire la guerre à ceux qui luy avoient pris ſes places & eſtoient en armes , & jura & proteſta qu'auffi-toſt qu'il ſeroit guery , il dreſſeroit une groſſe armée contre tous les rebelles , & nul n'y commanderoit que luy ſeul , & jamais ne poſeroit les armes qu'il ne fuſt Roy abſolu , & donneroit tant de batailles & feroit tant d'efforts de guerre , luy toujours en perſonne , qu'il en verroit la fin ou qu'il y mourroit , & ſur tout s'il en venoit à bout il promettoit d'enrichir tous ſes bons ſerviteurs ; & puis il dit que de toutes façons de regrets , il égreſſoit ſon frere , fors en un , qu'il ne l'empêcheroit plus à commander en ſes armées ſur ces beaux deſſeins.

Il mourut le propre jour de la Pentecoſte l'an 1574, 3 heures après midy , ſur le point que les Medecins & Chirurgiens , & tous ceux de la Cour , le penſoient ſe mieux porter , car le jour avant il ſe portoit bien & nous croyions tous qu'il ſ'en alloit guery , mais nous donnaſmes de garde que ſur le matin il commença à ſentir la mort , laquelle il fit tres-belle & digne d'un grand Roy ,

Roy, & avant d'en estre plus fort affailluy fit appeller Mr. le Chancelier de Birague, & Mr. de Sauve, Secretaire d'Estat, en la presence de Mr. son frere & du Roy de Navarre son beau-frere, du Cardinal de Bourbon & plusieurs autres Seigneurs & plusieurs Gentils-hommes de la Cour, il allegua la puissance & autorité de la Loy Salique, à propos d'une seule fille qu'il laissoit de son mariage après soy.

Declara son frere, le Roy de Pologne, son vray heritier & successeur à la Couronne, & la Regente sa Mere en France, jusques à son retour. Le testament fut incontinent porté à la Cour du Parlement de Paris, qui, après en avoir ouy la lecture, l'approuva & homologua, contre l'opinion d'aucuns, qui ont dit & disoient alors, (mais c'estoit par affection à quelque party). Je sçay que les Roys ne peuvent tester, & leur testament est nul.

Il pria de plus Monsieur son frere de ne pervertir l'ordre, & ne conspirer aucunement contre l'Estat, dont il se doutoit par les conjectures passées, disant que les Royaumes s'acquierent par la vertu ou par succession, & ceux qui aspiroient autrement, faisoient une tres-mauvaise fin.

Il voulut que tous devant luy prestassent le serment d'obeïssance à sa Mere, qui estoit là devant, & de fidelité au Roy de Pologne; sur tout il commanda au Vicomte d'Auchy, qu'il aymoit bien fort, d'aviser bien à sa charge, qui estoit alors en quartier de Capitaine des gardes; mais il n'y eut grand esgard, car ce bon Seigneur mourut de regret & suivit son maistre bien-tost après, comme aussi Monsieur de la Tour, maitre de la garderobe: dignes gens d'estre loué par tout le monde & à toute éternité, d'avoir ainsi aymé leur maistre & vif & mort.

Il recommanda aussi son devoir à Poquenot, Lieutenant de ses gardes Suisses, qu'il aymoit bien fort, & le pria de faire ses recommandations à tous Messieurs les Cantons ses bons compesres, & de garder tousjours cette bonne amitié & fidelité, que de si long temps ils avoient portée à la France: & après plusieurs autres belles paroles & beaux actes Chrestiens, il mourut seulement âgé de vint-quatre ans moins vingt-huit jours, estant venu à la Couronne en l'âge d'onze ans.

Ce jour ensuivant son corps fut ouvert en presence du Magistrat, & n'y ayant esté trouvé au dedans aucune meurtrissure

sure ny tache, cela osta publiquement l'opinion que l'on avoit de la poison.

Monfieur de Strozze & moy en donnâmes avis à maistre Ambroise Paré, son premier Chirurgien; qui nous dit en passant & sans long propos, qu'il estoit mort pour avoir trop sonné de la trompe à la chasse du cerf, qui luy avoit tout gasté son pauvre corps, & ne nous en dit pas plus: surquoy aucuns prirent sujet de faire pour son tombeau ces deux vers:

*Pour aymer fort Diane, & Cytherée aussi,
L'une & l'autre m'ont mis en ce tombeau
icy.*

Si est-ce qu'on ne sçauroit oster aucuns d'opinion qu'il ne fust empoisonné dès que son frere partit pour Pologne, & disoit-on que c'estoit de la poudre de corne d'un lievre marin, qui fait languir long-temps la personne, & puis après peu à peu s'en va & s'esteint comme une chandelle. Ceux qu'on en a soupçonnées autheurs, n'ont pas fait meilleure fin: ainsi Dieu punit les forfaits de loin secretement, sans qu'on s'en donne garde: tant y a que les Medecins y perdirent leur Latin, d'autant que jamais il ne peurent bien connoistre la maladie. Car il luy survint une fièvre catartique,

tartique, qui tantost estoit quarte, tantost continuë, & pensoit Monsieur Matille, son premier Medecin, qu'il se porteroit de bien en mieux, ainsi que la fièvre diminuëroit. Mais sa maladie commença à s'augmenter quand il sceut que Monsieur son frere & le Roy de Navarre son beau-frere avoient fait tout plein de menées & conspirations contre luy & son Estat, dont-on en soupçonna quelque poison, enchantement & ensorcellement; qui fut cause qu'on mit en prison deux devins Italiens, & fit-on trancher la teste à la Mole & à Coconas, qui ont esté trouvez & convaincus coupables de ladite conspiration, comme j'ay veu d'autresfois leur procès & l'emprisonnement de deux Mareschaux, soit ou qu'ils avoient ou conseillé & poussé ces deux Princes, ou afin que par après ils ne luy peussent nuire ny faire plus de mal.

Quelques jours avant sa mort il se mit à discourir des peres & des enfans, disant que bien heureux estoient ceux-là, qui laissoient leurs enfans grands, & qu'il aymoit mieux mourir que de laisser son Royaume entre les mains d'un enfant, pour endurer beaucoup; car la France, qui estoit toute ruinée par la guerre civile, avoit besoin d'un homme.

Trois



Trois jours avant sa mort la Reyne luy dit comme le Comte de Montgomery estoit pris ; il n'en fit nul semblant : Quoy, luy dit-elle, mon fils, ne vous resjouïſſez-vous point de la prise de celui qui a tüé vostre pere ? Il respondit qu'il ne se soucioit de cela n'y d'autre chose. Cette response fut à la Reyne un presage de la mort prochaine de son fils, comme elle le dit après.

Le principal presage de sa mort fut une estoile ou comete, qui apparut & commença durant le siege de la Rochelle au plus profond de la Planete de Mercure, ce qui n'est jamais gueres venu, ainsi que disent les resveurs astrophiles, & estoit universelle & a esclairé un an.

Mais bien plus fut estrange une vision qu'il eut un peu avant ses nopces : ainsi qu'il estoit à la chasse dans la forest de Lion près Rouën, tres-belle & plaisante, un feu s'apparut à luy de la hauteur d'une pique ; les veneurs & piqueurs s'enfuïrent, mais le Røy n'ayant aucune frayeur, sans s'estonner & fort asseuré, mit la main à l'espée, poursuit ce feu luy tout seul jusques à ce qu'il s'esvanouit. Il dit après à plusieurs, comme j'ay ouï dire aussi, qu'il n'avoit eu peur aucunement, sinon quand il eut per-

perdu ledit feu de veuë, & que lors se
 ressouvenant d'une raison que son Pre-
 cepteur luy avoit apprise en son jeune
 âge, il la commença à dire, *Deus ad-
 jutor meus, sis mihi in Deum, in adjutorium
 meum.* -

En cette forest il avoit fait jetter les
 premiers fondemens de la plus superbe
 maison qui fut jamais en France, & la
 nomma Charleval, à cause de la situa-
 tion, qui est une vallée, & de son nom.

Ce brave Roy montra bien en cet acte
 le vision qu'il estoit tres-hardy & tres-
 fleuré, & puis qu'il se montra la tel,
 il l'eust bien fait ailleurs, car il n'y a rien
 de si effroyable que telles visions. Or
 pour reprendre encore un peu son genre
 le mort que son epitaphe a escrit cy-
 levant.

Je ne puis pas bien croire que Venus
 soit tant la cause que Diane l'a esté; car
 je me souviens qu'en son plus verd âge
 de dix-sept à dix-huit ans, estant un jour
 fort persecuté du mal de dents, & ses
 Medecins ne pouvant y appliquer aucun
 remede pour luy en oster la douleur, il
 eut une grande Dame de la Cour, &
 qui luy appartenoit, qui luy en fit une
 recepte, dont elle en avoit usé pour el-
 le-mesme, & s'en estoit tres-bien trou-
 vée, mais elle ne servit de rien à luy,
 &

& le lendemain ainsi qu'elle luy eust demandé comme il s'en estoit trouvé & que luy eust répondu que nullement bien, elle luy repliqua, Je ne m'en estonne pas, Sire, car vous ne portez pas d'affection ny ajoutez foy à nous autres femmes, & faites plus de cas de la chasse & de vos chiens que de nous autres; dont il luy dit, Avés cette opinion de moi que j'ayme plus l'exercice de la chasse que le vostre? Et par Dieu; si je me dépite une fois, je vous joindray de si près tous vous autres de ma Cour, que je vous porteray par terre les unes après les autres, ce qu'il ne fit pas pourtant de toutes, mais en entreprit aucunes; plus par reputation que par lasciveté, & tres-sobrement encore, & se mit à choisir une fille de fort bonne maison, que je ne nommeray point pour sa maistresse, qui estoit une fort belle, sage & honneste Damoiselles, qu'il servit à tous les honneurs & respects qu'il estoit possible, & plus, disoit-il, pour façonner & entretenir sa grace, que pour autre chose, n'estant rien, disoit-il, qui façonnaist mieux un jeune homme que l'amour logée en un beau & noble sujet, & a tousjours aymé cette honneste Damoiselle jusques à la mort, bien qu'il eust sa femme, l. Reyne Elisabet, fort agreable & ayma
bl.

ble Princeſſe, & ayma fort auſſi Marie Tocoffie, dite autrement Toucher, fille d'un Apoticaire d'Orleans, très-excellente en beauté, de laquelle il eut Mr. le grand Prieur, dit aujourd'huy Monſieur le Comte d'Auvergne, un tres-beau & agreable Prince, & la vraye reſſemblance du pere en toute valeur & generoſité & vertu.

Cette belle Dame, lors qu'on traittoit le mariage du Roi & de la Reine, un jour ayant veu le portrait de la Reine & bien contemplé, ne dit autre choſe ſinon que, l'Allemagne ne me fait point de peur; inferant par là qu'elle preſumoit tant de foy & de ſa beauté, que le Roy ne s'en ſçauroit paſſer. Etant à la mort il commanda à Mr. de la Tour, Maſtre de la garderobe, de luy faire ſes recommandations, & n'en oſa jamais parler à la Reine ſa mere. Aucuns ont voulu dire que durant ſa maladie il s'eſchappa après la Reine ſa femme & s'y eſchauffa tant qu'il en abregea ſes jours; ce qui a donne ſujet de dire que Venus l'avoit fait mourir avec Diane, ce que je n'ay ſceu croire, car il ne s'en parloit à la Cour parmy les bouches les plus dignes de foy, car j'y eſtois.

Pour quant à l'exercice de Diane, je le croy fort bien, car il y eſtoit fort

violemment adonné, fust à courir & à piquer après le Cerf, fust à beau pied à le destourner avec le limier, & y estoit si affectionné qu'il en perdoit le dormir, estant à cheval avant le jour pour y aller, & se peinoit aussi fort à appeller les chiens, fust de la voix fust de la trompette : il aymoît aussi fort l'exercice des chevaux & à les piquer, & ceux qui alloient plus haut c'estoient ses favoris, comme j'ay veu le Morceau superbe, qui alloit à deux pas & un saut, & d'un tres-haut & bel air; aussi estoit-il fort adroit & l'y faisoit beau voir à Bayonne devant les Espagnols, qui l'admiroient, & sur tout le Duc d'Albe, & mesmes en âge si tendret de quize ans qu'il estoit. S'il estoit adroit à cheval, il l'estoit aussi à pied, car il tiroit fort bien des armes & de bonne grace & fort rudement, Je me souviens qu'après la premiere guerre, huit ou neuf mois après, la Reine voulut qu'il se fist à Fontainebleau un fort beau Mardy-gras, des festins, mascarades, combats & tournois; elle commença la premiere de bonne heure le Dimanche, Mr. le Lundy, & le Roy le Mardi, là où il fut couru en lice, contre le serment pourtant que la Reine avoit juré de n'en permettre jamais, depuis qu'elle vit mourir le Roi son mary: les deux tenans estoient

estoit Monsieur de Nemours & Monsieur le Prince de Condé ; le camp estoit devant le Cheny, tres-beau certes & tout entourné de beaux fossez & barrières : les deux tenans se tenoient dans le Cheny, qui representoit le palais d'Apollidon. A l'entrée du camp il y avoit un hermitage, où se tenoit un Hermite, qui respondoit à tous les venans combattans, lors qu'ils sonnoient une petite clochette de l'Hermitage, & après avoir parlé à eux & sceu leurs noms, il les venoit rapporter aux tenans, pour sçavoir s'il les laisseroit entrer ; ce qu'ils permettoient aussi-tost, pour n'en refuser jamais homme. Tout cela estoit de l'invention de la Reyne & du brave Monsieur de Sipiere ; & puis rompoient leurs lances, & hors de la lice donnoient coups d'espée. Nostre Roy, qui estoit encore fort jeune, mais pourtant fort dépité qu'il ne s'en métoit, bien qu'il fust bon homme de cheval, en voulut fort estre, mais la Reyne ne voulut point qu'il s'en messast, ny Monsieur aussi, qui estoit bien plus foiblet ny si avisé que le Roy ; fut avisé par la Reyne & par Monsieur de Sipiere que tous deux combatroient à pied en camp clos, dans lequel nous vîmes entrer le Roy avec une espée & une dague

forgée fort gentiment, qui paroïſſoit tranchante & fort piquante, mais point contre luy ; vint avec meſmes armes Pompée, Milanois, qu'il l'avoit appris à danſer & faire des armes ; ils tirerent tous deux leurs coups les uns contre les autres, le Roy monſtrant les armes ſi belles en la main, & une aſſurance belle de combattant, qu'il vint à porter par terre ledit Pompée & par ſainte le tuer. Comparut après Mr. ſon frere avec une eſpée & une rondelle contre Silvie, ſon tireur d'armes avec meſmes armes, qui en firent de meſme, & vinrent après des Diables, qui ſortirent d'entour l'Hermitage, qui prirent le morts & avec grands hurlemens, feux & joyes les emporterent. Tout cela eſteinte fut tres-beau & plaïſant à voir qui ſe voudroit amuſer à le repreſenter. Du depuis on jugea tousjours les armes fort belles entre les mains du Roy, & non tant entre celles de Monſieur, que de ſon naturel n'aymoit point tant le exercices violens que le Roy ; mais depuis il changea bien aux guerres & armées, où il ſe trouva pour ce ſujet ſeulement, mais non pour tous univerſellement, comme le Roy, juſques-là qu'il fit dreſſer une forge, & l'ay veu forge canons d'harquebuſes, fers de chevaux :

& autres choses, aussi-bien que les plus robustes maréchaux & forgerons qui furent aux forges : il voulut tout sçavoir & faire jusques à faire l'escu, le doublé ducat, le teston & autre monoye, ores bonne & de double aloy, ores falsifiée & sophistiquée, & prenoit plaisir à la monstrier ; voire qu'un jour je le vis qu'il en monstra à Mr. le Cardinal de Lorraine, Voilà, disoit-il, Mr. le Cardinal, ce que j'ay fait, celle là est bonne, celle-là ne vaut rien, mais monstrez-là à qui vous voudrez éprouvez là à la coupelle ou au feu, elle se trouvera bonne, Monsieur le Cardinal ne luy sceut que respondre, sinon de luy dire, Ah Dieu ! Sire, vous pouvez faire ce qu'il vous plaira ; car vous portez vostre grace avec vous, la justice n'y a rien à voir, ny que vous prendre, comme elle feroit sur un autre. Il voulut un jour sçavoir des finesse de coupeurs de bourse & enfans de la matte en leurs larcins, & pour ce il commanda au Capitaine la Chambre, qu'il aymoit, (car il aymoit toutes sortes de gens habiles) de luy amener un jour de festin & bal solemnel dix ou douze enfans de la matte des plus fins, & coupeurs de bourse & tireurs de laine, & que hardiment ils vinssent sur sa foi & en toute seureté, & qu'ils jouassent hardiment

leur jeu , car il leur promettoit tout , & après qu'ils luy rapportassent tout le butin , comme ils en font le serment , car il le vouloit tout voir , & puis leur redonneroit. Le Capitaine la Chambre n'y faillit pas , car il vous en amena dix , treize sur le volet , desliez & fins à donner , qui les presenta au Roy , auxquels il trouva tres-belle façon & bien habillez & braves comme le bastard de Lupé , & se voulant mettre à table & puis au bal , il leur recommanda de jouer bien leur jeu , & qu'ils luy fissent signe quand ils muguetteroient leur homme & leur Dame , car il avoit recommandé & hommes & Dames , sans espargner aucunes personnes. Le Roy à son disner ne parla gueres cette fois aux uns & aux autres , sinon par boutades , s'amusant à voir le jeu des autres , qu'il rioit quand il voyoit les autres faire signe qu'ils avoient joué leurs farces , ou qu'il les voyoit desniaiser leur homme ou femme ; ils en firent de mesme à la presse du bal , & enfin après le disner & le bal , il voulut tout voir au bureau du butin , & trouva qu'ils avoient bien gagné trois mille escus , ou en bourses & argent , ou en pierreries , perles & joyaux , jusques à aucuns qui perdirent leurs capes , dont le Roy cuida crever de rire , outre

tre tous les larcins , voyant les galands devalisez de leurs capes & s'en aller en pourpoint comme laquais. Le Roy leur rendit à tous le butin , avec commandement & défense qu'il leur fit exprés de ne faire plus cette vie, autrement qu'il les feroit pendre s'ils s'en mesloient jamais plus , & qu'il s'en prendroit au Capitaine la Chambre , & qu'ils l'allas-
sent servir à la guerre. Il voulut sçavoir la poësie & se mesler d'en escrire & fort gentiment : Monsieur de Ronsard en a monstre en son livre quelque petit eschantillon , & m'estonne qu'il n'en a monstre davantage , car il a bien plus composé que cela , & sur tout des quadraings, qu'il faisoit fort gentiment, prestement & in promptu, sans songer, comme j'en ay veu plusieurs , qu'il daignot bien quelquefois monstrier à ses plus privez , en sortant de son cabinet , & mesmes aucuns qu'il adressoit à Mr. Nicolas, l'un de ses Secretaires, fort honneste homme & bon compagnon , qui estoit fort heureux à en faire & rencontrer de tres-bons & plaisans qu'il adressoit au Roy, & le Roy aussi-tost attaqué se defendoit, disant qu'il y alloit de son honneur, s'il ne respondoit de mesme. Bien souvent quand il faisoit mauvais tems, ou de pluye ou d'un extrême chaud , il en-

voyoit quefir Messieurs les Poëtes en son cabinet, & là passoit son temps avec eux, & prenoit ce temps-là à propos, car lors qu'il faisoit beau il estoit tousjours hors de la chambre en compagnie en action, ou à jouer à la paulme, qu'il aymoît fort & s'y efforçoit par trop, à sauter, à jouer au paillemail; bref, en plusieurs autres plaisans & violens exercices hors la maison, qu'il haïssoit estrangement, disant que les sejours des maisons, palais & bastimens, estoient le sepulcre des vivans. Entr'autres Poëtes qu'il aymoît le plus, estoient Messieurs de Ronfard, d'Orat & Baïf, lesquels il vouloit tousjours qu'ils composassent quelque chose, & quand ils la luy apportotent il se plaisoit fort à la lire ou à la faire lire, & les en recompensoit, non pas tout à coup, mais peu à peu, afin qu'ils fussent contrainsts tousjours de bien faire, disant que les Poëtes ressembloient les chevaux, qu'il falloît nourrir & non par trop saouler & engraisser, car après ils ne valent rien plus. Il fut mieux disant & escrivant en prose qu'en rime, & sur tout fort eloquent, & parloit bravement & hardiment, autant ou plus à la soldate qu'à la Royauté, & qu'il avoit appris de Monsieur de Sipierre, qui parloit à mon gré François, Espagnol & Italien, mieux que
Gen-

Gentil-homme & homme de guerre que j'aye jamais veu, & pour ce le Roy se voulut façonner à ce beau dire plustost qu'à celuy, disoit-on, du Perron, depuis Marechal de Rets, qui parloit certes fort bien. Monsieur Amiot, son Precepteur, y avoit bien operé aussi, pour luy apprendre le bon, orné & eloquent parler, mais non la grace ny la façon belle, ny le geste brave, ainsi qu'on a veu souvent parler aux grands Seigneurs estrangers qui venoient vers luy, & Ambassadeurs, qui laresonnoient, parmy lesquels nullement s'estonnoit, mais montrant une majesté & contenance assurée, les escoutoit fort bien la teste un peu panchante; ce que le Roy son frere après luy ne faisoit, car il la haussait fort, à plein visage & à regard fixe, & l'œil bas, & puis après avoir tout ouy il repondoit pertinemment & de belle eloquence, si bien qu'il en ravissoit tous ces Messieurs & s'en parloient de luy avec grande admiration. Il fit une fois une harangue à Messieurs du Parlement à huis ouverts, qui ne vouloient passer quelques Edits qu'il avoit arrestez; en premier lieu il loua fort la Reyne sa mere, qu'il aymoît, honoroit & craignoit fort tout ensemble, disant qu'il luy estoit tenu de sa vie & de

son Royaume : puis il n'oublia l'amitié & bonne volonté que son frere Henry luy portoit , & après se plaignant de sa justice & de la corruption qui y estoit, & des refus de ses Edits, C'est à vous autres, dit-il d'une audace brave & quasi menaçante , d'obeir à mes ordonnances , sans disputer & contester quelles elles sont , car je sçay mieux que vous ce qui est propre & convenable pour le bien & profit de mon Royaume. N'ayant point encore de barbe au menton il tint ces propos devant ces vieux & sages personnages , qui tous s'esmerveillerent d'un si brave & grave langage , qui sentoit plus son genereux courage que les leçons de Monsieur Amiot son Precepteur , qu'il avoit pourtant bien instruit , & qu'il ay-
moit fort & luy avoit donné de bons & beaux benefices , & fait Evêque de Lizieux , & l'appelloit tousjours son maître , & se jouant quelquefois avec luy, reprochoit son avarice & qu'il ne se nourrissoit que de langues de bœuf ; aussi estoit il fils d'un boucher de Melun, & falloit bien qu'il mangeast de la viande qu'il avoit veu apprestier à son pere : osté cette avarice c'estoit un grand & sçavant personnage en Grec & Latin, tesmoin les belles & eloquentes traductions qu'il a faites de Plutarque, qu'au-

qu'aucuns pourtant ses envieux ont voulu dire qu'il ne les avoit pas faites, mais un certain grand personnage & fort sçavant en Grec, qui se trouva par bon cas pour luy prisonnier dans la Conciergerie du palais de Paris & en necessité ; il le sceut là , le retira & le prit à son service , & eux deux en cachette firent ces livres, & plus luy les mit en lumiere en son nom : mais c'est une pure menterie, disoit-on, que les envieux luy ont prestée, car c'est un seul qui les a faits ; & qui l'a connu, sondé son sçavoir & discouru avec luy, dira bien qu'il n'a rien emprunté d'ailleurs que du sien. Pour fin il nourrit très bien ce brave Roy , & sur tout fort Catholiquement. Il avoit pris cette coustume qu'à toutes les festes, après qu'il luy avoit fait baisser l'Evangile qui s'estoit dit à la Messe, comme d'ancienneté cela se fait aux Roys , il prenoit le livre & se mettoit près de luy, & luy lisoit cet Evangile dit, & le luy expliquoit & interpretoit. Avant luy Monsieur le Cardinal de Lorraine avoit ainsi commencé au feu Roy François second, comme je l'ay veu & plusieurs autres avec moy. Le Roy Charles oyoit fort attentivement cette leçon & la Messe, & se levoit, bien souvent & s'en alloit chanter à l'imitation du

teu Roy Henry son pere, qui en faisoit de mesme au lutrain avec ses chantres, & se mettoit parmy eux & chantoit sa taille & le dessus fort bien, & aymoit ses chantres; & sur tout estima le Roy dit Mr. de St. Laurens, qui avoit une tres-belle voix. Le Roy après son frere chantoit tres bien aussi, mais ils estoient differens tous deux en leurs airs qu'ils chantoient; & en ceux qu'ils avoient ouy chanter à d'autres; bref, je suis confus en tant de divers sujets qui se presentent à moy pour louer ce grand Roy Charles, que pour mon honneur il faut que je quitte la plume & que je ne le loue plus; car en pensant bien dire je pourrois faillir, dont je m'estonne de ce que Mr. Amiot, Mr. de Rets, ou Mr. de Villeroy, qui sçavent si bien dire & escrire, que le Roy a tant aymez & cheries, & leur a tant fait de biens, qu'ils n'aient esté curieux de faire une recherche après la mort de tous ses beaux faits, mots & dits, & en composer un grand livre & le dedier à la posterité; ils en eurent aussi ample matiere comme celuy qui fit pareille recherche de ceux du grand Alphonse Roy de Naples, que nous voyons & lisons encore aujourd'huy, & m'assure que ceux de nostre Roy les vaudroient bien, voire les surpasseroient.

roient. Je m'estonne bien que mondit Sieur de Rets, ou Mr. de Villeroy, n'ont fait imprimer & mis en lumiere ce beau livre de la chasse & venerie qu'il a composé, dans lequel il y a des avis & secrets que jamais veneur ne sceut ny ne peut atteindre, ainsi que j'en ouïs discourir quelquefois audit Mareschal de Rets de quelques tres-rares traits qui sont là dedans descrits avec un tres-beau & tres eloquent langage.

Pour le moins ce livre serviroit & donneroit à la posterité admiration de ce Roy pour eternelle memoire, qu'il avoit esté un Roy fort parfait & universel, & les Grands qui fussent venus après luy, eussent trouvé ce livre plus rare & plus excellent pour avoir esté composé & fait du sens & de la main de ce grand Roy, & n'eust demeuré sans grande loüange à luy pour jamais, car, comme luy dit Mr. de Ronsard, les beaux palais & bastiment sont sujets à ruïne & ne durent que quelque temps, voire les genereux actes & beaux faits, mais les escrits durent eternellement.

MEMOIRES DE
DISCOURS

*Sur les COLONELS de l'Infanterie
de France.*

A Prés avoir parlé des grands Capitaines & Generaux d'armée, il faut parler des Colonels de l'Infanterie de France, & pource que je fais ce discours, sur l'occasion & sur le point duquel j'en fis un jour aviser ce grand & brave Prince Monsieur de Nevers, qui m'avoüa franchement ne s'en estre jamais apperceu ny avisé, & d'autant, dit-il, après le tenir & l'avoir appris de moy, qui estoit qu'avant la creation du Colonel general des bandes Françoises, tant de ça que de là les Monts, que fit le Roy François premier de Mr. de Tais, qu'il n'y en avoit eu jamais en France de General, mais de particuliers prou. Et sur ce plusieurs que nous estions à sa table, nous en mîmes à discourir & deviser, & c'estoit à l'Abbaye de Bonneval en Beauce, lors que Monsieur frere du Roy partit la premiere fois mal-content de la Cour; entr'autres il y avoit de vieux Capitaines, tant François que d'ex-
pe-

perimentez Italiens, qui fussent au service de la France, comme le Seigneur Petro Paulo Touzin, qui a tousjours fort fidelement & vaillamment servy nos Roys; il y avoit aussi le Capitaine Bernardo, bon Capitaine & bon François, & pour ce fut tué d'un coup de pistolet à Paris par l'apostement & pourchas du Duc Cosme de Florence, disoit-on, il y avoit aussi de vieux Capitaines & Gentils-hommes François, qui tous ensemble condescendoient à mon opinion, sans pourtant y avoir jamais pris garde qu'à ce coup-là, dont pour ce j'allegue icy des textes & exemples, mais un peu plus que je ne fis alors, & allongeray davantage mon discours.

Premierement quant à l'etimologie de ce mot Colonel, à ce que j'en ay ouy dire à de vieux & anciens Capitaines, tant François, Espagnols, qu'Italiens, les uns l'escrivent Colonel par L, comme voulant dire que celuy qui est le principal Chef de l'Infanterie, est dit ainsi, parce qu'ainsi qu'une colonne est ferme & stable, & sur laquelle on peut asseoir & on asseoit quelque grande pesanteur & l'appuye-t-on fermement, aussi celuy principal qui commande à l'Infanterie, doit estre ferme & stable, & le principal appuy de tous les soldats,

dats, soit pour les commander , soit pour les soustenir comme une bonné, belle & puissante colonne , à laquelle tous les sôldats doivent tendre & viser & s'y soustenir. D'autres disent Couronnel avec R , dautant que celuy qui est le chef general , a esté esleu ou couronné de son Roy ou de son Superieur, ou de toute l'Armée , pour leur commander , comme triomphant & couronné par dessus tous les autres. Les uns en ont parlé encore d'autre façon diversement & selon leur opinion ; je m'en rapporté à eux , sans m'amuser d'en chaffourer le papier ; & ce nom est venu , à ce que j'ay ouy dire à Monsieur de Montluc , des Italiens & Espagnols ; les Allemands en ont aussi usé & en usent , & l'avons emprunté d'eux en nos guerres à l'encontre d'eux & parmy eux , & pratiqué parmy nous autres , car auparavant ce mot n'estoit point en usage. Je mets à part les Romains , car ce mot leur estoit inconnu , & chacun commandoit à sa Legion : bien est vray qu'avant le combat , les Consuls, Preteurs, Dictateurs & Generaux de leurs armées, leur ordonnoient leur forme, rang & champ de bataille , & bien souvent mettoient pied à terre pour combattre avec l'Infanterie, comme nous lisons de ce brave
Ce-

Cesar, qui bien souvent à servy de Colonel, comme de Sergent major, s'il nous en faut parler ainsi, à son Infanterie; aussi estoit-il bon homme de pied & de cheval, comme Monsieur du Bellay en son Art militaire dit qu'il est besoin qu'un General mette quelquefois pied à terre; comme fit l'Empereur Charles à l'expédition de Tunis, & Monsieur de Nemours à la reprise de Bresse, comme j'en parle ailleurs, & Monsieur le Marechal du Bié en la Comte d'Oye en un exploit qu'il y fit, j'en parle aussi ailleurs, & comme fit le Roy Edouard à la bataille qu'il donna au Comte de Verue, qu'il vainquit & y fut tué, comme dit Philippes de Commines; & aussi que les plus grands Seigneurs d'Angleterre jadis mettoient pied à terre avec les gens de pied, pour les bien animer au combat, comme cela y fait beaucoup, & comme firent ces deux braves Seigneurs Monsieur d'Orleans & le Prince d'Orange, à la bataille de Saint Aulbin, & force autres que je dirois bien; mais je m'en tais pour éviter la prolixité. Il y a aucuns qui ont voulu dire que les Tribuns des gens d'armes estoient comme Colonels, mais ils commandoient à Infanterie & Cavalerie; toutefois prenez le cas que de-

depuis ils aient esté départis & que l'un qui estoit, aujourd'huy est le Colonel de l'Infanterie, & l'autre est le Colonel de la Cavalerie legere; & sont deux ainsi separez. D'autres ont dit que c'estoient Mareschaux de camp; je m'en rapporte à ce qui en est & que j'en ouys un jour bravement discourir à feu Monsieur de Carnavalet, brave & vaillant Seigneur, Gouverneur de nostre Roi Henry III, & qui sçavoit tous les commentaires de Cesar en Latin par cœur, ce qui estoit fort curieux de l'Antiquité, & mesme pour le fait de la guerre, dont je m'en rapporte aux plus sçavans que moy pour en discourir, car j'aurois peur de me deferer si je m'y enfonçois si avant. Touchant à nos François, aucuns ont dit que le grand maistre des Arbalestiers estoit ce que nous disons aujourd'huy le grand maistre de l'Artillerie, & mesme encore parmy les Estats de nos Roys se trouve le maistre l'Artiller, qui est celuy que se mesle de faire des Arbalestes, des traits & des flèches, que j'ay veu faites & élaborées d'eux, tres-gentiment & proprement marquetées, & aussi se mesloient de faire des fusées. J'ay veu le feu Roy Charles, qui faisoit bien valoir cet estat & le faisoit bien mettre en besogne. D'autres disent que ce

maî-

maître d'Arbalestiers doit estre plustost converty en nom de Colonel , ou de celuy qui commande à l'Infanterie ; & y a plus d'apparence , d'autant que le temps pesse au lieu des harquebusiers d'aujourd'huy, estoient tous arbalestiers. Je m'en rapporte encore à nos chercheurs de mots & estats antiques de nôtre France qu'ils n'y trouvent gueres grand cas, ny de beau de l'Infanterie de France d'alors , car la pluspart n'estoit composée que de marauts belistres , mal armez , mal complexionnez , faineants , pilleurs & mangeurs de peuple , les uns un temps se sont appelez brigans , à cause des brigandines & armes dont ils estoient armez & endossezz, d'autres francs archers, comme le franc archer de Bagnolet, dont est la chanson, qui furent après cassez par le Roy Louys XI. & en leur place prit des Suisses ; les autres s'appelloient seulement archers , qui s'aidoient de l'arc, dont les Anglois pour lors s'en faisoient appeller maîtres, tesmoin la bataille de Poitiers du Roy Jean & autres combats, & depuis les Gascons, qui furent leurs sujets, tenanciers & apprentifs sous leurs enseignes, & les ont surpassiez, car il n'y a que l'arbalestier Gascon de jadis & d'aujourd'huy encore ; d'autres les ont appelez rustres, ainsi que nous

nous-lisons dans le Roman de Monsieur de Bayard, que Monsieur de Bayard dit à ses rustres, appellant ainsi ceux auxquels il commandoit; d'autres les ont appelez aventuriers de guerre, tirez de là les Monts, & aussi que tels les trouverez-vous, même dans les vieux Romans du Roy Louys XII. & du Roy François premier, au commencement, & peints & representez dans les vieilles peintures, tapisseries & vitres des maisons anciennes, & Dieu sçait comment representez & habillez, plus à la pendarde vraiment, comme l'on disoit de ce tems, qu'à la propreté, portant des chemises à longues & grandes manches, comme Bohemes de jadis & Mores, qui leur duroient vestus plus de deux ou trois mois sans changer, ainsi que j'ay ouï dire à aucuns, montrant leurs poitrines veluës & peluës & toutes descouvertes, les chausses plus bigarrées, decoupées, dechiquetées & ballafrées, usant de ces mots, & la plus-part montroient la chair de la cuisse, voire des fesses: d'autres plus propres avoient du taffetas, en si grande quantité, qu'ils les doubloient & appelloient chausses bouffantes, mais il falloit que la plus-part montraissent la jambe nuë une ou deux, & portoient leurs bas deschauffez pendant
à la

à la ceinture : encore aujourd'huy les Espagnols usent de ce mot *aventureros*, mais ce ne sont pas soldats gagez ny soldoyez, mais qui y sont pour leur plaisir, soient soldats ou Gentils-hommes, tous les appellent ainsi ceux qui le tirent paye ; mais ils disent ; quand ils veulent nombrer leurs gens de guerre en une armée, apres avoir conté les soldats gagez, ils disent, outre cela ay *aventureros tanto*, selon qu'il y en a aujourd'huy. En nostre France les appelle-t-on soldats de fortune. Voilà la difference des aventuriers d'aujourd'huy à ceux-là du temps passé, lesquels outre ce que j'en ay dit, prenoient plaisir à estre les plus mal en point qu'ils pouvoient, jusques à marcher les jambes nuës & porter leurs chausses à la ceinture, comme j'ay dit ; d'autres avoient une jambe nuë & l'autre chaussée à la bizarre. Surquoy il me souvient qu'on combat à la barriere se faisant un jour à la Cour, en la basse salle du Louvre, apres les premiers troubles, entr'autres combattans comparut & entra le Capitaine Bruno, gentil Cavalier certes, mais bien bizarre en tout ; il estoit fort bien en point & bien habillé, il avoit une jambe chaussée & l'autre nuë : les vieux Capitaines, qui estoient pour lors à la salle, dirent &

con-

confirmerent que les soldats avanturiers du temps passé alloient ainsi chauffez à la bizarre, & ainsi l'entendoit ledit Capitaine Bruno encore de nostre temps. Mesmes au voyage d'Allemagne j'ay ouï dire que force Capitaines & soldats, quand ils vouloient aller à un assaut, coupoient leurs chauffes à leurs genoux tout à l'instant, parce qu'elles estoient toutes d'une venue & attachées en haut, afin qu'ils peussent mieux monter à l'assaut. Pour lors les bas d'estame ny de soye n'estoient pas en usage.

Or avant ce nom d'aventurier pratiqué, aucuns appelloient les soldats laquais, mesme dans Monstrelet; & vous trouverez un Capitaine Ramounet, assiéger par Maximilian l'Archiduc dans Maloncy, tenant pour le Roy Louys XI, la place fut prise, & luy fut pendu avec aucuns de ses laquais, dit-il ainsi, dont le Roy Louys après en fit belle vengeance. Voilà comme il appelle les soldats laquais; ce que j'ay veu confirmer en mes jeunes ans à aucuns vieux routiers, mais ils les appelloient les al-laquais, comme voulant dire les gens à pied allant & marchant près leurs Capitaines, comme aujourd'huy nous appelons ceux qui vont en devant ou après nous, laquais, comme font aujourd'huy les

les estaffiers en Italie, en Espagne & en France les valets à pied, qui sont bons à pied à faire messages & mettre la main à l'espee, dont par ainsi ne se faut esbahir si aujourd'huy nous voyons si braves Capitaines & soldats sortir des laquis. Ledit Monstrelet appelle aussi lesdits soldats pietons, comme aussi Monsieur du Bellay en son livre de l'Art militaire. Froissard les appelle soudoyers, quelquesfois archers; mesme quand on parle des Anglois quelquefois il les appelle pillards, par ce propre nom, ainsi qu'il dit en un passage, Il y avoit quatre cens lances & deux mille pillards; voilà un plaissant nom pour nos gens de pied, lequel est aujourd'huy fort propre à aucuns, voire plus que celuy de soldats. Or depuis tous ces noms se sont perdus & se sont convertis en ce beau nom de soldat, à cause de la solde qu'ils tirent. Les Espagnols & Italiens nous les ont mis en usage, encore que quelquefois les Italiens les appellent fantassins, mais l'Espagnols use tousjours de ce mot *soldados*, qui est le plus beau nom qu'on peut imposer aux gens de pied, & n'en déplaist aux Latins avec leurs mots *Milites* & *pedites*, qui sont fort sots & laids auprès de celuy de soldats, L'Espagnol usoit aussi de ce mot *poenes* jadis, comme
nous

nous disons pietons. Pour quant aux Chefs qui leur commandoient, ils ne s'appelloient parmy nous que Capitaines simplement, car le nom de Colonel ny de Mestre de camp n'estoit point encore né en France. Du temps du Roy Louis XI, le principal qui commandoit à son Infanterie, estoit le Capitaine Flocquet, qui fut tüé à la bataille de Montlhery, dont on faisoit un fort grand cas & fut fort regretté. Paul Jove décrivant l'armée du petit Roy Charles VIII dans Rome, représentée en son histoire la plus superbe & la plus furieuse en ses armes, visages, démarches, contenances & habits, que c'estoit une chose tres-espouvantable à voir, tant François, Allemans & Suisses, ny là ny ailleurs nous ne lisons qui des François eut la principale charge de l'Infanterie Française, ou qui en fut General. Il faut croire qu'il n'y avoit donc que leurs Capitaines commandant chacun à leurs enseignes & bandes, sous lesquelles se rangeoient des bons hommes, mais la plupart de sac & de corde, meschans garnemens eschappez de la justice, & sur tout force marquez de la fleur de lys sur l'espaule, efforillez, & qui cachoient les oreilles, à dire vray, pour long cheveux heriffez, barbes horribles, tant
pour

pour cette raison que pour se monſtrer plus effroyables à leurs ennemis, comme faiſoient jadis les Anglois, ainſi que dit Ceſar, qui ſe frottoient le viſage de paſtel, pour plus grand effroy diabolique, & que font aujourd'huy nos Reſtres: mais le monde n'eſt plus enfant & n'a plus peur de ces faux viſages ny loups garons, ainſi que nous liſons en un petit livre Eſpagnol des guerres de Milan ſous le Roy Louys XII. d'un Capitaine Suiſſe, qui s'appelloit Tocquet; je penſe que celui que nous avons veu en France fort aymé du Roy Charles IX. & Capitaine de ſa garde Suiſſe, eſtoit ſon parent; celui donc marchoit tousjours veſtu de pied en cap de peaux d'Ours, fort pelli, les chevaux longs & harifſez, avec la barbe pareille de forte qu'à le voir on l'eût pris pour un Diable ſauvage, avec ſa grande & démeſurée taille, ſi bien qu'il faiſoit peur à *los vilajos que lo miraven, ma no á los determinados*, ce dit le livre, qui faiſoit peur aux peureux qui le regardoient, mais non aux determinez & affurez. Voilà les bizarreries de nos Capitaines & ſoldats de jadis.

Or le Roy Louys XII. eſtant venu à la Couronne & ayant retiré Milan, qui luy appartenoit, & le Royaume de

Naples de mesme, pour les aquerir & garder il fit de belles guerres & continues, tant contre les Italiens qu'Espagnols; pour ce nostre Infanterie Francoise commença à se façonner un peu mieux, fors qu'ils ne se pouvoient accommoder à ces harquebuses, & avoient tousjours en singuliere recommandation les arbalestes, & en rendoient de bons combats; si bien que j'ouis dire à Naples, que la ville alors ayant esté reprise & regagnée par les Espagnols, il y eut une douzaine d'arbalestiers Gascons, qui estoient pour la garde de la tour de Saint Vincent, qui s'y opiniastrerent si bien avec leurs arbalestes, qu'ils ne peurent estre pris ny chassés de deux mois après que la munition de leurs arbalestes leur faillit, & sortirent en bonne disposition. Pourtant l'Empereur Charles après la Goulette prise, & qu'il s'achemina vers Tunis, toujours marchant en bataille, & que les Mores & Arabes le venoient tant agacer & importuner, il souhaitta d'avoir une compagnie d'arbalestiers à cheval, cela se dit dans Pau Jove. Quelle humeur? puis qu'il avoit de ces bons harquebusiers Espagnols pourtant il y avoit là à discourir. O puis après ledit Roy Louys, lors que les Gennois se revolterent de son obeïssance

sance , il dressa une fort grosse armée pour prendre leur ville , & d'autant qu'il avoit besoin d'Infanterie plus que de Gendarmerie , il bailla sa charge à plusieurs Capitaines & braves Gentilshommes François de bonne maison , comme aux Seigneurs de Maugiron ; de Vandenesse , d'Espic , de la Crette , de Bayard , de Normanville , de Montcauray , de Rostillon de Treuil , de Silly le cadet , de Duras , le Capitaine Odet , le Capitaine Imbaut , le Chevalier Blanc & plusieurs autres , desquels ny les uns ny les autres n'avoient charge de Colonel ny le nom de Mestre de Camp. Nous lisons dans les Romans de Bayard , qu'il luy donna aussi charge de mille hommes de pied , ce que voyant il l'accepta , encore qu'il eust fait profession plus de cheval que de pied , mais à luy tout estoit de guerre , toutefois il dit & remontra au Roy , qu'il avoit trop de gens sous sa charge que ces mille , pour s'en aquiter tres-dignement. Aujourd'huy nos Mestres de Camp ne font pas cela , car ils en prennent trois mille , quatre mille , dix mille , voire vingt mille , tant qu'on leur en donne , jusques à les entasser & saouler ; aussi sont-ils de belles glissades & faux pas. Parquoy il le pria

de ne luy en donner que cinq cens, & qu'il s'affuroit, avec l'ayde de Dieu & de ses amys, de luy faire & mener une si belle troupe, que pour petite qu'elle seroit il battroit bien une plus grande deux fois que la sienne. Le Capitaine Montmas, qui depuis fut Mestre de camp, dit un jour au feu Roy Henry second. Sire, vos Commissaires, & Controolleurs de guerre en faisant ma monstre me sont venus controoller ma compagnie, & crient que je ne l'ay pas complete, & ne me veulent passer que ceux de la monstre; je vous prie de croire, Sire, que je serois bien marry de vous dérober un seul sol, mais l'argent que je donne à peu il me le faudroit pour plusieurs soldats, lesquels j'appointe de ce que je donnerois aux autres; aussi les scay-je appointer & choisir si bien, qu'avec le petit nombre que j'ay, je battray tousjours & deferay une autre compagnie quelque complete qu'elle soit. Monstrant par là que la force ne gist pas au nombre, ains à la valeur. Aussi n'avoit-il jamais la moitié de sa compagnie, au lieu que les autres l'avoient toute entiere; mais si peu de nombre de ses soldats estoient bien choisis & tres-bien appointez, qui faisoient tousjours rage par tout où ils se trouvoient.

Avant

Avant luy tout de meſme en avoit fait Monsieur de Bayard ; comme j'ay dit ; auſſi fit-il cette compagnie de cinq cens hommes tous gens d'élite, ſi bien que pluſieurs gendarmes quitterent la lance pour prendre la pique avec luy, comme il alla auſſi, & ce fut luy & ſa troupe qui firent le grand effort à la priſe de Gennes, & en fut la principale cauſe. Ce nom de Colonel n'eſtoit point encore en uſage, ſiſon que le livre dit que le Roy luy donna charge de mille hommes de pied. Monsieur de Mollard, vieux routier, aux guerres d'Italie ne porta non plus titre de Colonel, ains qu'il avoit charge de deux mille hommes de pied qu'il entretenoit tousjours braves & vaillans, comme ils le montrèrent à la bataille de Ravenne, où ils firent tres-bien & en mourut beaucoup avec leurs Capitaines: auſſi donna-t-il le premier avec le Capitaine Jacob Allemand, qui avoit charge de quelques Lanſquenets, qui ſervit bien le Roy ce jour, auſſi y mourut-il des premiers avec Mr. de Mollard, lequel avant le combat fit ce trait, car ainſi que les Allemands paſſoient les premiers le pont, qui avoit eſté fait pour paſſer le canal, & voyant qu'ils tarديوient tant à paſſer & faiſoient trop longue file, emba-

raffant le passage, luy semblant qu'il ne feroit jamais à l'ennemy, dit à ses Reistres, (ainsi dit le livre) qu'il appella ses soldats, Comment, mes compagnons, nous feroit-il reproché que les Allemands soient passez du costé des ennemis premiers que nous? J'aymerois quant à moy plustost avoir perdu un œil ; & soudain se jetta dans l'eau & commença le premier à sonder le gué, tout chauffé & vestu, sans marchander, qui n'étoit point si petit qu'il n'y fust jusques sous les aisselles, & tous les gens le suivirent aussi-tost & firent si bonne diligence qu'il seurent passé plustost qu'Allemands, & tous trempéz & mouillez combattirent aussi.

Quelle belle ambition ! Les Anciens Romains n'en ont jamais plus fait. Le Baron de Grammont & le Capitaine de Maugiron firent là aussi très-bien, qui commandoient chacun à mille hommes de pied, comme le Capitaine Bonnet, qui aussi s'y trouva, qui fit très-bien, mais il n'y mourut pas comme les autres : il en fut quitte pour un coup de pique dans le front dont le fer y demeura.

Il avoit eu auparavant un très-brave & vaillant Lieutenant, qui estoit le Capitaine l'Ogre, frere aîné de ce brave que nous avons veu depuis, qui a com-
mandé

mandé longuement plusieurs troupes de gens de pied , & pour ses merites fait Capitaine des gardes Escossoises du Roy. Cct aîné l'Orge, Lieutenant dudit Bonnet, mourut à la conquête de Friol, où Monsieur de la Palice avoit mené des forces au service de l'Empereur Maximilian , par le commandement du Roy Louys XII.

Or tous ces Capitaines, encore qu'ils commandassent à grosses troupes, n'ont jamais esté appellez que Capitaines simplement, des Colonols nullement.

Que s'il y a eu quelque escrivain moderne qui les ayt voulu nommer Colonels, il n'y faut point ajouster foy, mais bien aux vieux exemplaires du passé, qui en ont parlé naïvement & sans fard, comme les modernes qui veulent faire les pindariseurs & des jolis à parler, & autant de moqueries pour eux.

Ainsi que voulut faire une fois un Prelat de par le monde, qui voulant faire du beau parleur, comme certes il est, il se mit à alleguer le Prophete Elie, qui estoit (ce disoit-il) Conseiller d'Estat du Roy.

Un autre Prelat, aussi sçavant & bien-disant comme luy, respondit qu'il n'avoit jamais leu dans la Bible, ny ouy dire qu'il fust Conseiller d'Estat, ny qu'il

eust aucune ny pareille charge à la maison du Roy, qu'il n'en avoit jamais crigé qu'il sceust ; ce qui fut une grande risée pour luy en une assemblée où il estoit : il se fust mieux passé de ce mot, mais il voulut faire du bien-parlant & qu'il avoit esté le mot de la feve.

Je ne doute qu'aucuns de nos escrivains modernes n'en ayent fait de mesme, ou n'en fassent ; mais c'est faire tort à ce qui a esté fait & escrit , & il vaut mieux se regler & n'user encore de ce mot de Colonel pour la matiere de ce temps-là , mais simplement Capitaines de tant, ou commandant à tant, ainsi que je tiens de Mr. de Montluc & autres vieux Capitaines.

Le Roy François vint après, & si nous devons croire aux Memoires de Mr. du Bellay , comme certes pour la suffisance du personnage il le faut , ce mot commença à se pratiquer ; mais possible il est à presumer que ceux qui l'ont mis en lumiere , & qui ont esté modernes , & qui ont voulu pindariser ; comme les autres & pratiquer ce mot de Colonel n'ont suivy possible en cela le vieux exemplaire.

Tant y a, quelque chose que l'on y peut faire, il le faut croire dans ces Memoires. Vous y trouvez comme Mr. de Guise,
Clau-

Claude de Lorraine, fut Colonel à la bataille de Marignan de fix mille Lanſquents ; certes il pouvoit porter ce nom, car ou fuſt que les Allemans , qui en avoient l'uſage , le luy pouvoient avoir donné , ou qu'eſtant grand Prince il meritoit bien d'avoir un nom plus que le commun.

De meſme Mr. de Saint-Paul , lors que le Roy ſ'arma & ſe prepara pour aller lever le ſiege de Mezieres , fut fait Colonel de cinq mille hommes de pied, qui eſtoit un grand cas qu'un tel Prince du ſang, brave & vaillant, ne fuſt Colonel general de toute l'Infanterie François , & pourtant ne l'eſtoit que de cinq mille ſeulement, qui eſt bien pour faire approuver mon dire qu'il n'y avoit encore de Colonel general , comme verrez dans l'Histoire du Roy François ; toutesfois aucuns vieux livres ne le diſent General que de cinq mille hommes de pied. Force particulieres Colonels legionnaires y avoit-il , chacun pourtant commandoit à la legion de ſa province. Lors que ledit Monsieur de Saint-Paul fut envoyé Lieutenant en Italie contre Anthoine de Leve , Mr. de Montignon commandoit à ſon Infanterie , & mêmes à l'entreprife de Gennes , où ils ne firent rien qui vaille.

Au camp d'Avignon il fut auffi Colonel de l'Infanterie Françoisse , mais il fut pris au commencement de la guerre , où il ne fit rien qui vaille auffi : Bref, je ferois trop prolix si je voulois espulcher tous les Colonels particuliers, je ferois tort à ceux qui en seront curieux de les rechercher, & qui se plairont de lire ces belles Histoires & non ce livre.

Le siege de Perpignan vint , où le nom de Colonel se mit fort en regne , car Monsieur de Brissac fut Colonel de toute l'Infanterie Françoisse , tant des troupes qui vinrent du Piedmont pour estre là , que de celles qui estoient en France : car feu Monsieur d'Orleans, à sa conqueste de Luxembourg en ce mesme temps , avoit la sienne à part , comme je tiens de ceux qui estoient alors & depuis. Mondit Sieur de Brissac quitta cette charge pour estre Colonel de la Cavalerie legere.

Monsieur de Tais eut cet honneur d'estre esleu & fait du Roy François Colonel General de l'Infanterie Françoisse, tant deça que de-là les Monts , duquel, avant que je parle , je diray ce mot, & que les Espagnols n'ont pas esté Grandement curieux de faire Colonels Generaux en leurs bandes, ni en basses factions, sinon

finon en leurs armées grandes d'une grande conquête, d'un grand siege ou faction signalée, ou journée aux guerres d'Italie.

Ce grand Marquis de Pescaire, & le Marquis del Gouast son cousin, commencerent à leur commander en titre de Colonel General. Avant eux Dom Pedro de Navarre avoit commandé à ses troupes qu'il avoit en Barbarie & qu'il en ramena puis après, luy ayant esté fait prisonnier à Ravenne; le Capitaine Solis, duquel j'ay parlé ailleurs, & puis le Marquis de la Palude, qui se deschargea de cettte charge à son nepveu le Marquis de Pescaire. Avant eux aussi avoit commandé le vieux Capitaine Allaron, qui avoit bien cemmandé à aucuns, mais non à si grande troupe comme les precedens; & avant tout eux Dom Pedro de Navarre, comme je viens de dire, avoit esté Colonel de quatre mille Espagnols, qui furent envoyez en Barbarie par ces devotes & Catholiques personnes le Roy Ferdinand & la Reyne Isabelle de Castille, contre les Mores & Infideles.

Sur quoy j'ouïs dire un jour fort gaillamment à feu Monsieur de Montluc, à son logis au siege de la Rochelle, nous donnant à souper au Marechal de Rets,

à Monsieur de Strozze , & à moy & autres Gentils-hommes , nous apprenant d'où estoit venu premierement & usité parmy les Espagnols ce mot de *soldados viejos* : Il disoit donc que ce bon Roy & cette Reyne envoyèrent en Barbarie quatre mille soldats Espagnols, conduits par Dom Pedro de Navarre, où ils firent de tres beaux exploits & des conquestes tres-belles, mesme qu'ils mirent en grand destroit la ville d'Alger, tant aujourd'huy renommée , par le moyen d'un fort qu'ils firent, par une tres-grande & merveilleuse promptitude, en une isle tout devant la ville , les tenant par ce moyen de si près assiegez & pressez , qu'en peu de temps ils furent contraints de requerir treves pour dix ans, ce qui leur fut accordé moyennant certain tribut , qu'ils payerent tousjours jusques à la mort de Ferdinand, & appellant Cairedins Barberousse à leur secours , au bout de quelque temps qu'ils virent leur bon, rompirent treves, rompirent le fort , chasserent les Espagnols & recouvrerent liberté.

Or durant les treves la guerre s'ouvrit entre le Pape Jules & le Roy François , Ferdinand secourut le Pape ; & tire à soy Dom Pedro de Navarre avec
les

les Espagnols de la Barbarie, & les en-
 voye en la Romanie avec son armée de
 Naples, conduite par Dom Raymond
 de Cordona, & se troverent à la ba-
 taille de Ravenne; & ce fut lors que
 Mr. de Nemours, haranguant ses gens
 & parlant de ces Espagnols, dit qu'il
 ne falloit point apprehender ces sol-
 dats Espagnols, qui se vantoient &
 bravoient tant, d'autant qu'ils n'avoient
 appris qu'à combattre des Mores tous
 desarmez & fuyards, & qui n'avoient
 encore éprouvé les François, si bien
 armez, & qui combattoient de pied
 ferme; si firent bien pourtant, ne
 voulant pour ce coup croire leur Ge-
 neral Dom Pedro, qui les retenoit re-
 tranchez & refferrez, & ne voulant
 qu'ils bougeassent de leur retranche-
 ment, & davantage voulant là attendre
 l'affaillage, mais nos François bien a-
 visez firent braquer quelque piece d'ar-
 tillerie, qui les endommagea tellement
 qu'ils se mirent à crier, *Matados somos del*
Cielo, vamos à combater los hombres, criant,
 Nous sommes tués du Ciel, allons com-
 battre les hommes.

Ledit Dom Pedro ne vouloit de mes-
 me faire aux Italiens & les arrester, mais
 tous commencerent à crier haut, com-
 me il faut, & comment faut qu'à l'ap-
 petit

petit & opiniaftreté d'un maraue nous periffions ainfi miferablement, & par ainfi fortirent de leur retranchement.

Or quand Dom Pedro emmena feldits Efpagnols, ne faut point douter, venant de ces guerres lointaines & barbares, s'ils eftoient superbes, comme ils font tousjours couftumiers, quand ils viennent de tels lieux & belles factions, & piaffant, & s'ils bravoient, de sorte qu'ils ne vouloient appeller autrement que *soldados viejos*, & ne prirent le nom de foldats de Barbarie, ou du Terce de Barbarie, ou de la terre sainte, ou autrement, ainfi qu'aujourd'huy se font appeller par les Terces de Lombardie, de Naples, de Sicile, de Sardaigne & de la Goulette, quand elle estoit à eux; mais ce nom de *soldados viejos* seulement leur plaisoit & leur estoit agreable; & du depuis, (ce disoit Monsieur de Montluc) encore qu'ils fussent des Terces feldits, ils ont voulu porter tousjours ce nom de *soldados viejos*; comme les nouveaux venus on les appelloit *bisognes*, mais en un rien par la bonne discipline militaire & par la belle creance & soutien qu'ils ont entr'eux, s'aguerrissent & se mettent en rang de foldats vieux aussitost, ainfi que moy-mesme en ay veu arriver à Naples, tant pietres, chétifs, mal

mal habillez, avec des fouliez de corde descendre ainsi des galeres, que les vieux soldats les entreprenoient, les prenoient en main, les mondanisoient, leur prestoyent de leurs habillemens, si bien qu'en peu de temps on ne les eust reconnus.

J'en vis une fois arriver à Naples si *bisoignes*, si nouveaux, si fats, que se promenant par la ville ils la regardoient & tous costez avec grande admiration, & sottement pourtant : aussi avoient-ils raison, car, ne leur en déplaise, ils n'en avoient veu de pareilles en leurs pays, & comme badaux jettoient leurs yeux dans les boutiques & par tout, criant, *mira à qua, mira à quella*, & quand les vieux soldats les y prenoient en telles badauderies à mon avis, qu'ils leur faisoient la reprimande, & après ils n'y osoient retourner ; tant ils estoient curieux de les rendre bien créés & ne leur faire boire de honte. Quelle curiosité affectonnée !

Pour retourner à nos Colonels, & mesme à Dom Pedro de Navarre, que l'Espagnol appelle *el Conde Pedro de Navarre*, dans de vieux livres Espagnols, je ne luy ay point veu donner ce titre de Colonel des Espagnols, mais ouy bien de General *de los soldados Espagnolos* ; mais dans les livres modernes Italiens

Italiens & François, ils portent bien ce nom de Colonel, comme depuis le voyage de Mr. de Lautrec, & au siege de Naples, le dit tres-bien Colonel des Gascons, comme Mr. de Burie Colonel des François.

Nous lisons bien aussi, qu'en la conquête de la Goulette & de Tunis le bon & vaillant vieillard Allaron commandoit à l'Infanterie Espagnole & en avoit fait Colonel Monsieur le Marquis del Gouast, ayant esté fait General de l'armée, & esleu par l'Empereur. Mais pourtant les Colonels Espagnols ne sont de durée ny ne gardent long-temps tel nom ny telle charge, sinon pour quelque temps, comme j'ay dit, ainsi que fit le Marquis de Muns au Marignan, qui fut Colonel general de toute l'Infanterie en l'armée & au siege de Saint-Dizier & de Mets. Le Duc d'Albe aussi estant en Flandres fit Capin Vitelli Colonel general de toute l'Infanterie, mais ce ne fut que pour un temps, car les soldats Espagnols sont si rogues & si bravaſches, que mal volontiers tant eux que leur Mestre de camp & leurs Capitaines obeïſſent-ils, sinon à gens qu'il leur plaist & de grande qualité & expertiſe.

De sorte que j'ay leu en un livre Espagnol , que jadis aux guerres d'Italie jamais personne n'avoit bien sceu disposer d'eux ny leur commander absolument ny generalement, que le Marquis de Pescaire , pour la grande amitié qu'ils luy portoient , à cause de sa valeur ; encore le tenoient-ils beaucoup obligé à eux , après luy defererent de mesme à Monsieur del Guast son cousin. Après que Dom Pedro de Navarre fut pris à Ravenne , le Capitaine Solis leur commanda pour quelques jours ; mais d'autant qu'il n'étoit de grande maison ; mais vaillant pourtant & bon & vieux soldat , ils ne luy voulurent plus obeïr , & salut que le Marquis de la Palude en prist la charge. Si est-il le meilleur pourtant d'avoir un chef universel & principal pour les Espagnols ; pourtant il ne leur en chaut , car ils sont si bien policés , si obeïssans & si aguerris , que d'eux-mesmes jusques aux moindres ils sçavent commander & aux plus grands obeïr , & aussi qu'ils ont leurs Mestres de camp de leurs Terces.

Quant à nous autres François , je m'en suis cent fois estonné , & beaucoup de Capitaines avec moy , comment le temps passé ils ont peu faire tant de belles guerres sans Colonels & Mestres de camp

camp, car chaque Capitaine estoit Mestre de Camp de leurs gens, fussent qu'ils en eussent peu ou beaucoup. Du depuis nous en avons eu en France à quantité ; mais non pas du Regne du Roy François. Sur son declin Mr. de Montluc le fut seul devant Boulogne.

Du temps du Roy Henry Monsieur de Montluc l'a esté seul en Piedmont, & puis en sa place le Baron d'Espic, lors qu'il fut esleu du Roy son Lieutenant dans Sienné en Toscane.

Le Capitaine Aînard l'a esté seul ; Mr. de Montmas seul, fors aux places assiegées, où l'on commettoit un pour l'importance, ainsi que fit Mr. de Guise le Capitaine Favas dedans Mets, & autres places de consequence assiegées, ou qu'on alloit assieger.

Mr. de Crofès le fut seul en Corseque, aussi meritoit-il de n'avoir point de compagnon, car il sçavoit tres bien sa charge, & fut grand dommage de sa mort, ayant esté decapité à Rouën : je le vis mourir fort constamment.

Je ne parle pas de la Toscane, car j'en parleray à part sur la fin du Roy Henry. Mr. de Boesle, Gentil-homme de Perigord, brave & vaillant homme, s'est veu le seul Mestre de camp, tant en la campagne que dans les villes, car la paix étoit faite

faite & les compagnies refferrées aux garnifons ; je n'aurois jamais fait fi je les voulois mettre tous en nombre.

Cet estat eft tres-beau & honorable , & qui s'en fçait bien acquitter eft gentil compaignon ; auffi le fufdit Monsieur de Montmas difoit une fois au Roy Henry , que quand on fe vouloit aquitter dignement de tel estat & de Capitaine de gens de pied , on n'y devoit jamais vivre ny envieillir plus de deux ans : auffi ne le garda-t-il gueres , car il y mourut auffi-toft : nostre estat , difoit-il , eft tel que qui fe ne hazarde ne fait rien qui vaille , & qui bien hazarde & fait beaucoup & bien hazardant , auffi il faut qu'il y meure ; & par ainfi que c'eftoit une grande honte de voir un Capitaine de gens de pied vieux , ayant la barbe blanche & longuement traifné cet estat. Telle eftoit l'opinion de ce brave & vaillant Capitaine , mais pourtant s'en font venus beaucoup de bons & vaillans foldats , Capitaines & Mestres de Camp en barbe blanche & cheveux grifons & qui avoient traifné toute leur vie la pique.

Je n'en allegue que ce vieux routier & brave avanturier Monsieur de l'Ogre , qui fit tant de preuves de fa valeur de fon temps , & il eftoit en l'âge de quatre-vingts

vingts ans, & ce vaillant & signalé Monsieur de Montluc, qui est mort en l'âge de soixante & dix-huit ans, & le bon homme Monsieur de Jour, Colonel des Legionnaires de Champagne & commandé aux guerres d'Italie & ailleurs en grande reputation, est mort en l'âge de près de quatre-vingts ans, aussi gail-lard & dispos qu'en l'âge de quarante ans: je l'ay veu en l'âge de quatre vingts ans s'habiller aussi proprement & gentiment qu'on eust veu jeune Gentil-homme à la Cour, & tousjours son chapeau & bonnet couvert de plumes tres-belles & naïfves, & disoit ce bon homme que cela sentoit encore sa vieille guerre & le vieux temps qu'il estoit aventurier de-là les Monts. Il devint de la Religion, pource qu'il voulut servir le Roy aux premières guerres, mais je sçay bien qui empescha que le Roy ne s'en servist. On n'eust sceu imputer à ces trois grands Capitaines que pour estre chargez d'ans s'ils n'eussent toute leur vie cherché, recherché & encouru de grands hazards & perils, mais leur heure n'estoit pas encore venue.

Tant de vieux Capitaines Espagnols ay-je veu si vieux & cassez, comme Pedro de Pax & Mondragon, Julien Romero & autres qui ne se sont espargnez aux
ha-

hazards non plus que les autres: l'on a beau faire, se perdre, se precipiter, se presenter devant les harquebusades, canonades & les coups, ils ne peuvent mourir si le sort fatal n'est tombé, & plusieurs vivent en dépit d'eux-mesmes.

Le jour que les Rochellois firent cette sortie, quand nos Suisses vinrent en nôtre camp, que tout le monde les estoit allé voir arriver, comme si jamais on n'eust veu Suisse, qui fut la plus sotte curiosité que je vis jamais; aussi ceux de dedans sceurent bien prendre temps, car ils furent maîtres de nos tranchées quasi une heure, & en rapporterent dedans quasi six enseignes & les planterent sur leurs ramparts à nostre veüe ventillantes, pour nous braver; mais le lendemain parce que nous parlemotions sur la composition, moy y estant allé je leur remonstray & priay de les en oster, de peur de ne dépit-ter le Prince & aigrir les choses qui commençoient à s'adoucir, ils me creurent & les en osterent.

Je vis là donc deux Capitaines que Monsieur de Strozze tança pour n'avoir pas là bien fait leur devoir & faillily beaucoup à leur honneur, qui paravant pourtant n'avoient point eu de reproche.

Tous deux firent leurs excuses comme
ils

ils peurent ; car j'y estois present , & promirent qu'à la premiere occasion ils repareroient le tout , ou ils mourroient au bout de quatre ou cinq jours.

Il se presenta un petit assaut au bastion de l'Evangile , où tous deux y allerent d'une grande assurance & resolution d'y mourrir , montant aussi-tost en haut , & les vit-on se precipiter dans le retranchement l'un y receut quatre ou cinq harquebusades & n'y peut mourir ; l'autre , qui fut le Capitaine Pierre Basque , y mourut. Voilà comment la destinée avoit borné la journée de l'un & de l'autre.

Tant y a, l'on a beau estre brave & vaillant , hazardeux par tout & resolu à la mort , si nostre destin ou nostre Dieu , pour en parler plus saintement , ne nous veulent emporter , le plus souvent en dépit de nous nous demeurons en la place de vie.

Ce grand Empereur Adrian en sçavoit bien que dire , à qui rien ne manqua pour estre parfait en tout , que le baptisme & le nom de Chrestien , car estant tourmenté ordinairement d'un flux de sang , demandoit tousjours la mort , & par ce Clerian son beau-frere & Fusque son neveu pretendoient à l'Empire & les fit tout deux mourir , mais se riant
avant

Avant que de mourir, leva les yeux au ciel & invoqua les Dieux & protesta qu'il mouroit injustement, & les pria que quand Adrian voudroit mourir il ne peust ; ce qui luy avint, car estant tousjours tourmenté de son mal, invoqua plusieurs fois la mort, voire se la voulant donner luy-mesme, demandant ores de la poison & ores une espée, mais personne ne luy en vouloit rien donner qui le peust offenser, fors un seul esclave, appelé Mastor, qui pour luy obeïr s'essaya de le tuër, mais estonné perdit la force & ne le fit que blesser sans le parachever ; surquoy detestant son malheur dit qu'il avoit souveraine puissance sur tout le monde & sur soy ne pouvoit rien.

Enfin après plusieurs maux endurez & cent fois désiré la mort il mourut heretique & hydropique.

Monsieur de Montluc dans son livre allegue plusieurs vaillans Capitaines, qui n'ont jamais esté blessez ; entr'autres Monsieur de Lansac le bon homme. Si j'avois entrepris d'en alleguer je le ferois, comme nous avons veu Monsieur de Nemours Jacques de Savoye, lequel si jamais Prince fut vaillant & hazardeux celuy l'a esté, & pourtant jamais bleslé, ayant exercé & fait l'Estat de gendarmerie,

rie, Cavalerie & auffi d'Infanterie car il s'est meflé de tous les trois eftats.

Feu Monsieur de Vindame de Chartres en a esté de mefme, s'estant employé en toutes ces trois charges, fans jamais s'y eftre espargné, & mefme au fiegé & à l'affaut de Conis, affiegé par Monsieur de Briffac, tous deux Colonel, qui ont veu & fenty gresler plus d'harquebusades sur eux que le ciel ne jette de gresle sur les champs en Mars, lors que l'hyver veut prendre congé de nous, & n'ont jamais esté bleffez sinon lors qu'ils font morts.

Nostre Roy Henry dernier, fans aller plus loin, ny en batailles ny aux fiegés de villes qu'il a faits, n'a non plus esté bleffé, & ne s'y espargna non plus que les moindres.

Pour venir aux petits, feu Mr. de Gouas a esté auffi un brave & vaillant soldat & Capitaine, qui a esté de son temps fort aventureux: il ne fut jamais bleffé, & vint mourir à la Rochelle d'une petite harquebusade dans la jambe, qui n'estoit nullement dangereuse.

Ceux qui ont connu le Capitaine Mons, qu'on appelloit le Borgne Mons, neveu de ce brave Mr. de Mons qui mourut à la guerre de Toscane, Lieutenant de Mr. de Sipierre de sa compagnie de
che-

chevaux-legers, ne ſçauront dire autrement qu'il n'ayt eſté l'un des plus hazardeux & determinez ſoldats de la France, & autant cherchant la fumée des harquebuſades, & les alloit tousjours halener deſarmé & en pourpoint ; jamais pourtant aucun n'entra en ſon corps ny en fut bleſſé.

Enfin ſon heure eſtant venuë à la petite eſcarmouche, faite à la Rochelle, lors que nous eſtions encore aux Maſures à la foſſe aux Lyons, que les Courtiſans appelloient ainſi, il fut bleſſé, & moy avec luy, & mourut après dans quatre jours, ayant eſté & eſtant encore par ſa valeur Lieutenant d'une des Colonelles de Monsieur de Strozze.

Sans Mr. de Guife, qui ſ'y trouva à point, il y euſt eu du diſordre, & je me trouvay alors avec eux, & puis Mr. de Strozze y ſurvint.

Je n'aurois jamais fait ſi je voulois alleguer quantité d'exemples ſur ce ſujet : en quoy pourtant faut bien noter que tous ceux qui meurent à la guerre, ou qui ſont bleſſez, ne ſont pas plus vail-lans que ceux qui ne le ſont point, encore que j'en aye veu de tres-braves & fort vaillans, qui ont eſté extraordinairement bleſſez, mais tel eſtoit leur malheur,

leur mauvaife fortune & leur cruel, mefchant & defaftreux deftin.

J'ay veu le Capitaine Sainte Colombe, vaillant & brave foldadin, & déterminé s'il en fut oncques. On difoit qu'il eftoit de cette maifon valeureufe de Sainte Colombe en Bearn, mais non legitime, toutesfois je vous affeure que fe battant ne faifoit point de deshonneur aux legitimes, mais ordinairement il eftoit bléffé. A la Rochelle il fut bléffé trois fois, & n'avoit pas plutôt un coup & guery, qu'il en avoit un autre. A la reconquête de Normandie la baffe, faite par Monfeigneur de Matignon, non encore Marefchal, il y fut bléffé deux fois, pour la troifiéme il mourut à Saint-Lo, de forte que nous l'appellions & fon corps une garenne d'harquebufades.

Le vaillant Capitaine la Route, qui depuis fut tué à la reprise de Marcault dernièrement, dont il eftoit Gouverneur, a été tout de mefmes fujet aux bleffures. Feu Monsieur de Courboufon, puisné de l'Orges, vaillant certes s'il en fut oncques, car de cette race ils font tous braves & vaillans, auffi-tôt qu'il eftoit en quelque bonne affaire, auffi-tôt eftoit-il payé de quelque coup; bien contraire à fon frere Saint

Saint Jean l'Orge, qui ne devant rien en valeur à tous ses freres, & ne s'espar-
gnant aux hazards non plus qu'eux, se
sauva de blessures, jusqu'à ce qu'il fut
proditoirement & malheureusement
massacré, par la menée du Marechal de
Matignon, qui en fut fort blasmé, car
c'estoit un brave & vaillant Gentil-
homme : il avoit esté dédié à l'Eglise
par son pere, & portoit encore le nom
de l'Abbaye de Saint-Jean les Falaise,
qu'il tenoit, mais il estoit meilleur guer-
rier qu'Abbé. Le brave Monsieur de
Grillon a esté aussi couvert d'une infi-
nité de playes, sans avoir encore peu
mourir par elles, les ayant toutes ga-
gnées de belle façon. Bref, je n'aurois
jamais fait si je voulois conter les vail-
lans mal-heureux à recevoir les coups.
Si ne faut-il pas pourtant inferer pour
cela que tous ceux qui sont bleffez aux
factions de guerre, soient plus vaillans
que les autres. Il faut aussi considerer
& aviser de quelle façon l'on va s'ex-
poser au hazard & recevoir les coups,
si c'est de la bonne ou de la mauvaise fa-
çon, car il y a tant d'hypocrites de
guerre que c'est pitié. Ouy il y en a,
comme j'ay veu, & à ce que j'ay ouy
dire à de grands Capitaines de guerre,
plus qu'en tous estats; car tels sont blef-
sez

sez que vous ne sçauriez dire de quoy, ny pourquoy, sinon que les coups les vont chercher à une lieuë loin, ou derriere les autres, ou cachez en une tranchée, ou derrie une muraille, ou fans y penser, ou tenant les mains liées: & s'ils ne peuvent rencontrer les arquebusades, les canonnades les vont chercher à une lieuë loin: bref, ils sont bleffez en plusieurs façons poltronnesques, & font au partir de la resonner & publier leurs bleffures dans un camp, dans une ville, dans une Cour, dans une Province, comme si c'estoient ceux qui eussent tout fait, & Dieu sçait ils n'aurent pas mis la main à l'espée non plus qu'un pionnier; & pourtant on les estimera, ou les louëra, on les plaindra à part. Pourtant de ceux qui les aurent veus en besogne & recevoir leurs bleffures, en sont moquez, & les tient-on en cervelle, & n'osent braver devant eux, craignant qu'on ne leur die soudain, Nous sçavons bien comment vous avez esté bleffé; ou parlant à un autre de luy, Nous avons veu comment il a esté bleffé: aussi en cachette de ceux qui ne les ont veus font valoir leurs bleffures. Surquoy il me souvient de ce que feu ce brave Mr. de Guise me dit un jour, estant à la tranchée de la Rochelle, & luy m'ayant

m'ayant fait cet honneur de m'avoir fait affeoir en terre contre luy & auprès de luy ; car il me faisoit cet honneur de m'aymer & de causer avec moy & d'ouïr mes paroles ; & en contant des nouvelles qu'il venoit de recevoir de la Cour, & comme on y louoit plusieurs qui ne le meritoient pas, mais parce qu'ils avoient esté bleffez, comme un, lequel en se retirant de la tranchée vint à estre bleffé à la jouë, & l'arquebusade, petite pourtant, l'alla querir jusques-là dans les rangs, là où il y avoit pour le moins quatre cens pas, puis m'allégant d'autres que nous sçavions n'avoir esté bleffés moins à propos que luy, il me disoit en riant, Si faut-il que nous nous fassions un peu bleffer, au moins quoy qui soit, pour nous faire estimer comme les autres & parler de nous ; ce n'est point nostre faute, ny de Monsieur de Strozze, ny de moy, ny de vous, car il n'y a hazard que nous ne cherchions, il n'y a factions que nous ne recueillions autant ou plus qu'il y en ayt icy, & pourtant le malheur est tel pour nous, que nous ne pouvons recevoir aucuns petits coups heureux qui nous remarquent & signalent ; il faut bien dire que l'honneur nous fuit, & quant à moy je feray dire demain une

Messe, qui est le jour de l'assaut, afin que je prie Dieu qu'il m'envoye quelque petite arquebusade, & que j'en retourne plus glorieux, au moins puisque la gloire de la Cour & des Dames consiste aux coups receus, & non aux coups donnez. Monsieur, luy respondis-je, ceux qui vous connoissent & qui vous ont veu en affaires, & icy & en tant d'autres lieux, publieront tousjours vos valeurs sans vos blessures, vous en avez assez eu, contentés-vous, Dieu vous enverra ce qu'il luy plaira; cependant vostre conscience demeure tousjours nette & hardie pour comparoistre devant tout le monde, & mesmes devant les Dames que dites. Vous dites vray, dit-il, & c'est ce qui me console. Toutesfois il me disoit, C'est un grand cas, Monsieur de Bourdeille, (car il m'appelloit ainsi tousjours) quoy que nous puissions faire nous ne pouvons estre blesez, & nous en retournons à la Cour voir le Roy & les Dames, sans estre marqués; si faut-il quand nous serons là que nous nous accordions & soustenions que si nous voyons quelques-uns de ces galands blesez qui veulent faire du brave & du fringant, porter ou un bras en escharpe ou un baton en potence pour s'appuier

puier la jambe, que nous les repouffions & renvoyions bien loin s'ils n'ont esté bleffez à propos, car nous ſçavons toutes les veritez. Voilà la gentille ambition de ce Prince, qui eſtoit tant genereux & vaillant, s'il en fut au monde, qu'il concevoit en ſoy; & puis qu'il deſiroit ce petit heur à l'hazard de ſon rang, la fortune eſtoit bien peu courtoïſe & fort contraire de le luy refuſer. Je vous aſſeure qu'à ſon exemple moy ſon inferieur en tout j'eſtois bien touché de meſme ambition, & ſi ay fait en tout ce ſiege tout ce que Martin fit à danſer; je l'ay continué depuis le commencement juſques à la fin ſans en bouger, qui fut ſept mois, ſans ſolde ny paye aucune, ſinon à mes deſpens & mon plaifir, n'abandonnant jamais Monsieur de Strozze le Colonel, ny jour ny nuit, dormant chez luy & à la tranchée, beuvant & mangeant avec luy, le ſecondant tousjours coſté à coſté de luy, & en quelque faction qu'il a eſté: je le diſ avec verité, ſans me vanter, & ceux qui y eſtoient le pourroient dire auſſi: au Diable le coup. & l'arquebuſade qui me ſoit venu voir, ſinon le jour que nous fiſmes la premiere ouverture du foſſé, au mois d'Avril, & que nous y entraſmes dedans je fus

fort blessé d'un esclat de pierre , qui me donna dans la main gauche , qui m'y apporta une telle douleur sourde , que je m'en sentis quinze jours , sans en faire pourtant aucun semblant ny porter bras en escharpe , car je me mocquois fort de ceux-là qui le faisoient mal à propos. J'ay eu trois grandes arquebusades dans mes armes. Voilà comme j'en eschappay à bon marché.

Mr.de Strozze en eschappa de mesme ; bien est vray que ce mesme jour qui nous estions dans le fossé, il y eut une grande arquebusade dans sa cuirasse, que je vis & l'ouïs donner , & aussi-tost je le pris. Ah ! Monsieur , estes vous blessé ? luy dis je , & le visitant je n'y vis rien que la blancheur de la balle dans sa cuirasse, & qu'il n'avoit point de mal. Une autrefois , le jour du grand assaut ainsi que nous estions sur le haut de la bresche, luy fut tiré une grande arquebusade dans sa cuirasse, qui le fit tomber du coup , & un soldat Provençal, son domestique , qui s'appelloit Baptiste , & moy , l'aydâmes à lever & l'emporter dans le trou , par où nous estions sortis, là où nous ne trouvâmes nul mal sur luy, sinon la blancheur de la balle dans la cuirasse , qui ne peut estre faussée. Monsieur de Sourdiac , dit le jeune Chaste-

Chasteauneuf de Bretagne , brave & vaillant jeune homme qu'il estoit , en sçavoit bien que dire. Une autre fois, estant derriere deux gabions , Mr. de Strozze , d'O & moy , fut tiré une canonnade de la Vache , couleuvrine de la Rochelle appelée ainsi , qui nous tua un Capitaine & trois soldats , tous auprès de nous , qui nous couvrirent tous de sang & de chair , & moy estant plus près de tous , j'eus le visage tout couvert de cervelle d'un , & un Reistre de velours verd fourré tout gasté , & eux étant assez loin de moy , je me remis soudain dans la chaise , qui estoit de natte de Flandres , ou estoit assis Monsieur de Strozze , & pour ce qu'il faisoit froid & qu'il faisoit beau là s'affoleiller , je m'y plaisois bien & n'en voulus partir, ny de deux ny de trois prieres que me fit Mr. de Strozze de m'en oster & de m'estaller auprès de luy , jusques-là qu'il m'envoya querir par un soldat , y connoissant du danger : je ne fus plustost hors de-là, qu'un soldat qui avoit esté laquais de Monsieur de Guise , prit ma place & se mit dans la chaise ; il n'y fut pas plustost assis que voicy la mesme piece qui tire si justement , qu'elle perce la chaise & tue le pauvre soldat ; cela eust esté pour moy si je ne m'en

fusse osté, mais ma fin n'estoit encore si proche.

Au camp de Saint-Dizier, le Marquis de Muns, commandant à l'Infanterie, & estant un jour dans la tranchée assis dans une chaire, y arrive le Prince d'Orange, à qui soudain il presenta sa chaire pour s'y asseoir, voire l'en priant, il n'y fut pas plustost assis que voicy une mousquetade qui le perça & le tua aussi-tost.

Je voudrois fort sçavoir d'un un grand Philosophe si le dit Marquis n'eust bougé de-là si le coup l'eust tué, possible que non, & n'y fust venu à luy; car ce n'estoit sa destinée, ouï del'autre jour que la mine joua, qui le renversa contre nous autres, & nous tua plus de trois cens hommes: j'avois conseillé à Monsieur de Strozze de nous tenir en ce lieu où il fut fait ce grand carnage, afin qu'aussi-tost la mine jouée nous fussions plus prests & lestes pour aller à l'assaut; & de fait Monsieur de Strozze m'avoit creu & y demeurions sans Monsieur de Cof-fains, vaillant, sage & brave Capitaine, qui prevoyant le danger si la mine tournoit encontre nous, comme elle fit, nous en osta, & m'en leva moy mesme par le bras, disant que j'estois un fol, & que je n'avois encore tasté de ces fricaf-sées,

féés, & nous mena dans le trou du fossé pour en estre à couvert, & n'y fûmes pas plustost que la mine joüa son violent mystere contre les nostres, qui fut la plus grande pitié que je vis jamais, pour voir nos pauvres soldats demembrez, mutilez & entrepiez qu'il n'y eut cœur si dur qui n'en pleurât & n'en eust compassion : bien nous servit l'avis ce coup de Monsieur de Cossains, car nous eussions esté fricassez de mesme ; toutefois c'est à sçavoir qui nous servit plus en cela, ou l'avis de Monsieur de Cossains ou le destin qui nous osta delà, ne voulant avoir affaire avec nous pour ce coup. J'ay veu en ce mesme siege Monsieur de Guise éviter de pareils hazards, ce fut ou qu'il menat les mains, ou qu'il fût dans la tranchée immobile ; j'en ay veu une infinité de tuez ou blesez auprès de luy d'arquebusades & canonnades, qui venoient effuier ses costez ou luy passer auprès du bec, sans l'atteindre ; ensemble ce brave Monsieur de Longueville, encore qu'il eust cette opinion d'estre blessé sans mener les mains, ou que la canonade ou arquebusade vinst à toucher son homme, il ne tenoit cette blessure pour glorieuse, sinon celle qui s'acqueroit en bien combatant. En quoy le Prince de Condé dernièrement mort

le voulant imiter à son opinion , le jour de la mi-carefme , que cette grande efcarmouche fut dressée de ceux de la Rochelle , d'où sortirent près de douze cens hommes , sans ceux qui bordoient la muraille , qui firent pour le moins autant de dommage que les autres.

Monsieur Grillon , brave & vaillant Gentil-hommes s'il en fut onques , se trouva là & y alla pour plaisir , car il n'y avoit nulle charge , & y combattit & y fit si bien que nous le tinmes long-tems mort.

Mondit Sieur le Prince entre autres louanges qu'il luy donna , c'est qu'il dit qu'il voudroit avoir donné beaucoup de pouvoir estre blessé , s'il le pouvoit estre , de cette si favorable & heureuse façon , d'autant qu'il estoit allé à l'arquebusade menant les mains , & non l'arquebusade à luy , comme il étoit vray. Si faut-il pourtant louer & les uns & les autres bleffez en quelque façon que ce soit , mais l'un est plus à louer que l'autre. Car enfin quand nous allons à la guerre , nous y allons comme au marché , ainsi que disoit un bon Capitaine que j'ay connu , là où nous nous contentons d'avoir & acheter ce que nous trouvons ; de mesme à la guer-

re nous y amassons ce que l'on donne & seme, & si nous n'y allons jamais, nous n'aurons rien.

La fortune est bonne en cela pour ceux qui sont Grands & de grande qualité, la moindre blessure ou rafflade qu'ils reçoivent les voilà haut elevez en gloire pour jamais. Nous autres petits compagnons nous nous contentons de peu, & tout ce que nous faisons ce ne sont que petits eschantillons au prix des grandes pieces des Grands, qui sçavent mieux faire sonner la trompette de leur renommée que nous, qui ne pouvons passer par tout comme eux à publier nos playes & nôtre valeur.

Or je pense bien que plusieurs personnes qui me liront, diront bien que je suis un grand extravagant en mes discours, & que je suis fort coufus; mais qu'on prenne le cas que j'en fais comme les Cuisiniers qui font un pot pourry de plusieurs viandes, qui ne laissent pourtant d'estre tres-bonnes & bien friandes.

De mesme on fera de la confusion de mes propos, & si elle ne plaist aux uns, possible plaira-t-elle aux autres, en tel ordre qu'ils puissent estre.

Retournons encore un peu à nos Mes-
tres de camp, & puis nous retomberons
bien

bien sur les Colonels. Comme donc j'ay dit cy-dévant , sur le declin du Roy François II , & du commencement de Charles IX , ne se trouva en la France qu'un seul Mestre de camp , à cause de la paix , qui refferra les compagnies dans les places & garnisons : la guerre civile vint , à laquelle falut pourvoir , & pour ce falut dresser une armée sous la charge du Roy de Navarre, Lieutenant General du Roy, Messieurs de Guise , le Connestable & le Mareschal de S. André , qu'on appelloit les trois derniers par ce nom de Triumvirat. Pour l'Infanterie furent élus & constituez de l'invention de Mr. de Guise , qui s'entendoit à l'Infanterie aussi bien qu'homme de France , encore qu'il n'y ayt esté nourry , & l'aymoit fort ; ces trois Mestres de Camp , à mode des Espagnols , & iceux estoient le Capitaine Sarlabous l'aîné , que j'avois veu Gouverneur de Dambarre en Escosse , n'avoit pas long-temps , le Capitaine Richelieu l'aîné , qui avoit esté autrefois Lieutenant d'une des Collonelles de Monsieur de Bonniwet en Piedmont & Gouverneur d'Albe là-mesme , & le Capitaine Remello , tous trois certes dignes de cette charge , & tous trois eurent leurs Regimens à part , & sous eux trois & leurs

Re-

Regimens toute l'Infanterie Françoisse fut rangée , à mode de Terces Espagnols. Il y en avoit qui trouvoient cette pluralité de Mestres de camp un peu estrange.

Mais Monsieur de Guise , qui sçavoit bien mieux que tous eux comme il se fa-
loit gouverner , l'ordonna ainsi ; aussi
tous trois susdits firent si bien durant la
guerre , qu'ils n'y eurent aucun repro-
che. Le Capitaine Charry vint après
en nostre camp , mandé de Gascogne
par Mr. de Montluc , avec les bandes
Gasconnes & Espagnoles , & emmena
un beau & grand Regiment de Gascons,
venant à trois mille hommes , qui fut
un bon secours & propre pour faire le-
ver le siege de Paris , encore qu'il ne
nous nuisist trop. Monsieur de Guise fit
de grandes caresses & faveurs audit
Charry , tant pour sa valeur que pource
qu'il l'avoit ainsi suivy à la Cour un
peu avant , car je l'y ay veu suivre avec
le petit Capitaine Calverat , tous deux
ensemble n'ayant chacun que deux che-
vaux , un valet & un laquais ; il com-
mença à l'avancer & luy donner la pre-
miere charge d'attaquer le Fauxbourg
d'Orléans , où il s'en acquitta certes
tres-dignement , car en moins d'un
rien l'emporta. Aussi estoit-il tres-digne
hom-

homme pour l'Infanterie. Monsieur de Montluc le louë assez en ses Commentaires, sans que je le louë davantage. La paix se fit après & mit-on les compagnies & garnisons ainfi que l'on avisa, qui n'y demeurèrent gueres, car il falut aller assieger le Havre, lequel fut emporté certes avec un tres-grand heur, & Dieu mercy la peste grande qui s'étoit dedans mise auparavant. On avoit renvoyé Raymolle en Provence, pour y établir la paix, que l'on donna à Monsieur de Biron, qui avoit ce Regiment, pour luy faire escorte avec quelque Cavalerie, & ce fut là son premier avancement dudit Monsieur de Biron. Il y emmena aussi en Languedoc ce Regiment du jeune Sarlabous, qu'on luy donna après la paix, car avant il n'avoit qu'une Compagnie, mais parce qu'il avoit esté estropié devant le fort de Sainte Catherine à Rouën, à un bras, d'une arquebusade, que pourtant un des siens luy donna, ce disoit-on: je le vis bleffer estant à l'escarmouche, & menant ces gens vaillamment, aussi c'estoit un vaillant & gentil Capitaine, & le fit Mestre de camp & son Regiment ordonné pour Languedoc. Ces deux freres Sarlabous ont eu l'estime d'avoir esté deux fort bons Capitaines.

nes de gens de pied, mais l'on estimoit puis le jeune, l'aîné fut pourtant Gouverneur du Havre, pour y avoir tres-bien hazardé sa vie à la reprise, il avoit eu une tres-grosse querelle auparavant avec le Capitaine Lagot, qui fut tué à la prise de Poitiers, faite par Mr. de Saint André.

Ce Lagot estoit un homme fort haut à la main, scabreux, fort brave & vaillant, qui sachant que Monsieur de Guise le vouloit accommoder avec Sarlabous, & estant devant lui, il alla inventer & dire qu'il avoit receu dudit Sarlabous en Escoffe un coup de baston, & pour ce il ne se sçauroit accorder qu'il ne se fust battu contre luy & luy eust tiré du sang.

Monsieur de Sarlabous disoit, juroit & affirmoit qu'il ne l'avoit jamais frappé, & autres Capitaines disoient de mesme, qui avoient veu le differend; si bien que Mr. de Guise dit là-dessus, Il paroist bien que cet homme est brave & vaillant, & a grande envie de se battre, puis qu'il a veu que Sarlabous luy a voulu faire toutes les honnestes satisfactions du monde, & nioit l'avoir frappé, & que je les voulois accorder & avec son total honneur, il est allé inventer & me persuader qu'il avoit receu ce
coup

coup de baston, pour faire du tort à l'accord que beaucoup d'autres de ses Compagnons n'eussent pas refusé. On disoit que ledit Lagot le fit autant pour ce sujet que parce qu'il voyoit ledit Sarlabous pourveu de ce grade, dont il en portoit un dépit & une jalousie extrême, le pensant bien meriter aussi-bien que luy, & pour ce de gayeté de cœur se vouloit battre contre luy, & en faire vaquer l'Etat, comme il le pensoit & comme il le desdaignoit; & comme aussi il presumoit beaucoup de soy, ainsi qu'il avoit certes raison, car pour lors il estoit en reputation d'estre un tres-vaillant Capitaine, sa façon & ses effets l'ont montré. Son jeune frere succeda à luy, lequel eut depuis le Gouvernement de Caen en Normandie, par la faveur de Monsieur de Sipiere, qui aymoît Lagot son frere. Du depuis en cette guerre de la ligue il fut Gouverneur à Alençon & fut assiégé & pris par le Roy fort aisément.

Or le Havre pris, les Anglois chassés encore un coup hors de la France, le Roy & la Reyne sa Mere, qui pouvoit tout alors, à cause de la minorité du fils, constituerent un Regiment de gens de pied François pour la garde de sa Majesté; & ce fut lors la premiere institution,

tion, composée de dix Enseignes, de la garde du Roy, desquelles Mr. de Charry en fut lors le Mestre de Camp, duquel estat il estoit tres-digne, mais il s'y perdit tellement de gloire, qu'il se mit à dedaigner Mr. d'Andelot, qui estoit lors Colonel, & par la paix avoit esté remis en ses Estats, les uns disent de luy-mesme. Si est ce que quant à moy jamais je ne vis un plus honneste & gracieux homme de guerre que celui-là toutefois pour tres-sage qu'il estoit & avancé sur l'âge & un peu mal adroit d'un bras à demy estropié, il bravoit & parloit un peu trop haut, jusques à mépriser beaucoup d'obeïssances qu'il devoit à son Colonel, dont mal luy en prit; car Monsieur d'Andelot, qui estoit brave & vaillant & haut à la main, autant ou plus que l'autre l'eust sceu estre, le bravoit aussi, jusques à un trait qu'il luy fit un jour; car ainsi qu'il descendoit de l'escalier du Louvre, & Charry le montoit, Monsieur d'Andelot le tasta sous son manteau, en luy disant, Vous estes armé, mais il ne le trouva tel, ce dit-on. Charry le prenant à injure, s'en plaignit au Roy & en fit dans la salle un grand esclandre & rumeur, comme je vis, & disoit que ce n'estoit à luy à le visiter, & mesmes qu'il pouvoit entrer au logis du

Roy

Roy & y eſtre armé & deſarmé comme il luy plairoit , puis qu'il eſtoit le chef de ſes gardes ; & de fait il le fit trouver fort mauvais au Roy & à la Reyne , qui en firent petite reprimande à Monsieur d'Andelot , & luy euſſent fait plus grande & ſentir, n'eût eſté le grand rang qu'il tenoit , & que lors on craignoit fort meſcontenter les Huguenots : toutesfois Charry bravoit tousjours & s'y perdoit , & moy meſme luy diſ ; mais pour le ſeur on luy laiſſoit faire. Ce qui fut cauſe de ſa mort , car Mr. d'Andelot n'en pouvant plus ſupporter, Chaſtelier, pourtant Gentil-homme de Poitou fort honneſte & brave , qui ſuiroit Monsieur l'Amiral & eſtoit fort aymé de luy & de Monsieur d'Andelot , prit l'occaſion de tuer ledit Charry , ſur le ſujet que quelques années auparavant ledit Charry avoit tué au ſiege de la Mirande en appel ſon frere ainé , luy diſoit mal à propos , & pour avoir donné le coup au lieu aſſigné avant , ſans attendre à ſe rendre là , il avoit gagné le devant : toutesfois Monsieur de Sanſac , qui eſtoit lors Lieutenant du Roy en cette place , aſſeuroit qu'il avoit eſté tué fort bien & ſans ſupercherie. Tant y a , que ledit Chaſtelier

lier là luy garda tousjours, jusqu'alors qu'un matin, ainsi que ledit Charry parloit de son logis des trois Chandeliers, en la ruë de la Huchette, accompagné du Capitaine la Tourette & d'un autre, & passant sur le pont Saint Michel, Chastelier sortant de chex un armurier, accompagné de ce brave Mouvant & d'un gentil soldat, qu'on appelloit Constantin, & autres, assaillit furieusement ledit Charry, & lui donna un grand coup d'espée dans le corps, & la luy tordilla par deux fois dedans, afin de faire la playe plus grande, & par ainsi tomba mort par terre avec la Tourette, que Mouvant & Constantin tuerent, ce dit-on; & puis tous se retirant froidement & résolument par le quay des Augustins, & de là au Fauxbourg Saint Germain, où trouverent de bons chevaux, se sauverent, & onques depuis ne furent veus dans Paris. Il ne faut point demander si la Cour fut esmeüe de ce meurtre, & principalement la Reyne, laquelle se promenoit pour lors dans la salle haute du Louvre avec Monsieur l'Amiral & autres du Conseil; & l'avertissement luy ayant esté donné, la Reyne se tourna soudain vers Monsieur d'Andelot, qui estoit là prés, qui luy dit qu'il l'avoit fait faire, à ce qu'on disoit, & qu'un soldat,

dat, qui estoit à luy & à ses gages, qui s'appelloit Constantin, avoit aydé à faire le coup. Soudain Monsieur l'Amiral & Monsieur d'Andelot firent bonne mine, car de leur naturel ils estoient si posez, que mal aisément se mouvoient-ils, & à leurs visages jamais une subite ou changeante contenance ne leseust accusez. Monsieur d'Andelot niant le tout fit pourtant un peu la mine d'estre esmeu, & dit, Madame, Constantin estoit à cette heure icy & est entré dans la salle avec moy; & fit semblant de le chercher & l'appeller luy-mesme, & quelques archers avec luy, par le commandement de la Reyne, mais on ne le trouva point. Je vistout cela.

Ce Constantin avoit la reputation d'estre un des plus gentils soldats des bandes, & lors que Monsieur de Guise mena la Reyne sa niepce à son embarquement de Calais, le soir premier qu'elle vist entrer la garde dans la place, il le reconnut & en fit cas, & ainsi que les soldats tiroient pour salve à la tour de l'Horloge, il dresseoit tousjours sa parole à Constantin par sus les autres, en lui disant, Tire encore Constantin, tire encore pour l'amour de moy, ce que l'autre n'avoit garde de faillir se voyant ainsi careffé d'un si grand, & tiroit d'une
fi

à bonne façon & estoit tres juste arquebuzier ; j'y estois & vistout cela : & aux guerres civiles ledit Constantin se mit à suivre Monsieur d'Andelot. Le Roy & la Reyne & la plus-part de la Cour ne loutoient nullement que Monsieur d'Andelot n'eust suscité & persuadé le coup, dont plusieurs l'en excusoient , & pour ne pouvoir estre patient des bravades & insolences dudit Charry , car il disoit haut qu'il n'obeïroit jamais à Monsieur d'Andelot , & de fait il y en avoit eu de grandes disputes au Conseil devant la Reyne, qui disoit que c'estoit une garde extraordinaire de sa charge & de son estat, que le Roy avoit dressée pour sa personne , & que par consequent elle ne luy estoit juste & nul n'y pouvoit commander sinon le Roy , qui l'entendoit ainsi.

Toutesfois cette cause demeura indécise , qui estoit debatable d'un costé & d'autre. J'estois alors à la Cour & vis toutes ces choses, j'en puis parler comme sçavant , & dire que la Reyne aussi tost qu'elle sceut les nouvelles du meurtre, envoya querir Monsieur de Strozzi, qui estoit en la chambre du Roy , & sur le champ luy bailla la charge dudit Charry vacante, & luy commanda sur l'heure d'aller trouver ses troupes, qui estoient

estoyent à trois lieues de Paris , pour y commander , ce qu'il ne faillit ; & ne fut autre chose de ce meurtre , sinon force crieries , mutineries & paroles des Capitaines de cette garde , qui ne firent jamais peur à Mr. d'Andelot , en ayant bien veu d'autres , & aussi que rien ne se peut verifïer ny trouver , tant la partie avoit esté bien conduite , & avoit bien reussi , car tous les conjurateurs se sauverent à grand' erre tres-bien , & nul ne peut estre attrapé , & n'en sentit-on rien que le vent. Dieu & la fortune voulurent qu'au bout de quatre ou cinq ans , ledit Chastelier fut pris à la bataille de Jarnac , & tué de sang froid , luy faisant payer sa vieille dette. Aucuns blasmoient Chastelier dequoy il avoit tant demeuré à venger cette mort , veu qu'ils s'estoyent trouvez en Toscane assez souvent & mangeant à la table de Mr. de Soubize lors General ; mais en table de General amis & ennemis se peuvent asseoir en seureté , & aussi que les veangeances s'allongent & s'accourcissent à mode d'estrivieres comme l'on veut , & s'en prend l'humeur aux vengeurs. Aucuns pourtant en soupçonnoient Monsieur d'Andelot , puis que le Chastelier s'estoit là lors avisé de se venger , car possible

fible n'y songeoit-il pas sans luy.

Plusieurs disoient que Monsieur de Charry ne se fust jamais fait tort de reconnoître Monsieur d'Andelot, car de plus grands que luy l'avoient bien reconnu, tefmoin Monsieur de Grammont, Monsieur de Pardaillan, aux prises de Calais, Guynes & ailleurs, fort grands Seigneurs & Gentils-hommes de bonne maison, qui avoient eu charge sous luy. Toutefois Monsieur de Strozze, encore qu'il fust fort affectionné à Monsieur l'Amiral & d'Andelot, ne le reconnut jamais pour estre commandé de luy, sinon du Roy, qui le vouloit ainsi. Bien est vray que jamais il ne portoit titre de Colonel & luy-mesme, quand il parloit aux Espagnols, il se disoit Maître de camp de la garde du Roy, & n'en voulut jamais porter autre; & si j'ay veu au voyage de Bayonne qu'aucuns Espagnols, qui le vouloient applaudir & gratifier, il leur disoit qu'il n'estoit que *Maistro de Campo de la guarda del Rey*: en quoy il s'est montré tres-sage. Lors qu'il eut cette charge vacante d'avec Charry, il en estoit un des Capitaines avec Cossains, Sarrion, Gonas le jeune & vieux Cabannes, Yromberry, Neüillan & Forcez, & ne faisoit rien changer, sinon que la compagnie fut au

premier rang, & celle de Charry, qui estoit la premiere, fut la derniere, qui fut donnée au Capitaine la Motte, qui estoit Lieutenant dudit Charry, qui la meritoit bien, car c'estoit un tres-brave & vaillant Capitaine, mais il ne la garda gueres, car il mourut de peste à Lyon au grand voyage du Roy, & Cardillan, qui estoit son Lieutenant, eut la compagnie.

Je croy que dans le Droit Canon il ne se trouvera pas tant d'extravagances comme il s'en trouvera icy; mais c'est tout un, tout est de mise pour moy. Monsieur de Strozze donc fait Mestre de Camp general de la garde du Roy, servit tres-bien son maistre tout le long du voyage que fit sa Majesté, & en tournant en son Royaume, qui dura deux ans; & après pour l'amour des troubles survenus en Flandres, & qu'on voyoit quelques apparences d'une paix assez perdurable en France, le Roy ne voulut plus de garde, & les renvoya aux garnisons anciennes de Picardie: à quoy pouffoient fort les Huguenots, disant qu'il n'estoit bien-seant au Roy d'avoir tant de gardes, & que c'estoit une dépense superflue, & mesme au corps de son Royaume, & que la principale garde du Roy estoit le cœur de ses sujets, comme

me je leur ay veu dire souvent : tant y a, qu'ils crierent tant qu'ils furent creux ce coup par leur importunité ; & disoit-on à la Cour, que l'enclouëure n'estoit pas là , mais parce qu'ils vouloient jouër leur jeu plus seurement qu'ils ne jouèrent après à Meaux pour la Saint-Michel, que sans les Suisses, qui auparavant estoient envoyés querir pour faire teste au Duc d'Albe, passant vers Flandres, la becasse estoit bridée. Le Roy pourtant ne fut tout ce jour sans repentir d'avoir laissé lescdites gardes, & non sans les souhaitter cent fois, pour lesquelles querir aussi-tost Monsieur de Strozze fut dépesché, qui lesemmena fort heureusement, ainsi que j'ay dit ailleurs. Voilà doncques la guerre reprise plus que jamais ; & pour ce que Monsieur d'Andelot estoit de l'autre costé, Monsieur de Strozze tint sa place & fut fait par le Roy Colonel, & changé de nom de Mestre de Camp de ses Capitaines. L'un fut Cossains, du Regiment de la Garet, Saurien, & l'aisné Gonas. Monsieur de la Nouë en son livre les nomme Colonels, dont je m'esbahis ; car ils ne furent honorés jamais de ce titre, non sans mescontentement d'autres Capitaines plus vieux, comme Forcés & autres : mais ainsi pleut

au Roy, & falut passer par là, qui pour-
tant se mirent à obeïr tous à Cossains. Les
autres Mestres de camp eurent des com-
pagnies nouvelles, dont pour ma part
j'eus commission du Roy d'en lever
deux, mais je n'en levay qu'une, m'en
sentant assez chargé, à l'imitation de
Monsieur de Bayard, que j'ay dit cy-
devant, & dont nous fusmes cinq ou
six qui eusmes mesme commission de
deux. Mais aucuns en mirent deux aux
champs, comme le Comte de Maule-
vrier, le Marquis de Canillac & Saint
Geran, frere de Monsieur de la Guiche.
D'autres n'en firent qu'une, comme Be-
signy, dit le jeune Mausay, le jeune
Montluc, dit Fabian, & moy; & ain-
si fusmes departis par le Regiment selon
la volonté du Colonel, lequel voulut
que je fusse avec Mr. de Sarrion, parce
qu'il commandoit à une de ses Colonel-
les, & me vouloit faire cet honneur
que je fusse auprès de cette Colonelle.
Mr. de Brissac, autre Colonel, mais du
Piedmont, eut aussi, comme Mr. de
Strozze, les trois Mestres de camp, qui
furent Mr. de Muns, vieux Mestre de
camp du Piedmont, le gros la Berthé
& Aunous; tous trois certes braves
hommes & dignes de leurs charges, &
l'ont tousjours bien montré en leurs
factions,

Mr. DE BRANTOME. 101
factions , & mesmes Aunous , qui
ayant succédé à Monsieur de Mont-
mot fit tres-bien quand il s'alla jet-
ter dans Poitiers assiégué. Ce Mon-
sieur de Muns fut celuy qui fut donné
pour garder en Provence à Monsieur le
Chancelier de l'Hôpital, qui craignoit
de la populace & autres , qui crioient
fort contre luy & l'accusoient de plu-
sieurs Edits en faveur des Huguenots,
dont ils le menaçoient, & ne s'en sen-
tant assésuré demanda une garde au Roy,
qui luy donna trois bons Capitaines de
la Cour , qui ne bougeoient d'auprès
de luy la plus-part du temps, tous trois
de diverses religions , dont la Cour en
rioit quelquefois ; l'un estoit Huegue-
not, qui estoit Monsieur de Grille, de-
puis Seneschal de Beaucaire , brave &
vaillant Capitaine , & des vŕeux du
Piedmont & de la France, qui fut pris
dedans Terouane , & depuis fit tant la
guerre en Provence contre les Hugue-
nots aux premiers troubles, & desfit les
troupes de Mr. de Suze en la plaine de
S. Gilles, & estoit fort mon amy : Le se-
cond estoit Monsieur de Muns , qui
estoit fort bon Papiste , & fort honneste
homme & tres-bon & sage Capitaine,
& le tiers estoit Monsieur de Bellegar-
de, qui tenoit le medium, & disoit-on

encore qu'il passoit plus avant depuis Marechal de France.

Par ainsi la garde de mondit Sieur de l'Hospital estoit composée & devoit estre bien gardé, sans avoir peur de toutes les sortes de religions. Or cette seconde guerre se passa par le siege de Paris de plusieurs escarmouches là devant, & puis la bataille de Saint Denis, après le voyage de Lorraine & autres exploits de guerre, sur laquelle on fit la paix de Chartres. L'on envoya les troupes aux garnisons, mais d'autant que les regimens estoient accreus, & les compagnies, on renvoya le tout en Picardie, en Champagne, Bourgogne, Normandie & ailleurs. Cette paix ne dura pas six mois, qu'on appelloit la petite paix, d'autres la courte, que la tierce guerre s'accommença, qui apporta & engendra force beaux combats & grandes factions, comme les deux signalées batailles de Jarnac & Montcontour le siege de Saint-Jean, de Poitiers, Mucidan, Niort & d'autres; au bout de deux ans la paix se renouvela & se refit à Angers, qu'on appelloit la paix boiteuse & mal-assise, parce qu'elle avoit esté commencée par Monsieur de Malasise, dit Monsieur de Roissy, Maistre des requestes, grand personnage & digne de
la

sa charge , & par Monsieur de Biron, qui estoit boiteux. Toutes les compagnies encore se resserrent aux garnisons : mais voicy le massacre venu de la Saint-Barthelemy , il falut assieger la Rochelle , où tous les Regimens furent mandés pour venir , tous obeïssans à Monsieur de Strozze , Colonel General, car Monsieur de Brissac estoit mort, & ne parloit-on plus de ses troupes , sinon de celles qui estoient en Piedmont , desquelles la Riviere Putaillé l'aîné estoit Mestre de camp , & puis Antefort , sous Monfr. de Brissac, fort jeune enfant, mais puortant successeur de son frere en l'estat de Colonel de Piedmont.

A ce siege de la Rochelle se trouverent trois vieux Regimens, qui estoient celui de Cossains des gardes, de Gouas & de Mr. du Gua , qui avoit eu la place de Guarrieres , qui avoit eu celui-là de la Berthe mort. Il y en eut d'autres nouveaux , comme celui de Fouïllou, neveu du Lieutenant de Poitou , qui mourut des premiers, de Landreau, de Pavillac de Boisjordan & autres. Ce siege malheureux emporta Cossains , Gouas & Pavillac. Monsieur du Gua fut blessé à la mort en allant vaillamment à l'assaut du bastion de l'Evan-

gile , & n'y mourut. La composition de la ville faite & la paix arrestée , chacun se retira à la coustume aux garnisons, mais non en si grandes troupes, car il y eut de tres-grandes casseries; mesmes le Roy cassa ses gardes & n'en voulut plus avoir auprès de soy. Mais la guerre du Mardy-gras estant venue , qu'on appelloit ainsi , & beaucoup d'entreprises secretes & mauvaises contre sa personne descouvertes, il bailla commission nouvelle au Capitaine Luffan, aujourd'huy Gouverneur de Blaye, tres-brave vaillant, & fort sage, & au Capitaine Forian, que j'avois veu autrefois Lieutenant de Monsieur de la Tour, un fort homme de bien & brave Seigneur , frere du Marechal de Rets, pour dresser chacun une compagnie nouvelle, & les prit pour sa garde, les tenant pour tres-fideles, & s'en servit jusques à la mort tres-fidellement.

MONSIEUR DU GUA.

LE Roy mort , Mr. du Gua , qui estoit fort aymé du Roy nouveau son maistre, & qui avoit sur tout estat aspiré à celuy de Mestre de camp de la garde du Roy, ou, pour mieux dire à la mode des Espagnols, Capitaine General de la

la garde du Roy, ainsi que je l'appellois en Espagnol fort souvent, & tel parler & tel nom luy plaisoit venant de moy, car il m'aymoit fort, remit sus ce Regiment, & le fit aussi beau que jamais; il avoit esté composé de bons & braves Capitaines, comme du Massez, Lieutenant de la Collonelle, aujourd'huy Gouverneur d'Augoumois & Xaintonge, de Ponce-nat, Lieutenant dudit Sieur du Gua, brave soldat & Capitaine & Mestre de camp, qui fut tué au siege de Broüage, & eut sa compagnie de Luffan, aujourd'huy Gouverneur de Blaye, de la Hilliere, Gouverneur de Bayonne, de Sarret, Gouverneur de Saint-Denis, aujourd'huy & depuis de Calais, de Sarillac, Gouverneur de Paris pour la ligue, aujourd'huy Gouverneur du Prince de Condé, de Buffec, qui mourut Mestre de camp au combat de Mr. de Strozze de regret, craignant d'avoir quelque reproche d'avoir mal fait, de Laval, qui avoit esté Mestre de camp de douze enseignes en Languedoc, & qui l'étoit encore, & autres Capitaines, tous certes bons & capables pour leurs charges. En quoy je diray en passant que telle charge de Capitaine en ces gardes estoit si honorable à celuy qui l'avoit, que venant à commander à une autre plus grande, ne

vouloit pourtant jamais s'en demettre ; comme ledit Capitaine Laval que je viens de dire , lequel estoit bien content de se dire Capitaine de cette garde , & d'ailleurs estre Mestre de camp d'autres compagnies en Languedoc : le Buse eut un Regiment au voyage de Mr. de Strozze vers Portugal , & ne quitta jamais pourtant sa premiere place de Capitaine de la garde : Mr. Bonnouvier, brave, vaillant & déterminé Capitaine , s'est veu commander à toute l'Infanterie Françoisse de Mr. d'Espernon en Provence , & pourtant n'avoit quitté sa Compagnie des gardes du Roy : Sarrét en fit de mesme , quand il accompagna Monsieur du Mayne en Guyenne , estant Mestre de camp avant eux : le jeune Gouas, qui fut massacré en Bearn estant Mestre de camp là , mourut aussi Capitaine de la garde du Roy. Voyez donc, s'il vous plaist , comme beaucoup de petites charges que l'on pense, parangonnent aux grandes : car l'honneur n'est pas petit que de garder le corps de son Roy ; nos François & autres nations en ont fait grand cas , ainsi que le firent jadis les Romains de leurs bandes Pretoriennes , qui prirent tel pied & autorité, qu'elles vinrent à eslire les Empereurs, & les Jani-

niffaires, qui font pour la garde du grand Seigneurs, qui se font craindre par tout ce pais.

Or ce Mr. du Gua ne garda pas plus haut d'un an & quelques mois cette charge, car il vint à estre tüé dans son lit estant malade. Helas ! si je le puis dire sans larmes aux yeux, un mien grand amy tûa un mien autre grand amy. L'on en accusa le Baron de Vitaux, qui estoit mon grand amy & frere d'alliance, à qui je disois souvent, Ah ! mon frere & grand amy, vous avés tüé un autre mien grand amy, pleust à Dieu que vous ne l'eussiez jamais fait, je vous aymerois davantage. Il me le nioit tous-jours, mais il y avoit grande apparence qu'il l'eust fait, car il estoit estimé en France tel qu'il n'y avoit homme si resolu pour faire le coup que celuy-là ; je ne sçay comment je dois appeller ce coup, ou résurrection ou miracle de Mars, ou fortune, dautant qu'ordinairement Monsieur de Gua estoit tres-bien accompagné, mesme que la plus-part du temps il faisoit faire garde à son logis de dix ou douze soldats, & après avoir posé garde au logis du Roy, en faisoit aller faire de mesme & autant au sien. Mais le malheur fut que ce soir il n'y en avoit point, car il a-

voit changé de logis , ne quittant pas le sien pourtant où estoit son train, mais pour mieux faire la diete il s'estoit sequestre & passé , & aussi que luy se doutant tousjours dudit Baron il se fioit à un homme qui guettoit & espioit ledit Baron où il estoit, car deux mois avant il estoit party de la Cour : cet homme le trahit ; aussi le sceut-il bien dire aux abois de la mort, Ah ! Barbe grise tu m'as trahy.

Le Baron donc entra le soir avec trois de ses lions , (ainsi appelloit-on ses confidens , qui luy assistoient en ses resolutions & entreprises meurtrieres,) mettant l'espée au poing des la porte, courut au lit. Mr. de Gua l'appercevant , saute en la ruëlle , prit un espieu, mais ne le pouvant entourner ny s'en ayder aisément , comme en belle place , le Baron avec une courte espée, qu'il portoit tousjours telle oruelle , le blessa tellement avec ses lions qu'il ne peut guerres plus parler , & mourut. Ayant fait son coup il sortit resolu, sans trouver empeschement , & se sauva de la ville si diligemment , qu'on s'en douta s'il l'avoit fait , & encores aucuns s'en doutent ; j'en parle ailleurs. Voilà la mort du brave du Gua , qui n'avoit gueres de pareils en toutes sortes de

de vertus, de valeurs & perfections, ayant les armes & les lettres si communes ensemble avec luy, que toutes deux à l'envy le rendoient admirable; au reste c'estoit le plus splendide, le plus magnifique & le plus liberal qu'on eust sceu voir: la faveur qu'il avoit du Roy luy estoit bien dueë, car c'estoit par ses vertus, & n'en abusoit point, & estant compaignon avec les compaignons. Je l'ay veu faire des remontrances au Roy lors qu'il luy voyoit faire quelque chose de travers, ou qu'il l'oyoit dire de luy: mais c'estoit secretement, car ainsi faut parler en telles choses aux Roys: aussi le Roy le trouvoit bon & s'en corrigeoit, si bien que l'on disoit que tant que du Gua à vesca, le Roy, sa Cour & son Royaume s'en trouvoient bien.

On dit que le Roy le regretta fort, mais pourtant après l'avoir loué il dit qu'il estoit insatiable de biens, & qu'il ne le pouvoit saouler. Je vous laisse à penser ce qu'il a peu dire des autres favoris, qui sont survenus après, puisque lors qu'il est mort n'avoit que douze mille livres de rente en Eglise, encore dissipées & telles quelles; d'argent il ne s'en trouva dans ses coffres, ny un sol à l'interest; si bien que Monsieur
du

110 MEMOIRES DE

du Gua, son frere aîné, qui estoit un tres honneste & brave Gentil homme, & qui avoit commandé autrefois aux vieilles guerres de Piedmont, ne s'en enrichit gueres, ainsi que j'en puistest-moigner pour l'avoir veu à l'œil, & qu'il me dit, car ce genereux homme depensoit tout pour la gloire & service de son maistre : s'il ne fust mort : il eust esté Marechal de France par le premier vaquant, & n'eust pas esté despires du troupeau. Helas ! s'il m'eust voulu croire il n'eust point esté tué ny mort ainsi ; car je le voulois mettre d'accord avec le Baron, non qu'ils eussent autre differend ensemble, sinon que lors qu'il eut tué Millaud d'Allegere, Monsieur du Gua, qu'il aymoît fort, s'en formalisa, comme si c'eut esté son frere & comme quasi partie, & moy plusieurs fois luy remontrant & priant de laisser couler cela & accepter l'amitié dudit Baron, dont je l'on priois & l'assurois de la recherche, il me respondoit, Je n'ayme pas mes amys vivans seulement, mais morts encore. Trois mois avant qu'il fust tué, étant dedans la Cour du Louvre, un jour il me monstra son espée, & me la donnant, Avise, Brantome, ce me dit-il, si cette espée est bonne, je l'ay prise aujourd'huy ex-prés

prés pour chastier ces braves qui me font la mine : pardieu s'ils m'appellent à l'Isle du Palais, je la leur feray sentir & les estrilleray bien, tout estropié que je suis. Moy ayant manié cette espée à gardes dorées, je la trouvois fort belle & bonne, mais pourtant fort foible & par trop legere, mais il la luy faloit telle, à cause de la foiblesse de son bras.

Le Baron entendit ces mots, qui dit à quelqu'un qui me le reedit, Je ne suis pas si fol de le faire appeller, car je sçay bien ce que vaut l'aulne d'appeller un tel, qui a telles charges de la garde du Roy & favory de son maistre ; je m'en garderay bien, il me combatroit bien à belles harquebuzades, qu'il me feroit tirer par ses soldats : cependant je la luy garde bonne. Puis il s'en alla, & au bout de quatre jours on ne le vit plus dans Paris, sinon lors qu'il vint faire le coup, qui attrista plusieurs personnes de la Cour, car il estoit aymé de la plus grande part. Il en resjoüit bien aucuns, & mesmes quelques Dames, & principalement une grande ; mais qu'elle mette la main sur la conscience ; elle n'avouera jamais qu'elle l'ayt trouvé si arrogant & si insolent, & si mal officieux à l'endroit de sa Majesté, comme elle en a trou-

trouvé d'autres depuis; & luy m'a dit qu'il l'honoroit comme elle meritoit, & comme il luy estoit tenu de son devoir, & qu'il ne mourroit jamais qu'il ne luy eust osté la mauvaise opinion de luy, & ne luy eust fait service signalé. Je croy qu'il l'eust fait, car son ambition estoit telle; ce m'a-t-il juré souvent, & me prioit de luy dire & estre mediateur de son accord; mais la playe de l'injure estoit trop fraische, & falloit encore attendre que le temps, Medecin des offenses, l'eust consolidée. Messieurs de Montmorency le hayssioient fort, dont il estoit poussé par son maistre & autres sujets, que je ne diray point, & mesme le jour que les deputez d'Angleterre, estant venus à Paris pour le mariage de Monsieur en l'Hostel du Perron, Monsieur de Meru & lui se prirent de propos, tellement qu'ils furent près de se bien battre, & pourtant Monsieur de Gua ne s'estonna, encore qu'il ne fust pas le plus fort, car tous ceux de la maison de Monsieur estoient pour Monsieur de Meru bandez contre luy, fors le vaillant Mr. de Souvray, aujourd'huy Gouverneur de Monsieur le Dauphin & de Touraine, qui fut là un trait de galand homme, qui aymant Monsieur du Gua & se tournant vers luy, prit son
par-

party : en quoy Mr. luy vouloit tel mal, que Mr. de Souvray le quittant ne le suivit jamais plus : puis, après luy avoir lit & prié, ne trouverent mauvais 'il avoit fait pour son amy, & perloit tout respect & tous devoirs. Là se trouva aussi la Corniere, qui estoit lieutenant de Mr. de Bouillon, avec gardes & Suisses du Roy, qui estoit fort son amy, & qui sçavoit Mr. de Bouillon l'aymer uniquement, qui luy servit bien, aussi la rumeur y fut haute & l'esclandre grand. Mr. du Gua se retira vaillamment & en rondelier, comme on dit, car on ne luy eust sceu desrober qu'il ne fust vaillant. La premiere fois que je le connus, ce fut à nostre voyage de Malthe, qu'il se mit à suivre Mr. de Brissac, & eut une querelle contre un des mauvais garçons qui fust à nos troupes, qui estoit le Roux Anguervuagues, qui fut tué aux tierces guerres à Consoulen, en une rencontre contre le Puivideaux : Monsieur du Gua l'envoya appeller à la poste de Castille, que sans le vent que sentit Mr. de Brissac, se fussent bien estrillez. Ce n'étoit pas signe de couardise de s'attaquer à un tel vaillant, & mesme pour chose de peu qu'ils avoient differend, si bien qu'il y avoit plus de la bravade & generosité

sité que de grands sujets. On me pourra dire que je m'affectionne aux louanges de ce personnage: Ouy je ne me peux despestrer de ce sujet, car il estoit fort mon amy, duquel j'assure bien n'avoir dit chose qui ne soit vraye & que je n'aye tout veu, si faut il se taire en fin, c'est assez dit. Monsieur du Gua mort il y eut force brigueurs & contendans à cette charge honorable; entre autres Lavardin, qui la pensoit meriter pour avoir esté Mestre de camp de quatre compagnies nouvelles, à la conquête de la basse Normandie, & y avoit esté blessé à la mort; mais le Roy, qui estoit sage, prevoyant combien cela luy importoit de commettre cet estat de la seureté de son corps à un qui dependoit plus de la devotion d'autrui que de la sienne, ainsi comme il ne le celoît pas, car il estoit de la nourriture & faction du Roy de Navarre, ne la luy voulut point donner; dont il s'en dépit, & depuis onques ne servit le Roy. L'estat doncques à luy desnié & à autres concurrens, fut donné à Beauvais Nangy, que le Roy ay noit fort & se fioit en luy, & lequel servit très-bien & fidelement, & mesme au siege de la Fere & autres: mais Monsieur d'Espernon venant à estre Colonel, & Beauvais criant
tout

tout haut qu'il ne luy obeïroit jamais,
 & qu'il s'estimoit autant que luy, fut
 defavorisé de son Roy, car il faut faire
 ce que le maistre veut, ou du tout quit-
 ter, & fut demis de sa charge, & transfe-
 rée & donnée à Mr. de Grillon, & bra-
 ve & vaillant s'il en fut onques, & le
 Roy ne l'eust sceu donner à homme qui
 l'eust pû mieux débattre, garder & opi-
 niastrer contre le possesseur démis, voire
 contre tout autre, qu'à celuy-là. Aussi
 luy a-t il demeuré paisible jouissant &
 tres-digne de cette charge. Par la vo-
 ye de tout le monde, si je voulois mon-
 trer tous les Mestres de camp que j'ay
 vëus, & raconter les vaillances, j'en au-
 rois jamais fait. Pour cette conquête
 de la bassa Normandie furent faits
 Mestres de camp trois ensemble d'une
 volée, Messieurs de Buffy, de Luffé, &
 Lavardin, chacun de quatre compagnies
 seulement, braves certes, comme leurs
 effets l'ont montré, & le Roy Charles
 n'eust sceu faire meilleure eslection; aussi
 qu'il en avoit nourry deux, Buffy & Lus-
 sé, Gentils-hommes de haute maison,
 riches & bien accomplis en tout. Luffé fut
 tué devant Lusignan, à l'assaut de la Va-
 cherie, où il fit tres bien, car luy &
 Mr. de Buffy s'estant tous deux à l'envy
 precipités dans le retranchement, luy fut
 tué,

tué, dont ce fut grand dommage, & Busfy bleffé à la mort, dont depuis il alla plus de six mois à potence. Il y a eu aussi ce brave & déterminé Comte de Martinangu, qui a esté Mestre de camp, & s'est bien toujours dignement & vaillamment acquitté de sa charge en toutes les factions où il s'est trouvé, & pour sa couronne au siege de la Charité, où il mourut & fut tué. Quelques années auparavant il avoit mené un tres-beau Regiment François au service des Venitiens, après qu'ils eurent perdu la Chypre, ayant pour lors grand besoin de secours, d'autant que le Grand Seigneur menaçoit encore la Candie & Dalmatie; & parce que ledit Comte estoit haï des Venitiens & estoit tres-mal avec eux, à cause qu'en plein jour, quelques longues années avant, estant entré dedans Bresse, il alla tuer un sien ennemy dedans sa maison, si résolument & si excortement qu'il eut moyen de sortir hors la ville & se sauva; j'en parle ailleurs. Et pour ce les Venitiens luy eussent fait un mauvais party s'ils l'eussent tenu, & quelque priere que le Roy leur fist pour obtenir sa grace, ils ne la voulurent accorder, d'autant que le mort estoit d'estoffe, qui demandoit justice par les siens: mais après mettant tout sous les pieds en ce qu'il les vint se-

secourir de quelque beau & bon Regiment, ils luy pardonnerent & le revoquerent aussi, ayant assemblé une fort belle troupe de deux mille François, qu'il recueillit & amassa bien aisément & à propos, & sans remuër, à cause de la paix, alla trouver la Scigneurie, qui le recueillit de fort bonne façon, & avec fort bonne paye & appointement pour luy & ses gens, portant titre de Colonel & enseigne blanche; je parle encore ailleurs de luy. Quels en conteray-je davantage? Et pour abreger, sans toucher à leurs actes preux & genereux, vous avés eu tant en France de ces Mestres de camp, que j'en ferois perdre la memoire à ceux qui les voudroient apprendre par cœur. Outre ceux-là que j'ay nommez, vous avez eu le Chevalier de Montluc, mon frere d'Ardelay, qui fut tué dans Chartres en le defendant tres-vaillamment, assiéger des Huguenots, & pour telle obligation la ville & le Clergé luy ordonnerent sa sepulture dans le Cœur de l'Eglise & près du grand Autel, où n'avoient octroïé cette faveur & grace à corps quelconque, & ainsi ne leur estoit permis par leurs statuts, mais pour un tel bien-facteur & liberateur de la ville ils les violerent. Vous avez eu Livarot,

qui

qui fit si bien à la Maure, Messieurs d'Antefort, de S. Luc, brave & vaillant, d'Espéron, auparavant dit la Valette, Tajan, le Houlet, freres, le Comte de Grand Pré, mon cousin de la Chastaigne-raye, Capitaine sans peur, qui fut si vilainement massacré à la bataille d'Yvry, Jarfay, Rubenpré, Prassin, Canisy, Sacremore, Ballagny, qui par sa valeur s'estoit à soy attribué Cambray, & depuis mal perdu, Chamois, Thevale, Genisac, la Garde, qui a si long-temps & si bien guerroyé en Flandres, la Maurie, le tres-vaillant, qu'on pensoit faire perdre & luy & son Regiment, estant allé en Flandres, pour les maux pretendus faits en France, & envoyé en Frise; mais au lieu d'y recevoir mal, il en donna à bon escient aux autres; si bien qu'en retournant victorieux on-l'admira; & fut nommé l'espouvante de la Frise: si Dieu lui eût prolongé ses jours il eût bien fait d'autres œuvres de guerre, tant il estoit brave & vaillant, & avec cela tres-avisé Capitaine. J'ay esté le premier qui l'ay eslevé & mis les armes à la main, & ne fut jamais, tout jeune que je l'avois avec moy, qu'il ne promist beaucoup de soy, ainsi que Monsieur de Preau, aujourd'huy Gouverneur de Chastelleraut, par sa conqueste & expertise de ses armes

ies & de son gentil esprit, lequel j'ay
 ourry page aussi, élevé & premier mis
 ux armes, & a bien appris de Monsieur
 de la Nouë en Flandres. Quand je pense
 la valeur & suffisance de ces deux jeu-
 nes hommes, que je viens de dire ainsi
 accomplis, je penserois & presumerois
 estre quelque chose, n'estoit le proverbe
 que le disciple passe bien souvent le maî-
 tre. Il y a eu aussi Monsieur de Cluzeau,
 dit autrement Blanchard, lequel on peut
 dire estre un des braves & sages Capitai-
 nes qui soient en France, car il a la vail-
 lance & l'esprit & le sçavoir, par tout
 où il s'est trouvé, il s'est fait signaler, en
 Flandres, au siege de Chastillon & aux
 guerres de la ligue: aussi de bonne heu-
 re commença à se monstrier, car estant
 jeune de quinze ans, il portoit une en-
 seigne du Capitaine la Garde au siege de
 la Rochelle, qui estoit à Monsieur de
 Lansac. Je suis bien marry que je ne
 puis faire icy le roolle de tant de braves
 Mestres de camp & Capitaines Fran-
 çois, qui de mon temps ont si bien
 triomphé parmy nos guerres; mais ma
 foy la teste me fait mal quand je les
 veux tous repasser par ma memoire, car
 il y en a une milliaice, & si sans cela
 je penserois m'en souvenir & conter
 aussi-bien qu'homme de France, au
 moins

moins des principaux, qui ont esté pour nostre Roy & Monsieur en ces guerres de la ligue, il y en a tant eu & s'en fait tant tous les jours, que par maniere de dire il n'y a gueres contrée en France, que si on en bat les buissons on en verra sortir un Mestre de camp, ainsi qu'on disoit du temps passé des Capitaines de la Gascogne; ce qui est une extrême confusion en la discipline militaire. Il y a aucuns Grands, & mesmes Mr. d'Espernon, qui disent & trouvent bon qu'il y ayt cette pluralité de Mestres de camp, dautant qu'il y a plus de Capitaines en une armée, & où il y a plus de Capitaines, plus de gens de bien & de valeur y a-t-il, & par consequent l'armée s'en trouve mieux, & les combats s'en debattent mieux, ayant opinion que les Capitaines, qui ont l'honneur devant les yeux plus que simples soldats, ne faillent pas si tost. Cela est bon si tous les Capitaines estoient d'estre tirez sur le vollet, mais si les compagnies estoient composées de pareils soldats, que j'ay veus aux gardes du Roy, lors que Mr. de Strozze les alla querir aux garnisons de Picardie, pour venir à Paris aux secondes guerres, ce seroit bien le meilleur; car il n'y avoit gueres de soldat qui ne meritaist d'estre Capitaine, jusques

ques aux jeunes cadets, qui eussent combattu jusques au dernier soupir, comme les dix mille Grecs que souhaita un jour Mar-Antoine; & aussi qu'aucuns y entrent qui ne valent pas simples soldats; & tels soldats avons nous veus autrefois, qui s'estimoient plus que plusieurs Capitaines. L'on a veu faïres des traits à des soldats, fust aux batailles, fust aux escarmouches, fust à reconnoistre les places, fust aux assauts, fust aux combats, qu'ils faisoient honte aux Capitaines. J'en ay veu plusieurs refuser des places de Capitaines, pour demeurer en leurs simpleesses de soldat; tant ils s'y plaisoient. Aussi, pour dire vray, je pense qu'il n'y a rien si brave & si superbe à voir qu'un gentil soldat, bien en point, bien armé, bien leste, soit qu'il marche à la teste d'une compagnie, soit qu'il se perde devant tous à une escarmouche ou à un combat où à un assaut, tirer son harquebuse tout nud, desarmé, aussi resoluement que les mieux armez: aussi sont ils appelez fantassins, d'autant qu'ils sont jeunes, & rien n'est impossible à la jeunesse pour le sang jeune, neuf & bouillant, qui leur boult dans le corps & dans l'ame; de mesme rien n'est mal seant à la jeunesse: & ce que j'admire autant en ces fantassins, c'est que vous ver-

rez de jeunes gens sortir des villages du labour, des Boutiques, des Ecoles, des Palais, des Poëtes, des Forges, des escuries & de plusieurs autres lieux pareils bas & petits, ils n'ont pas demeuré plutoſt parmy cette Infanterie quelque temps, que vous les voyez auſſi-toſt faits aguerris, façonnez, que de rien qu'ils eſtoient, viennent à eſtre Capitaines & égaux aux Gentils-hommes, ayant leur honneur en recommandation autant que les plus nobles, à faire des actes auſſi vertueux & nobles que les plus grands Gentils-hommes. Voyez quelle obligation ils ont aux armes, qui les pouſſent ainſi; car nous autres Gentils hommes nous ſommes pouſſez par deux ſujets à faire de beaux actes, l'un pour la Nobleſſe que nous avons extraite de nos anceſtres, qui nous eſmeut à les enſuivre & acquerir honneur, & l'autre par les armes, qui nous ſont nées, au lieu que nos ſoldats les recherchent eux-mêmes & les ſçavent ſi bien entretenir, que de petits ils deviennent tres-grands. J'ay ouy raconter dans Naples, que Francisque Sforce, que Meſſire Philippes Comines dit avoir eſté fils d'un Cordelier, & le louë fort pourtant, eſtant un jeune garçon labourant à la terre, voyant paſſer des ſoldats bien en point, bien

bien armez & en bonne façon, telle veüe luy pleut, & entra en tentation & se fantaſtiqua ſoudain de leur reſembler, & ſe faire ſoldat comme eux, & quitter ſon mecanique meſtier; parquoy prenant ſa pioche, ou *la ſapa* (comme dit le Neapolitain) dequoy il labouroit, il la jetta ſur un arbre en diſant, Va, ſi tu y demeures & que tu accroches & ne retournes vers moy; je ne te reprendray jamais plus, & en ton lieu je prends les armes. La fortune ou ſon deſtin voulut quelle y demeurast accrochée, parquoy ſuivant ce paſſage prend les armes, ſe fait ſoldat & ſe rend le plus grand & renommé Capitaine qui ayt eſté en la Chreſtienté depuis trois cens ans, ayant fait de ſi beaux exploits, que de luy & par luy ſes enfans & neveux ont eſté grands, comme on les a veus & comme nous diſons, & venus à eſtre Ducs de Milan, dont Antoine de Leve à eſté de meſme extraction & mort tres-grand, dont on parle en ſa vie. On dit le Marquis de Marignan avoir eſté eſtafier du Chaſtelain du Chateau de Muns, & ainſi que ſon maſtre l'envoya vers le Duc de Milan Sforce pour porter quelques lettres, Le Duc le deſpecha auſſi-toſt après eſtre veu de le pendre & le faire prendre, car il le vouloit trahir &

sa place. Luy, qui sçavoit lire, fust ou que son demon l'y pouffast, ou quelque curiosité ou remords de conscience, ouvrit les lettres en chemin, où il trouva sa sentence, & la leut tres-bien, & la rompit après en cent pieces ; puis estant devant son maistre, luy dit que le Duc le mandoit par luy en grand' haste, qu'il l'allast trouver soudain, comme il ne faillit, & estant party & dehors, il fit si bien que gagnant aucuns soldats & chassant les autres il se rendit maistre du chasteau : pouffant sa fortune se rendit grand comme nous l'avons veu & comme j'en parle icy & en sa vie. Je ne sçay si ces deux contes precedens sont vray, mais ils m'ont esté assurez pour tres-veritables, l'un dans Naples, & l'autre dans Milan, & l'autre dans Hédin : & cela est tres-vray & n'est hors de raison qu'il ne puisse avoir esté, puisque nous avons veu tant de grands personnages s'estre eslevez de bas lieu, comme ce grand Tamburlan, qui de pasteur qu'il fut se rendit si grand, si puissant, si redoutable, que s'il ne fust mort si soudain, il estoit pou estre le plus grand homme qui fut jamais, selon son beau commencement. Je ne parle point de plusieurs Empereurs Romains, comme de rien, ils sont venus à cette suprême dignité,

gnité jusques à un qui estoit forgeron, qui le fut, ayant esté un bon soldat, & ne s'en feignoit de le dire; mesme un jour ayant à combattre ses ennemis, haranguant ses soldats & les animant au combat: Quand à moy, je leur monstrey (ce dit-il, parlant de ses ennemis) que je n'ay point encore oublié mon premier mestier, qui estoit de bien battre le fer: voulant dire qu'il les frapperoit & battroit bien. J'en nommerois plusieurs autres, mais suffise qu'on les trouvera escrit ailleurs, & quand à ceux de nos temps, qui de petits se sont veus grandement parvenus par les armes, le nombre en est infiny: que s'il est vray ce que j'ay dit du Marquis de Marignan, l'on a veu de mesme une infinité de bons & braves Capitaines, qui ont esté laquais; j'en ay connu force, & mesmes les Basques, que le feu Roy Henry II. se faisoit fort à les pousser, & après luy Monsieur de Montmorency d'apresent & Connestable de France. J'en ay connu deux en nos bandes, qui sont morts en tres-belle reputation de Capitaines, l'un le Capitaine Mignard, qui fut tüé à la Roche-la Belie, & un autre nommé le Capitaine Pedro, qui est mort de maladie. A les voir on ne les eust jamais pris pour avoir esté laquais, non plus que le Capitaine

Bequin, aussi sage & bon Capitaine, qui fut blessé & mourut à la Rochelle, nourry laquais de Monsieur de Nemours. Je les ay veus l'un premièrement de Saint-Geran, & l'autre du jeune Nansay, dit Besigny, & puis leur donnerent leurs compagnies venant à avoir plus grandes charges. Ah! que j'en nommerois d'autres, voire qui sont venus de plus bas lieux & que les armes ont rendus tres-nobles, & encore que plusieurs soldats ne parviennent & ne sont parvenus aux charges de Capitaines, si sont-ils tousjours pourtant nobles à estimer, j'entens les bons & qui ont tousjours bien fait où ils se sont trouvez, car, comme j'ay dit, plusieurs se plaisent plus en leur estat de soldat, portant sa belle arquebuse, & bon beau fournement de Milan, ou son beau corcelet gravé & sa pique à obeir, que non pas à commander. J'en ay veu une infinité parmy nos bandes de telle humeur, & ne laissoit-on à les honorer & estimer autant; aussi les appelloit-on Payez, Reallez & Lanspessades, & l'Espagnol, *soldados advantagados*. J'ay ouy raconter à Capitaines & soldats qui l'ont veu, qu'en ces dernieres guerres en Flandres, faites par le Prince de Parme, il y avoit parmy les bandes Espagnoles un vieux soldat,

dat , qui avoit plus de cent ans , & qui avoit traîné par toutes les vieilles guerres de l'Empereur & autres , qui n'avoit jamais voulu charge de commander , encore qu'on le luy eust présenté souvent , mais rien moins , tant la condition de simple soldat luy plaisoit , mais pourtant il estoit en telle estime de bon & sage Capitaine , ne luy en restant que le nom , qu'ordinairement le Prince de Parme l'appelloit au Conseil & se conseilloit à luy , & mesme aux sieges des places , & le plus souvent , & le Prince & les autres Capitaines le croyoient & s'en trouvoient fort bien. Que le humeur à ce bon & brave vieillard soldat avec sa simple pique & corcelet qu'il portoit tousjours , qu'il conseilloit aux plus grands Capitaines ! Possible le faisoit-il à tel dessein pour la gloire , de laquelle l'Espagnol est fort avide.

J'ay ouy dire , comme il se trouve aussi dans l'Histoire de ce temps , à plusieurs Capitaines & soldats qui y étoient , que Monsieur l'Amiral , le voyant à bon escient assiéger dans Saint-Quentin , fit faire un bandon general parmy la ville , que tous soldats qui sçauroient quelque chose à redire , qui fust ou bonne pour la defendre , ou mauvaise pour

s'engarder , qu'ils le vinssent dire & reveler à mondit Sieur l'Amiral & luy en donner avis & conseil , & y feroient tres-bien venus & receus ; dautant , disoit-il qu'il n'estoit pas possible qu'il n'y eust leans de bons & experimentez soldats , qui eussent veu plusieurs sieges & guerres qu'encore qu'ils n'eussent atteint le nom de Capitaines , que pourtant ils ne donnassent de bons avis & conseils : à quoy il les prioit tous de bon cœur de dire ce qu'il leur en sembloit , & pour ce venoient à luy & luy rapportoient leurs opinions , dont bien souvent il s'en trouvoit bien.

J'ay veu feu Monsieur de Guise le grand ordinairement aux sieges caresser l'un & l'autre , aussi bien que les Capitaines , & mesmes ceux qu'il avoit connus pour bons , & avoit veu bien faire ; ou s'il ne les connoissoit , ceux auxquels il appercevoit une bonne façon & grace belle soldatesque , les caressoit bien fort & leur demandoit leur avis aussi. Que te semble de cecy ? disoit-il , que te semble de cela ? Et estoit fort aise quand ils luy respondoient beaucoup & qu'il en recueilloit de bons avis , & tousjours après remarquoit si bien ce soldat , qu'il le reconnoissoit pour jamais ; & sur tout aux sieges vouloit

loit prendre plutoſt avis des ſoldats & Capitaines de gens de pied, que des autres Capitaines de gendarmes, pour les y tenir plus aviſez & experimentez. Je le vis au dernier aſſaut de Rouën, quand nous les priſmes, un peu avant que l'ordonner il appella Sainte-Colombe de Bearn, lequel de trois braves freres qu'ilſ eſtoient, il eſtoit le ſecond, & ſi n'avoit pourtant aucune charge, mais d'autrefois il en avoit eu, & luy parla de l'ordre de cet aſſaut & en conféra fort avec luy, & ſelon qu'il le vit il le connut fort diſpoſé de faire la premiere pointe, ſi Mr. de Guiſe luy donnoit tels gens qu'il voudroit. Sainte-Colombe, luy dit il alors, le Roy & moy vous avons beaucoup d'obligation, puis qu'il ſi librement vous vous offrez à une ſi bonne affaire, ſans autrement aucune contrainte de charge que vous ayez icy; parquoy prenez tels ſoldats que verrez, & donnez, car bien toſt je vous ſuivray. Sainte-Colombe ſoudain alla prendre & choiſir cinquante des meilleurs ſoldats arquebuſiers, tous ſoldats de la compagnie de ſon frere le jeune Sainte-Colombe, qu'il ne faiſoit que venir mener fraiſchement de Mets, laquelle eſtoit l'une des belles que l'on euſt veue, & entre les cinquante

s'engarder , qu'ils le vinssent dire & reveler à mondit Sieur l'Amiral & luy en donner avis & conseil , & y feroient tres-bien venus & receus ; dautant , disoit-il qu'il n'estoit pas possible qu'il n'y eust leans de bons & experimentez soldats , qui eussent veu plusieurs sieges & guerres qu'encore qu'ils n'eussent atteint le nom de Capitaines , que pourtant ils ne donnassent de bons avis & conseils : à quoy il les prioit tous de bon cœur de dire ce qu'il leur en sembloit , & pour ce venoient à luy & luy rapportoient leurs opinions , dont bien souvent il s'en trouvoit bien.

J'ay veu feu Monsieur de Guise le grand ordinairement aux sieges carresser l'un & l'autre , aussi bien que les Capitaines , & mesmes ceux qu'il avoit connus pour bons , & avoit veu bien faire ; ou s'il ne les connoissoit , ceux auxquels il appercevoit une bonne façon & grace belle soldatesque , les carressoit bien fort & leur demandoit leur avis aussi. Que te semble de cecy ? disoit-il , que te semble de cela ? Et estoit fort aise quand ils luy respondoient beaucoup & qu'il en recueilloit de bons avis , & tousjours après remarquoit si bien ce soldat , qu'il le reconnoissoit pour jamais ; & sur tout aux sieges vouloit

loit prendre plutoſt avis des ſoldats & Capitaines de gens de pied, que des autres Capitaines de gendarmes, pour les y tenir plus aviſez & experimentez. Je le vis au dernier aſſaut de Rouën, quand nous les priſmes, un peu avant que l'ordonner il appella Sainte-Colombe de Bearn, lequel de trois braves freres qu'ilſeſtoient, il eſtoit le ſecond, & ſi n'avoit pourtant aucune charge, mais d'autrefois il en avoit eu, & luy parla de l'ordre de cet aſſaut & en conféra fort avec luy, & ſelon qu'il le vit il le connut fort diſpoſé de faire la premiere pointe, ſi Mr. de Guiſe luy donnoit tels gens qu'il voudroit. Sainte-Colombe, luy dit il alors, le Roy & moy vous avons beaucoup d'obligation, puis que ſi librement vous vous offrez à une ſi bonne affaire, ſans autrement aucune contrainte de charge que vous ayez icy; parquoy prenez tels ſoldats que verrez, & donnez, car bien toſt je vous ſuivray. Sainte-Colombe ſoudain alla prendre & choiſir cinquante des meilleurs ſoldats arquebuſiers, tous ſoldats de la compagnie de ſon frere le jeune Sainte-Colombe, qu'il ne faiſoit que venir mener fraiſchement de Mets, laquelle eſtoit l'une des belles que l'on euſt veue, & entre les cinquante

voulut qu'il y en eust de meslez une vingtaine de goujats & cadets , que ce n'estois que feu & bons arquebusiers : il donna si furieusement , & Monsieur de Guise après, que la place n'eut qu'à tenir, & en rien fut emportée ; aussi demeura-t-il sur la place plus d'une vingtaine de morts & autres bleffez de ces cinquante , & luy le pauvre Colombe bleffé à la mort , dont il mourut quatre jours après , & le brave Castelpers , brave & jeune Gentil-homme , d'une tres-grande vaillance & apparence mort, Monsieur d'Andoucins , pere de Madame la Contesse de Guiche d'aujourd'huy , mort aussi près de Monsieur de Guise, vaillant Seigneur. Surquoy je feray cette petite digression , que le lendemain de la prise de la place Monsieur de Guise alla au devant de la Reine, qui y venoit loger , ainsi qu'il vit de loin qu'on emportoit un bleffé sur une chaise nattée dans ladite ville , il commanda à Boiffy , son escuyer, que feu mon oncle de la Chastaigne-raye avoit nourry page , d'aller voir qui estoit ce malade & bleffé , & tourna viftement luy rapporter que c'estoit Monsieur de Sainte-Colombe. Monsieur de Guise se destourne viste de son chemin, & au grand galop le vint trou-

trouver & luy demander le plus courtoisement qu'il peut , comment il se portoit. Helas ! Monsieur , dit-il , tres-mal , je men vais mourir ; mais Monsieur je ne plains ma mort , & je meurs en la bonne grace de mon Roy & de la vostre , & que soyez bien content que je vous servis bien hier. Comment content, luy repliqua Monsieur de Guise, & qui ne le feroit ? Ouy je le suis , Mr. de Sainte Colombe , & tellement le Roy & moy vous sommes obligez , qu'il faut confesser que possible l'on seroit encore à entrer en cette place sans vous ; en quoy vous devez prendre courage & vous guerir , & vous tenir pour assuré qu'après le Roy vous recompensera de telle honorable recompense , qu'à jamais vous en ferez content , & quand bien il ne le feroit, dont il n'est pas si desnature & ingrat Roy , ne vous souciez , car à jamais je vous feray part de ma fortune & de mes moyens , comme à mon compagnon & frere d'assaut , que nous fusmes hier : Rejouissez-vous donc , Monsr. de Sainte Colombe, car avec l'ayde de Dieu vous ferez bien-tost guery.

Monsieur de Sainte-Colombe le remercia tres-humblement avec la larme à l'œil. Mr. de Guise l'avoit aussi &

le conduisit plus de cent pas, parlant toujours à luy. Je le puis dire, car j'y estois & le vis ; mais le pauvre Gentilhomme ne la fit pas par après guerres longue, dont Monsieur de Guise eut grand regret, honorant son enterrement de sa personne, & le louant ordinairement à toute outrancè. Ce trait luy obligea les soldats dudit S. Colombe, qu'il voulut connoistre, au moins ceux de l'élite & force autres. Voilà comme il les recherchoit, parloit à ceux & en prenoit langue, comme de vray en ce qui touche de mener les mains, ma foy on ne les doit pas seulement employer & leur dire ; Donnez cy, donnez là ; mais il en faut prendre quelquefois leur avis, la raison le veut : en la plus grande tempeste les plus grands mariniers prennent bien avis des plus petits.

Jules Cesar, en la journée de Pharsale, ainsi qu'il visitoit les rangs & l'ordre de sa bataille, il vit un Centenier, qu'il avoit veu bien faire autrefois, & daigna luy demander, Et bien, que te semble-t-il de cette bataille d'aujourd'huy ? Je ne sçay, respondit l'autre, mon Empereur, mais je t'assure bien que tu me louëras aujourd'huy vif ou mort. Comme de vray il fit rage telle qu'il mourut. Aussi son Empereur le
loua

loüa après comme il meritoit. Ah! qu'il y a bien parmy nos bandes encore de gentils foldats & Capitaines! Que si on le mettoit à les louer, dire leurs valeurs & en faire des oraisons funebres pour leurs beaux faits, comme jadis les Romains, que l'on en verroit de belles & qui serviroient de beaucoup à esmouvoir leurs compagnons & ceux qui viédroient après, à faire d'aussi vaillans actes qu'eux. Mais aujourd'huy il y a si peu de reglemens de guerre parmy nos foldats, qui s'adonnent si fort au pillage & à la picorée, que mais qu'ils en ayent ne s'en soucient d'autres choses; & tout cela vient qu'ils ne sont pas payez. J'ay veu pourtant d'autrefois nos foldats parmy nos bandes dans le camp deux ou trois mois sans faire monstre. Au Diable s'ils eussent osé dérober tant soit peu. Bien est-il vray que la munition ne leur manquoit point; & qui pis est, si on leur devoit quatre ou cinq & six mois, on leur en faisoit perdre le plus souvent la plus grande partie. Mais aujourd'huy nostre Infanterie est si fort corrompue & si bien différente à celle qui a esté: aussi dit-on qu'il n'y a plus de foldats d'affaut, non que je veuille dire qu'il n'y en ayt encore de bons, & y en avoit d'aussi bons que jamais, mais ils regardent plus à piller, dero-

dérober, larronner, & à faire leur profit, qu'à gagner de l'honneur : & la cause en est qu'ils n'ont plus de discipline militaire, n'ont plus de regle, n'ont plus d'obeïssance ; & sur ce ils alleguent qu'ils ne sont plus payez & ne reçoivent aucune solde du Roy. En quoy il faut estimer la fortune du Roy, qui sans argent a sceu si bien enretenir ses soldats, qu'avec eux il a fait de si beaux exploits & incroyables conquestes.

Je vous laisse à penser s'ils estoient payez, quelle regle seroit parmy eux, & ce qu'ils feroient. La seule discipline des Romains a plus fait que toutes leurs armées, à surmonter toute la multitude des Gaulois, la grandeur des Allemands, la force des Espagnols, & les richesses & finesses des Africains, & la prudence & ruse des Grecs. Aussi Jules Cesar permettoit toutes débauches, vices, pilleries & insolences à ses soldats, mais qu'ils ne fussent point mutins, desobeïssans & dereglez à leur devoir ; & faisoit cela afin qu'ils fussent braves, bien en point & superbement armez, & tous couverts d'or & d'azur, estimant que d'estre bien en point cela serroit & animoit mieux à combattre.

Feu Monsieur de Guise haïssoit l'un & l'autre.

l'autre, qui estoit la pillerie & desobeïssance. A la prise de Calais il avoit commandé au Capitaine Saint-Estese le borgne, Basque, de demeurer en un certain lieu près d'une avenue, s'il arrivoit inconvenient pour y pourvoir la ville prise.

Ledit Estese voyant que tout le monde y pilloït & lui point, se perd ce coup, pour un bon Capitaine qu'il estoit, & quitte son lieu à luy ordonné par mondit Sieur, entre en la ville faire comme les autres.

Qui fut esbahy ce fut Mr. de Guise. Quand il le vit là, Capitaine S. Estese, luy dit-il, avez-vous esté si hardy & si peu soigneux de mon commandement & de vostre devoir, que de quitter le lieu où je vous avois mis?

Saint Estese respondit, Je pensois, Monsieur, que je n'y ferois plus de rien, la ville prise, & aussi qu'il me fâchoit fort de voir aucuns de mes compagnons gagner quelque chose, & moy point. Comment, luy repliqua Monsieur de Guise, & me tenés-vous si mal avisé & déraisonnable, que je ne vous fisse pas recompenser, & n'eusse esgard à vostre perte que vous faisiez par vostre absence? Ha! ouy, Monsieur, respondit Saint-Estese, qui estoit haut à la main.

Mais

Mais cependant, Quoy dit Monsieur de Guise, baisez la terre. Et ne s'en falut gueres qu'il ne luy baillast de l'espée à travers le corps; mais voyant que l'autre reconnoissoit sa faute & baisoit la terre, aussi-tost luy pardonna, & n'y retournant plus à telle faute, & puis genereux & magnanime qu'estoit ce Prince, le recompensa & luy donna plus possible qu'il n'eust gagné au sac, & luy fit rémontrances devant d'autres Capitaines, de sa faute qu'il avoit faite, tant d'avoir abandonné la charge & le lieu que son General luy avoit ordonné, à quoy cela pouvoit venir à une tres grande consequence, si l'ennemy fust survenu de quelque autre part, que pour la desobeissance qu'il avoit commise, il desiroit sur toute chose l'obeissance des siens. A son voyage d'Italie il fit pendre deux soldats, l'un pour avoir larronné une seule piece de lard, & l'autre pour quelque autre chose legere: dont le bon Prince s'en confessa à sa mort & le dit tout haut, & l'ouïs & plusieurs autres avec moy: dont je m'estonne qu'on Monsieur l'Evesque de Rets, qui recueilloit ses derniers & tres-belles, bonnes & saintes paroles, & depuis les fit imprimer, n'y a mis ce trait, car il s'en confessa tout haut & s'en repentit; mais
il

il dit qu'il n'avoit fait exercer cette justice , sinon pour la police & pour servir d'exemple à ceux qui en voudroient faire de mesme. Voila comment ce Prince desiroit de ses soldats deux choses sur tout , qu'estoit l'obeïssance & la bonne vie. Que diroit-il aujourd'huy , s'il retournoit voir nos soldats de maintenant , qui sont si déreglez . & qui font plus profession de brigandage que de guerre ? Car dès lors qu'ils s'enrolent ou marchent sous une enseigne , c'est à prendre qui pourra sur l'un sur l'autre , autant ou plus sur l'amy de son party que sur l'ennemy , tenir les champs , faut que l'enseigne se promene , & non pas pour peu de temps , mais pour cinq ou six mois , comme j'ay veu , usant de ce mot inventé de nouveau , il faut paroïsser , qui est aller de paroisse en paroisse , & voisinier à bon escient , mais non à la bonne mode : & si quelque Regiment est licencié du General pour sortir de l'armée , où il avoit long-temps demeuré , & s'y sera fatigué , pour se remettre , il vous arpentera deux ou trois Provinces , les pillant , volant & larronnant tout ce qu'il pourra , & appelle cela , Nous allons nous rafraîschir. Les autres ne vont en aucunes armées ny belles factions , sinon qu'après qu'ils ont bien pillé

pillé & sont pleins comme un œuf, se retirent en leur maison, ou boutiques, ou villages, ou ailleurs, & reprennent leur premier mestier, disant qu'ils veulent pourvoir à eux, afin que si la paix venoit ils ne demeurassent sans mestier & mourussent de faim. Au moins s'ils attendoient la paix, & que cependant ils suivissent la guerre, & la servissent bien, ils seroient pardonnables & recevables. Ce que j'en dis ce n'est pas pour reprimier ny le butin ny la mangeaille aux soldats, car il faut qu'ils vivent & gagnent, & en cela je ne me puis engarder que je ne blasme la punition que l'on fit au voyage d'Allemagne du Roy Henry II. de quelque dix ou douze soldats, lesquels après n'avoir mangé l'espace de six jours ny chair ny pain, ny presque toute l'Infanterie, arrivant à la ville des Deux-ponts & aux terres du Duc, furent perdus pour avoir pris quelque bestail pour vivre eux & leurs compagnons; & qui pis est, ils voioient dans le bois le bestail à quantité, il fut fait un bandon General de n'y toucher, & tous mouroient de faim, ce que je trouve la plus grande & sotte simplicité, & cruauté tres-laide, de laisser ainsi mourir les gens de faim parmy les vivres.

Mon-

Monsieur de la Nouë en l'un de ses discours , approuve & veut que le soldat , après la guerre & venant la paix , se retire en son premier art & mestier , ce qu'à plusieurs galans hommes ay veu desapprouver & s'estonner de Monsieur la Nouë , qui a esté si bon manieur d'armes , qu'il ayt eu certe opinion , les voulant en cela abaïsser par trop , qu'il faille que les mains qui les ont maniées si noblement & si nettement , s'aillent souiller & vilainer par un labourage & vil & sale mestier mecanique ; & crois fermement qu'il fasche beaucoup à un brave soldat , ainsi que j'en ay veu l'experience de plusieurs , quand il est là reduit , & luy est un grand crevecœur , & luy sçay un tres-bon gré quand il ne fait point tel eschange , & ayme mieux quitter sa patrie , & aller chercher son aventure en terre lointaine & estrangere , ainsi que font ordinairement la pluspart de nos braves soldats François , lesquels quand la guerre , leur mere nourrice de lait , vient à leur faillir , s'espandent si bien par toutes les contrées de la Chrestienté , voire du monde , qu'il n'y en a gueres que vous n'y en voyiés , comme j'y en ay veu en celle où j'ay esté , jusques en Turquie , en la Barbarie. Moy estant lors en Italie que la paix fut faite entre le

Roy

Roy Henry & Philippes, la plus part des soldats François, qui estoient en la Toscane, ne se voulurent jamais embarquer dans les galeres de France, lesquelles Monsieur de S. Sulpice, qui fit la premiere charge honorablement qu'il eust jamais, car avant il avoit leu les Instituts à Poitiers, depuis Ambassadeur en Espagne, & puis Gouverneur de Monsieur d'Alençon, avoit emmenées exprés pour les enlever, & pensant charger les trouva quasi toutes vuides, & ceux qui restoit disoient entr'eux compagnons, mais aussi-bien de ça comme de-là, Que faisons-nous en France, nous y mourons de faim, de reprendre nos premiers mestiers & arts mecaniques, nous les avons oubliés; ne vaut il pas mieux que comme soldats que nous avons esté si long-temps, nous vivions & mourions comme soldats? Et sur ce prirent resolution de ne trajectter point vers la France: & aussi qu'ils avoient fait une grosse sedition dans Grossette, dont le Capitaine la Solle, Gascon, avoit esté chef, qu'ils craignoient qu'en France ils en patissent, parquoy scachant que le Roi d'Espagne faisoit battre le tambour par toute l'Italie, ils se vinrent enroler en si grande quantité, tant de la Toscane que du Piedmont, qu'il s'en trouva plus
de

le douze cens ; & j'en vis une grande partie à Naples, embarquez sur les galeres pour aller en Sicile ; entr'autres je vis le Capitaine la Solle, qui avoit tres-bonne façon, pensant tous que l'armée iust quelque journée cette année là ; mais ils hyvernerent en tous ces quartiers du Regne de Naples & Sicile, & l'année après se donna le furieux combat aux Gerres, auquel les François emporterent trogne d'avoir tres-bien & vaillamment combatu, & tellement qu'il n'en resta pas en vie la tierce partie. N'estoient-ils pas braves, galands & heureux ces gens de bien de soldats ? de vivre & mourir en soldats, & pour la deffense de la Roy, non pas faire la vie mecanique que Monsieur de la Nouë ordonne, car & comment est-il possible qu'un noble cœur veuille venir vilain ?

Qu'on m'aille dire que ces braves soldats Espagnols, quand ils ont une fois manié les armes, qu'ils les quittent pour retourner à leur art mecanique qu'ils ont aissé, mais ils envieillissent avec elles & neurent avec elles. Aussi ont-ils un bon pere nouricier, leur Roi, qui en paix & en guerre les nourrit & entretient toujours, tant qu'ils peuvent manier les mains ; & venant vieux ils les envoie mortepayes aux chasteaux, ou leur donne pensions ou

ou heritages de mal-fauteurs & rebelles, ainsi qu'on faisoit jadis à ces braves soldats vieux Romains, & quand ils n'en pouvoient plus, s'alloient tenir en leurs terres & heritages qu'on leur donnoit, & là vivoient sans retourner à leur premier mestier mecanique. Et vous, braves soldats François, qui ne quittez point l'honneur de vos armes, vous ne mourrez jamais, vous avez fait craindre vos valeurs par toutes les parts de l'Orient, & par tout le monde! Encore s'en trouve-t-il aujourd'huy qui en feroient de mesme, s'ils trouvoient des chefs qui les y voulussent mener: car encore tout dereglez & mal disciplinez, & mal obeissans qu'ils sont, ils s'en trouve tousjours qui font des actes signalez & de tres-beaux combats dans leurs propres terres, les uns contre les autres, contre freres, parens & amys.

Je vous laisse à penser ce qu'ils feroient contre leurs ennemis, encore que la guerre intestine & civile ayt l'estime d'estre la plus cruelle de toutes selon aucuns: mais selon d'autres il s'y fait plusieurs courtoisies & plus qu'aux guerres estrangeres, dont il s'en feroit de tres-beaux discours. Voilà donc comme ces nobles soldats François de Piedmont

mont & de la Toscane ne voulurent jamais quitter la noblesse des armes, qu'ils avoient conquise par effusion de leur sang. Je n'ay pas veu seulement ceux-là, mais une infinité d'autres, lesquels aussitôt nos paix faites en France depuis trente ans, sont allés rechercher la guerre en plusieurs pais estrangers. Les voyages qu'ils ont faits en Italie, en Flandres, en Espagne, en Portugal & leurs Isles, en Hongrie & autres lieux, nous en ont fait foy.

J'ay ouï affermer que la guerre de Chypre dernière il y avoit un Bascha ou Sangiac (aucuns disent qu'il n'estoit que Sangiac) qui estoit Gascon, de la Comté d'Armagnac, & avoit esté brave soldat en France, y voyant la guerre finie il s'en alla en Turquie, où il se fit bien paroistre pour un bon soldat & Capitaine; que parvenant peu à peu aux grades, il vint à estre Bascha ou Sangiac, & se faisoit appeller le Bascha Armagnac, (je ne sçay s'il est vray, mais aucuns venant du Levant me l'assurerent pour chose vraye,) & fit tout plein de courtoisies aux Chrestiens & aucuns soldats François qui se fourrerent dans Famagouste ; encore que le livre, fait & escrit de la guerre de Chypre, n'en fasse aucune mention. J'en laisse à croire au mon-

monde ce qui en est ; mais je le vis une fois qu'on le disoit au Roy Charles IX. Je ne veux pas avouer qu'il fist bien pour estre venu là & s'estre renié, mais je ne sçache gueres soldat qui n'en fist de mesme pour telle grandeur & ambition, plustost que de mourir de faim en sa maison & en sa patrie. Froissart en son quatrième livré ou volume, parlant de la bataille de Nicopoly en Hongrie, que les François perdirent contre les Turcs, desquels estoit le chef Amorabaquin, dit autrement par ledit Froissart fils du Roy Bajazet, dit par les modernes Bajazet ; il dit donc que là parmy les Chevaliers François se trouva un Chevalier de Picardie, qui s'appelloit Messire Jacques de Helly, (Madame d'Estampes est sortie de cette maison,) lequel avoit demeuré en son temps en Turquie, & avoit servy en armes, (ainsi parle-t-il) à Amorabaquin, pere du Roy Bajazet dont il parle, & pour ce il sçavoit parler bon Turc, quand il vit que la desconfiture tournoit sur les Chrestiens, il s'avisa à se sauver & à se mettre entre les mains des Sarrafins, & s'ayda de leur langage qu'il sçavoit, & par ainsi se sauva. De mesme en fit un Escuyer de Tournes, qui se nommoit Jaques du Fay, & avoit servy le Roy de Tartarie, lequel

lequel & quand ce Jaques sceut que les François venoient en Turquie, il prit congé du Roy de Tartarie, qui le luy bailla assez legerement, dit Froissard, si fut à la bataillè & là pris & sauvé promptement des gens de Tartarie qui estoient là, car le dit Roy avoit envoyé de ses forces. Par ainsies deux braves François furent sauvez pour avoir esté avanturiers, & s'ils ne l'eussent esté ils estoient perdus & morts comme leurs compagnons, que ledit Amorabaquin fit tuer devant luy. Notez l'humeur de ces deux braves François, l'un alla servir le Turc & faire preuve de ses armes, & l'autre encore plus aventureux alla servir le grand Cam de Tartarie, qui estoit bien plus loin.

Qui scauroit donques assez louer ces deux braves hommes de tel courage aventureux? Qui après leur servit de beaucoup, car ils se garantirent de mort & si firent, au moins l'un Jacques de Helly, grand service aux pauvres François qui resterent en la bataille, ainsi que recite ledit Froissard en nos Histoires Françoises. Certes quant à moy, je loue fort ces braves hommes, car leur voyage n'estoit point commun nullement, & si estoit bizarre, car plusieurs alloient outremer & au saint Sepulcre de Je-

rusalem, & tels s'appelloient Chevaliers d'outre mer, ainsi que le mesme Froissard dit de celuy qui rencontra le Comte de Nevers auprès de Venise, tournant de sa prison, qu'il interrogea fort de toutes nouvelles de de-là; Froissard parle ainsi que je dis, outre, dir que ce Jacques de Helly fut reconnu, après avoir esté pris, de force gens de la maison d'Amorabaquin, qui luy firent tres-bonne chere & le presenterent audit Amorabaquin, qui luy en fit de mesme, & l'envoya vers le Duc de Milan & en France pour porter des nouvelles de la defaite, & après avoir composé de la rançon des François, il luy donna & au Sieur de Chastezumorand sur les deux cens mille florins de la rançon vingt mille pour ses peines.

J'ay ouy conter qu'en Piedmont du temps du Mareschal de Brissac y eut un Capitaine, qui se nommoit le Capitaine Vallefergues, qui servoit le Grand Seigneur Sultan Soliman & estoit à ses gages & soldes de guerre; il vint par deux fois en Piedmont & faisoit ce qu'il pouvoit pour gagner des gens pour mener par de-là. La premiere fois il y emmena six braves soldats & un brave Capitaine, & desbaucha mon frere le Capitaine Bourdeille, qui estoit fort jeune, & tout luy

luy estoit de guerre. Mais la guerre de Parme survint, où il ayma mieux aller. La seconde fois il retourna & emmena autres dix bons soldats, ayant du Grand Seigneur force argent pour les gagner, & faisoit son cas secret. Mais Mr. le Marechal en eut le vent, qui luy deffendit de n'y retourner plus; car il luy fâchoit de perdre ainsi ses bons soldats, car là volontiers gens de bas cœur n'entreprennent tels voyages; & sans que le dit Marechal aimoit le Capitaine Vallefergues & le tenoit pour son bon Capitaine, & aussi qu'il falloit que le François ne perdit point sa coustume d'estre aventureux, il luy eust fait mauvais party, ainsi que plusieurs resveurs luy conseilloyent. Encore ces Messieurs firent mieux qu'un Baron de la Faye François, depuis dix ans, lequel estant son compagnon, & ayant dépendu tout son bien en France, il s'en alla en Turquie & à Constantinople, où ayant connu que les Turcs faisoient grand cas d'un homme de valeur, d'esprit & d'entendement s'il se renioit & mettoit avec eux, luy en presumant quelque bien pour luy, car de fait il estoit un accompli Gentil-homme, il se renia gentiment sans aucune ceremonie ny forme de contrainte.

Du depuis j'ay ouy dire à gens qui l'ont

veu tres-bien-venu des Turcs & en estime, & qu'il faisoit plasir aux François quand il les rencontroit, encore qu'un renegat soit grand ennemy de sa nation & religion.

De mesme un de ces ans a fait ce brave Monsieur de Pointrincourt, lequel ayant commandé à un Regiment aux guerres de la ligue, & elles finies en ayant refait un autre & mené en Hongrie, & y mené bien la guerre pour les Chrestiens, il s'alla renier & revolter, fust ou pour mescontentement, ou dépit, ou pour caprice, emmenant avec luy force braves des siens, & si bien receu, & appointé luy & les siens, qu'en un rien il fut fait & créé solennellement à Constantinople Bascha, & envoyé pour tel en Chypre. J'ay veu des soldats, & d'autres luy ont veu, tenant encore plus du Gascon & François que du Suede, comme je peux entendre. Il desiroit qu'il peût obtenir du Roy qu'il peust emmener là bas un Regiment de quelque deux mille hommes de pied François; il ne luy fut pas du tout refusé, mais donné quelque esperance, car nostre voyage & embarquement de mer en Brouage que nous allions faire, l'empescha. Songez donc là-dessus quelle joye & contentement pouvoit avoir ce Gentil-homme, de parler ainsi à son
Roy,

Roy, tenant la place d'un autre Roy son compagnon, s'il n'eust bougé de son pais il n'eust fait cela.

A la guerre de Parme y alla un Gentil-homme du pais de Brie, qu'on appelloit Monsieur de Vaux: j'ay veu un sien frere brave & galant homme, qui suivoit feu Mr. le Prince de Condé le premier & estoit son Escuyer. Ce Gentil-homme s'opiniastra de quitter son pais & de faire service au Duc Octavio, qui le prit en telle amitié qu'il le gouverna depuis fort paisiblement, & avoit bonne part en luy & en son estat. Je ne sçay s'il est mort, mais n'y a pas long-temps qu'il vivoit, & voilà comme le François se pousse bravement.

A nostre retour du siege de Malte étant à Rome, le Comte de Beljoyouze Milanois, qui estoit avec nous dans les gale-res, nous fit connoistre à mon frere d'Ardelay & à moy, un Comte du Royaume de Naples, qui s'appelloit *el Conde de Bourdella*, & se pleut fort de se dire & se trouver nostre par tout, lequel apres avoir raisonné nous alla dire que les siens ayeuls & bisayeuls estoient venus des confins de la Gascogne, & estoient venus jadis aux guerres de Naples, du temps que les François les y faisoient; & de fait portoit les mesmes noms & mesmes

armes que nous, & estoit riche de douze mille escus de rente, & avoit sa maison en la Pouille, & nous y voulut mener & faire bonne chere, car dés-là nous nous étions rendus fort privez & accoûtumez, si nous n'y voulusmes point aller, car nous tournions en France. Il nous festina souvent tres-bien à Rome, car il y avoit une maison, & nous y montra sa femme, qui estoit là une grande faveur, & sa sœur, & comme cousins nous nous y vismes tres-privez. Sa femme estoit tres-belle, mais sa sœur point mariée l'estoit encore plus, & sur tout fort à mon gré. Nous nous entournasmes en protestation qu'il nous fit faire que l'irions voir exprés dans quelque temps, & qu'il nous meneroit faire tres-bonne chere en sa maison, qui estoit en la Pouille, & ne plaindrions nostre voyage, nous promettant de beaux chevaux du Regne. Mais la guerre civile survint & se renouvela, qui empescha nostre dessein, & aussi qu'entendismes depuis sa mort; mais sans cela j'avois bien resolu de le tourner voir.

Quand nous fusmes en France j'en fis le conte à mon frere de Bourdeille, & comme nous avions des parens au Royaume de Naples, & le priay de faire aviser dans les vieux titres & pancartes du tres-
for

for de nostre maison ce qu'en pouvoit estre. Après les avoir bien visitées & feuilletées, il se trouva comme un cadet de Bourdeille, de quatre qu'ils estoient; l'un s'en alla à la guerre de Naples avec le Roy Louys, dont l'on n'en sceut nouvelles autres, sinon qu'il ne tira jamais legitime de nostre maison & demeura à ses autres freres; dont par là nous tirâmes quë ce dit Comte de Bourdeille estoit venu de celuy-là de succession en succession, puis qu'il portoit mesme nom & mesmes armes, & aussi qu'il nous dit qu'estant en sa maison il nous montreroit à plein son origine, dont pour lors il ne s'en souvenoit point autrement, sinon que les siens estoient extraits des confins de Gascogne, dont il en faisoit grande gloire, & se tenoit fort honoré que fussions parens, & nous l'appellions cousin.

Cet ayeul estoit frere de ce brave Arnaud de Bourdeille, dont les Histoires parlent de luy, qui fut fait Chevalier devant Frontac, avec plusieurs autres Seigneurs, & fat Lieutenant du Roy & Seneschal de Perigord, & fut frere de Helie de Bourdeille, qui fut Cardinal, Archevesque de Tours & Evesque de Perigueux, & celuy dont je parle s'appelloit Jean; il nous escrivit deux fois en

France , nous sommant de nostre promesse de l'aller voir , & puis mourir après. Avant luy il y avoit bien un autre. qui mourut en la guerre de la terre Sainte , & testa avant mourir , & ne touche rien à son testament , sinon les legats qu'il faisoit de ses chevaux , armes , joyaux & quelque argent qu'il donnoit à son Escuyer , qu'il nommoit Santifer , car le testament est en Latin & fort grossier , qu'on ne peut bien lire à cause de la vieillesse de l'escriture & parchemins : bref , à tous ses gens & serviteurs & aucunes Eglises il legua. Avant tous ceux-là nous trouvons dans le Roman de Morgan , fait en Stances Italiennes , comme un Angelin de Bourdeille fut envoyé reconnoître l'ennemy la vigile de la bataille de Roncevaux , où il fut tûé & dit ces vers :

Angelin de Bourdella solo fut morto

De Paladin ; magli fu fatto torto

Je me fusse passé , ce dit quelqu'un , de faire ces contes ; aussi ne les ai-je faits sinon pour donner exemples à mes neveux , & ceux qui viendront après moy en ma race , d'imiter en tels voyages & aventures & aventuriers predecesseurs , lesquels s'y sont tellement adonnez , qu'en ces voyages d'outre mer ils ont été si frequentez & si aventureux , que les bon-

bonnes gens & bonnes vieilles femmes de nostre païs sont encore en cette badinge opinion , que pourquoy les gens d'aujourd'huy ne sont si gens de bien que le temps passé , disent-ils , parce qu'ils ne son baptisez d'un si bon & si saint Cresme que du tems que les Bourdeilles l'alloient querir par de-là Jerusalem , & l'alloient prendre par l'oreille d'un dragon qu'il falloir qu'ils tûassent de leurs mains , & puis en tiroient de ladite oreille de la substance dont on faisoit le Cresme , & le sanctifioit-on dans Jerusalem par les saints Prelats qui y estoient , & puis le raportoient à leur païs & en fournissoient les Eglises. Voilà la plaisante opinion & fable qu'avoient & racontent encore ces bonnes & simples gens & femmelettes de nostre païs. Si ne me veux-je point vanter , mais je peux bien asseurer avec verité , que ceux de ma race n'ont jamais esté casaniers , & qu'ils n'ayent aussi-bien employé leurs jours aux voyages & guerres qu'aucuns que ce soit en France les vieux titres de nostre maison en font assés foy , mes ayeuls, bisayeuls, grand-peres, peres & freres ne s'y sont nullement espargnez , & quant à moy dés-lors que je commençay à sortir de subjection de pere & mere & de l'escole , sans les voyages que

je fis aux guerres & aux Cours dans la France, lorsque la paix y estoit, pour chercher aventure, fust pour guerre, fust pour voir le monde, fust en Italie, en Escoffe, Angleterre, Espagne, Portugal, dont j'en raportay *l'habito de Christo*, duquel le Roy de Portugal m'honora, qui est l'ordre de là, estant tourné du voyage du Pignon de Belys en Barbarie, puis en Italie, encore à Malte, pour le siege à la Goulette d'Afrique, en Grece & autres lieux estrangers, que j'ay cent fois plus aymés pour séjour que celui de ma patrie, estant du naturel des Tabourineurs, qui aiment mieux la maison d'autrui que la leur; tellement qu'estant à Malte j'avois resolu d'y prendre la Croix, sans Monsieur de Strozze, qui estoit mon amy parfait, qui m'en detourna & empescha, & me prescha tant & tant que je le creus, me donnant à entendre que pour une Croix ne devois quitter ma bonne fortune qui m'attendoit en France, fust de la part de mon Roy, ou d'une belle & honneste Dame & riche, de laquelle j'estois alors fort serviteur & bien venu, que j'eusse peu espouser, veu toutes ces considerations. Je m'y laissay aller ainsi aux persuasions de mon amy, & m'en retournay en France, où pippé d'esperance je n'ay receu
d'au-

d'autre fortune, sinon que je suis été Dieu mercy assez tousjours aymé, connu & bien venu des Roys mes maistres, des grands Seigneurs & Princes, de mes Reynes, de mes Princeffes, bref d'un chacun & chacune, qui m'ont eu en telle estime que, sans me vanter, le nom de Brantome y a esté tres-bien renommé : mais toutes telles faueurs, telles grandeurs, telles vanitez & telles vanteries, telles gentilleses, tels bons temps s'en sont allez dans le vent, & ne m'est rien resté que d'avoir esté tout cela & un souvenir, encore que quelquefois me plaist ; quelquesfois me desplaist, m'avancant sur la maudite chenuë vieillesse, le pire de tous les maux du monde, & sur la pauvreté, qui ne se peut reparer comme par un bel âge florissant, à qui rien ne m'est impossible, me repentant cent mille fois des braves & extraordinaires despenses que j'ay faites autrefois, de n'avoir réservé quelque bien qui me serviroit maintenant à mon âge foible, dont j'ay faute de ce que d'autrefois j'ay eu trop, ayant un crevecœur extrême dedans moy de voir une infinité de petits compagnons en ce Regne élevés grands, soit en bien, en richesses, grades & grandeurs, que d'autrefois j'ay veu qu'ils se fussent sentis tres-heureux qu'ils eussent

eu quelques paroles de moy en corps, à la traverse ou sur l'espaule. Ce n'est point que je ne l'aye autant ou bien mérité qu'aucuns d'eux, car je connois & sçay par cœur toute leur vie ; mais c'est la fortune, traistresse & aveugle qu'elle est, qui après m'avoir repeu assez devant m'a quitté & s'est moquée de moy.

Or comme dit l'Espagnol, *assi vantas las mudancas de la suerte*. Aussi dit-on que la fortune est une putain & une vraye vesse, qui s'abandonne à tout le monde, quelquefois aux valets mieux qu'aux Gentils-hommes, & quelquefois à ceux de peu de mérite, comme à ceux qui méritent, ainsi que font nos putains : pour le moins si elle m'eût mis bien-tost entre les mains de la mort, encore luy pardonnerois-je le tort qu'elle m'a fait. Mais voilà le pis, nous ne vivons & ne mourons comme nous voulons ; nous avons beau rechercher les occasions, soit en guerres, querelles, voyages ou ailleurs, comme j'ay fait & dit, je croy que si le destin n'en donne la sentence, nous avons beau nous peiner à la rechercher.

Or fasse donc le malheureux destin ce qu'il voudra, jamais il ne fera que je ne le maudisse & maugrée pour jamais, soit de la bouche soit du cœur : mais encore mau-

maugrée-je & deteste plus la vieillesse, chargée de pauvreté, car comme me disoit un jour la Reine mere du Roy, ayant tel honneur de parler à elle, sur un sujet d'une personne de sa Cour, la vieillesse nous apporte assez d'incommoditez, sans nous surcharger de la pauvreté, qui sert au comble du malheur des personnes, contre lesquelles le plus beau & souverain remede qui soit, c'est le trépas, & bien heureux est celui qui le peut gagner, quand on a passé cinquante, venant à cinquante-cinq ans, car après il n'y a que douleurs & labeurs, & ne peut-on manger que du pain de cendres, fait de toutes douleurs, ainsi qu'a dit le Prophe-te. Le lecteur me pardonnera si je me suis perdu en ce petit discours de ma misere, laquelle reciter m'est autant de soulagement : si faut-il que je fasse un conte avant que d'achever ceux de ces braves François, qui sont plus à percer le monde pour chercher les aventures ; le croira qui voudra, mais nous le tenons pour tres-certain en nostre Pays de Perigord & Xaintonge, tant pour avoir esté remémoré & passé par les bouches & oreilles de peres & fils, que par aucuns titres & apparences. Le conte est donc tel : Tous ceux qui ont escrit l'origine des deux freres de Barberousse, Cairadin &

Fria-

Friadan, disent qu'ils furent natifs de la belle Isle de Lesbos, tant renommée de jadis, & depuis dit Metelin, lesquels estant allés, comme les plus pauvres de l'Isle, chercher avanture sur la mer, tant furent par le menu favorisez de la fortune, que ceux sont heureusement decedez Roys d'Alger. Voilà ce qu'en disent les Histoires qui en sont escrites, & mesme Paul Jove.

Or les anciennes bonnes gens & vieilles de nostre pays ne disent pas ainsi. Vous sçavez donc comme en Xaintonge il y a une maison noble & bonne, qu'on nomme la maison d'Authon; en cette maison fut mariée une fille, nommée Marguerite de Marcueil, de cette tres-illustre & tres-grande maison de Marcueil en Perigord, d'où est issuë la tres-vertueuse, sage & tres-honneste Madame la Princeffe mere de Mr. de Montpensier d'aujourd'huy, cette Marguerite de Marcueil portant en ladite maison d'Authon pour mariage les terres des Bernardieres & des Combes. De ce mariage sortirent deux enfans, à l'aîné escheut la maison du pere, qui estoit Authon, & au second les terres des Bernardieres & des Combes, auquel, comme est la coustume ordinaire des jeunes cadets, prit envie de ne s'amuser aux cendres

dres casanieres , mais d'aller voir le monde , & afferma ses terres & en prit de l'argent ce qu'il peut ; & associant avec soy & prenant pour frere d'alliance & de fortune un autre jeune cadet d'Angoumois , de la maison de Bernueil , dit de Montforeau , tous deux mettent la plume au vent , comme bons freres jurez , de ne s'abandonner jamais & vivre & mourir ensemble , vont busquer fortune.

Pour lors les Chrestiens estoient vers Metelin , sous Monfieur de Rabastain , car c'estoit du temps du Roy Louys XII , où les François allerent par le commandement du Roy , parmy lesquels se trouverent ces deux cadets & freres , où estant hazarderent si bien sur mer avec quelque petit vaisseau , qu'ils avoient peu recouvrer , qu'ils firent quelque léger & petit butin , & assez bien pourtant , pour l'avenement de la portée de leur fortune nouvelle ; puis s'en retournerent en France , comme est la coustume du François , car quoy qu'il soit il faut qu'il tourne voir fumer sa cheminé , ou bien pour faire monstre de sa fortune , ou de sa vaillance & voyage. Y étant venu ne faut point demander s'ils se firent valoir & s'ils firent ostentation & parade de leur butin & valeur ,
dont

dont entr'autres ce cadet d'Authon fit present à l'Eglise de la paroisse des Bernardieres, qu'on nommoit Champeou, de la coiffe de nostre Dame, qu'il disoit, & faisoit-il ainsi entendre au menu peuple de cette ville, estre belle & recouverte par une tres grande curiosité vers Jerusalem. Tous deux n'eurent pas si peu demeuré en leurs maisons qu'ils se facherent & firent dessein de reprendre leur route, & pour ce ce cadet d'Authon vendit Bernardieres à feu mon grand-pere, qui estoit un chasteau beau & fort, devant lequel demeura quelques jours en Perigord Bertrand du Guesquelin, comme vous trouverez dans son vieux Roman imprimé en lettres antiques, & ce cadet vendit cette place, pour de cet argent, estant vers Metelin, acheter un plus grand vaisseau qu'ils n'avoient eu auparavant, & aller en course luy & son frere de Montforeau, qui n'étoit si riche que l'autre, quiourniroit à tout; car rien n'est si attirant qu'un butin quel qu'il soit de mer soit de terre. Estant donc ces deux freres ainsi bien garnys d'argent s'entournent vers Metelin, où estant ne faillirent d'acheter un bon vaisseau, & battent la mer si heureusement qu'ils firent un butin bien plus grand que l'autre; si bien que pour la seconde fois ils retournent

nent encore revoir la douce France & la bonne partie , où le cadet d'Authon se voyant sans maison & habitation , (car il avoit déjà vendu son Bernardieres , qui estoit assez joliment basty) se mit à faire bastir les Combes , qui estoient une jolie terre près dudit Bernardieres , mais pourtant basties , & y fit un si beau bastiment qu'aujourd'huy on n'y en feroit un tel pour trente mille francs. Il y fit aussi quelques acquisitions & autres dépenses , ainsi qu'est la coustume que de l'argent du jeu ou du butin on en fait tousjours bon marché & ne se soucie-t-on gueres de l'embourser , je parle d'aucuns.

D'autres sont plus sages , mais ce cadet voyant ou qu'il avoit broüillé tout son argent , & qu'il n'en avoit plus , ou bien qu'il voyoit que cette maison des Combes n'estoit bastante pour son ambition ny pour nourrir & rassasier son genereux & avide cœur , ou qu'il connut en soy ce qu'il estoit & fit , après se resolut pour la dernière fois de quitter France , & patrie , & parantelle , foyer & cheminée , & maison & village , & paroisse & Curé , Diocese & la coiffe & tout , vend son chasteau à un greffier de la Cour du Parlement de Bourdeaux , qui depuis fut premier ou second

cond President de Rouën , dont long-temps & plus de soixante ans luy & les siens en ont esté possesseurs ; mais depuis il y a trente ans ses heritiers le vendirent à un Gentil-homme du pays. Ce fait lui & son compagnon & frere Montforeau reprennent encore leur route de Metelin ; mais avant que partir il revoqua la coiffe de nostre Dame , qu'il avoit donnée à sa paroisse de Champeou , & la donna à l'Eglise de Saint Front de Perigueux , pour y avoir droit & privilege d'y bastir un sepulcre eslevé pour luy & les siens , comme de fait il le fit construire fort superbe , fait en pierre haut eslevé , armé , tenant une espée en la main , lequel sepulcre a duré jusques à ce que les Huguenots prirent la ville de Perigueux , qu'ils abattirent à leur mode les images , démolirent les sepulcres & ruinerent les Eglises. Il se trouve encore parmy les titres du Clergé & de la maison des Combes , une transaction faite entre le Clergé de Perigueux & de la paroisse de Champeou , pour avoir plaidé longuement cette dite coiffe de nostre Dame , sur le debat quelle donation devoit estre la meilleure , ou la premiere ou la dernière.

Enfin par accord & transaction faite la dite coiffe demeure à l'Eglise de Perigueux,

gueux, laquelle à esté venerée parmy les autres saintes Reliques qui y estoient, jusques à ce que lesdits Huguenots pillerent tout.

Voilà donc ce cadet d'Authon Seigneur des Combes, & son frere Montforeau qui s'en vont à Metelin, ou étant employent leur argent à recouvrer un bon vaisseau, avec lequel ils font si bien qu'ils se rendent grands & fameux corsaires.

Sur cette entrefaite les Chrestiens quittent Metelin; eux voyant qu'ils n'avoient quoy faire en France, que la fortune leur produisist meilleur qu'en France & qu'ils y avoient tout mangé & vendu, eurent honte d'y retourner si souvent; parquoy attirez du doux plaisir du butin continuerent leur brigandage, & escument si bien la mer qu'ils se rendent tres-renommez corsaires, & cachent leurs noms & leurs nations, se disent enfans de Metelin, prenant le party de la foy des Turcs, & par ainsi de deux François qu'ils estoient, de Metelin, & de cadets d'Authon & de Monforeau, se font nommer Cairadin & Friadan Barberousse.

Leurs parens & proches ne faillirent de s'enquerir aux François qui retournent de Metelin, qu'estoient devenus leurs

leurs parens d'Authon & Montfoteau ; les uns disoient qu'ils estoient demeurez encor sur mer continuant leur mestier de Corsaire, & qu'ils les verroient bien-tost, les autres disoient qu'ils estoient morts noyez en la mer, & qu'il y avoit long temps qu'ils ne les avoient veus ; d'autres de la plus saine voye affirmoient qu'ils s'estoient reniez & avoient adoré Mahomet.

Voila mon conte achevé : je ne sçay s'il est vray, mais je l'ay ainsi ouï conter à de jeunes personnes, qui le tenoient de plus vieux qu'eux : possible que cela est faux, possible que non, & que les deux freres pour avoir esté longuement à Metelin, ayant donné occasion à ceux qui en ont escrit, de dire qu'ils estoient natifs de ladite Isle, ou bien qu'eux-mesmes l'ayent ainsi publié, je m'en rapporte à ce qui en est, il ne sera pas damné qui le croira ou decroira : tant y a que l'un de ses petits neveux, qui vit encore, qui est le Baron d'Authon, fut si curieux du temps du Roy François premier & Henry deuxieme, de voyager le monde & de s'enquerir de telles nouvelles ; & de fait il a veu & pratiqué autant le Levant qu'il est possible, & en sçavoit tres-bien raconter & y vouloit encore retourner, sans les guerres civiles, ce disoit-il.

Je

Je ne l'ay jamais veu, encore que j'en eusse eu tres-grande curiosité, mais l'occasion ne s'y est jamais présentée. La race est bonne & brave. J'oubliois à dire que le cadet de Montforeau mourut le premier estant le plus vieux, & Authon survescut, qui fut depuis Barberousse & Roy d'Alger, m'estonnant cent fois, si le conte est vray, queluy ayant pratiqué tant de François, & mesme venu en France, lorsque la ville de Nice fut prise, dequoy il ne se decouvrit aux François, ou ne s'enquit de sa maison sourdement en d'autres maisons de France: je croy qu'il avoit honte de quoy il avoit quitté sa foy & sa religion, ou que lui estant passé tant de choses en son entendement qu'il ne s'en souvenoit plus, ou qu'il les dédaignoit se voyant si grand, ou que telle est la coustume des Chrestiens se reniant, & mesmes venant aux grandes charges de Sanguiers & Baschats, de renier tout, jusqu'à la connoissance de leurs parens, pour en faire jamais plus de cas ny de leur memoire. Là-dessus en discoura qui voudra, ce que j'en ay escrit c'est pour une curiosité, qui plaira possible à aucuns & non possible aux autres.

Voilà comment en toutes façons, soit pour bien soit pour mal, les François ont

ont esté hazardeux à rechercher les avan-
tures & faire rencontre & entreprendre
voyages, que quand ils leur failloient en
leur país ils les alloient de loin esven-
ter hors de leur patrie. Il me souvient
que lorsque nous allasmes au siege de
Malte, dont le grand Seigneurs s'en plai-
gnit au Roy, qui pour le contenter nous
bannit tous & desavoüa : mais vous euf-
siez dit que cette année-là estoit venuë &
destinée pour faire voyager les François;
lès uns allerent en Hongrie avec ce vail-
lant Prince feu Monsieur de Guise, qui
ne pouvoit lors atteindre dixhuit ans, le-
quel suivant l'exemple de ses ayeuls en la
guerre Sainte, se vouloit trouver pour
faire teste à l'armée infidele de ce grand
Sultan Soliman, qui y estoit luy-mesme
en personne, ainsi qu'a mort tesmoi-
gne. Ce valeureux Prince y alla donc
tres-bien accompagné d'une tres-belle
Noblesse, comme de Monsieur des Fos-
fé, son Gouverneur, d'Antefort, de
l'Archant, de Clermont, d'Antragues,
de Baron de Sencey, du May, de Neu-
try, de Chilles; bref de plusieurs autres,
qui pouvoient bien monter à cent, tous
valeureux, qui me feroient tres-longs à
escrire.

Les autres allerent en l'armée du
Grand Seigneur, avec l'Ambassadeur
du

du Roy Monsieur de Grand Champ, comme Monsieur de la Fin, la Nocle & plusieurs autres. Les autres allèrent à Constantinople, comme les Seigneurs de Ville-Couin, qui mourut, de Teli-gny, de Longua, de Genissac, tous Hu-guenots, & le Baron de Vantenat, ce-luy estoit Catholique & alloit reconnoi-tre Arragouffe, pour un dessein qu'il y vouloit bastir, suivant un que le brave Salvoison avoit projeté en son vivant, qu'un Capitaine S. Martin, Lieutenant dudit Salvoison, luy avoit descouvert.

Les autres allerent à Madere, avec ce courageux & vaillant Capitaine Mont-luc, qui y mourut, qui fut un grand dommage inestimable. Avec luy estoit le Vicomte d'Azez, grand personnage certes, les deux Pornpadours & autres, lesquels après la mort de leur General, & bien vangée par sang & feu, tourne- rent l'armée saine & saine & bien char- gée de butin.

Nous autres allâmes à Malte, dont le nombre montoit à près de trois cens Gentils-hommes & plus de huit cens sol- dats. Il y avoit Messieurs de Strozze & de Brissac, auxquels deferiens pour no- stre bonne voglia, & non autrement, comme gens volontaires à nos despens chacun que nous estions & tant qu'il nous

nous plaïsoit, & ne les reconnoissions
pour nos Generaux, il y avoit Monsieur
de Bellegarde, depuis Marechal de France,
Messieurs de Lansac,
De Clermont,
Tallard,
Les deux freres de Clermont,
D'Amboise,
De Guermant,
Breton,
Sainte Soline,
Mon frere d'Ardelay & moy,
De Taillade,
De Janffac,
Le Baron de Montesquieu,
Les trois freres d'Augures,
Le jeune la Mole,
De Saint Gouard,
Le brave Comte Martinango,
D'Espaux,
La Guiche, aujourd'huy Grand Maistre
de l'Artillerie,
De Luffan,
D'Aymart,
Du Bourdet le jeune, dit Romagou,
De Noufiay le jeune,
Le Capitaine Brignolle,
Le Capitaine Soleil,
Le Capitaine la Riviere, qui mena une
compagnie à ses dépens de 50 arque-
busiers, dont Lambertic de Limosin
estoit Enseigne, De

De Blosset d'Aubres, de Provence, deux freres.

De Villemagne.

Le jeune Reingrave.

Bref, une infinité d'autres, dont le recit seroit plus importun que le taire : & notez qu'il n'y avoit gueres Gentils-hommes, principal de nous autres, qui n'eust emmené avec soy à sa suite & à ses dépens, quatre ou cinq Gentils-hommes ou Capitaines. Enfin ce fut une troupe, pour être petite, aussi belle, aussi bonne, aussi leste, & si bien armée que jamais sortit de France pour aller contre les infideles : aussi par tous les lieux d'Italie où nous passions, ils nous tenoient en cette estime & nous admiroient estrangement, car nous avions passé à Milan, où nous nous étions accommodés d'habillemens & d'armes si superbement, qu'on ne sçavoit pour quels nous prendre, ou pour Gentils hommes, soldats, ou pour Princes, tant il nous faisoit beau voir. Ainsi arrivez à Malte dans les galeres que le Grand-Maistre nous avoit envoyées à Saragosse en Sicile pour nous recueillir & querir, nous fîmes une heure durant, devant qu'entrer dans le port, une salve & escoppeterie si belle, que tous les regardans qui estoient sur le port, qui en estoit bordé de toutes parts

se perdoient d'admiration & d'aïse de nous voir & faire bonne chere, les assurant de nostre venue qu'ils n'eurent plus peur, disoient-ils, de cette armée Turquesque, comme de vray ils s'en craignoient fort, car déjà ils commençoient à envoyer en Sicile force femmes & force Courtisanes & force bouches inutiles.

Mais tous furent affûrez de nostre venue, comme du feu de S. Elme quand il paroist dans & sur les vaisseaux après une grande tourmente. Il ne faut point demander si le Grand Maître de Malte nous receut fort honorablement, tant pour l'honneur que nous autres François luy faisons, & luy François, de venir porter nos personnes pour secours. Aussi s'en sçavoit-il bien prevaloir de cette gloire parmy les estrangers, & principalement parmy les Espagnols, qui estoient jaloux de nous.

Outre plus, ce venerable & genereux Grand Maître fit écrire & enrôler dans un livre les noms & surnoms de tant de Gentils-hommes, soldats & Capitaines qui estoient-là, & les fit enregistrer, mettre & enfermer dans les arches de leur Religion tres-precieusement à perpetuité & memoire; & nous defraya tout l'espace de trois mois & demy, à
les

ses propres cousts & despens. Quelle liberalité de Prince !

Il faut noter que la plus-part de nous autres passâmes à Rome, où estoit pour Ambassadeur Mr. d'Aisel, dit Villeparisis, un fort honneste Gentil-homme & digne de sa charge ; il le monstra bien en tout ; il nous fit à tous faire la reverence à ce bon Saint Pere le Pape Pie V. qui nous receut certes de tres-bon cœur & d'un fort aymable visage & la larme à l'œil, nous disant & à Mr. l'Ambassadeur, qu'encore en France il y avoit de bons Chrestiens & Catholiques, & que l'heresie ne les avoit du tout gagnez & exterminiez, & que c'estoit bien ce que Saint Hierosme avoir dit, que la France jusques à son temps n'avoit jamais nourri des monstres, entendant des heretiques, & que s'il y en avoit à cette heure, les bons Chrestiens les surmontoient, & qu'il luy sembloit de voir à l'œil les braves François croisez d'aller encore à la guerre sainte, & ce bon Pere nous donna à tous des *Agnus Dei*, pour nous preserver des dangers. A nostre retour, il nous receut de mesme, & nous remercia tous amiablement. Surquoy je feray ce petit incident qu'il y eut quelques-uns des nostres (je ne les nommeray point) ausquels escheut par mesgarde de man-

ger de la chair la Vigile de nostre Dame d'Aoust. L'Inquisition en fut aussi-tost informée & schandalisée, qui en avertit sa Sainteté, pour en faire la punition. Elle, sans s'esmouvoir, répondit, qu'ils l'avoient peut-estre fait par mesgarde & inadvertence, & qu'ils n'en sçavoient rien, car enfin c'estoient gens de guerre qui ne pouvoient sçavoir Vigiles ny festes comme Prestres. Parquoy il s'en salut enquerir pour cela, & qu'il n'estoit vray-semblable, & qu'il ne peut croire qu'ils l'eussent fait par mespris de l'Eglise, veu leur bon zele, & affection, qu'ils avoient montré en ce voyage, à Dieu, pour le venir servir & partir de si loin, laisser leurs peres, meres, femmes, enfans & freres, leurs pays, leurs aises, leur fortune & leur Roy, & que tels indices & d'un voyage de huit cens lieuës, faisoit assez paroistre leur sainte devotion à Dieu.

Parquoy commanda que sans proceder plus avant, qu'on s'en enquist, & trouva-t-on qu'ils estoient innocens, & insciens de la feste, comme il est vray. Si est ce que pourtant il sçavoit bien que parmy nous il y en avoit une cinquantaine Huguenots, comme

Le jeune Clermont.

Tallard.

Le

Le Jeune Bourdet,
Romagou,
Espaux,

& force autres, tant de leur suite qu'autres. Mais il n'en sonna mot, couvrant & palliant leur erreur par l'ardent zele qu'ils avoient porté là pour servir Dieu.

Mr. de Villeparisis nous dit la bonne volonté du Pape, qu'il nous portoit à tous, avec admonestation pourtant d'estre tous sages & de ne sonner mot de la Religion, comme Monsieur le Grand Maistre en fit de mesme.

Ainsi ce bon Pere traita les François & se contenta d'eux, tant il les estimoit, & tellement, que nouvelles estant venuës subitement que l'on avoit descouvert vers la plage Romaine & Hostie quelques Galeres, Galiotes & Fusques Turquesques, le Pape & toute la ville en furent en tres grande rumeur & alarme, si bien que la plus grand' part des François estant

partit de Rome avec
Messieurs de
Brissac &
Strozze :

Et y estant encore resté une centaine,
dont nous estions, mon frere

D'Ardelay & moy,
Neufvie,
Jansac,

Messieurs de Clermont,
Tallard,

Lansac & force autres de nostre suite ; si
Sainteté nous manda à minuit par le Sei-
gneur Triole Ursin , nourry en France,
que depuis le Duc de Florence fit tuer ,
qui nous vint prier de ne partir encore
pour l'amour de cette alarme , & de luy
assister , ce que volontairement nous luy
accordasmes , car nous ne demandions
pas mieux , dont sa sainteté s'en éjo-
uït tellement qu'il dit, *Non havemo che
temer , poi che questi buoni Francesi son
nostri.*

Enfin ce ne fut rien de cette alarme ,
car les Corsaires ne firent qu'escumer &
passer ; & après nous entourasmes fort
joyeux avec la benediction & bonne gra-
ce de sa Sainteté. Telles quasi semblables
paroles dit le Pape Paul IV Caraffe , lors
qu'il se vit quasi assiegé dans Rome par
le Duc d'Albe , que Mr. de Montluc luy
mena des troupes Françoises de Toscane
si bien à point , il dit, *Che torna adossò
el Ducquo d'Alba , poi che son arrivati gli
Francesi.*

Voilà, nobles François, comme vous
estes estimez par tout le monde , parmy
lequel la renommée vous a promenez
dans son chariot depuis que vous estes en
estre.

Ces

Ces vaillans Romains , jadis dompteurs de tout le monde , en sçauroient bien que dire , s'ils pouvoient sortir de leurs tombes poudreuses ; car vous les estes allé chercher & battre jusques dans leur ville , & leur faire telle peur & terreur , que quand on parloit de la guerre des Gaulois , il falloit que tout le monde y allast , sans espargner ny Prestres ny personnes aucunes : & si Cesar vous a subjugez & surmontez , ce n'a esté tant pour sa vaillance ny des siens , comme par vos divisions & par vostre separation les uns des autres , & d'aucunes de vos assistances à luy , dont aujourd'huy vous en devez donner garde , & encore tous subjugnez que vous fussiez , Cesar (tant vous tenoit-il en estime) se voulut servir de vous , tant à cheval qu'à pied , ayant tousjours une Legion qu'il appelloit l'Alouëtte.

Que firent-ils encore contre les Parthes , lorsque le jeune Crassus , & vaillant plus que son pere , se débaucha des troupes de Cesar en la Gaule , & y mena une troupe de braves Gaulois , qu'on ne parloit que d'eux ? Aussi le firent-ils bien paroistre à la mort de celuy qui les avoit menez si vaillamment.

Il faut donc, François , que vous entreteniez cette belle reputation , & alliez

tre à cinq mille bons soldats, dont Monsieur de Frontenay, dit le jeune Roan, fut Colonel, & à aucuns desquels commandoit le brave Saint-Aubin; brave l'appellé je, parce qu'il avoit une fort bonne & alegre façon, & aussi qu'il estoit fort estimé parmy eux en tout; & c'est luy duquel Monsieur de Montluc parle en ses Commentaires du siege de Sienné. Aussi apprit-il là si bien sous ce bon maître, que depuis il s'en est ressenty & a fait leçon aux autres: & Monsieur l'Amiral, après la bataille de Dreux, qu'il s'en alla en Normandie, le laissa avec Monsieur d'Andelot dans Orléans, pour luy assister dans ce siege.

Il y eut aussi Pontdorzé, brave & vaillant Gentil-homme, (Monsieur de Montluc en parle) & portoit l'Enseigne lors de Saint-Auban, qui avoit esté dédié à la robe longue, & avoit esté grand ribleur de pavé à Toulouze estant escolier, ainsi que j'ay ouy dire à aucuns de nos compagnons; & puis se débaucha jeune & s'en alla en Toscane & en Corse, où il se fit fort connoistre & remarquer, & puis vint mourir honorablement à la bataille de Dreux, où il menoit les enfans perdus, & s'avancerent tres-bien: mais luy mort ils s'estonnerent par la brave & furieuse charge que Mr. de Guise

leur fit & sur leur Infanterie , qu'il mit en un rien en déroute & defaite. Les vieilles bandes de Monsieur d'Andelot s'espandirent qui ça qui là , comme ces deux Colonels, voyant que l'une ne pouvoit s'emparer à Calais, où elles estoient en garnison, par la prevoyance & valeur de ce sage & vaillant Gouverneur Monsieur de Gourdan, ny dans Peronne non plus, à cause de Monsieur de Humieres, lors Gouverneur, fort sage & avisé Capitaine aussi , & des vaillants habitans, qui estoient plus forts qu'eux, ils se jetterent dans Rouën , avec Monsieur de Gordes, qui estoit l'un des Lieutenants, (nous l'appellions Gourdillon , parce qu'ils estoient plusieurs freres, & aussi qu'il estoit maigrelin) de brave & vaillante race de Provence & Dauphiné , desquels j'en ay connu quatre freres tous bons Capitaines , & mesme Monsieur Gordes l'aîné , qui fut Lieutenant de cent hommes d'armes de Mr. le Marechal de Montmorancy l'aîné, & depuis Lieutenant de Roy en Dauphiné.

Ce Gourdillon, fort jeune d'âge, mais beaucoup âgé d'expertise de guerres, fut fort disgracié au siege de Rouën , car estant dans le fort de Sainte Catherine, il eut les deux jambes emportées d'une canonnade , c'est à dire , l'une toute em-

emportée & l'autre à moitié ou la plus grand'part du pied; dont ce fut un grand dommage, non pas qu'il en mourust, car il a survécu long-temps, & croy qu'il vit encore; mais il demeura si estropié qu'il ne peut plus faire le mestier de la guerre, ce qui luy fut un grand creve-cœur, car il y estoit bien né & tres-propre, & porta fort patiemment sa misère: toutefois quand il voyoit aucuns de ses compagnons de guerre galands & dispos, ou qu'il oyoit parler de quelques beaux faits d'eux ou d'autres, il pleuroit & disoit souvent; Helas! j'ay bien veu le temps que je n'en eusse pas perdu ma part, patience. Et pour ce il se retiroit le plus qu'il pouvoit du monde.

Le Capitaine Monins de Perigord, brave & vaillant Gentil-homme, avoit l'Enseigne Colonelle, qui se fit fort signaler à toutes les sorties & escarmouches qui s'y firent. Il me souvient que la veille & le soir que nous allâmes reconnoître & assieger le fort de Sainte-Catherine, Monsieur d'Aumale, qui l'avoit assiégué devant, & la ville & tout, par deux fois, dit à Monsieur son frere, Monsieur, vous verrez demain de bons & braves soldats sortir sur les vostres, & venir à l'escarmouche bravement? & faire bien; ce que j'estime, c'est qu'ils sont

bien menez, & croy que le Capitaine Monins les menera, car c'est la coustume: on le connoistra à sa grande taille & bonne façon, & à une grande rondelle couverte toute de velours verd, & un morion de mesme; il m'a fait plusieurs sorties d'autres fois que j'y estois devant. Parquoy, Monsieur, il faut que vous fassiez choisir une troupe des meilleurs de vos gens de pied, pour leur mettre en teste, car ce sont tous vieux soldats des Colonelles. Comme Monsieur d'Aumale le dit, tout ainsi arriva, & aussi Monsieur de Guise ordonna ses hommes, conduits par le jeune Sarlabous, autant digne de commander aux gens de pied, & sur tout de mener les arquebusiers, qu'on en ayt veu de son temps: il le monstra bien alors à cette escarmouche, qui s'attaque là, qui fut tres-belle & furieuse, attaquée & loustrenuë tres-bien par le Capitaine Monins, où salut emmener de la cavalerie, où le Comte Reingrave fit une fort belle charge avec cent chevaux Reistres, qu'il avoit avec luy, qui combattirent jusques dans leurs fosses & leur infanterie & quelque peu de cavalerie qu'ils avoient jetté hors.

Ce fut lors que Mr. de Jersey, brave & vaillant Gentil-homme, fut tué en combattant

battant tres-vaillamment , & par ainſi ceux de dedans ſe retirerent , & les noſtres camperent & prirent leur place.

Au priemier ſiege y eſtoient morts les Lanſquenets , braves & vaillans Capitaines , deſquels l'aiſné fut celuy qui entra dans Saint Quentin avec Monſieur l'Amiral , & qui fut tres-bien là. Dedans Rouën fut auſſi tué le Capitaine d'Ernelle : bref, là-dedans y avoit d'auſſi bons ſoldats qu'en tout le monde , car c'eſtoit la fleur des bandes de Monſieur d'Andelot. Auſſi Monſieur d'Aumale fut contraint de leur quitter la place & en lever le ſiege , car il n'avoit l'armée complete ny gens pour forcer telle place , pleine & regorgée de ſi bons hommes ; mais pourtant après que Monſieur de Guiſe l'eut aſſiégée & priſe , ils furent fort eſclaircis , car de ſoldats & Capitaines il en fut tué un grand nombre , & meſme au premier aſſaut , lors que le Roy de Navarre fut bleſſé , & puis mort ; car n'ayant pas encore bien fait leurs traverses pour ſe couvrir de l'artillerie du fort de Sainte-Catherine , qui leur donnoit par le coſté & à plomb & à veüe , ce jour-là en fut tué une grande quantité , ayant zutant d'apprehenſion de canonnades comme de coups de pierre , les vivans prenant les places de ceux
qui

qui venoient d'estre tuez & emportez, à l'envy les uns des autres, que c'estoit une chose estrange à voir, ainsi qu'à plein nous le voyions près de nous emporter : dont Monsieur de Guise s'estonna fort, & admira teles gens de bien & les regretta, car la plus-part d'eux luy avoient assisté fort fidelement aux prises de Calais & de Thionville, car c'estoit l'homme qui aymoît autant les bons soldats; & la plus-part qui estoient en Rouën estoient autant Huguenots que moy. Aussi mondit Sieur de Guise en sauvant tant qu'il peut, je dis ceux qui resterent vifs après la furie de l'affaut & du combat, dont le Capitaine Monins en fut un, qui avoit esté blessé d'une grande vilaine arquebusade dans la cuisse, qui n'en fut pas guery, qu'après il fut tué à la Saint-Barthelemy, & Monsieur de Guise luy fit bon recueil, & à plusieurs autres, & en voulut faire de mesme (tant il estoit bon & genereux Prince & pere des soldats) à Monsieur de Cossé, sans que tout le Conseil opina qu'il devoit mourir, parce qu'il avoit vendu & livré le Havre aux Anglois; sans cela il eust été sauvé.

Un peu avant ce siege celuy de Bourges s'en estoit ensuivi. Au dedans s'y trouva de bons & vaillans Capitaines & sol-

foldats, auffi commandez par Monsieur de Jaulis le jeune, dit Ynon, qui avoit esté autrefois Protonotaire, étant Colonel fait par Mr. le Prince des bandes Françoises, desquelles il emmena environ douze cens dans Bourges, qui firent moitié mal & moitié bien, pour le nombre des gens qui y estoient, & pour la bonté de la place, & pour la faute des poudres & munitions que nous avions. J'en parle ailleurs.

Entr'autres il y avoit les deux Saint-Remy, Capitaines & freres, enfans de ce brave & vieux gendarme, grand Ingenieur & bon Capitaine le bon homme de S. Remy, qui s'estoit en son temps trouvé en sept ou huit sieges renfermez, dont les deux derniers furent dans Mets & dans S. Quentin, par l'avis duquel là dedans les Lieutenans du Roy se gouvernoient fort. Il y eut aussi leans dans ce Bourges le Capitaine S. Martin, Huguenot, qu'on appelloit ainsi, vieux soldat, & qui fit si bien en cette belle & grande sortie qui fut faite un jour là devant, ou venant aborder & affronter teste à teste Monsieur de Richelieu, Mestre de camp luy dit, A moy, Capitaine Richelieu, d'autresfois nous sommes-nous connus, il faut encore icy renouveler la connoissance, non comme amis, mais com-

comme ennemis. Et luy donna là-dessus un grand coup d'espieu dans la cuisse. Cette faillie pour un peu mit les nostres en desordre, mais après qu'on se fust reconnu, tout se rallia. Là dedans aussi s'y trouva le Capitaine Biron, brave & vaillant Gentil homme, & ce fut celuy qui entra dans Saint-Quentin à l'improviste, avec trente à quarante soldats, les autres ne l'ayant peu ou voulu suivre. Lors qu'il fut dépesché pour y aller, il dit resolument, J'y entreray ou je mourray & tiendray la foy de Gentil-homme vif ou mort. Il avoit bien l'ame de le dire & faire le coup, car je vous assure qu'il avoit une tres-belle façon soldatesque.

Quand il sortit de ce siege, Monsieur de Guise luy fit bonne chere, & luy dit, s'il ne vouloit pas redevenir son serviteur & de son Roy. Si je le veux, Monsieur, respondit-il, ouy Monsieur, vous jurant que je ne me suis tant mis icy pour la Religion que pour un mescontentement que j'eus après la guerre, m'en voyant si mal recompensé; & Messieurs le Prince & Amiral m'ayant les premiers recherché, je les ay servys fort fidelement, comme je ferays le Roy, ainsi que j'ay fait le Roy son pere; vous priant le supplier qu'il me fasse aussi du bien,

bien, n'estant point à Monsieur le Prince n'y à Monsieur l'Amiral qu'entant qu'il me plaira, ny Huguenot que par humeur & mescontentement, pour fin je suis sujet de mon Roy, veux vivre & mourir en telle qualité, & vostre serviteur, sçachant bien, Monsieur, combien vous faites cas & estimé des gens de bien.

Du depuis Mr. de Guise le prit en amitié & en fit grand cas; mais il ne dura gueres, car voulant montrer comme il desiroit bien servir son Roy, il mourut devant Rouën, où il fut tué, ceux de dedans n'en estant pas trop marris, car incessamment ils luy reprochoient de dessus la muraille, Ha, Brion, tu as quitté ton Dieu, ta Religion & ton party. Mais luy leur rendoit la response que je viens de dire, qu'il fit à Monsieur de Guise. Ce fut grand dommage de sa mort, car il eust esté grand, sa façon, sa grace, sa valeur le conduisoient fort, aussi qu'il estoit Gentil-homme. Il y eut aussi l'autre compagnie Colonelle d'Andelot, commandée par Monsieur de Payet Lieutenant, brave, fort & avisé Capitaine, qui se rendit dans Orleans avec aucuns de sa compagnie. Tant qu'il a vescu il a tousjours fait de belles preuves de sa vertu & valeur. Ce fut

fut luy, qui avec Rouvray prit la ville de Valenciennne, à la barbe du Duc d'Albe; mais par le moyen de la citadelle, il les en jetta bien-tost. Il vint aussi avec le Comte de Montmorency au secours de la Rochelle, & commandoit dans un navire, où il y avoit son Enseigne bleüe.

Cette compagnie Colonelle estoit d'ordinaire en garnison en temps de paix dans Peronne. Monsieur de la Hunaudave grand Seigneur, depuis Lieutenant de Roy en Bretagne, en portoit l'Enseigne. Après la paix faite à Chartres elle y voulut retourner & rentrer par permission & commandement du Roy, mais ceux de la ville ne l'y voulurent recevoir, jurant qu'ils n'y admettroient jamais Huguenot, quelques secondes & tierces jussions que le Roy leur fît, & y receurent tres-bien moy & la mienne, par le commandement du Roy & de Monsieur de Strozze, sous qui j'estois: mais pourtant ladite Colonelle de Monsieur d'Andelot & moy estions commandez entrer & estre ensemble dans cette ville. Ce fut à ladite Colonelle de se tenir aux environs de ladite ville, quelquefois aux fauxbourgs, & quelquefois au mont Saint-Quentin, & quelquefois ailleurs; mais cela ne dura gueres, car cette petite paix, qu'on appelloit ain-

si,

fi, finit, & la guerre recommença.

Il y avoit auffi d'Arambure, qui fut un fort bon Capitaine, vieux, fage & bien avisé. Monsieur de Montbrun de Dauphiné, Gentil-homme de bonne part, a esté Cornette de Cavalerie, lorsqu'il Monsieur d'Acier mena cette belle & grande troupe en Guyenne à Monsieur le Prince. Il pouvoit avoir certainement ce beau Regiment & cette belle Cornette, car il se peut dire que depuis la sedition d'Amboise, jusques à sa mort, il n'a jamais posé les armes, encore qu'il ne fust point en ladite sedition, laquelle estoit une tres-vilaine & detestable entreprise, bien que les conspirateurs la pallient; mais je sçay bien ce que j'en dirois si je voulois, car j'estois alors à la Cour, qui fut la premiere fois que, venant d'Italie, je commençay à la suivre.

Je me souviens que du temps du petit Roy François ce Monsieur de Montbrun fut commandé plusieurs fois de sa Majesté, de porter les armes pour un peu, il les laissoit, & aussi-tost les reprenoit, & sans Monsieur le Cardinal de Tournon, à qui il appartenoit, il en eust esté en peine, mais pourtant il se sçavoit bien garantir dans les montagens Dauphinoises : il y fit de belles guerres & prises

Luy

Luy & Monsieur de Mouvans & autres, prirent prisonnier le Baron des Adrets, bon & grand Capitaine, & plus grand Capitaine encore, s'il eust poursuivi sa premiere partie, qui leur commandoit à tous auparavant, sans le soupçon qu'ils eurent, qu'il vouloit les quitter & embrasser le party du Roy, comme il y avoit apparence & fit après. Ce brave Montbrun, quelque peu de temps avant qu'il mourust, deffit quelque quinze cens à deux mille Suisses en ces montagnes du Dauphiné, avec quelque peu de Cavalerie & Infanterie qu'il avoit, qui fut une fort belle & signalée victoire, & qui fut fort prisee à la Cour, où j'estois lorsque les nouvelles y vinrent & lorsque le Roy tourna de Pologne. Estant en Avignon il escrivit une lettre audit Monsieur de Montbrun, un peu brave, haute & digne du Roy, sur quelques prisonniers qu'il avoit pris, & sur l'insolence faite. Il respondit si outrecuidemment, que cela luy cousta la vie. Comment, dit-il, le Roy m'escrit comme Roy, & comme si je le devois reconnoistre ! Je veux qu'il sçache que cela seroit bon en temps de paix, & qu'alors je le reconnoistray pour tel ; mais en temps de guerre, qu'on a le bras armé & le cul sur la selle, tout le monde est compagnon.

gnon. Telles paroles irritèrent tellement le Roy, qu'il jura un bon coup qu'il s'en repentiroit.

Au bout d'un an après & quelques mois il vint faire une charge en Dauphiné, où estant porté par terre, il fut pris & mené dans Grenoble, par Monsieur de Gordes, qui la estoit Lieutenant de Roy. J'estois alors à la Cour que Monsieur de Beire, bon & vaillant Capitaine Provençal, qui estoit present en cette charge, en porta des nouvelles au Roy, qui l'en gratifia & en fut tres-aïse, & dit, Je sçavois bien qu'il s'en repentiroit, & en mourra, & verra bien à cette heure s'il est mon compagnon. Et soudain manda à la Cour de Grenoble de luy faire son procez & de luy faire trancher la teste, quoy qu'on luy remonstra que cela tireroit à consequence, & que les ennemis en pourroient autant faire à ses serviteurs. Nonobstant tout il mourut. Si ce Mr. de Montbrun a esté un bon homme de guerre, Monsieur de Montluc, de mesme patrie, où des confins, l'a esté aussi, & qui, de mesme que l'autre, à fort peu mis les armes bas depuis les guerres.

Quand le Duc d'Albe passa vers Flandres, tout le bruit commun estoit qu'en faisant semblant d'escumer Geneve, que tout à plat il l'alloit assieger.

Mon-

Monsieur de Mouvans s'y alla jetter dedans, avec un Regiment de sept ou huit cens bons hommes choisis, (Dieu sçait comment) si bien que l'on pense que telle troupe raffroidit ledit Duc & rompit son entreprise & dessein. Aux troisièmes troubles, lors qu'il falut aux Dauphinois, Provençaux & autres de la Religion de-là le Rosne, venir trouver Monsieur le Prince, qui les avoit tous mandez pour la Guyenne, tous les passages du Rosne estant pris & gardez soigneusement par ceux du Roy & de Monsieur de Gordes, & estant en tous les esmois du monde pour passer cette grande, large & furieuse riviere, Monsieur de Mouvans s'addonna de faire un vray trait de ces Capitaines Romains, il vint aborder sur le bord du Rosne, & y bastit un fort, & ayant porté par terre un petit beatteau, portant seulement quatre hommes, fait passer fil à fil & en peu de temps & en si grande diligence trois ou quatre cens hommes de par de-là, & y bastit un autre fort vis à vis de l'autre, où il logea ses gens peu à peu, & en moins de rien rend ces deux forts bons & tenables, que c'estoit une chose esmerveillable, & si soudainement faite qu'on n'en sceut rien jamais, jusques à ce que les forts furent faits & en defense,

se, par le moyen desquels & de ce petit batteau passerent plus de dix mille ames, & se rendirent avec les autres troupes. Cas strange certes ! & dont il en fut fait une chanson ou vaudeville soldatesque & jolie, & s'accommençoit, Mou- vans a esté commandé, que ses soldats par admiration & gloire d'un tel Capitaine chantoient, en cheminant & soulageant le travail de leur chemin par ce moyen, à la mode des anciens aventuriers. Après ce bel acte, qui ne se peut assez louer, il vint mourir en Perigord, en un petit village, qu'on appelle Chante Geline, je croy le plus chétif du pais, & ce fut par sa faute, comme j'ay ouï dire à aucuns des siens, car Monsieur d'Acier étant arrivé avec toute son armée à Saint-Astier, Monsieur de Mouvens ne se voulant contenter du logis assez bon, qu'on luy avoit donné, se fascha fort & maugrea fort, & trop presumant de soy dédaigna un peu Monsieur d'Acier, encore qu'il eut fait une fort grande traite de cinq bonnes lieües aux courts jours de l'hyver.

Il alla loger à deux grands lieües par de-là à Monsignat; separé de la grande troupe de ces deux lieües, croyant tant en soy qu'il battroit tout le monde qui se presenteroit devant luy, ainsi qu'il se
van-

vantoit , avec ces troupes, la fleur de toutes les autres, & son compagnon Pierre Gourdet, qui estoit un jeune Gentilhomme, brave & fort hazardeux, duquel j'ay parlé, parlant de Monsieur le Marechal de Saint-André.

On leur remonstra bien qu'ils courroient fortune. S'approchant près de Périgieux , on leur faisoit courir le bruit que Messieurs de Montpensier , Martigues, Strozze & Brissac, devoient venir ; mais ils dédaignoient tout, disant tous. Et qui nous pourront battre, les Strozziens? (ainsi appelloient-ils les soldats & Capitaines de Mr. de Strozze) ces braves, qu'ils y viennent. Encore qu'ils les estimassent pour les plus braves & bons soldats vieux des bandes, ne parlant point de ceux de Brissac ; comme certes ils n'avoient la vogue comme nous autres Strozziens : & disoient, Nous autres Diantres Provençaux , nous les mangerons tous en un grain des faux. Mais il avint bien autrement, car les troupes du Roy, dont Monsieur de Montpensier étoit General, s'estant approchées de Périgieux, avec une extrême diligence, les surprirent & desfirent.

Le brave Comte de Brissac pourtant ayant gagné le devant & fait les premières charges , voire quasi toutes , s'il faut

faut dire ainsi, y acquit là le plus grand honneur, encore que Mr. de Strozze y survint à propos, & Monsieur de Marguier.

Cette victoire fut fort heureuse pour nous, car il y fut tué fort peu de gens des nôtres, & nul de marque, que le jeune de la Chatre, dit Sillac, qui avoit une compagnie de gens de pied sous Brissac; & disoit-on que Dieu l'avoit puny, car en cette défaite il se montra grand meurtrier & carnassier, dont fut dommage, car c'eust esté un jour quelque chose de grand. Il y eut aussi de tué le Seigneur d'Es, fils de ce grand Capitaine Mr. d'Es. On ne peut jamais trouver le corps de Mr. de Mouvans, & si fut fort cherché.

Il y eut quelques-uns de ses soldats, qui affirmèrent qu'estant au combat, où il se montra fort assuré & resolu, & se battoit bien, comme il avoit fait tousjours en tous lieux, il eut une grande arquebusade dans le corps, & le virent souvent tout plein de colere & de rage & de dépit, s'appuyer la teste avec les deux mains contre un arbre, (car c'étoit dans une forest qu'on appelle la forest de Fayolles, où fut la furie du combat;) voire qu'il se donna la teste par deux fois contre l'arbre, pensez plus de dépit;

d'ennuy & de regret d'avoir perdu ses gens, que de sa blessure; ainsi qu'en cas pareil arriva au genereux Cesar Auguste, lors que Varrus luy perdit ses Legions en Allemagne, qu'on vit souvent donner de la teste contre les murailles, & de rage crier, Rendez-moy mes Legions, Varrus; & onq' plus ne le virent; disoient les braves soldats. Son compaignon Pierre Gourde se trouva bien mort avec une chemise bien blanche déjà despouillée, & sur tout une fort belle fraise, bien & mignonement froncée & gaudronnée comme on portoit alors car il s'aymoit & se plaignoit fort; aussi étoit-il un fort bon Gentil-homme & de fort bonne grace & fort vaillant.

Ces deux renommez Capitaines étoient destinez pour les meilleurs troupes & les plus hazardeuses, & accompagnez des meilleurs hommes; & s'ils eussent vescu ils eussent bien porté nuissiance à nostre party.

Aussi Mr. le Prince les sceut bien regretter, & sur tout Mr. l'Amiral, qui sca voit ce qu'ils valoient.

Ils s'avancerent le plus qu'ils peurent pour les recueillir, & vinrent jusques à Aubeterre, où ils sceurent la nouvelle de la defaite, parce que Monsieur d'Acier, sage, avisé & vaillant Capitaine, & le

le Chef general de tous, suivoit son chemin projecté & pourpensé, se retira luy & ses troupes sans mal ny combat, & tout l'eschec tomba sur le pauvre Mou-
vans & Pierre Gourde, & leurs gens, & ont nommé depuis la defaite des Proven-
çaux, encore qu'il en restast force autres qui se sauverent, car la troupe, tant
d'eux que de Dauphiné, de Languedoc, de Vivaretz, de Forests, & de Bour-
gogne, estoit tres-grande & tres-belle, & telle que j'ay ouy dire & affirmer à
Monsieur d'Acier, qui avoit avec luy vingt-deux mille hommes de pied,
dont il y en avoit vingt mille arquebu-
ziers de nombre fait & bien conté; si bien que Monsieur le Prince & Monsieur
l'Amiral les ayant joints, & s'avancant pour avoir leur revanche de leur defaite
des Provençaux, & pour combattre Monsieur de Montpensier, qui de son
costé estant trop foible, s'avançoit pour se joindre à Monsieur Frere du Roy
nostre General, & se mettre entr'eux deux, & les garder de se joindre, ainsi
qu'ils marchioient un jour en bataille & pensoient combattre Mr. l'Amiral &
Mr. d'Andelot: demanderent à Mr. d'Acier quelques enfans perdus pour les
jetter au devant loin des batailles, ainsi qu'est la coustume.

d'ennuy & de regret d'avoir perdu ses gens, que de sa blessure ; ainsi qu'en cas pareil arriva au genereux Cesar Auguste, lors que Varrus luy perdit ses Legions en Allemagne, qu'on vit souvent donner de la teste contre les murailles, & de rage crier, Rendez-moy mes Legions, Varrus ; & onq' plus ne le virent ; disoient les braves soldats. Son compaignon Pierre Gourde se trouva bien mort avec une chemise bien blanche déjà depouillée, & sur tout une fort belle fraise, bien & mignonement froncée & gaudronnée comme on portoit alors car il s'aymoit & se plaignoit fort ; aussi étoit-il un fort bon Gentil-homme & de fort bonne grace & fort vaillant.

Ces deux renommez Capitaines étoient destinez pour les meilleurs troupes & les plus hazardeuses, & accompagnez des meilleurs hommes ; & s'ils eussent vescu il eussent bien porté nuissiance à nostre party.

Aussi Mr. le Prince les sceut bien regretter, & sur tout Mr. l'Amiral, qui savoit ce qu'ils valoient.

Ils s'avancerent le plus qu'ils peurent pour les recueillir, & vinrent jusques à Aubeterre, où ils sceurent la nouvelle de la defaite, parce que Monsieur d'Acier, sage, avisé & vaillant Capitaine, & le

le Chef general de tous, suivoit son chemin projecté & pourpensé, se retira luy & ses troupes sans mal ny combat, & tout l'eschec tomba sur le pauvre Mou-
vans & Pierre Gourde, & leurs gens, & ont nommé depuis la defaite des Proven-
çaux, encore qu'il en restast force autres qui se sauverent, car la troupe, tant
d'eux que de Dauphiné, de Languedoc,
de Vivaretz, de Forests, & de Bour-
gogne, estoit tres-grande & tres-belle,
& telle que j'ay ouy dire & affirmer à
Monsieur d'Acier, qui avoit avec luy
vingt-deux mille hommes de pied,
dont il y en avoit vingt mille arquebu-
ziers de nombre fait & bien conté; si
bien que Monsieur le Prince & Monsieur
l'Amiral les ayant joints, & s'avancant
pour avoir leur revanche de leur defaite
des Provençaux, & pour combattre
Monsieur de Montpensier, qui de son
costé estant trop foible, s'avançoit pour
se joindre à Monsieur Frere du Roy
nostre General, & se mettre entr'eux
deux, & les garder de se joindre, ainsi
qu'ils marchioient un jour en bataille &
pensoient combattre Mr. l'Amiral &
Mr. d'Andelot: demanderent à Mr. d'A-
cier quelques enfans perdus pour les
jetter au devant loin des batailles, ainsi
qu'est la coustume.

Messieurs l'Amiral & d'Andelot se donnerent la garde qu'ils vinrent quatre mille arquebusiers sortir des rangs, tous morions gravez & dorez en teste, tant de beaux fournimens & arquebuses de Milan, & tous hommes de bonne façon, de gentille taille & dispos, qu'il n'y avoit rien à redire en eux, pour faire leur charge, & avec cela conduits par de très-bons Capitaines : qui furent esbahis, ce furent Mr. l'Amiral & Mr. d'Andelot, car ils pensoient au plus ne voir que quelque mille à douze cens arquebusiers, comme d'autrefois qu'ils s'étoient veus, & louèrent fort cette belle bande & se pleurent fort à la voir, croyant qu'elle feroit un grand effet.

Le Capitaine Mouvans m'en fit le conte quelque temps après. Pour ce coup ils ne le mirent point en besogne, mais ils montrèrent à l'escarmouché de Jaseuil ce qu'ils sçavoient faire, laquelle fut une des plus belles qu'on eût veues de nostre temps, après celle de la Belle Croix à Mets, qui fut le jour que le Duc d'Albe vint reconnoistre la place : l'une & l'autre durèrent quasi tout un jour, & l'une & l'autre furent faites en un mesme temps d'hyver, & quasi en un mesme mois, je croy qu'il ne s'en falloit pas quinze jours, car celle de Mets fut faite
le

le Vendredy, Vigile de la Toussaints, & l'autre quelque quinze ou vingt jours dans le mois de Novembre, si bien m'en souviens. Il y eut difference entre l'une & l'autre, car celle de Mets fut soustenue & attaquée par les Espagnols, qui ne pouvoient monter à plus haut qu'à six ou sept mille, & un Regiment de Lansquenets, & celle de Jafeneuil le fut de plus de vingt mille arquebusiers, non pas que tout à coup ils s'escarmouchassent & combattissent, mais par bandes & grosses cadrilles, dont la moindre étoit de cinq mille, & ainsi que les uns venoient les autres se retiroient; & ce fut là où les nôtres firent tres-bien, qui n'estoient en si grand nombre il s'en faloit beaucoup, qui les soustinrent beaucoup.

Messieurs de Brissac & de Strozze y acquirent un tres-grand honneur, & Monsieur de la Valette avec sa troupe de gendarmes & autres.

J'ouïs faire alors aux anciens Capitaines cette comparaison de ces deux escarmouches, qui avoient veu l'une & l'autre.

Or parmy les bandes de Mr. d'Acier il y avoit encore force Mestres de Camp, & de tres-bons, & Gentils-hommes de bonne part, comme estoit Monsieur de Beaudiné, frere

dudit Monsieur d'Acier, jeune Gentilhomme de cette grande maison d'Acier & Cursol, mais pourtant vieux Capitaine & soldat, & qui estoit fort estimé parmy les soldats. Il fut tué au massacre de Paris.

Il y avoit aussi Monsieur d'Anconne, lequel avoit un tres-beau & bon Regiment, il en estoit bien digne & le conduisoit bien vaillamment tousjours où il falloit aller. Il avoit en jeunesse pris pour devise en ses enseignes ces mots, *Par tout vit Anconne*. Ces mots ont deux significations ; Je m'en rapporte aux personnes bien curieuses de les expliquer.

Il y eut aussi Monsieur de Blayon, un vieux & tres-bon Capitaine du temps passé, & qui avoit veu les croix rouges aussi-bien que les blanches, encore mieux, car il avoit beaucoup fréquenté es guerres Espagnoles en Toscane & ailleurs, & estoit fort homme de bien. Il a laissé un fils, qui est aujourd'huy Monsieur de Blayon, Gouverneur d'Orange, qui ne luy en doit rien, tres-bon & vaillant Capitaine. Il y avoit aussi aux troupes dudit Acier force autres bons Capitaines.

Je n'aurois jamais fait si je les voulois specifier, comme d'ailleurs il en avoit d'autres, comme le Vicomte de Pannas,

nas, Gentil homme de bonne part, jeune & vaillant homme; & celuy-là avoit le plus grand Regiment de tous, s'il le faut prendre selon le nom de Gascon, qui le porte ainsi.

Il y eut aussi un Monsieur de Pilles, lequel a esté un tres-bon Capitaine, vaillant & heureux, & qui avoit ordinairement un beau Regiment, car il avoit une si grande créance parmy les soldats, & mesmes avec ceux du long de la Dourdoigne, où il y en a d'aussi bons qu'en contrée de Guyenne, qu'en un rien il fournissoit trois ou quatre mille hommes.

Aux premieres guerres civiles il en mena une assez belle troupe à Orleans, mais il n'y fit gueres grand sejour, & s'en retourna au grand mescontentement de Monsieur l'Amiral, qui l'en rabroûa à son parlement, disant que c'estoit de ces Capitaines de plat pays, qui ne vouloient demeurer hors de la maison en une armée plus d'un mois, sans tourner voir fumer leurs cheminées, & luy en eust fait un mauvais party, à luy & à ses gens, & les vouloit faire mettre en pieces sur les chemins, sans Monsieur le Prince. Ils eussent trouvé à dire du depuis; car il les a bien servis, & mesme au siege de St. Jean, qu'il tint assez opi-

niaistrement fort long-temps, arrestant le cours de la grande victoire que Monsieur venoit d'acquérir par la bataille de Moncontour : & certes qui voudra considerer ce siege & la forteresse de la place , qui estoit alors tres-bonne , & du depuis des meilleures de la France , dira pourtant qu'il devoit estre plus opiniastre , & veu ainsi le nombre des gens qui estoient dedans, tant estrangers que d'habitans , & le beau secours qui y entra , ainsi que j'en ay ouy discourir à de grands Capitaines , & comme à l'œil il se pouvoit voir , & si l'on en donnoit la gloire à Monsieur de Pilles.

Le Capitaine la Mothe en avoit bien sa plus grande part , car il avoit veu le siege du petit Lit en Escosse , sous le bon homme Mr. de la Brosse , Lieutenant de Roy , & sous Mr. de Martigues son Colonel, lequel a esté un des beaux & des longs, furieux & des mieux assaillis & defendus, qu'on avoit veus icy il y a long-temps , & sceut si bien pratiquer à Saint-Jean ce qu'il avoit veu audit petit Lit, qu'il nous donna bien de la peine.

Aussi Mr. de Martigues luy sceut bien dire , quand il demanda à parler à luy sur la muraille , Ah ! Capitaine la Mothe,

the, vous pratiquez là-dedans ce qu'avez veu & appris avec nous dans le petit Lit. Ouy, Monsieur, respondit-il, & n'en doutez pas; mais je voudrois fort que ce fust contr'eux à qui nous avions affaire, estant avec vous, non pas contre vous ny contre ceux de manation, car je suis fort vostre serviteur. Comme de vray il l'estoit & le regretta fort après sa mort. Aussi Monsieur de Martigues le vouloit fort attirer à soy, ce qu'il eust fait avec le temps.

Ce fut luy qui fit cette muraille seche sur le haut de la bresche toute la nuit, que le matin estonna nos gens & leur nuisit beaucoup. Ledit Pilles avoit aussi un Sergent Major, comme le Capitaine la Ramiere, brave & vieux Capitaine, qui luy servit bien & là & ailleurs.

Voilà que sert en tels endroits un homme qui a veu. Celuy-là & la Mothe pour ce coup ayderent bien à la gloire de Mr. de Pilles, lequel dit Sieur fut par après tûé au massacre de la Saint-Barthelemy à Paris, qui ne s'en fust pas douté jamais, d'autant que deux jours avant le Roy luy avoit fait cet honneur de luy commander de nager avec luy vers l'isle de Louviers, & de luy apprendre & de luy tenir le menton. Il eust esté à craindre que si quelque devin luy

eust annoncé telle fin , qu'il eust fait au Roy un mauvais party. Ainsi les Roys font & defont les personnes comme il leur plait.

Or je n'aurois jamais fait, si je voulois nombrer tous les Mestres de Camp de la Religion , comme ont esté les Sieurs de Mouy , tres-vaillants & braves Gentils-hommes , de Boury , qui depuis quittant l'espée ont pris la robe longue, contre le naturel de tous quasi ordinairement , d'Aubigny , qui est bon celuy-là pour la plume & pour le poil, car il est bon Capitaine & soldat , tres-sçavant , & tres-éloquent & bien disant , s'il en fut onques , de Charbonnieres , tres-vaillant , de Preau , Gouverneur de Chastelleraut, tres-vaillant & tres-habile celuy-là, de Sollut, de Couronneau, de Parabel, qui commande à cette heure dans Niort , de Valliraud , le Capitaine des Champs , son compagnon : bref, une infinité d'autres que jamais on n'auroit fait , & aussi que l'Histoire de nostre temps ne faudra , si croy-je , de les nommer & conter leurs valeurs & merites : & nonobstant si je n'avois autre œuvre à faire qu'à parler tant d'eux que des nostres Catholiques , ma foy j'en penserois bien autant dire que toutes nos Histories , pour en avoir connu la plus grand^e

grand part, & veu aux affaires, mais non pas tous, car il faudroit que j'eusse eu cent corps & deux cens yeux, & aussi qu'il me plairait fort parler d'eux, estant un tres-grand plaisir, ce me semble, de parler des gens vertueux & valeureux.

Je m'en tais donc, & reprens mon premier chemin des Colonels. Comme j'ay dit donc cy-devant, que Monsieur de Tais a esté le premier Colonel General des bandes Françoises, tant deçà que de là les Monts, il le faut croire ainsi; car il y a encore à cette heure force vieux Capitaines & soldats qui le testifient; qui fut un grand heur & honneur à luy, que luy, qui n'estoit que simple Gentilhomme, mais pourtant de bonne part & de bon lieu, non pas riche, fust honoré d'une si honorable charge; car pour un coup il s'est veu commander à plus de six vingts Enseignes Françoises, tant deçà que de là les Monts: qui estoit beaucoup certes, mais non tant que les six vingts Legions qu'Auguste entretenoit d'ordinaire, fust aux champs, fust aux garnisons, bien qu'il fust Monarque paisible du monde, mais c'estoit sa gloire, sa grandeur, sa terreur, aussi-bien pour la guerre que pour la paix. Ce fut un grand heur & honneur pour ledit Seigneur de Tais, pour n'avoir fait l'office

beau cheval d'Espagne, il le fit descendre de dessus & le fit attacher à un arbre, & commanda à deux ou trois soldats de luy tirer des arquebusades & le tuer; ce qu'ils firent aussi-tost: ce qui fut un grand dommage, & il le fit d'autant que le jour de la bataille il faut que le Colonel soit devant le bataillon loin d'une pique, armé de toutes pieces, sa bourguignotte en teste & sa pique en sa main, & tous ses Capitaines en chef, armés de mesme, à la teste du bataillon, les Enseignes au mitan, les Lieutenans à la queue, les Sergents aux costez, le Sergeant Major, ou pour parler à l'ancienne mode, le Sergeant de bataille, à cheval, pour aller par les rangs, par le devant, par le derriere & par les costez ou aïsses, afin de mettre ordre promptement à ce qui est nécessaire. Sur quoy j'ay ouy faire un conte pour tres-certain, que ce jour de bataille de Cerisoles le Sergeant de bataille, qui estoit pour lors la Burthe, enfant de Bourdeaux, fort digne de sa charge, visitant les rangs & jettant sa veüe sur tout son fait, vit un Gentilhomme, qui ne faisoit qu'arriver de la Cour en poste; je l'ay bien ouy nommer, mais je ne m'en souviens pas, car les chemins des postes estoient tous rompus de Gentils-homme, qui a-

loient

loient à cette bataille à l'envy les uns des autres ; & parce que ce Gentil-homme, n'ayant eu la commodité de recouvrer des armes tout à coup avec une jaque & manche de maille, dont on usoit fort de ce temps, & une hallebarde, se mit au premier rang parmy les Capitaines, ainsi accommodé ; la Burthe luy dit aussitost qu'il sortist de là, & qu'il defaisoit & desembellissoit le rang, d'autant qu'il devoit bien sçavoir qu'il falloit bien être armé de toutes pieces ; & s'il ne le sçavoit, qu'il le luy apprenoit : parquoy qu'il sortist viste & ne luy en dit rien plus. La Burthe n'ayant pas loisir de se tenir là long-temps & de contester, s'en part pour aviser à ses batailles & à ses charges ; puis il retourne, & le voyant encore là, luy remonstra fort audacieusement (car un tel jour est le jour de solemnité & grande feste de leur autorité,) une autre fois ce qu'il luy avoit dit. Le Gentil-homme luy respondit, que tout tel qu'il estoit, & ainsi armé, qu'il ne cederait pas à un des mieux armez qui fussent là, pour bien combattre & bien servir ce jour son Roy, & qu'en matiere de son service & en telle journée & en tel endroit & occasion, tout estoit de guerre, tout estoit de rang & d'ordonnance, & tout egal, & qu'il n'en bougeroit

geroit point. La Burthe perdant patience luy donna aussi tost de l'hallebarde au travers du corps, & le tué tout roide mort : & n'en fut autre chose pour ce coup, car l'on marchoit droit à l'ennemy pour se battre. Mais apres la bataille, comme j'ay ouy dire à ceux qui y estoient, & mesmes à plusieurs Gentilshommes, qui deploroient le trépassé, qui estoit & brave & vaillant, trouverent le coup trop prompt & par trop legerement fait, & avec la teste trop à la Gasconne, & qu'il n'y avoit nulle raison d'avoir tué ainsi ce Gentil-homme, qui tout plein de courage & de valeur estoit party de la Cour de si bonne volonté, pour se trouver à une si bonne affaire, & pource qu'il n'avoit peu recouvrer armes propres, ny ainsi qu'il eust bien voulu, mais comme il avoit peu, il n'y avoit point de raison ny aucun droit de guerre de tuer ainsi un Gentil-homme d'honneur & de valeur.

Le Roy François ne le trouva pas bon quand on luy en fit le conte, car il regretta le Gentil-homme & sa bonne volonté. La Burthe respondit, & ceux qui tenoient son party, que puis que les statuts & ordonnances de la guerre estoient telles, il n'avoit rien fait que de les ensuivre, & qu'il falloit qu'il le fust ainsi,

ainfi , & qu'il avoit ordonné au Gentil-homme une place tres-propre pour luy , mais qu'il n'y avoit voulu aller , & luy avoit répondu qu'il n'avoit rien à luy commander ; & la place qu'il luy avoit ordonnée eftoit qu'il allaft trouver le Capitaine Montluc & les enfans perdus , parmy lesquels eft permis à un chacun de fe trouver & combattre le plus legerement qu'on peut , avec une rondelle ou manche de maille , ou hallebarde , ou armé ou defarmé , comme l'on veut , mais le Gentil-homme ne l'avoit voulu faire , & avoit donc tort , & fut jugé ainfi par tous les Capitaines , qui fe fouftenoient les uns les autres , & qui affirmoient , comme ils avoient ouy , comme la Burthe l'avoit voulu envoyer avec les enfans perdus : mais les Courtifans & ceux qui tenoient le party du trépaſſé , diſoient , qu'ils n'en avoient jamais ouy parler.

Pour fin , il n'en fut jamais autre choſe : ſi eſt-ce que les galands diſcoursers peuvent beaucoup diſcourir là-deſſus , car auffi ce la Burthe fit tres-bien là ce jour ſon eſtat.

J'ay fait cet incident , m'étant venu à propos pour le ſujet , & pour le trouver tres-beau , & feray encore celui-cy ſur l'Eſtat de Sergent Major , & combien il eſt

est beau & honorable, dont j'en ay veu faire grand' estime à plusieurs grands Capitaines & Generaux d'armées.

Surquoy j'ameneray le mot de ce grand Empereur Charles, qu'il dit au Capitaine Villandrado, en la guerre de Protestans à la journée de Dina; car ainsi que ledit Villandrado, qui étoit Sergent Major, luy eust demandé une compagnie de gens de pied qui venoit à vacquer, sa Cesarée Majesté lui respondit qu'elle s'estonnoit comment il la demandoit, & ne se contentoit de sa charge de Sergent Major, qu'il estimoit en beaucoup plus grande prééminence que celle d'un Capitaine, puis que tous les Capitaines luy obeyffoient & prenoient le mot & ordre de luy, qu'il recevoit des Generaux, voire des Roys & des Empereurs mesmes, & qu'au Sergent Major en guerre en tout temps & en tout lieu la porte ne luy est fermée jamais, si qu'il y entreroit sans aucun refus.

Voilà les paroles & raisons de ce grand Empereur, que j'eusse recitées en même langage Espagnol qu'il les recita, mais ce fut une superfluité vaine. Villandrado luy respondit qu'il le sçavoit bien, mais pour estre la solde de Sergent Major & les pratiques tres-petites, & les corvées grandes, il le supplioit de
le

le recompenser de cette compagnie; aussi que l'usage déjà s'accoutumoit à se tenir parmy l'Infanterie Espagnole, de pourvoir un Sergent Major, après qu'il avoit long-temps & deuëment fait sa charge; d'une Compagnie. Voilà à quoy avisoit Villandrado. Le plus beau & le meilleur en cela, disent les Espagnols, est de suivre la coustume des Italiens & des Alemands, lesquels eslisent un de leurs Capitaines en leurs Regimens, le plus partiq & le plus suffisant, pour Sergent Major, & par ainsi, étant Capitaines & Sergens Majors, sans aucun contredit en l'absence des Colonels & Mestres de Camp commandent aux Regimens, pour avoir deux grades ensemble: ce que les Espagnols ne faisoient pas de nos temps, je ne sçay ce qu'ils font aujourd'huy. Aussi bien souvent arrive-t-il des altercations parmy eux & entre aucuns Capitaines bizarres & mutins, qui se faschent quelquefois d'obeïr à des Sergents Majors, n'estant point Capitaines comme eux, mais y aspirant; de sorte que c'est la plus grande récompense que l'on leur puisse donner, après qu'ils ont longuement servy, que de les faire Capitaines avec eux. J'en ay veu un differend en ma vie parmy eux & parmy nostre Infanterie Françoisë, qui est tel:

tel : lors que nous allasmes au secours de Malte , le Roy & la Cour estoient à Moulins. Monsieur de Strozze & moy , & une vingtaine de Gentils-hommes que nous estions , nous partismes de là. Monsieur de Strozze ne dit ny au Roy , ny à la Reyne , ny à aucun qui fust , qu'il ny allast , sçachant bien que leurs Majestez l'empescheroient ; mais simplement leur demanda congé pour aller à Lyon mettre ordre à quelques affaires qu'il y avoit d'importance , & de-là en Provence voir son oncle le Cardinal , & pour deux ou trois mois. Ce que leurs Majestez luy octroyerent librement : luy sçachant bien que si long voyage qu'il entreprenoit pour estre de durée de plus de huit ou neuf mois , avisa de mettre ordre avant que partir de son Regiment qu'il avoit des gardes du Roy , & pour ce de peur qu'en son absence n'arrivast quelque grabrouil , sedition & mutinerie parmy ses Capitaines , touchant la préeminence & le commandement , après avoir assemblé tous ses Capitaines & leur avoir dit l'intention de son voyage & sa volonté pour commander en son absence , il avisa , tant par sa nomination que par l'élection & par le consentement de tous ses Capitaines que le Capitaine Sarrion , le plus vieux & pra-

pratic de tous les Capitaines, commanderait en son absence; & non sans raison, car il estoit tel & un fort homme de bien & d'honneur, appartenant à Monsieur le Marechal de Termes. Ainsi prit congé Monsieur de Strozze de tous ses Capitaines, & leur dit adieu, après leur avoir commandé leur devoir: mais il ne fut pas plustost party que le Capitaine Hortan, son Sergent Major, se voulut ingerer & avancer de leur commander à tous, & leur donner le mot, selon le devoir de sa charge. Tous les Capitaines s'y opposerent & dirent qu'ils ne luy obeïroient point, sinon à celuy que Mr. de Strozze avoit nommé. Le Capitaine Hortan avoit gagné Monsieur le Connestable, & luy avoit déjà remonstré l'autorité qu'il avoit. Monsieur le Connestable, qui n'ignoroit rien du fait de la guerre, ordonna que le Sergent Major, selon son autorité & coustume, prendroit le mot du Roy & le donneroit aux Capitaines & leur commanderait leurs ordres, leurs gardes, leurs guets & leurs charges, sans pourtant s'extravaguer nullement du droit de sa charge. Qui furent estonnez ce furent les Capitaines, de cette sentence de Mr. le Connestable, & pour ce eurent recours d'envoyer ledit Sar-
rion

rion luy meſme en poſte vers Mr. de Strozze , pour l'attraper en chemin & luy dire tout le ſuccez. Nous n'eſtions qu'à la Palice , que ſur la minuit nous ouïſmes le huchet du poſtillon , qui nous éveilla ſoudain Mr. de Strozze & moy , qui eſtions couchez enſemble. Ce fut le Capitaine Sarrion , que nous viſmes à la chambre arriver , qui fit le diſcours de tout ce qui s'eſtoit paſſé. Qui fut dépité ce fut Mr. de Strozze , & meſme que Monſieur le Conneſtable luy eſtoit allé defaire tout ce qu'il avoit fait. Parquoy tout en colere eſcrit au Roy & à la Reyne , & à Monſieur le Conneſtable , toutes ſes raiſons , & ſur tout qu'il quittoit ſa charge , ſi on ne tenoit pas fait ce qu'il avoit ſi bien ordonné avant que partir. Et ſon dire & ſes raiſons ouïes de leurs Majeſtez & de Mr. le Conneſtable , Monſieur de Strozze fut creu & obeï pour ce coup , & le Capitaine Sarrion arreſté en ſa charge qu'il avoit , commis par Mr. de Strozze , encore que Mr. le Conneſtable allegua beaucoup de telles choſes , cauſes & raiſons contre Monſieur de Strozze , leſquelles je laiſſe à diſcourir à Meſſieurs les Capitaines, Sergens Majors & Meſtres de Camp, mieux entr'eux que je ne ſçaurois faire , ſi ce n'eſt celle-cy
qu'al-

qu'allegua Monsieur le Connestable, que c'estoit un grand cas qu'un Sergent Major, qui commandoit à tant d'hommes le jour d'une bataille, tant Capitaines qu'autres, qu'il ne peust commander à une si petite troupe qu'estoit un Regiment. Pour fin, Monsieur le Connestable dit, que pour complaire à Monsieur de Strozze, il luy falloit laisser passer celle-là, & qu'il meritoit bien d'estre gratifié en de plus grandes choses. Pour conclurre, l'estat d'un Sergent Major est un honorable estat, & les Espagnols, ce me semble, en font encore plus grand cas que nous. Il peut aller à cheval tousjours, non seulement par les ordres & batailles, mais par tout le camp; voire, s'il trouve le Roy & le General d'armée, il doit parler à luy à cheval, sans mettre pied à terre, & qui l'y met, n'entend pas bien sa charge & y est tenu fort nouveau & s'en moque-t-on. Le jour d'une bataille il ne se doit jamais mettre à pied parmy les Capitaines, mais tousjours aller & venir parmy les files, car se mettant à pied & combattant comme les autres, il ne sert que d'un, & estant à cheval, se promenant, il en peut valoir plusieurs, pour pourvoir à une infinité de choses, qui en tels cas & occasions se presentent.

De plus, il faut qu'ils ayent tousjours un gros baston en la main, tant pour em-
pescher & détourner les bagages, qui
embarassent & ferment le chemin des
soldats marchans, que pour montrer ce
qu'il faut faire, au lieu que les autres le
montrent avec le bout du doigt; aussi
pour chastier quelquefois l'insolence des
soldats *infraganti*; les Espagnols usent
de ce mot Latin; & tiennent plus que
le soldat, tant signalé soit-il, venant
quelquefois à faillir; n'est deshonoré
d'avoir quelque coup de baston; mais
que ce soit *infraganti*, autrement non;
& qui sera le soldat qui après s'en veuille
ressentir, il n'est estimé parmy eux, com-
me ne sachant pas encore l'usage de la
guerre. Il y en a aucuns qui ont eu cette
opinion, qu'il falloit qu'aucuns Mestres
de Camp fussent à cheval le jour de la ba-
taille, comme le Sergent Major; & j'ay
veu aucuns Capitaines vieux tenir qu'il
estoit ainsi nécessaire.

Le Capitaine Saline, le bon homme,
qui estoit mariée dans Ast, le jour du se-
cours qu'envoya le Roy d'Espagne à
Malte, pour lever le siege, & qu'on
pensoit donner la bataille aux Turcs, fit
ce jour-là office de Mestre de Camp Ge-
neral & de Sergent Major, parce qu'il le
meritoit, & que le bon homme estoit
vieux

vieux & cassé, & ne pouvoit estre bon pieton, à cause de ses vieilles playes passées, & aussi qu'en toute cette armée il n'y avoit aucun cheval que celui-là, qu'on avoit fait embarquer pour toutes ces causes comme la raison le vouloit, autrement l'office de Sergent Major, ny de Mestre de Camp General, ne se pouvoit bien exercer, qui ne se peut jamais bien faire à pied, quelque bien enjambé qu'il soit.

Si tous nos Mestres de Camp & Sergents Majors d'aujourd'huy montoient à cheval en nos batailles, on y verroit plutôt des compagnies des gens de cheval que de pied, tant y a de ces gens-là, & ne verroit-on que confusion parmy eux, & s'entrechoquer les uns les autres, s'embarasser & tomber par terre, ou allant & venant, ou avec cela une tres-plaisante risée.

Or pour retourner encore à Monsieur de Tais, la raison pourquoy il fit arquebuser son cheval; fut, afin qu'il ne donnast soupçon à ses Capitaines, qui se fiant par trop à son bon cheval, & venant à luy mal baster, qu'il les quittast & montast dessus & se sauvast mal à point, sans s'opiniâtrer au combat, & par ainsi que les Capitaines perdissent cœur. Mais par là il leur monstra qu'il ne
les

les vouloit abandonner, ains mourir & s'enterrer avec eux dans le champ de bataille, dont il en fut fort estimé & fit bien. Mais sans faire tuer ce brave cheval, (ce disoit-on) il le pouvoit bien envoyer au bagage. Mais possible il le fit venir là exprès pour faire cette rodomontade, forte pourtant. Quoy que ce soit, on le disoit pour le moins, car il y a aujourd'huy tant de vanitez, & le temps passé y en a eu tant, comme ce brave Spartacus, General des Gladiateurs Romains revoltez, lequel le jour de la bataille, où il fut defait & tüé, fit de même tuer devant ses gens un tres-beau & bon cheval qu'il avoit, & qui lui avoit auparavant bien servy : si nous gagnons la bataille, dit-il, j'en recouvreray un autre meilleur : si nous la perdons & que j'y meure, qu'en ay-je affaire? Bref, on parla fort de luy après cette bataille, & le Roi François fit grand cas de lui, lors qu'il emmena au camp de Tallon vingt-cinq Enseignes de ces braves & triomphantes, qui venoient de frais de cette belle defaite de Cerisoles, dont les Capitaines & soldats estoient si glorieux & si bravants, qu'ils menaçoient eux seuls de combattre toute l'armée de l'Empereur, qui estoit l'une des belles & grandes qu'il eust mis jamais sur pied ; & n'en deplaise à celle de Pro-

vance & Landrecy, laquelle, glorieuse
 & outrecuidée d'avoir pris Saint Dezier
 à la barbe du Roy dans le Royaume,
 bravoit tant & menaçoit bien-tost d'al-
 ler loger dans Paris; que pour le moins
 si elle ne le fit, elle rendit les Parisiens si
 estonnez, que pliant bagage la plus
 grand' part s'en fuyoit qu'il y a. Sur
 lequel sujet le Roy François leur dit qu'il
 ne les scauroit engarder de peur, ouy
 bien de mal. Mais pourtant l'Empereur
 avec toutes ces bravades & menaces, vo-
 yant la belle & resoluë contenance du
 Roy & de Monsieur le Dauphin, alors
 son Lieutenant General & de son armée,
 trouva moyen, par les entremenes &
 entrefaites d'un Moine, de faire la
 paix; mais bien aise: si que possible lui
 & ses gens redoutoient nos enseignes &
 bandes victorieuses de Piedmont, qui
 les avoient si bien battus. Surquoy j'ay
 ouï dire à plusieurs vieux Capitaines d'a-
 lors, & mesme à Monsieur de Gerilles,
 Provençal, & Seneschal de Beaucaire,
 brave & vaillant Capitaine certes, qui
 lors qu'ils furent en France, & que
 Monsieur de Tais les eust presentez au
 Roy pour luy faire la reverence, d'ail-
 leurs qu'il eut il en pleura & les embrassa tous
 de si bon cœur, que voyant leurs belles
 & assurées façons, & d'eux & de leurs
 fol-

soldats, il s'assura tellement qu'il dit, qu'avec eux seulement & sa gendarmerie, il pensoit battre toute l'armée de l'Empereur.

Cette paix donc estant conclüe, il fallut au Roy tourner toutes ses forces vers Boulogne contre le Roy d'Angleterre, qui par trop ingrat contre le Roy, & peu vindicatif contre l'Empereur, prenant son party, ravageoit la Picardie. Monsieur de Tais y mena ses compagnies, qui firent les effets que nous lisons en nos Histoires & dans les Commentaires de Monsieur de Montluc tout fraîchement.

Or le Roy estant mort, tout ainsi qu'une Dame avoit fait & eslevé ledit Monsieur de Tais, fut par autre Dame aussi defait & desappointé, Monsieur le Connestable y aydant aussi un peu, (disoit-on) & son estat ayant esté my-party en deux, fut donné pour les bandes Françoises en la France à Monsieur de Chastillon, & pour les bandes de Piedmont à Monsieur de Bonnivet, encore qu'il fust brave, vaillant & de bon lieu. Une Dame, que je nommerois bien, luy valut cela. Helas! si Monsieur de la Chastaigneraye mon oncle eust vescu, & ne fust mort en son combat, Monsieur de Chastillon, comme j'ay ouy dire,

n'eust eu cette charge, encôre qu'il da-
meritast autant que Seigneur de Fran-
ce, & qu'il eust la faveur de son on-
cle Monsieur le Connestable : mais le
Roy Henry l'avoit promise plusieurs
fois à mondit oncle, & avant & après
son avènement à la Couronne, car il
l'aymoit & l'estimoit bien fort, & aussi
que la querelle, pour laquelle il com-
batoit, estoit plustost celle de son mai-
istre que la sienne : de sorte qu'il luy ser-
vit lors de champion, estant hors de
combat comme Roy. Quand il seroit de
besoin, je la conteroïs bien & la trou-
veroit-on ainsi.

Il connoissoit aussi mondit oncle fort
capable de cette charge ; car dès-lors
qu'il sortit hors d'enfant d'honneur du
Roy François, ils'estoit mis à l'infan-
terie, & pour son commencement se-
mit à porter l'arquebuse, & avoit fait
faire demy-douzaine de balles d'or
pour ruer l'Empereur, (disoit-on)
n'estant raisonnable que luy, estant grand
& puissant, & plus que le commun
mourust de balles communes de plomb,
mais d'or ; dont le Roy François, qui
l'avoit nourry, l'en ayma toujours fort
depuis.

Avant luy le Colonel Fornisberg, Al-
lemand, fit faire une corde de fil d'or,
pour

pour pendre le Pape Clement, pour les raisons cy-dessus, au sac de Rome, & comme fit la Reyne Jeanne de Naples premiere, qui fit estrangler son mary d'une corde d'or, faite de sa main, pour plus grand honneur.

Le voilà donc mort en son combat, & sur le point que le Roy son maistre luy vouloit & pouvoit monstrier par bons effets, tant en cette charge qu'autres faveurs, combien il l'avoit aymé & l'aymoit.

Mr. DE CHASTILLON.

Voilà donc Monsieur de Chastillon pourveu en cet honorable estat de Colonel General, auquel toute l'Infanterie, qui a esté de son temps & venue puis après, doit beaucoup; car c'est luy qui l'a reglée & policée par ces belles ordonnances, que nous avons de lui aujourd'huy imprimées & tant pratiquées, lieues & publiées parmy nos bandes, même que j'en ay veu ses ennemis & contraires à son party, Capitaines & autres, quand il venoit quelque difficulté de guerre parmy eux, dire souvent, comme je l'ay veu, Il faut en cela se gouverner & regler par les ordonnances de Monsieur l'Amiral.

Ils avoient raison , car elles ont esté les plus belles & les plus politiques qui furent jamais faites en France , & croy que depuis qu'elles ont esté faites , les vies d'un milion de personnes ont esté conservées , & autant de leurs biens & facultez ; car auparavant ce n'estoit que pillerie , volerie , briganderie , rançonnement meurtres , querelles & paillardises parmy les bandes ; si bien qu'elles ressembloient plustost compagnies d'Arabes & de brigans , que de nobles soldats. Voilà donc l'obligation que le monde doit à ce grand personnage , qui n'est pas petite. Bien est-il vray que Monsieur de Langeay en avoit esté avant luy inventeur d'aucunes , lors qu'il estoit Lieutenant de Roy en Piedmont ; mais elles s'observoient tres-négligemment. Monsieur le Prince de Melfe y en ajousta aussi , lesquelles il fit estroitement garder , & même celle qui touchoit les querelles & les larcins & detrouffemens des vivandiers & plusieurs autres.

Mais Mr. de Chastillon en rendit & accomplit en cela l'œuvre parfaite , & les fit si estroitement observer , qu'il en acquit le nom de tres-cruel. Mais pour cela il ne s'en foucioit gueres , veu qu'au commencement de l'observation de telles loix nouvelles & tant importantes il , le faut estre,

L'on

L'on a veu le bien enfin qui en est revenu, & qui en reviendrait bien encore, si l'on en vouloit pratiquer & continuer la discipline ; mais aussi avant il faudroit payer le soldat, car autrement il ne se peut, & c'est une grande injustice de le faire mourir.

Or estant donques Monsieur de Chastillon Colonel, pour son principe il fut devant Boulogne, laquelle il brida & reserra de telle façon par blocus & forts, & mesme qu'il y en a encores un sur estre & en nature, qu'on nomme le fort de Chastillon, qu'il la reduisit bien-tost à reddition : ce qu'auparavant, du temps du Roy François, beaucoup de bons & braves Capitaines avoient failly. L'histoire de France le peut testifier, & les Commentaires de Monsieur de Montluc, sans que j'en parle plus. Avant cette guerre il apprit aux Anglois un proverbe, Ah cruel & demy, ou bien du tout, car ils estoient si cruels à nos François, & l'avoient tant esté qu'ils n'en pouvoient desapprendre, tant ils l'avoient pris en habitude. Qu'aussi-tost qu'un pauvre François estoit tombé entre leurs mains, il ne falloit point parler de mercy, car la vie s'en alloit, & se plaisoient quelques-uns à prendre leurs testes & les ficher au bout de leurs lances & piques,

& en faire leurs parades à la mode des Mores & Arabes. Mais Monsieur l'Amiral leur rendit bien-toſt leur change, & leur en fit de meſme, voire pis ; ſi bien qu'ils en vinrent aux requeſtes & à demander la bonne guerre, qu'il leur fut octroyée à la mode du Piedmont entre les François & Imperiaux. Je tiens ce conte de Monsieur l'Amiral meſme, qui me le fit en Perigord, ſur le ſujet qu'il prit de faire le maſſacre des païſans, qui avoient ſi mal traité les Provençaux à leur deſaite, de la main deſquels plus en furent tuez que des ſoldats, & pour ce me dit-il qu'il vouloit faire les dits païſans ſages pour telles tueries & cruautéz, comme il avoit fait les Anglois devant Boulogne.

Auſſi je vous jure qu'ils ſ'y en fit un eſtrange carnage, car par tout où ils paſſoient vous n'euffiez veu que païſans par terre. En un chaſteau de la Chappelle Faucher près de moi, il en fut tûé de ſang froid dans une ſale deux cens ſoixante, après avoir eſté gardez un jour : mais comme je dis à Monsieur l'Amiral que telles executions ſe devoient faire aux endroits de ladite deſaite, il me reſpondit que c'eſtoit en meſme patrie, & que tous eſtoient meſmes païſans Perigordins, & que l'exemple en demeuroit

roit à tous & la crainte de n'y tourner plus.

Tant y a que l'on a tenu mondit Seigneur l'Amiral fort cruel ; mais il falloit qu'il le fust, & mesme luy le confessoit, comme je l'ay veu souvent confesser, que rien ne le faschoit que les cruautéz, mais pour les polices & les consequences il y forçoit son naturel & son humeur. Comme lors qu'il falloit montrer une douceur & misericorde, il estoit certes bon, doux & gracieux. Le voyage d'Allemagne se presenta, où il se trouva commander à cent Enseignes de gens de pied, & l'Infanterie y fut tres-belle & grande, qui toutesfois n'estois pas bien policée & n'avoit encore appris ces ordonnances, je dis la plus grande part des compagnies nouvelles ; mais bien leur servit de leur apprendre bien-tost, à ix despens de leurs compagnons mal reglez & mal faisans, que l'on voyoit pendus aux branches des arbres plus que d'oiseaux. C'étoient la plus part de ces soldats nouveaux, qui pensoient vivre en toute pleniére liberte de débordemens anciens. Voilà pourquoy ils avoient beaucoup affaire à se remettre sous la loy rigoureuse. Tant y a, qu'il falloit passer par là. En ce voyage donc d'Allemagne mondit Sr. de Chastillon y acquit beau-

coup de gloire, tant par les beaux reglemens, ordres, polices & loix, que par ses autres vertus, valeurs & vaillances qu'il montra en toutes les prises de villes, où il se trouvoit tousjours le premier : aussi est-ce tousjours affaire aux Colonels, Mestres de Camp, & Maistres de l'Artillerie & Marechaux de Camp, d'avoir toute la charge & toutes les corvées des sieges des places. Aussi courent-ils bien des fortunes, car en une heure d'un siege vous estes en plus grand danger qu'en tout un jour d'une bataille ; je m'en rapporte à ceux qui ont expérimenté l'un & autre.

J'ay leu dans l'histoire de nostre tems, faite par Baradin, comment le Roi Henry se presentant devant la ville de Haguenau, en son vöyage d'Allemagne. Mr. le Conneftable commanda au Seigneur d'Estranges, Colonel des gens de pied de la bataille sous Monfr. de Chastillon, de faire mettre les vieilles bandes en bataille devant la ville, (ainsi parle cette histoire & use de ces mots, qui est aussi sottement parlé qu'il est possible, & telles gens ne devroient point parler de la guerre, ny en mettre leurs livres en lumiere que premier ils n'eussent passé par les mains de quelque homme de guerre,) car Mr. l'Amiral estoit
le

le seul Colonel commandant là ; mais d'autant qu'il estoit toujours à l'avant-garde avec Monsieur le Conneftable son oncle, Monsieur d'Estranges faisoit cette charge , comme par la volonté telle de Monsieur l'Amiral, & quasi comme servant de Mestre de Camp, commandant à l'Infanterie de la bataille , ainsi qu'il meritoit bien cette charge , car il estoit Gentil-homme de bon lieu & de bonne part, brave, vaillant, & avoit deux compagnies de gens de pied à foy : aussi se fit-il fort signaler en cette guerre d'Allemagne ; mais il ne dura gueres, car il fut tué bien-tost à Tresban. Le Capitaine Disnard estoit à l'avant-garde, qui servoit de même de Mestre de Camp, car il y avoit bien cent Enseignes à ce voyage. Voilà donc comment cet historiographe parle en ces mots fort impropres ; ce qui importe pourtant : luy & autres en disent bien d'autres plus saugrenus , car pour dire un bataillon de gens de pied , ils disent un escadron de gens de pied ; pour dire un Regiment, ils disent un regime, dont il me semble que j'oy parler d'un regime ordonné de Monsieur Aquaquia ou Monsieur Fernel, grands Medecins.

D'autres disent un coup d'arquebusades, & un coup de canonnades, ce qui

est tres-improprement parlé , car le coup de canon s'appelle canonnade , & le coup d'arquebuse arquebusade. Les Italiens & les Espagnols , desquels nous avons appris & emprunté les mots , ne font telles incongruitez ; mesme je les ay veu faire à aucuns de nos gens de guerre , mais non pas bien ou bien pratiques , sinon à aucuns du plat pays , dont il me semble que toutes choses ayent leurs mots propres , & qui n'en use bien , se montre fort inexpert en l'art.

Pour retourner à nostre propos , mondit-Sieur de Chastillon en cedit voyage tout du long & au retour , s'acquitta dignement & vaillamment de sa charge , ne s'y espargnant non plus que le moindre Capitaine des siens , comme il fit aux sieges & prises de Danvilliers , Montmedy , Yvoy , Chimay & autres places. Un peu après ce voyage mourut ce bon , loyal & grand Capitaine Mr. l'Amiral d'Annebaut , & son estat d'Amiral fut donné à Monsieur de Chastillon , & commença-t-on à l'appeller Monsieur l'Amiral de Chastillon , qui pourtant ne se desist de l'estat de Colonel , le gardant pour Monsieur d'Ancelet son frere pris à Parme en une folie , luy & Monsieur de Scipion , qui estoit toujours prisonnier dans Milan , à qui le
Roy

Roy l'avoit donné. Mondit Sieur l'Amiral portoit titre de deux estats, & les bandons se faisoient, de par Monsieur l'Amiral, Colonel de l'Infanterie Francoise, & exerça cet estat de Colonel en tous les voyages & armées que fit après le Roy Henry, comme aux voyages de Valenciennes, de Chambray & Renty, & tous autres, dont à ce Renty j'ay ouy dire à deux Capitaines, dont l'un est mon voisin, qui estoient simples soldats Gentils-hommes, l'un portant l'arquebuse & l'autre le corcelet, & qui estoient des choisis de mondit Sieur l'Amiral, que lors qu'il toucha à Mr. de Tavannes charger quelques Cornettes de Reistres, que Mr. de Guise luy manda de charger, Monsieur de Tavannes luy manda que d'autant qu'ils estoient en lieu si resseré & estroit, qu'il ne pouvoit aller à eux qu'à la discretion de l'arquebuserie Espagnole, qui avoit bordé le bois, & qu'avant estre aux Reistres, & y en allant, il seroit tout defait & toute sa compagnie mise par terre d'arquebusades de ces arquebusiers, qu'il falloit necessairement les deloger delà, & qu'après il joueroit beau jeu.

Monsieur l'Amiral aussi tost mit pied à terre, & prenant mille à douze cents tant arquebusiers que corcelets, & des
bons,

bons, & luy une picque au poing à la teste, donne de telle furie & assurance avec les gens teste baissée, qu'en un rien il eut délogé & repouffé du bord du bois cette arquebuferie Espagnole, qui montoit à deux fois plus que la troupe de Monsieur l'Amiral ; qui ne fit pas peu de service, car Monsieur de Tavannes là-dessus prenant le temps, chargea avec sa compagnie, dont les chevaux estoient tous bordezz d'acier, qu'en un rien il eut defait ces Reistres, (j'en parle en sa vie) qui fut cause du gain total de la bataille. Mais sur tout le bel exploit de Monsieur de Guise avoit déjà fait. Si je voulois raconter tous les beaux faits que mondit Sieur l'Amiral a mis à fin, il faudroit que je m'amusasse à descrire sa vie, qui seroit plus longue qu'aucune, voire que deux de celles que jamais Plutarque a escrites, tant Grecs que Latins, aussi que j'en parle ailleurs plus à plein, & cela m'amuseroit à mon entreprise.

Tant y a, que ç'a esté un tres-bon & avisé Colonel, & digne de commander à l'Infanterie, comme il a esté encore ne l'estant plus & s'en estant defait, en ces guerres tant Espagnoles que civiles, aux sieges des places pour son plaisir, en faisant l'office, dont toute l'armée s'en trouvoit tres-bien.

J'ou-

J'oubliais à dire qu'il fut le premier qui introduisit les deux Enseignes Colonnelles blanches; auparavant il n'y en avoit qu'une, desquelles au commencement furent créés de luy ses deux Lieutenants le Capitaine Boifferon & Valeron. Bien est vray que Monsieur de Tais en avoit bien deux, mais l'une demouroit en Piedmont, & l'autre en France, ainsi que j'ay ouy dire. Or Monsieur l'Amiral ayant fait l'estat de Colonel durant toutes les guerres Espagnoles, la trêve se vint à faire entre l'Empereur & le Roy, & pour ce tous les prisonniers furent rendus, & par consequent Monsieur d'Andelot, qui avoit espousé toujours pour prison le Chasteau de Milan, depuis qu'il fut pris à Parme, & venant en France Monsieur son frere se défit de son estat, qui le gardoit à telle intention, & le quitta à son frere par la volonté du Roy. En cela le successeur ne ceda rien en courage & vaillance à son predecesseur, fors en l'experience, qu'il n'avoit si grande, n'ayant eu le tems ny la commodité de la sçavoir, à cause de sa prison. Mais tant y a, ladite trêve ayant esté rompue, les uns disent par le voyage de Monsieur de Guise en Italie, d'autres par Monsieur l'Amiral, pour son entreprise qu'il fit sur Douay en Artois,

tois, & la prise & le saccagement de Lens, audit Artois aussi. Mais l'ennemy en avoit donné les premieres occasions, tant à cause de l'oppression & de la guerre qu'il faisoit au Pape Paul IV, qui avoit eu recours au Roy, comme à son bon fils aîné, & aussi pour une infinité d'autres entreprises que l'ennemy avoit en France, & mesme sur Mets, par la menée de Mr. de Savoye, & autres actes d'hostilité qu'on verra dans l'histoire de France, & force qui vivent encore, qui le pourroient tesmoigner, & que j'en parle ailleurs.

La guerre donc estant esmeuë & fort & ferme, & que le Roy Catholique vint assieger Saint-Quentin, Monsieur l'Amiral, Gouverneur pour lors en Picardie, s'y estant jetté dedans avec une extrême diligence (belle fortune & grandeur de courage!) & avec fort peu d'hommes pourtant, & principalement d'arquebuserie, dont il en eut grande faute plus que d'autres hommes, salut luy envoyer secours, ce qu'entreprit Monsieur d'Andelot; si bien que nonobstant que les ennemis fussent avertys de sa venue, par quelques Anglois qui avoient esté avec nous, & qui ayant esté pris, pour sauver leurs vies, découvrirent tout, & qu'ils eussent fossoyé & retranché les avenues,

&

& mis la fleur de leur arquebuserie pour les attendre au passage, mondit Sieur d'Andelot y entra bravement; mais de deux mille qu'il avoit pris, il n'y entra que fort peu, car les uns furent tuez, les autres pris, les autres sauvéz tellement quellement. Ce secours pourtant fut bien à propos & bien receu du frere, car ils s'entr'aymoient, se secouroient & s'entr'aydoient tres-bien l'un l'autre, & chacun d'eux soustint tres bien & tres-vaillamment sa bresche, qui ne fut nullement forcée de leurs costez, & furent pris en gens d'honneur & de valeur; mais dans quatre ou cinq jours Mr. d'Andelot s'evada des gens qui le tenoient prisonnier, par deffous une tente, & se sauva gentiment en France. L'entreprise & le siege de Calais vint, où Monsieur d'Andelot servit si bien de son estat, que Mr. de Guise dit alors, que pour conquerir un monde de places il ne voudroit avoir que Mr. d'Andelot & Monsieur le Marechal de Strozze, & Monsieur d'Estrees pour l'Artillerie.

Peu de temps après le Roy Henry, qui estoit le meilleur Chrestien & Catholique que jamais fut Roy, ayant entendu que Mr. d'Andelot avoit tenu quelques propos absurdes de la Messe, le fit un jour appeller en sa chambre,
le

le vint interroger (on dit que ce fut par la sollicitation du Cardinal de Lorraine) s'il estoit vray : il respondit qu'ouy, & qu'il aimoit mieux mourir que de jamais aller à la Messe. Dont le Roy entra en si grande colere, qu'il luy cuida donner de la dague (ce dit-on) & commanda au bon homme de Lorges, l'un des Capitaines de ses gardes, de le prendre, ce qu'il fit, & fut mené prisonnier au chasteau de Melun & là estroitement gardé, jusques à ce que Monsieur le Connestable son oncle le sortit de prison, qui le délivra.

J'ay ouy dire à aucuns soldats Espagnols, vieux mortepayes dans Milan, qui durant sa prison n'ayant eu autre exercice se mit à la lecture, & à se faire porter toutes sortes de livres, sans que les gardes les visitassent, car pour lors l'inquisition n'y étoit pas si estroite comme depuis, & que là & par là il apprit la nouvelle religion, outre qu'il en avoit senty quelque fumée estant allé en Allemagne, à la guerre des Protestans. Voilà que c'est du loisir & de l'oïiveté, tant fait-elle apprendre fort choses mauvaises, dont après on s'en repent ! Aussi en apprend-elle de bonnes, dont on s'en trouve bien.

Or pendant que Monsieur d'Andelot estoit

estoit en prison, l'entreprise de Thionville se fit, où Monsieur de Montluc fut commandé d'exercer l'estat de Monsieur d'Andelot; vous verrés ce qu'il en dit en son livre, & comment il s'en acquitta tres-dignement, comme il n'en faut douter; & aussi au Camp d'Amiens, durant lequel la paix se traita à Sercan, & se conclud. Il ne faut demander s'il y eut de belles casseries, & s'il y eut des Capitaines & soldats malcontens: on ne retint que les compagnies qu'il falloit pour les places des frontieres, & par cette paix Monsieur d'Andelot n'eut pas temps ny loisir de faire valoir sa valeur; en quoy c'est dommage de laisser chaumer si braves gens, ny pl^s ny moins que de laisser rouiller une belle, tres-claire & luisante espée.

Or la guerre civile s'estant esmeuë, & mondit Sieur d'Andelot démis & desapointé de sa charge, pour tenir partie contraire, elle fut donnée à Monsieur de Randan, qu'on trouvoit du commencement estrange, d'autant qu'il avoit plus pratiqué la Cavalerie que l'Infanterie: mais en cela il montra bien qu'un galand homme est bon à tout, quand il a l'esprit & la valeur, comme avoit mondit Sieur de Randan, puisné de la maison de Rochefoucaut. On le
te-

tenoit aussi pour fort Dameret, & par trop adonné aux delices de la Cour, & pour ce qui luy feroit fort dur à partir les corvées de l'Infanterie; mais il montra bien le contraire, comme j'en parle ailleurs: car quand tout est dit, je voudrois bien sçavoir que nuit à un homme de guerre d'aymer la Cour, d'aymer les gentilleffes, d'aymer les Dames & tous autres beaux plaisirs & esbatemens qui y sont.

Tant s'en faut, que je croy, & l'ay ainsi veu tenir à de plus galands, qu'il n'y a rien qui doive plus animer un homme de guerre que la Cour & les Dames. Aussi Platon souhaitoit une armée d'amoureux, pour faire de beaux exploits & conquestes de guerre, d'autant qu'il n'y a chose si impossible qui ne s'exécute pour l'amour de la Dame maistresse.

Aussi ay-je connu un galand Cavalier, qui disoit que si ce n'estoit les Dames, qu'il ne faisoit jamais profession d'honneur & valeur. Et quoy, tant de beaux combats & duëls, qui se sont faits depuis vingt ans en nos Cours, par des Bussy, des Quielus, Maugirons, Rivetols, Maignelez, Entragues, Grillons, Chanvalons, & une infinité d'autres vaillans jeunes hommes, pourquoy ce sont-ils faits sinon pour l'amour des Da-

Dames ? Ah ! que depuis ce temps-là ils ont bien fait perdre l'opinion aux gens de guerre , que ceux qui demeuroient à la Cour n'estoient que de petits mignons mols & effeminez , & qu'ils n'eussent fceu , par maniere de dire , faire trancher leurs espées.

Quant à moy , je puis dire que j'ay veu ces gens de guerre , quand ils vo-
yoient un Courtisan , ils le blasmoient à toute outrance. Ah ! disoient-ils , ce sont des mignons de Cour , des mignons de couchette ; des pinpans , des douillets , des frisez , des fardez , de beaux visages , que scauroient-ils faire ? Ce n'est pas leur mestier que d'aller à la guerre , ils sont trop delicats , ils craignent trop les coups. Ils ont veu depuis le contraire , ce sont ceux qui se sont battus si bravement en combats singuliers , & les ont mis si bravement en usage , ce sont ceux qui à la guerre ont esté les premiers aux assauts , aux batailles & aux escarmouches , & que s'il y avoit deux coups à recevoir ou à donner , ils en vou-
loient avoir un pour eux & mettoient la poussiere ou la fange à ces vieux Capitaines qui causoient tant.

Voilà comment aujourd'huy les gens de Cour se sont fait remarquer tres-braves & vaillants , & certes plus que le temps

temps passé, Je le sçay. A propos de Monsieur de Randan, estant à Mets un Cavalier de Dom Louys d'Avila, Colonel de la Cavalerie de l'Empereur, se presenta & demanda à tirer un coup de lance pour l'amour de sa Dame. Monsieur de Randan le prit aussi-tost au mot, par le congé de son General, & s'estant mis sur les rangs, fust ou pour l'amour de sa maistresse qu'il espousa depuis, ou pour l'amour de quelque autre bien grande, car il n'en estoit point dépourveu, joustâ si furieusement & dextrement qu'il en porta son ennemy par terre à demy mort, & retourna tout victorieux & glorieux dans la ville, ayant fait & apporté beaucoup d'honneur à luy & à sa patrie, & dont chacun le louâ & en estima extrêmement, & non sans cause.

J'ay ouy dire qu'à ce siege de Mets le Seigneur de Soubernon, autrement Lysithene, un jour en une sortie se remarqua bien fort, pour avoir pris un arquebuse, & estre allé à l'escarmouche en simple foldat & arquebusier. Il en fut loué extrêmement, & c'est ce que je dis que le temps passé les jeunes gens de Cour, qui faisoient de tels coups extraordinaires, estoient excellemment louez comme gens rares: mais qu'eust-on dit de nous autres, une infinité que nous
nous

nous sommes veus, qui allant à Malte portions la simple arquebuse & le fournement, & là & ailleurs en plusieurs infinis endroits faisons actes & factions de simples soldats? Nous faisons remarque & acquerions grande gloire à tirer l'arquebuse, aux escarmouches & autres combats à beaux pieds, sans pardonner à nos vies, ny les espargner non plus que le moindre soldat des bandes: & s'il falloit endurer la peine & la fatigue de la faim, de la soif, des pluyes, des coups & blessures & autres peines, nous les endurions fort à l'aise, tout ainsi que l'on voit un noble cheval d'Espagne partir mieux & faire mieux sa corvée qu'un gros rouffin d'Allemagne, car c'est le cœur qui supporte tout.

Ma foy, j'ay veu des Courtisans les endurer aussi bien ou mieux supporter que les plus robustes rurs soldats de l'armée, & tout pour ce beau point d'honneur & d'amour. Aussi quand il marche devant l'homme rien ne luy est impossible. Auquel propos je dis que Monsieur de Randan, bien qu'on le tint du naturel que j'ay dit, il montra par ses actes qu'il estoit à tout mal tres-invincible. Luy estant Colonel au siege de Bourges, il eut une très grande arquebuse dans la teste, si bien qu'il le salut

luttrespaner, dont il en porta les tourmens fort patiemment, & n'en estant pas trop bien guery, il ne laissa de se faire porter dans une litiere, accompagnant l'armée & son Infanterie, marchant par les champs (tant d'ardeur avoit-il de s'acquitter de sa charge dignement!) sans aucun respect de mal, car je le vis au siege de Rouën: surquoy il estoit tres-digne de louange; car & combien y en a-t-il que s'ils eussent eu un tel coup & senty un tel mal, qui se fussent bien tost retirés de l'armée, & eussent esté bien aises de prendre ce bon & petit sujet pour se retirer ou dans un Paris parmy les Dames, ou en leurs maisons avec leurs femmes, feindre plus grand mal qu'ils n'avoient, & là se donner du bon temps, & allonger la douleur de leur blessure par feinte, plus embeguinez & coiffez & couverts d'escharpes, pour s'exempter des corvées tout du reste de la guerre. Je vis alors plusieurs tenir ce propos sur mondit Sieur de Randan, qui à demy guery se rendit au siege de Rouën, & là fut sa fin, car à l'affaut du fort de Sainte Catherine, que nous prîmes, y estant allé des premiers & monté sur le haut du rempart, comme vray & franc Colonel, il fut porté par terre & fut jetté sur luy un artifice

fice à feu, qui luy gasta & brusta les jambes jusques aux os, si bien qu'au bout de quelques jours il mourut, pour s'y estre mis la gangrene, qu'on ne peut jamais oster.

Que c'est que les accidens humains ! L'une des belles beautez (car il estoit beau & agreable en tout) que ce Seigneur avoit, estoit ses jambes, qu'il avoit des plus belles, & par là le mal le faisoit & les luy gasta & les fit mourir, comme luy-mesme le disoit, ainsi qu'on le pensoit, & qu'elles estoient bien dissemblables à celles qu'il avoit il n'y avoit pas un mois.

Pour fin, il mourut non seulement regretté de ses fantassins, mais de tous ceux de l'armée, & surtout de feu Monsieur de Guise, à qui j'ouïs dire qu'il s'en alloit un aussi digne homme de pied, comme il avoit esté bon gendarme & bon cheval-leger. Ses obsèques furent célébrées dans Roüen tres-honorablement, Mr. de Guise accompagnant le corps les larmes aux yeux, & tous ceux de l'armée. Il en fut fait une tombeau en parole Latine à l'antique, par le Sieur Cortron d'Angoumis les Chasteauneuf, tres-docte & sçavant personnage, que Monsieur de Guise luy commanda de faire, car je le vis. Ce Seigneur avec

vec sa vaillance avoit toutes les belles parties que peut avoir un Seigneur parfait : il estoit beau, de bonne grace & bien venu parmy les Dames, avoit la voix tres-belle, jouïoit bien des instrumens, & sur tout du luth & de la guitharre rencontroit tres-bien en tous ses discours & mieux que Seigneur de la Cour, & ne déplaise à feu Monsieur le Comte de la Roche son frere, qui disoit des mieux. Entre cent mille bons mots, que le Seigneur de Randan a dits, fut un qu'ainsi qu'il rencontra un jour un trompette, qui estoit à Mr. de Guimenay, tres-grand Sieur de Bretagne & Anjou, lequel dit Seigneur estoit aveugle dès son berceau, à cause de la petite verole, Monsieur de Randan luy demanda, A qui estes-vous, trompette ? Je suis à Monsieur de Guimenay, respondit l'autre. A quoy repliqua Monsieur de Randan, Je n'avois jamais ouï dire qu'un aveugle eust des trompettes, ouy bien une vieille, voilà donques le premier du monde.

Un autre mot qu'il dit fut encore meilleur, au camp d'Amiens, du Regne du Roy Henry II. feu Monsieur de Bueil, bastard du Comte de Sancerre, gentil Cavalier, eut une compagnie de chevaux legers, & pour la faire son pere luy don-

donna une forest des siennes, pour l'abattre, la vendre & en faire de l'argent & en dresser sa compagnie, si bien qu'il la fit tres-belle, & en fit faire toutes les lances peintes & teintes en noir, & parut ainsi au camp, & d'autant que ledit Bueil avoit representation d'estre bizarre, plusieurs allerent confirmer par cette façon de lances noires, & dire qu'il estoit bien bizarre, & le publierent ainsi parmy le camp.

Monsieur de Randan alla rencontrer tout au contre rebours; Je ne sçay pas, dit-il, quelle bizarrerie vous trouvez là entre vous autres, car si les lances sont ainsi noires, c'est qu'elles portent le dueil des bois & arbres leurs grands-peres, ayeuls & peres, qui ont esté abattus & morts pour elles, & pour les mettre au monde il est bien raison qu'en quelques choses elles montrent la signification de leur tristesse par leur teinture noire & bizarrerie.

En quoy par ce beau mot cette bizarrerie fut convertie tout autrement qu'on ne pensoit.

Mr. DE MARTIGUES.

L Uy donques estant mort, Monsieur de Martigues eut sa place, & fut

d'estre un tres-brave Colonel & fort vaillant ; aussi avoit-il de fort bons & braves Capitaines , comme le jeune Sipiere , qui fut tüé , frere à ce brave Monsieur de Sipiere , dont la race en est tres-bonne , & les greffes en doivent être soigneusement gardées en France , comme de bons fruits en un jardin.

Il y avoit aussi le Capitaine là Chaufée , qui fut tüé , le Capitaine Lagot , dont nous avons parlé cy-devant , le Capitaine Cabannes , que nous avons veu depuis un tres-bon & sage Capitaine parmi nos bandes , le Capitaine Favas , le Capitaine Sainte Marie , Cossains , n'ayant point de compagnie , mais des Capitaines entretenus de Mr. de Martigues , le Capitaine Saint-Jean de Dauphiné , depuis Escuyer de Monsieur & puis de nostre Roy , & une infinité de plusieurs autres bons Capitaines , que je n'aurois jamais fait de les décrire.

Pour fin , ce siege fut levé par l'Ambassade de Monsieur de Randan , dont je viens de parler , qui fut envoyé par le Roy François II. en Angleterre , où il montra qu'il estoit Seigneur tres-universel & pour la paix & pour la guerre , ayant adjoint avec luy Monsieur l'Evesque de Valance , frere de Monsieur de Montluc , un tres-grand & habile Prelat,

qui y estoit allé un peu devant. Eux deux firent une paix, appaiserent le tout & délivrerent de ce siege long & fascheux nos gens, qui estoient à l'extremité de toutes commoditez, fors du bon courage, car ils en avoient prou. Dedans y estoit General pour le Roy ce venerable vieillard & grand Capitaine le bon homme Monsieur de la Brosse, âgé de soixante & quinze ans, vieil registre de guerre, de qui la valeur, la sage conduite & asseurée contenance servit fort en ce siege. J'en parle ailleurs.

Il y avoit aussi Monsieur l'Evesque d'Amiens & Cardinal de Sens, de la maison de Pelleve, race tres-illustre & ancienne, qui avoit esté envoyé Legat par de-là; mais il y trouva tout revolté contre la Religion Catholique, de sorte qu'il n'eut pas grand moyen d'exercer sa sainte Legation, & salut qu'il retourna son glaive spirituel en temporel, pour s'en defendre: à quoy il ne faillit, car estant fort de bons & illustres progeniteurs, il n'y derogea point & y servit bien; aussi estoit ce un homme fort versé aux affaires & creature de ce grand Cardinal de Lorraine: bref il fut bien de besoin à cette place d'avoir esté bien pourveüe de toutes sortes de gens & de bon cœur, aussi a bien assailly bien defendu.

Voilà

Voilà donc le tout bin appaisé & nos gens bien retournés en France victorieux & tres-glorieux.

Monsieur de Martigues pourtant estoit arrivé à Paris avec force Gentilshommes & Capitaines des siens, ne fust sans un petit accident de fortune qui luy arriva, dont il n'y avoit aucune raison qu'elle luy fit ce trait sur le coup de sa gloire; car ainsi qu'il estoit en son logis qu'il disnoit, & n'attendoit que les chevaux de poste pour aller trouver le Roy à Fontainebleau & luy faire la reverence, on luy vint dire que les sergens avoient pris un de ses Capitaines & l'emmennoient prisonnier au petit Chastelet. Luy aussi prompt du pied que de la main, sort de table, part & court, & ses gens après luy, & attrappent les sergens, les estrille un petit & recout d'entre leurs mains son Capitaine & retourne en son logis; dont la Cour de Parlement en ayant eu des nouvelles fut fort esmeüe, & soudain fait sa forme de justice en cela accoustumée, si bien qu'il falut que mondit Sieur de Martigues fust arresté en son logis, lequel il eut par arrest.

Soudain Monsieur de Martigues envoya un courier au Roy, pour luy porter des nouvelles de tout, dont sa Majesté & toute sa Cour en fut fort troublée,

car il estoit fort aymé, & n'attendoit-on que sa venuë d'heure à autre.

La Reyne en fut fort fâchée, pour voir ainsi traiter un tel Seigneur, qui ne faisoit que venir combattre si heuressément & vaillamment pour elle, & son Royaume & son Estat.

Messieurs ses oncles, Mr. de Guise & Mr. le Cardinal, de mesme en estoient fort dépités, à cause de ce grand service fait à la Reyne leur niepce.

Pour fin, il ne falut pas grande faveur ny sollicitation pour le jeter hors cette peine. Si-vis-je Monsieur de Guise fort en colere, & dit qu'il voudroit avoir donné beaucoup & que Mr. de Martigues ne se fust point brouillé en cela, par le grand tort qu'il avoit fait à la justice, car il en estoit tres-grand observateur, & Monsieur le Cardinal son frere en disoit de mesme.

La Reyne & d'autres grandes Dames, que je scay, qui en faisoient la contestation en un souper (car je le vis & y étois) disoient qu'il n'y avoit droit ny raison que la justice fust si impudente & aveuglée, que sans aucun esgard à un tel service signalé de Mr. de Martigues & de ses gens, fait au Roy, d'aller prendre ainsi si inconsidérément & si tost, sans leur donner loisir de se remettre à leurs

leurs bourses , & respirer de la grande fatigue d'un si long siege , ny sans avoir fait au moins la revrence à son Roy , venir faire prisonniers telles gens à l'appetit d'un creditur importun, qui plustost devoit estre mis en prison.

Pour fin , le Roy y envoya soudain & dépescha l'un de ses Capitaines des gardes, avec tres-ample commission. Je ne sçauois dire bonnement qui eut cette charge des quatre qu'il estoient, c'est à sçavoir Mr. de Chavigny, Brezé, l'Orges & le Seneschal d'Angoumois..

Il me semble que ce fut Mr. de Brezé, il est encore vivant, il s'en peut ressouvenir. Estant donc à Paris il fait sa charge si habilement & si sagement , qu'il sortit mondit Sieur de Martigues de telle peine ; mais pour enteriner telle grace , si salut-il pourtant qu'il passast le guichet , & disoit-on que s'il n'eust esté du calibre de la grande maison qu'il estoit , & le remarquable service qu'il venoit de faire au Roy son Maistre & à la Reyne sa Maistresse, il eust esté en peine, & les choses ne s'y fussent passées si doucement comme elles passèrent..

Cela fait il vint à la Cour , aussi bien venu du Roy, des Reynes, des Dames & de tout le monde , que j'aye jamais veu. Grand venir d'un voyage.

Vous voyés pourtant que c'est que de la justice , & comme le temps passé on luy portoit honneur & reverence , car quiconque l'offensoit, elle n'avoit esgard aux maisons, ny aux races, ny aux services du Roy , ny á chose quelconque ; mais le Baron de la Garde, qui avoit fait à la France tant de remarquables services , & en Levant & en France , fait trembler toute l'Espagne & l'Italie pour son Roy , sous les bannieres & galeres du Turc, auxquelles il commandoit aussi absolument comme aux siennes, pour avoir mal versé & un peu inconsiderément en Provence, contre ceux de Merindol & Cabrieres, encore qu'ils fussent heretiques, fut mis en prison, & y demeura trois ans entiers, si bien que luy-mesme disoit en riant, qu'il avoit fait son cours en Philosophie , & estoit prest à passer Maître es arts.

Ferdinand de Gonsagüe estant Vice-Roy en Sicile, & ayant appaisé les soldats Espagnols amutinez , & qui faisoient mille maux , & composé avec eux sous certaines conditions , les fit preparer tous à mourir, fust par l'espée, fust par la corde & par eau, & aucuns par bannissement ; neantmoins le Conseil d'Espagne luy en fit donner un ajournement personnel, & se mit à luy faire son
pro-

procez, & sans l'Empereur, qui avoit grandement affaire d'un si grand Capitaine pour son service, tous vouloient passer plus outre & luy vouloient donner sentence de mort, encore que les soldats, qui montoient à plus de douze cens, eussent bien meritè tel chastiment par leurs mauvais deportemens & insolences. Toutesfois la justice d'Espagne voulut connoistre sur luy de cela. J'en mettrois icy volontiers le plaidoyé qui en fut fait, que j'ay veu tant d'un costé que d'autre, mais cela seroit trop long, j'en parle ailleurs.

Voilà que c'est de la justice, laquelle a pouvoir sur les plus grands, & s'ils l'offensent les punit grièvement. J'en alleguerois une infinité d'exemples, tant des nostres qu'estrangers, mais je les remets en autre discours, que possible je feray sur le sujet après, afin que grands & petits prennent leur modelle à la re-verer & craindre, contre l'opinion de ce grand Capitaine Monsieur le Marechal de Biron, mais pourtant il n'y estoit si exact en tout comme il faisoit semblant, car il estoit tres grand justicier & fort respectueux à la justice, mais ce que j'en veux dire ce n'est que pour rire.

Luy donc ayant donné charge un jour à un Capitaine d'aller ruiner & mettre

une maison par terre & tout bas, durant ces guerres dernieres, le Capitaine luy respondit qu'il y iroit volontiers, mais qu'il luy en donnaſt le commandement & un adieu & eſcrit ſigné de ſa main, de peur de n'eſtre un jour recherché. Ah ! mort Dieu, luy repliqua-t-il, eſtes vous de ces gens qui craignés tant la juſtice ? Je vous caſſe, jamais vous ne me ſervirez, car tout homme de guerre, qui craint une plume, craint bien une eſpée. Poſſible euſt-il dit le mot pluſtoſt que penſé.

Si ay-je veu pourtant de bonnes eſpées craindre la juſtice.

Il me ſouvient qu'à la ſedition d'Amboiſe le Capitaine Maſerets, l'un des principaux conjurez, & qui avoit eſté en Piedmont des plus grands galants Capitaines, ainſi qu'on le menoit d'une chambre, où eſtoit Antulaire, Maiſtre des Requeſtes, & autres Commiſſaires pour l'ouïr, & que deux archers le tournoient en la priſon, ils ne vouloient qu'il ſ'amuſaſt à la baſſe-cœur, & le preſſoient d'aller ; il leur dit, Tout beau, Meſſieurs, pleuſt à Dieu que je ne craigniſſe pas plus les robes longues, que je viens de laiſſer, & leurs plumes, que vos halébardes ſi nous eſtions ailleurs.

Ils luy reſpondirent, Quand nous en ſe-

ferions là , si nous vous ferions la moitié de là peur , Mais il leur repliqua en son cap de Dieu , Ouy , & je vous en ferois l'autre moitié , mais ces bonnets carrez me la font toute entiere , & je ne leur en puis faire pour un quart. Si faut-il pourtant y prendre garde , car pour trop peu craindre cette justice , l'on s'en trouve bien souvent mal. Sur quoy je feray ce petit conte seulement , & puis plus.

Dernierement à Rome (que cent personnes l'ont veu & me l'ont dit) le Pape Sixte , dit Montalto , a exercé & introduit une telle justice de son tems en toute l'Italie , que jamais aucuns de ses predecesseurs n'ont sceu faire , ce qui luy a esté un tres grand honneur , car de bandoliers , de massacreurs & assassins , il n'en falloit plus parler , & mesme quiconque tüoit à Rome , & mesme tiroit un peu de sang , il estoit aussi tost executé.

Par cas estoit venu à Rome le grand Theologal d'Espagne , homme de tres-grand renom & de grande autorité , & fort reveré tant en Espagne comme à Rome , & aymé aussi fort de sa Sainteté ; il avoit avec luy un sien neveu brasche Espagnol , & qui n'en devoit rien à d'autres de sa nation.

Un jour en une presse , ainsi que le
Pape

Pape passoit, il vint à estre poussé fort rudement d'un Suisse de sa garde avec sa hallebarde, tant du plat que du bois. Cettuy-cy n'ayant pas accoustumé telles caresses en son pays, le digera fort mal dans son cœur, toutefois passa par le bon gré mal gré, & non sans en couvrir la vengeance, dont à toute heure en espioit l'occasion, qui fut telle qu'un jour estant à la Messe à Saint-Pierre, il vit son homme le Suisse à genoux, qui oyait la Messe fort attentivement. Derrière ce Suisse par cas fortuit venoit d'arriver un pelerin, aussi tout frais, qui s'estoit mis aussi à genoux pour faire sa devotion.

L'Espagnol considerant le baston du pelerin, & qu'il estoit bon & propre pour faire son coup, pensez qu'il estoit de bon bois de cormier, comme le baston de la croix de frere Jean dans Rabelais, de sang froid il prend ledit bourdon d'entre les mains dudit pelerin, qui le luy lascha fort aisément, pensant qu'il n'en deust faire mal, & puis le haussant de toute sa force donna un coup ou deux sur la teste du Suisse, qui estoit tout decouvert, & le porta par terre à demy mort, & luy fit pisser le sang; & puis le coup fait rendit de sang froid le bourdon audit pelerin, avec le petit
re-

remerciement pensés, & cuidant sortir soudain & fuir tout scandale, il fut pris. Le Pape, avant que boire & manger, le fit pendre haut & court devant ses yeux, en la place Saint-Pierre, quelque humble supplication que luy sceust faire le Theologal pour son neveu, qui luy estoit unique, ny aussi l'Ambassadeur d'Espagne, ny tous les Cardinaux Espagnols.

Encore dit-on qu'il dit audit Theologal, que s'il en avoit autant fait, il le feroit aussi bien pendre comme son neveu. Ainsi finit le pauvre Espagnol, au grand regret, dépit & deshonneur des autres Espagnols qui estoient dans Rome. Certes aussi la faute estoit tres-grande, je n'en diray plus.

Pour sortir donc hors de ma digression, & rentrer dans mon premier propos, Monsieur de Martigues estant fait Colonel à Roüen (car nous avions déjà pris la place,) le Roy & son armée vinrent à Paris, que Mr. le Prince, ayant accueilly ses Reistres, vint assieger, & pour leur bien venuë vinrent dresser une tres belle escarmouche, tant de pied que de cheval; sur nos gens, qui les receurent de mesme.

Il est bien vray qu'il y eut quelques gendarmes des nostres qui firent tres-mal,

mal, & prirent la fuite fort vilainement: sur quoy Monsieur de Guise y arriva, qui assura le tout, & sans sa venuë il y eust eu un grand desordre. Il estoit monté sur son Moret, un genet de Naples des meilleurs du monde, qui avec quelque cinquante Gentils-hommes donna & arresta sur le cul la furie des forces de l'ennemy, conduites par Monsieur de Genlis, tres-brave & hazardeux, & cria par deux fois fort haut, ah! gendarmes de France, prenez la quenouille & laissez la lance. Tout le monde disoit que sans la presence de Monsieur de Guise (& nous le voyions bien à l'œil) l'ennemy alloit fondre vers Saint-Victor ou vers Saint-Germain. Et de fait, s'ils y eussent fondu dès le commencement, ils eussent fait un grand eschec, & y fussent entrez fort aisément & infailliblement y eussent fait du ravage, car lesdits fauxbourgs n'estoient encore retranchez, & n'y avoit encore que ceux de Saint-Marceau, Saint-Jaques & Saint-Michel, où il fit tres-beau voir en bataille nos Suisses, conduits par le bon homme Colonel Furlly, ensemble nostre infanterie Françoisse, menée par leur Colonel Monsieur de Martigues, qui ce jour fit tres-bien & ordonna son Infanterie. & la sceut tres bien & sagement

ment départir où il falloît , & ne faut douter que l'amusement que leur fit nostre Infanterie par leurs escarmouches , & par un moulin à vent fait de pierre , qui est à la porte Saint-Jaques , où Monsieur de Martigues avoit mis une centaine de bons arquebusiers , qui firent rage n'arrestassent ceux de Monsieur de Grammont , qui venoient droit à nos tranchées la tête baissée , mais ils trouvèrent là à qui parler.

J'ouïs Monsieur de Guise louer fort le soir Monsieur de Martigues d'avoir tres-bien fait ce jour là , & qu'il pensoit qu'il fust plus vaillant & hazardeux que l'age Colonel & prevoyant , mais qu'il estoit les deux & qu'un jour il seroit un grand Capitaine.

Le siege de Paris s'osta , & après on donna la bataille de Dreux , où mondit Seigneur de Martigues fit tres-bien & dignement sa charge de Colonel , estant à la teste de ses gens avec une belle & assurée façon , ainsi que son devoir estoit tel. Toutefois en cette bataille nostre Infanterie de l'avant-garde ne rendit grand combat , pour n'avoir esté trop assaillie ny avoir assailly , car Monsieur de Guise avec sa troupe de Cavalerie defit quasi toute celle de l'ennemy , je dis François.

Quand

Quant aux Lansquenets, ils ne rendirent pas aussi grand combat, mais sur le soir qu'on pensoit à quatre heures avoir tous fait & achevé, l'on apperceut cinq ou six cens chevaux sortir d'un côté du bois, bien ferrez & resolus pour retourner encore au combat, & dit-on que c'estoit Monsieur de la Nouë & Avaret, qui les avoient ralliez.

Monsieur de Guise les alla aussi-tost bravement recevoir, mais il étoit besoin d'avoir de l'arquebuserie, là où certes Mr. de Martigues usa d'une tres-belle diligence & fit un trait d'un fort bon Capitaine, car à point il arriva, conduite par Monsieur de Gouas, dont Monsieur de Guise les en loüa fort.

Quelques mois après cette bataille on alla assieger Orleans, où Mr. de Martigues conduisit & ordonna son Infanterie, qui fit tres-bien à la prise de Portereau, & en une infinité d'autres endroits.

Ce Seigneur a fait amples preuves de ses proüesses, & mesme quand il chargea Mr. d'Andelot, qui estoit beaucoup plus fort que luy, au passage de la riviere de Loire.

Mr. de Guise estant mort à ce maudit siege, & la paix faite, il falut par les articles que chacun rentra en ses estats, charges & dignitez, parquoy ce fut à Mr.

Mr. de Martigues à se defaire de celle de Colonel ; ce qui lui estoit grief, car tous les Capitaines l'aimoient fort & le prioient de ne se demettre & defaire ; mais il falut qu'il passast par là, car le Roy & la Reyne mere le voulurent ainsi, que Monsieur d'Andelot, qui n'estoit pas homme endurant, pressoit fort, qui estoit venu à la Cour à Saint Germain pour cela.

Sur quoi il me souvient que ce jour là il s'en démit & prit une casaque de livrée d'un de ses gendarmes, & se promena ainsi habillé par la Cour, sales & chambres du Roy & de la Reyne, & quand leurs Majestez luy demanderent pourquoy il s'estoit ainsi habillé de cette casaque, il leur respondit, que puis qu'il n'estoit plus homme de pied ny fantassin, il ne se vouloit plus habiller ny en homme de pied ny en fantassin, mais en gendarme, puis qu'il ne lui restoit autre état que Capitaine de gendarmes; dont le Roy & la Reyne & toute la Cour en rirent fort, le voyant ainsi habillé, & qu'il avoit tres-bonne grace en toutes ses actions : car il avoit eu la moitié de la compagnie de Mr. le Marechal de Termes, & Mr. des Cars, favory du Roy de Navarre, en avoit eu l'autre, & Mr. de Bellegarde, son neveu, & qui en estoit Lieutenant, n'avoit rien.

rien eu , & quitta tout par dépit, s'en sentant digne de quelque part.

Monsieur de Maffez , qui estoit Enseigne , fut Lieutenant de Descars, qu'on tenoit pour estre l'un des plus vieux gendarmes & homme de bien qui fut en France , ainsi le nommoit-on.

Monsieur de Boisjordan , qui estoit Guidon , fut Lieutenant de Monsieur de Martigues.

Voilà comment il quitta son office de Colonel ; lequel à cette fois audit Saint Germain avoit grande envie de se battre contre Monsieur d'Andelot , & en départir le gasteau à coups d'espée. Il ne faut point douter que Monsieur d'Andelot ne l'eut bien pris au mot , car il estoit tres-vaillant & haut à la main , encore qu'il battist froid , & ne dit aucun mot de ce qu'il voyoit là faire à Monsieur de Martigues , qui estoit fougueux & battoit chaud ; mais le Roy avoit défendu sur la vie qu'il ne passast outre , & qu'il se comportast modestement , car on craignoit fort une seconde revolte des Huguenots , qui eussent esté aisés à la faire , car ils se tenoient fort fiers & les mains leur demangeoient.

Monsieur de Martigues fut sage & obéissant à son Roy.

Au

Au bout de quelque temps Monsieur d'Estampes, son oncle, mourut, & le Gouvernement qu'il tenoit de Bretagne luy fut donné, qu'il exerça si bien & si sagement, qu'il en acquit tres-grande gloire, & se fit fort aymer à la Noblesse de là, si bien qu'on luy donna cette reputation, d'avoir eu le credit de l'avoir fait sortir hors de son pais & de l'avoir menée ou bon luy sembloit & appaisée, ce que Gouverneur de long temps n'avoit fait ny sceu faire. Aussi la menoit-il au combat bravement, luy tousjours à la teste & des premiers, comme il fit au passage de la riviere de Loire, où il chargea Monsieur d'Andelot & ses troupes, & en desfit aucunes, encore qu'elles fussent bien plus grand que les siennes, car toutes les forces de de-là Loire y estoient toutes assemblées pour venir joindre le Prince & passer. Les histoires en parlent assez sans que j'en parle.

De-là il les mena à la defaite des Provençaux, à la bataille da Jarnac & Montcontour, & puis vint mourir au siege de Saint Jean, où il fut tué, qui fut un tres-grand dommage pour la France, car il luy estoit tres-fidele, & l'eust bien servie depuis à son besoin.

Si je voulois conter par menu toutes ses prouesses, il m'en faudroit faire un
livre

livre entier, mais je m'en deporté pour la longueur qu'il m'en donneroit, & aussi que ceux qui me connoissent & ma race; en le louant par trop, ne disant pourtant que la verité, me pourroient rejeter pour suspect, d'autant que je lui estois fort proche, car son grand-pere le Comte de Pontievre & mon grand-pere Messire André de Vivonne, Seneschal de Poitou & Seigneur de la Chastaigneraye, estoient cousins germains, ensemble Claude de Pontievre, cousine germaine, Duchesse de Savoye, de laquelle sont sortis & issus, depuis soixante & quinze ou quatre vingts ans, les Ducs de Savoye qui ont été, auxquels j'ay eu cet honneur d'appartenir, comme aussi aux Ducs de Nemours: mais pour cela je n'en ay pas mis plus grand pot au feu, comme on dit en commun proverbe, pour n'avoir eu d'eux aucun appuy ny de fortune, mais de moy-même me suis poussé comme j'ay peu à acquerir les faveurs & graces de mes Roys, & quelque peu d'honneur parmy le monde.

Pour en parler en vray, ces grands Princes & Seigneur, quand ils se voyent en leur grandeur ils deviennent si glorieux, qu'ils méprisent & leurs parens & leurs amys & leurs serviteurs; auxquels je leur disois volontiers ce que dit feu mon grand-

grand-pere le Seneschal de Poitou à feu Madame la Regente, laquelle estant simple Comtesse d'Angoulême, ne l'appelloit jamais que son cousin & son bon cousin, ce n'estoit autre chose que mon cousin, mon voisin, & que si elle estoit Reyne de France qu'elle se ressentiroit grandement de ses faveurs & revanches de plaisirs qu'elle recevoit ordinairement de luy à la Cour, car alors elle n'étoit point si grande qu'elle ne fust fort aise d'employer mondit grand-pere & d'en tirer quelque plaisir à la Cour, ayant cet heur d'estre sur tout aymé du Roy Charles VIII. du Roy Louys XII. & de la Reyne Anne, qui luy faisoit cet honneur de l'appeller ordinairement son cousin, & estoit tres-bien en sa grace, mais je dis des mieux.

Cette Madame la Regente donc estant venue en sa grande hauteur, & son fils Roy, ce fut elle qui changea du tout & fit de la froide bien fort & de la refusante un jour audit Sieur Seneschal de quelque chose dont ill'employa, à laquelle mon grand-pere respondit, Et bien donc, Madame, c'estoit ce que vous me promettiez estant en vostre petite Comté, vous ne m'avez pas trompé, car le naturel de vous autres Princes & Princesses est, quand vous venez à une grandeur plus

plus grande que n'avez jamais esperé, vous ne faites jamais plus de cas de ceux qui vous ont jamais aymé & fait service; mais j'auray raison de vous à la vallée de Josaphat, où se doit tenir le jugement, & la n'estant alors assise plus haute que moy, & que nous serons esgaux, je vous en sçauray que dire. Tel est le naturel des Grands, auxquels pour les braver il faut dire comme l'Espagnol, *Soy Hidalgo como el Rey, dineros menos*, je suis Gentil-homme comme le Roy, il est vray que je n'ay pas tant d'escus, *y que se vagan à todos los diabolos*, & qu'ils aillent à tous les diables avec leurs escus.

Je les envoie tous aux enfers de nostre Maistre Rabelais, où il les fait si pauvres & malotrus haires, que l'on en aura la raison là bas; ainsi qu'un de par le monde disoit, que s'il y descendoit jamais, il leur donneroit tous les jours cent nazardes pour une miette de pain.

Quand tout est dit, si nous autres nous entendions bien, tous ces Grands nous rechercheroient plus que nous ne les rechercherions, car ils ne se sçau-roient passer de nous: ce sont nous autres qui faisons les Cours des Grands, & emplissons leurs armées, leurs sales & chambres de nos compagnies & presen-
ces,

ces, sans lesquelles que feroient-ils? Mais nous ne nous pouvons garder de les suivre, tant nous sommes fats & ambitieux, dont aucuns se trouvent tres-bien & les autres tres-mal.

J'en ferois un tres-beau & long discours si je voulois, sans emprunter d'autres exemples que des nostres.

Pour retourner à cette heure d'où je suis fort, Mr. de Martigues defait de cet estat de Colonel, Monsieur d'Andelot le reprit à Saint-Germain en Laye, comme j'ay dit; qu'il luy fut commandé par le Roy de s'apprester & de tenir ses compagnies prestes pour aller au siege du Havre, que les Anglois tenoient, & ne le vouloient rendre, pour l'avoir tres-bien acheté, disoient-ils, de Messieurs de Vidafme, de Maligny, & de Beauvais la Node. A ce siege chacun y alla suivant le Roy & la Reyne Mere, qui y allerent en personne & montrerent le chemin à Messieurs les Princes & Monsieur le Conestable, & Monsieur le Prince de Condé amena beaucoup de sa Noblesse Huguenotte, qui ne s'y esparigna non plus que les autres.

Monsieur l'Amiral n'y alla point, & s'excusa sur quelques raisons, mais la principale, qu'il ne dit pas, estoit qu'il ne vouloit déplaire à la Reyne d'An-

gleterre, de laquelle il avoit tiré plaisir & faveur & quelque argent pour la guerre, mais non tant qu'on diroit bien.

Monsieur d'Andelot n'y alla non plus, & s'excusa sur quelques reliques de la fièvre quarte, qu'il avoit apportée d'Allemagne quelque temps avant, lors qu'il amena le Marechal d'Aix avec ses Reistres, & l'avoit tousjours gardée ou peu ou prou, & mesme le jour de la bataille de Dreux estoit le jour de son accez, & le passa ainsi, son cheval luy servant de lit, & ne laissant pour cela de faire tout devoir & acte ce jour-là de bon Colonel, fors qu'il ne tint point le rang & ne se mit à pied, car il estoit si foible qu'il ne se pouvoit soustenir, mais il commandoit à cheval & alloit de bataillon en bataillon, de rang en rang, disant & montrant ce qu'il falloit faire, mais ils ne le creurent pas & firent tres-mal.

Il demeura aussi assiégué dans Orleans, là où il ne pardonnoit à aucune faction qu'il ne s'y trouveſt, tout febricitant qu'il estoit, si bien qu'un jour luy estant tiré une grande arquebusade, ainsi qu'il estoit sur le pont pour ordonner quelque chose, elle luy donna dans la rondelle, qui ne perça pas pour estre à l'épreuve, mais luy pour estre fort foible tomba par terre; mais aussi-tost on le vit reveler
par

par plusieurs, dont Monsieur de Guise & autres comme luy presumerent que c'estoit Mr. d'Andelot qui estoit mort; & parce qu'on disoit que Mr. de Strozze avoit fait le coup, je vis Monsieur de Guise luy dire, Strozze, envoyez-moy à cette heure demander vostre grace, car vous venez du tuer Monsieur d'Andelot, & de plus s'il est mort il est mort le meilleur homme des leurs.

Or donc Monsieur d'Andelot se fondant sur son dit reliqua de fièvre, ou plutôt du peu de volonté qu'il avoit de ne faire la guerre à l'Anglois, comme son frere, n'alla point à ce siege.

Tant y a pourtant, que le Roy & la Reyne & tout le monde le trouverent tres-mauvais & s'en scandaliserent fort. Il envoya ses deux Colonelles, qui certes il fit beau voir, & le Capitaine Monins en avoit une, & quelques autres, montant au nombre de quatre ou cinq, & estoient toutes belles, car c'estoit l'élite des bons soldats Huguenots, aussi firent-ils bien, car ils faisoient à l'envy des Catholiques.

Si bien que les uns & les autres menerent & fatiguerent de telle sorte les Anglois, que nous les eumes enfin par composition. Bien est-il vray que sans la grande peste, qui s'estoit mise dedans & qui

en tûa plus que nos arquebusades, nous n'en eussions eu si bon marché.

Le printemps venu après le Roy entreprit son voyage projeté de faire tout le tour de son Royaume & se faire voir à son peuple, & partit de Fontainebleau & alla faire la feste de Pasque en Champagne à Troyes, où Monsieur d'Andelot vint de sa belle maison de Tanlé, qui est là près, faire la reverence au Roi; & aussi pour se plaindre à luy, dequoy un de ses Capitaines ayant une compagnie vieille en garnison à Mets, étant mort, il avoit pourveu à la compagnie & l'avoit donnée à un autre des siens, & le Roy en avoit pourveu un autre à sa volonté & devotion. Monsieur d'Andelot montrant que c'estoit luy faire tort à son autorité & privilege de Colonel qu'il avoit de long-temps à pourvoir des places vacantes de compagnies vieilles, & que Monsieur l'Amiral avant luy, & luy après, avoit tousjours ainsi fait & pratiqué.

Mais à cela luy respondit tres-bien & aussi-tost la Reyne en plein Conseil, car un Grand qui y estoit, me le dit aussi-tost qu'elle avoit bien parlé à luy.

Monsieur d'Andelot, luy dit-elle, ce que vous alleguez; c'estoit du temps du Roy mon Seigneur & mary, qui par la
fa-

feueur grande & amitié qu'il portoit à Monsieur le Conneftable vofre oncle, luy accordoit beaucoup de chofes qu'il ne devoit, & mefme celle-là, car quelle raifon y avoit-il que Monsieur l'Amiral & vous Colonels euffiez cette prerogative & difpofition ainfi absolument de telle charge, puis que cela appartenoit au Roy, afin que d'autant plus il s'obligeaft de bons Capitaines & ferviteurs, au lieu qu'à vous autres redondoit cette obligation, & les Capitaines pourvus de vous autres fe difoient vos creatures & ferviteurs, & non du Roy, comme j'ay veu dès ce temps-là, dont en cela vous en devez bien remercier la faveur de vôtre oncle & la volonte qu'il avoit de vous élever & faire grand. Mais à cette heure, comme les Roys font les loys & les defont comme il leur plait, le Roi mon fils ne vous veut point concéder plus tel pouvoir & fe le veut refervier pour lui & faire des ferviteurs & les remplacer, au lieu de plufieurs autres que vous autres luy avez fait perdre.

Parquoy ne vous attendez plus à cela, car le Roy mon fils y veut pourvoir deformais, & le Capitaine qu'il a mis à la place du mort, faut qu'il y demeure. Ce fut à Monsieur d'Andelot à en paffer par là.

Quelle Reyne brave, & de quelle audace elle s'en faisoit accroire ! Et Monsieur le Conneſtable, qui n'estoit pour lors au Conseil ; mais en sa chambre, se trouvant un petit mal, ayant ſceu ces propos par Monsieur d'Andelot, n'en dit autre chose, sinon qu'il n'en falloit plus parler.

Voilà donc la puissance qu'avoient les Colonels d'obliger des Capitaines.

Le Roi faisoit bien les Capitaines nouveaux, & donnoit les commissions nouvelles, mais Messieurs l'Amiral & d'Andelot pourvoyoit aux compagnies veilles ; ce qui estoit un tres-beau privilege, sinon que depuis que Monsieur d'Espernon a esté fait Colonel, & par sa faveur fait eriger son estat en Officier de la Couronne & dispoſoit des Capitaines.

MONSIEUR DE STROZZE.

OR Monsieur d'Andelot estant mort à Xaintes, Monsieur de Strozze fut fait & créé absolu Colonel General des bandes Françoises, sans avoir compagnon ny corral ; c'est à dire que durant la guerre il estoit bien absolu, mais venant la paix Monsieur d'Andelot, par les compositions, qui permettoient à un

un

un chacun de rentrer dans leurs charges, reprenoit tousjours la sienne, & un peu auparavant qu'il mourust (je croy qu'il ne s'en falut pas un mois) estoit mort Monsieur de Brissac , duquel toutes les compagnies vinrent à se joindre & se mettre dans celles de Monsieur de Strozze, fors celles des vieilles bandes du Piedmont, qui pouvoient monter à dix ou douze seulement, lesquelles furent reservées & données au jeune Comte de Brissac , lequel pour sa jeunesse ne peut avoir toute la despouille de son frere , ains falut qu'il se contentast de celles du Piedmont , portant le tistre de Colonel General des vieilles bandes du Piedmont, comme il le porte encore, & fut Mestre de Camp la Riviere Puitaillier l'aîné , & puis Monsieur d'Aunous , qui mourut au siege de Poitiers , digne homme certes de sa charge, il le monstra bien lors qu'il partit de Saint-Mexan & s'alla jetter dans Poitiers avec son regiment , qui vint bien à propos , & y entra en dépit de l'ennemy , qui le tenoit tout environné , puis Antefort & autres.

Il y en a aucuns si ignorans, & mesme je l'ay veu escrit dans une Histoire de nostre tems, qui disent & affirment que Monsieur de Strozze eut l'estat de Colo-

nel General après la mort du Comte de Briffac, qui l'estoit alors. Voilà bien dit.

Quels abuseurs & menteurs escrivains! Tels gens pour lors ne hantoient gueres les armées ny les compagnies, parmy lesquelles on a bien ouï les bandons faits & se faire par Mr. de Strozze, Colonel General de l'Infanterie de France, & Mr. de Briffac Colonel General des vieilles bandes du Piedmon; & cela est tres-vray, ce que je dis. Plusieurs Capitaines & soldats de ce temps, qui vivent encore, en diront de mesme que moy.

Voilà donc Monsieur de Strozze ce coup bien Colonel General, lequel dans peu de temps fit bien paroistre à la Roche la Belie en Limousin, ce qu'il estoit, car l'ennemy s'avancant là un matin pour forcer, s'il eust peu, le logis de Monsieur frere du Roy nostre General, sans qu'on s'en donnast de garde aucunement, ce fut au Colonel à faire là tout l'effort, & ainsi qu'il alloit à eux d'un visage & courage assuré, il ouit quelques voix d'aucuns soldats de Monsieur de Briffac & Capitaines & tout, qui murmuroient bas & disoient, Ah! où est Monsieur de Briffac! Monsieur de Strozze, qui avoit l'ouïe bonne, leur respondit, Là où il est? mort Dieu, suivez-moy seulement, & je vous meneray en un

un lieu si chaud & si avant, que jamais le Comte de Brissac ne vous y mena ; suivez, suivez. Ce qu'il fit, car il les mena dans une grosse troupe de l'ennemy, & y soustint une si furieuse escarmouche, qu'il y mourut sur la place vingt-deux de ses Capitaines, Lieutenans ou Enseignes, comme fut le Capitaine Saint-Loup, brave Gentil-homme, son Lieutenant, du pais d'Anjou, qui en criant, Sauvez-moy, de Strozze, & se mettant devant luy, receut le coup qu'on alloit donner à son Colonel certes tres-loüable.

Moururent aussi le Capitaine Roquelure, Gascon, Lieutenant d'une des Colonelles de Brissac, le Capitaine Vallon, Provençal, fort aymé de Monsieur frere du Roy son maistre, le Capitaine Mignard, Basque ; & une infinité d'autres bons & vaillants Capitaines, tant Lieutenants, Enseignes que soldats, desquels pourtant on n'eust eu si bon marché, sans qu'ainsi qu'ils estoient au plus fort de l'escarmouche & combat survint du ciel une si grande ravine d'eau, si espaisse, si esmuë, si impetueuse, que sur ce Monsieur de Moüy, bonne Capitaine certes, prenant l'occassion, chargea avec sa Cavalerie, si à propos cette pauvre Infanterie, qui ne se pouvoient plus

ayder de leurs arquebuses, pour avoir les meches esteintes & pour estre toutes trempées de cette eau , comme d'un coup du ciel, qu'on en eut bon marché, & les mit-on ainsi en pieces , dont on en blasma beaucoup de nostre Cavalerie , qui les secourut tres-mal , pour le moins l'Infanterie s'en plaignit fort.

Le carnage y fut grand & cruel, & sans peu de remission : aussi cinq mois après à la bataille de Moncontour , qui fut gagnée pour nous, on crioit pour revanche parmy les bandes , La Roche la Belie, comme d'un mot & signal pour tout tuer & n'en espargner aucun.

Ainsi la cruauté se recompense par la cruauté , & ne faut point douter que le mondit Sieur de Strozze n'eust passé par les pas de morts comme les autres, sans qu'il y eut un honneste Cavalier , qui le sauva, & fut fait prisonnier & gardé fort honnestement, & rendu après pour Monsieur de la Nouë.

Sur ce discours il ne falloit point que les soldats de Brissac l'appellassent tant pour les mener au combat , car il ne les y eût sceu mieux mener, ny là ny ailleurs, car on ne sçauroit dérober cela audit de Strozze qu'il ne fust fort courageux & vaillant & l'homme du monde craignant le moins les arquebusades ,

&

& le plus assuré , comme je l'ay veu souvent.

Bien est il vray qu'il ne sçavoit pas faire la monstre ny la parade de ses vaillances qu'il a montrées aux batailles , aux rencontres, aux sieges, aux assauts, où il s'est trouvé, que je dirois, mais je ne ferois qu'en parler un jour entier , tant il m'en donneroit le sujet , & de plusieurs de telles factions.

J'ay eu cet heur de m'estre trouvé avec luy souvent , car il m'aymoit uniquement , & croy plus qu'homme de France. Je n'eus jamais charge sous luy que deux ans en Capitaine de gens de pied ; mais pour certain caprice je quittay tout & pour ce je ne l'abandonnay jamais pourtant, fust à la guerre fust à la Cour, tant il m'aymoit, & je l'aymois, & me disoit-on son compagnon & fidele confident. Dès le commencement du siege de la Rochelle, jusques à la fin, je ne bougeay jamais d'avec luy, mangeant, beuvant & couchant tousjours chez luy & en sa chambre.

Je puis tesmoigner que là ny ailleurs je ne luy vis jamais faire aucun acte de lâcheté , mais tout de proüesse , encore qu'il y fist là aussi chaud qu'en siege que j'aye veu , & si je m'assure que j'y en ay veu des plus fendans & eschauffez s'at-

tiedir & baiffer bas. Le jour du grand assaut il y alla le premier sans marchander & peu suivy de ses gens , combien que Mr. de Montluc , qui ordonnoit l'ordre de l'assaut , luy avoit dit & prié de toucher ses gens devant luy , & qu'autrement tout n'iroit pas bien , & qu'il en avoit veu arriver de grandes fautes , & luy iroit après.

Monfieur de Strozze le luy promit , mais il ne le luy tint pas , car après que la mine eut jouë , Mr. de Montluc , qui estoit dans le trou du fossé , commanda aussi-tost à Monfieur de Gouas , de faire la premiere pointe avec ses gens , ainsi qu'il y estoit ordonné & destiné , & Monfieur de Strozze devoit aller après avec son gros.

* Monfieur de Gouas fut aussi-tost blessé à la jambe , dont il en mourut par après , par la gangrene qui s'y estoit mise , & encore que le coup fust fort petit & ne touchast à l'os , & en s'en retournant rencontra Monfieur de Strozze , qui s'en alloit viste à l'assaut , il luy dit , Monfieur , ils sont à nous , donnez seulement , & la bresche est tres-raisonnable : mais il ne l'avoit pas reconnüe , car il avoit esté blessé en allant & ne peut monter en haut. En quoy Mr. de Strozze l'en blasma après (je
le

le ſçay) ſur ſon dire, encore qu'il fuſt un tres-bon Capitaine & digne de foy en telles choſes.

Monſieur de Strozze ſ'avança & ſans dire gare ny avifer à ce que Monſieur de Montluc luy avoit dit, ny qu'il avoit promis, ny qui le ſuivoit, marcha & monta-t-il, & n'avoit avec luy Gentil homme volontaire que moy, car il avoit eſté defendu par Mr., que nul Gentil-homme y allaſt, craignant perdre la Nobleſſe; mais à moy comme ſon amy privé, la loy ne ſ'y addreſſoit.

Monſieur d'O y eſtoit auſſi, qui ſ'eſtoit dérobé, & eſtoit amy de meſme dudit Mr. de Strozze, & le petit Chateau-neuf, de la maiſon de Rieux, dit Mr. de Sourdiac aujourd'huy, auſſi, que Monſieur de Strozze l'aymoit & luy donna après l'une de ſes Enſeignes Colonelles, que Monſieur de Lanconne le jeune en ce jour là portoit, qui étoit un autre brave Gentil-homme.

Monſieur de Strozze donc ayant pris langue de Mr. de Gouas, ſans marchander donna. Je luy diſ, Monſieur, vous ne faites pas ce que Mr. de Montluc a dit. C'eſt tout un, Branthomme, me reſpondit-il, allons, nos gens
auront

auront meilleur courage de venir, quand ils me verront à la teste marcher le premier, pour leur montrer le chemin. Ce qu'il fit ; mais il ne fut pas plustost à demy haut qu'il eut une arquebusade dans la cuirasse qu'il en tomba de son haut sur les pierres que la mine avoit enlevées, dont nous le tinmes pour mort, & que l'arquebusade l'avoit percé, mais il ne se froissa que les jambes & la teste : & là il fut trompé, car pensant estre suivy de ses gens il le fut tres-mal. En quoy il eust mieux fait s'il eust creu Monsieur de Montluc, de les toucher & voir aller avant, ainsi qu'il en parloit plus par pratique que par art. Et puisque nous sommes sur cet assaut, si en parleray-je ce mot, que Monsieur frere du Roy, qui avoit tout veu ce que nous avions fait, qui estoit nostre General, il envoya querir Monsieur de Strozze, qui le vint trouver dans la tente du Comte de Cononas, qui étoit là auprès, où il s'estoit retiré avec son Conseil, & y estant, & moy avec luy, tous armez, Monsieur luy dit, Strozze, si vostre Infanterie vous eust suivy, comme il avoit esté ordonné, & qu'elle eust fait aussi-bien que vous & ceux qui estoient avec vous, la place estoit prise, ainsi que j'ay peu voir ; mais il faut encore recommencer
l'as-

l'affaut, & faire aller vos gens devant, ainsi que Monsieur de Montluc vous avoit dit, & vous après, & m'assure que nous les emporterons.

Monsieur de Montluc estoit là, qui dit aussi-tost, Ouy, Sire, (car il estoit alors déjà Roy de Pologne) nous l'emporterons, il est fort aisé, car la bresche est bonne & tres-raisonnable.

Alors je ne puis m'engarder de parler, voyant que Monsieur de Strozze ne parloit, car il estoit en ces choses quelque-fois craintif devant Monsieur, il vous le semble, Monsieur, luy dis-je, elle est si raisonnable, que par Dieu je ne sçay homme icy qui ayt si bonnes jambes qui en montrant ne tombe quatre ou cinq fois, & sur le haut il se puisse tenir, s'il est tant soit peu repoussé, on s'y veuille tenir de pied ferme, car le tout est si raboteux, à cause des pierres que la mine a soulevées, qu'il est impossible s'y arrester bien pour combattre; je le puis dire, car j'y ay esté & l'ay tres bien essayé. Toutefois puisque le Roy veut faire redoubler encore l'affaut, faire le peut.

Et ainsi qu'on l'arrestoit, survint le plus estrange accident qui arriva il y a long-temps en armée, & sans aucun sujet, car tout à coup voicy venir une alarme par toutes les tranchées, que l'enne-
my

my estoit fortý & que l'on estoit déjà aux mains , & que le tout estoit faussé, si bien qu'il prit une si grande espouvante & effroy parmy nos gens de pied & parmy plusieurs de la Noblesse, que quasi la plus grand' part branlerent & ne sceurent que faire, & fut bien encore pis que plusieurs eurent telle frayeur qu'ils aviserent à se sauver par les marais, & aucuns s'y enfuirent qui furent après reconnus par la bouë qui en étoit empreinte en leurs chausses, & tels qu'on tenoit bons compagnons furent touchez de mesme.

Il y en eut pourtant plusieurs qui tinrent assurée contenance ; neantmoins tout le monde ne sçavoit que c'estoit , sinon que tout estoit en alarme & en rumeur si grande, qu'il ne vit jamais un tel desordre.

Nous estions en la tente du Roy de Pologne pour lors , comme j'ay dit , qui sortismes de là avec la plus grande presse & foule que je vis jamais, dont je m'en puis bien souvenir , car un honnête & brave Gentil-homme , qui estoit avec moy , que j'avois nourry, nommé Monsieur de Breuil , en voulant sortir il tomba derriere un coffre pour la pesanteur de ses armes & la foule qui y estoit , je croy qu'il seroit encore là sans moy , qui luy pre-

prestay la main & l'en sortis, dont nous en rismes bien après, car il estoit de bonne compagnie, & si effrayé de sa cheute cuida tuer dans la tente un Gentil-homme des nostres d'une courte dague qu'il avoit, pensant que ce fust l'ennemy & que tout fust gagné.

Enfin nous sortismes & courusmes au trou du fossé, Monsieur de Strozze & moy tousjours avec luy, trouvâmes que ce n'estoit rien & que l'ennemy seulement n'avoit pas comparu la teste du dessus du rempart ny sorty par aucune porte, car il avoit assez affaire ailleurs & à entendre à ses assauts, escalades & surprises.

L'on voulut sçavoir après d'où estoit sorty rette alarme & telle rumeur. Les uns disoient que c'estoit quelque bruit que quelques traistres parmy nous avoient eslevé & fait courir à poste; d'autres disoient que de nous mesmes nous nous estions ainsi espouvantez & effrayez sans propos; d'autres que cela estoit venu du ciel par quelque chastiment divin, ou que le tout estoit arrivé *divinitus aut fato*. Bref, on parloit en fort diverses façons, & sur ce dernier point puis après en discourant avec d'autres, je m'allay souvenir qu'à la prise de Rome, par Monsieur de Bourbon, un

un Alfier ou Port'enseigne Romain, sur l'alarme de l'affaut il luy prit une telle é-motion & action de corps & d'esprit (on l'appellera comme on voudra,) qu'avec son enseigne il descendit du rampart, s'en alla vers l'ennemy & s'en retourna en mesme appareil dans la ville sain & sauf, sans autre mal. Il falloit que ce fust quelque terreur panique, ou quelque ange bon ou mauvais; qui operast ou le conduisist par la main.

J'en laisse à discourir aux divins Philosophes. Tant y a, que cet accident, que je viens de dire, a esté trouvé tres-estrange & bizarre.

Si faut-il que je die ce mot, que jamais je ne vis nostre Roy de Pologne estonné, & ne vouloit que sortir, mais la foule estoit si extrême qu'on s'y estouffoit du chaud qu'il faisoit, car les uns vouloient sortir, les autres entrer, si bien que nous commencions à rompre les cordes de la tente pour passer dessous. J'auray esté possible par trop long dans cette digression.

Pour retourner donc à Monsieur de Strozze, je puis dire avec une tres-grande verité, que c'estoit un tres-vaillant homme de guerre, & que pourtant n'y a jamais été blessé. En ce siege de la Rochelle il receut quatre bonnes arquebusades

des dans ses armes, sans qu'elles portaissent jamais, en quoy il fut tres-heureux, car ordinairement il estoit aux hazards.

La premiere charge qu'il eut jamais, ce fut aux premieres guerres, qu'il eut une compagnie de gens de pied, laquelle seule fut destinée pour la garde du Roy. Il avoit choisi un tres-brave Lieutenant, qui estoit le Capitaine Gourdas de Dax, Monsieur de Corbeson, de la maison de l'Orges, pour son Enseigne, qui pourtant le quitta & s'en alla à Orleans Huguenot, & Martin Ozart pour son Sergeant, qui depuis fut Lieutenant d'une des Colonelles; mais luy se faschant de demeurer ainsi arresté & sujet à une garde de corps, & oyant dire que tous ses compagnons menoient les mains de tous costez, il ne cessa jamais de prier le Roy & l'importuner de luy bailler congé d'aller avec les autres; ce qu'il eut, & arriva devant Rouën, où il se monstra digne de sa charge; & puis: comme j'ay dit, il eut la charge de Charry, & de là fut Colonel aux seconds troubles, commandant à trois Regimens, menez par trois Mestres de Camp, Cossains, Charrou & Goüas, tres-bons hommes, qui meritoient bien cette charge.

Monsieur de Cossains estoit vieux soldat & Capitaine, Gentil-homme nour-

ry

ry en Piedmont de Monsieur de la Mothe Goudrain , à ce que je luy ay ouï dire. Il commanda a une compagnie de gens de pied en la guerre de Toscane , mais Monsieur de Montluc la luy fit oster ignominieusement , & luy vouloit faire pis , (je me passeray bien de dire le sujet) & luy vouloit un mal extrême. J'ay bien veu depuis le contraire , car il l'a fort aymé , & luy ayda à espouser sa belle sœur Madame de Lyon. Il suivit Monsieur de Martigues au petit Lit , & y fit tres-bien , sans aucune charge pourtant , sinon en Capitaine entretenu du Colonel. Aux premieres guerres civiles il eut une compagnie de gens de pied , laquelle il conduisit & employa tres-bien à la prise de Blois , où il eut une grande arquebusade à travers le corps , qui le perça de part en part , & en fut guery aussitost.

Je l'ay veu fort sujet aux blessures , aussi les recherchoit-il volontiers. Il commandoit de bonne façon , car il avoit le geste bon & la parole de mesme ; aussi disoit-on piaffe de Coffains , il l'avoit de vray , mais c'estoit en tout qu'il estoit piaffeur , & en gestes & en faits & en paroles. Il fut fort blasmé d'avoir esté un grand meurtrier à la Saint-Barthelemy à Paris , aussi d'y avoir gagné beaucoup ,
car

car il avoit là toutes les Enseignes des gardes du Roy, dont il estoit Mestre de Camp, & les y fit la bien mener les mains. Du commencement, quand le Roy luy en découvrit l'entreprise & sa volonté, il y fit grande difficulté & impossibilité, pour avoir si peu de gens, forcer un si grand nombre d'Huguenots qui estoient dans la ville.

Mais le Roy & son Conseil en cela, après luy en avoir ouvert les moyens & intelligences, qu'il avoit toute la ville à soy, il y prit goust & n'y espargna par après le sang, dont on l'appelloit le principal boucher, & bien-tost après on sentit son ame chargée, & mesme quand il fut devant la Rochelle, où quasi y presageant sa mort, il monstroït ordinairement une tristesse & un ennuy, & comme un remords de conscience, si bien que souvent (dautant que j'estois son bon amy, & que nous estions comperes à cause de sa femme,) en joüant je luy disois quelquefois qu'il y mourroit. Ah! ne me le dites point, mon compere, disoit-il, car je le sçay bien, & maudissoit la journée de Saint-Barthelemy, lorsqu'il fut blessé, dont il mourut après.

Je croy que de tout cette nuit il ne fut pas tiré deux arquebusades, & encore
celle

celle qui luy porta fut tirée en un lieu si escarté, que gueres souvent on y tiroit. C'estoit un coin de marais, qu'il avoit dit à Monsieur de Strozze aller reconnoistre, pour y faire quelque petit retranchement, soudain ou nous vint dire qu'il estoit blessé, & nous y courusmes, qui dit soudain que ce n'estoit rien, & adressant sa parole à moy, il me dit que pour ce coup ma prophetie seroit vaine, & qu'il ne mourroit de ce coup. Le lendemain nous le fumes voir, qui en son semblant monstroït se porter bien, mais le voyant un peu commencer à balbutier, & beguayer, je dis à Monsieur de Strozze soudain, Il est mort, Monsieur, n'en faites plus d'estat, allons-nous en : & au bout de deux jours mourut, regretté certes d'aucuns, mais non pas tant de son Roy comme s'il fust mort un an avant, car lors qu'il en sceut la mort, il dit publiquement à son disner, Cossains est mort, mais que diriez-vous de luy, qui avoit si bien fait en beaucoup de lieux où il s'estoit trouvé, estant au siege de la Rochelle, il n'y a jamais rien fait qui vaille, il s'y est trouvé tout à coup si fort saisi de defaillance de cœur, qu'à toutes entreprises pour prendre la place, que mon frere luy a proposées; il y a toujours repugné de toutes

tes les opiniaftretez qu'il a peu, & n'y a montré plus de cœur qu'une putain, ufant de ces mots.

J'ay ouï dire qu'il y eut un galand homme, qui, oyant tels propos & les retenant, dit à un sien compagnon, Marquez cette chaffe, voilà que c'est de faire service aux Roys, il ne faut qu'un verre cassé pour tout perdre. Et certes les difficultez, que le dit Cossains faisoit, estoient fondées sur de grandes fautes qu'on propofoit pour prendre cette place, & mal-aisément pouvoit-il souffrir telles incongruitez, car jamais on ne vit en place si grande confusion d'opinions frivoles qu'on vit là; aussi les ennemis, lorsque nous batismes du commencement le fort de Saint-Martin, nous reprochoient que nous bastifions la tour de Babel. Plusieurs des nôtres prirent argument là-dessus de pronostiquer la confusion d'opinions qui s'engendra parmy nos Princes, grands & Capitaines, à ne s'accorder plus à bien assieger & prendre cette place. Aussi pour dire vray il y avoit trop de gens de Conseil là assemblez. Feu Monsieur de Guise & Monsieur de Lautrec n'eussent pas fait cela.

Voilà la mort de Cossains, à l'avancement de laquelle aida beaucoup la cruauté

té dont il usa à la S. Barthelemy, (ce dit-on) comme de mesme elle en fit à Mr. de Gouas, son compagnon & intime amy. Helas! tous deux n'eurent pas grand loisir de jouir à joye du butin beau qu'ils avoient fait, car, comme j'ay dit, Gouas y mourut, dont certes ce fut un grand dommage, car c'estoit un tres-bon Capitaine & digne pour les gens de pied. Mr. de Montluc luy avoit mis les armes en la main & le louë fort en son livre. Il fut un des Lieutenans de Mr. de Pienne au voyage d'Italie. Il n'estoit pas si piaffant ny si bravaſche comme Coffains son compagnon, mais il estoit auffi mauvais garçon, & feu Mr. de Guise l'estimoit fort, comme Mr. de Sarrion, autre Mestre de Camp, lequel pour estre parent de Mr. de Termes, le suivit en Corſegue, & la suivit son Roy & son General Ale voir on l'eust pris pour un homme fort rustaud, mais estant en guerre il ſçavoit auffi-bien commander, conseiller & executer, que pas un de ses compagnons que j'ay dit cy-deſſus, & estoit un tres-homme de bien & d'honneur. Bref, je n'aurois jamais fait si je voulois décrire tous nos Mestres de Camp, il me suffira que je parle de *los Majorales*, comme dit l'Eſpagnol, de leurs plus grands, qui sont leurs Colonels.

Pour

Pour retourner encore à Monsieur de Strozze, je dis que si Monsieur l'Amiral a rapporté grand los & gloire pour avoir fait de si belles ordonnances parmy l'Infanterie, & l'avoir si bien réglée, il faut louer Mr. de Strozze & luy donner cette reputation, que ç'a esté celuy qui l'a si bien armée, & qui luy a porté la façon & l'usage des belles arquebuses de calibre qu'elle porte aujourd'huy. Bien est vray que Mr. d'Andelot l'y façonna un peu lors qu'il vint de prison du château de Milan, où il les apprit des Espagnols, car il n'y a nul vieux Capitaine ny routier fantassin de guerre, qui ne die que nostre arquebuserie le temps passé n'estoit pastelle en armes comme elle a esté depuis, car ce n'estoit que petits méchants canons mal montez, qu'on appelloit à la Luquoise, en forme d'une espaule de mouton, & le flasque, qu'on appelloit ainsi, estoit de mesme, voire pis, comme de quelque cuir bouilly ou de corne, bref, toute chose chétivé. Du depuis en Piedmont ils s'accommoderent des canons de Pignerol, que l'on fit & forgea là un peu plus renforcez, mais fort longs & menus, qui certes estoient bons pour ce temps.

Du depuis nous nous en sommes servis pour la chasse, à cause de leurs bontez.

Leurs flasques ne valaient guerres non plus. La mesche de l'arquebuse se portoit par le soldat toute entortillée en rond dans le bras, fors le bout de la mesche, que l'on tenoit en la main, pour la mettre au serpentín. Les Janissaires Turcs, du grand Seigneur n'en ont point encore oublié la coustume, qui portent encore ainsi leur mesche, qui pour cela ne se pouvoit si bien accommoder ny si promptement au serpentín, comme nous la portons aujourd'huy. Du depuis peu à peu en Piedmont ils s'accommoderent des canons de Milan, qu'ils recouvroient par quelques defaites & devalsemens qu'ils faisoient sur les Espagnols, mais peu en recouvroient-ils autrement par le trafic de Milan, qui estoit defendu des armes.

Monsieur d'Andelot vint donc de Milan & en apporta quelque trois cens, à cause de la tréve, comme je luy ay ouy dire, & autant de fournimens, mais les canons estoient petits & peu renforcez, & les charges des fournimens pareilles.

Du depuis s'en porta-t-il en France peu à peu, & peu à peu commanda à ses Capitaines d'en fournir leurs bandes le plus qu'ils pourroient, mais l'affluence du trafic n'estoit si grande qu'on s'en peût

armer grandement ; si bien qu'il se faloit ayder des canons de Mets & d'Abbeville & fourniment de Blangy , mais tout cela n'approchoit point à ceux de Milan , & me souvient qu'aux premieres guerres les compagnies nouvelles estoient au commencement tres-mal armées , & bien-heureux estoit le Capitaine qui pouvoit dire avoir en sa compagnie vingt ou trente arquebuses & fournimens de Milan. Certes ce n'estoit que grossiere, mais peu à peu on en vit venir, & Mr. de Guise, qui en estoit Capitaine , provident en tout en fit venir.

Il y avoit bien les compagnies vieilles de Mr. d'Andelot , & mesmes ses Colonelles en étoient tres-bien armées, si bien que dans Rouën l'une d'elles y estant, comme elles tiroient de tres-bonnes arquebusades sur nous, plusieurs de nostres disoient, Voyes les marauts, la bonne poudre qu'ils ont leans & que la nostre vaille si peu.

Monsieur de Guise le dit un jour à un Grand , en souffrant, que je sçay , dont l'autre rougit, Ne voyes-vous pas que ce n'est pas tant seulement leur bonne poudre , mais ce sont les grandes charges de leurs fournimens & leurs bonnes arquebuses, qu'ils ne craignent de charger, voire de doubler la charge , que Mr. d'An-

de lot a ainsi bien armés, nos soldats ne le font pas ainsi, mais avec le temps ils le feront, & voilà, dit-il, nôtre amy, la bonne poudre qu'ils ont.

Or Monsieur de Strozze, qui dès son jeune âge avoit plus aymé l'arquebuse que toutes autres armes de guerre, & sur tout arquebuses à mesches de Milan, quand il vint à ces premières guerres à avoir sa compagnie, il fut fort curieux à avoir des armes de Milan, & en eut assez, pour le moins la moitié de sa compagnie l'estoit, qui en fut trouvée, tres-belle & rare, & Monsieur de Guise la loua fort à la voir. Je sçay ce que je luy en vis dire. Puis après luy venant à succeder en la place de Charry, il y observa une fort exacte curiosité & observation.

De sorte qu'il pria, vostre quasi contrainnit tous ses Capitaines, de n'avoir plus autres armes, tant arquebuses, fournimens, que corcelets, que de Milan, & pour ce moyenna de faire venir à Paris un fort honneste & riche marchand, nommé le Seigneur Negrot, & s'y tenir, qui en moins d'un rien en fit venir beaucoup sur la parole de Mr. de Strozze, & qu'il les luy feroit enlever, si bien que ledit Negrot prenant goust à ce premier profit, il en continua l'espace de quinze

quinze on seize années le trafic, qu'il s'y est rendu riche de cinquante mille escus, voire davantage.

Tout le differend qu'avoit Mr. de Strozze avec ledit Seigneur Negrot, c'est qu'il ne faisoit venir les canons si gros & renforcés comme il vouloit, quelque lettre de priere qu'il escriviſt & fît à maître Gaspar de Milan, qui les forgeoit, qui a esté le meilleur forgeur qui jamais sera, jusques à ce que nous allasmes à Malte.

Mr. de Strozze luy avoit escrit quelques mois avant qu'il luy forgeast deux douzaines de canons de la grosseur qu'il les divisa, & que luy-mesme les iroit querir là.

Le bon homme maître Gaspar alors s'y affectonna si bien, que quand nous fusmes arrivez à Milan, Mr. de Strozze les trouva tous faits, & estoient selon son opinion, & en donnoit à ses amys, dont j'en eus un, & le garde encore dans mon cabinet, & soudain le bon homme maître Gaspar se mit à en faire si grande quantité, que tant il en faisoit autant il en vendoit aux autres François qui venoient après nous, & qui à l'envy de nous autres en prenoient, car nous estions alles & marchés des premiers.

Je ne veux oublier à dire que le bon

homme maistre Gaspar , lors qu'il vit Monsieur de Strozze ne se peut saouler de l'admirer & l'aymer , & tous nous autres , & voulut de tous prendre le nom , disant que tous nous autres le faisons riche pour tous jamais.

Je me fusse bien passé de dire cecy , mais tel souvenir & parler me plait.

Après donques cette veüe maistre Gaspar continua à forger les canons de ce gros calibre , mais avec cela si bien forcés , si bien limés , & sur tout si bien vidés , qu'il n'y avoit rien à redire. Ils estoient tres seurs , car il ne falloit point parler de les crever , & avec cela nous fîmes faire les fournimens beaux & la charge grande à l'equipollent.

Voilà d'où premierement avons eu l'usage de ces gros canons de calibre , que quand on les tiroit vous eussies dit que c'estoit des mousquetades , & un chacun nous admiroit par tout où nous passions en Italie , & où nous faisons quelque salve ; mais il ne faut point douter qu'il y en avoit plusieurs bien mouchez & balafrez & par les jouës , d'autant de vilipendé & méprisé estoit celuy grandement qui ne couchast en joüe , si bien qu'il y en eut plusieurs bien mouchés.

Davantage , sans un honnesté Gentilhomme

homme, que je ne nommeray point de peur de me glorifier, qui trouva la façon à coucher contre l'estomac, & non contre l'espaule, comme estoit la coustume alors, car la croffé de l'arquebuse estoit fort longue & grossiere, & n'estoit comme aujourd'huy courte & gentille & bien plus aisée à manier.

La façon Espagnole estoit ainsi courte, mais s'y sont si bien appropriez que la nostre, d'autant que cela donna mieùx le coup, & Monsieur de Strozze le trouva bon, & s'en accommoda, car il s'y bridoit bien quelquefois, à cause des grosses charges, mais pourtant bien plus souvent, car il estoit des meilleurs arquebusiers du monde & des plus asseurez & tirant de la meilleure grace.

Estant un jour à Malte devisant de ses armes à table, y étant le Marquis de Pescaire, General de l'armée, Jean André d'Orie, General des galeres, & plusieurs autres Capitaines & Seigneurs Espagnols & Italiens, il leur en fit à tous leçons, & les rendit tous estonnés que de son arquebuse il tuoit un homme de quatre cens pas, & leur montreroit par experience en un blanc, à quoy il fut prié de toute la compagnie de le leur montrer, ce qu'il fit avec une si belle façon & bonne grace, qu'il ne faillit à sa vi-

fée, dont tous s'en estonnerent, & mesme luy estant si grand Seigneur, disoient-ils, faire ainsi bravement & si assuré-ment la faction de soldat, & manier si dextrement les armes du soldat & s'y adexter si gentiment, ce qu'il sçavoit tres-bien faire certes, non qu'il l'eust appris du soldat, mais c'estoit luy qui l'apprenoit au soldat, comme je l'ay veu souvent luy montrer, ainsi qu'il se faisoit garder & façonner à ses armes pour s'en ayder & tirer, & prenoit un grand plaisir de les faire tirer, manier leur arquebuse, voire de quel calibre les unes étoient, les unes plus grandes que les autres, voire aussi leurs fournimens & leurs charges, ayant fort les soldats qui avoient & s'aydoient de belles arquebuses & fournimens de Milan, dédaignant ceux qui se faisoient ailleurs, disant qu'en lieu de France jamais ouvrier n'avoit peu atteindre à la perfection de faire bien un fourniment à sa vuideure ny à sa charge, comme à Milan, ainsi qu'il est vray, car le François en toutes armes a tres-bien imité l'estrange, fors qu'au fourniment de l'arquebuse; il approuvoit fort les corcelets gravés de Milan, & ne trouvoit point que nos armures parvinssent à la perfection; non plus qu'aux morions, car ils ne les
vui-

vuïdoient pas si bien ; & leur faisoient la creste par trop haute.

Mais après il cria tant qu'ils y vinrent ; & trouva un doreur à Paris qui les dora aussi-bien ou mieux d'or moulu que dans Milan ; ce qui fut une grande espargne pour les soldats , car au commencement il n'y avoit morion ainsi gravé d'or qui ne cousta dudit Negrot quatorze escus, je le puis dire , pour en avoir acheté plusieurs de luy à tel prix ; & qui estoit trop.

Mais après Mr. de Strozze mit ordre qu'on achetteroit dudit Negrot le morion blanc gravé à bon compte , & puis on le donnoit à ce doreur à Paris , & ne revenoit qu'à huit ou neuf escus.

Du depuis cela a si bien continué que plusieurs maîtres s'en sont meslés à forger, dorer & graver, que nous en avons veu une si grande quantité en France & à bon marché ; aussi certes faisoit-il très-bon alors voir les compagnies Françoises mieux qu'à present, qui ont quitté les morions, car outre que c'estoit une chose fort necessaire, tant à un assaut de ville, à cause des pierres, qu'à des combats, à cause des coups d'espée, dont le soldat se garantissoit , elle estoit très-belle & espouvantable à voir.

Je me souviens qu'à la reveue que

Monsieur nostre General fit au voyage de Lorraine à Troye , il se trouva quarante mille hommes à pied François , tant de Monsieur de Strozze que de Brissac , dont il y avoit dix mille morions gravés & dorés , & si n'estoient alors si communs comme depuis.

Aussi d'autant trouva-t-on la veüe plus belle & admirable, & faut croire là-dessus, que Mr. de Strozze avoit esté curieux. & pressant ledit Negrot, de faire provision de ces belles armes, le plus qu'il avoit peu, avec force beaux corcelets gravez & bien complets.

C'a esté aussi le premier qui a mis l'usage des mousquets en France, & certes avec une tres-grande peine, car il ne trouvoit soldat qui s'en voulust charger, mais pour les gagner peu à peu, luy-mesme au siege de la Rochelle en faisoit porter tousjours un à un page ou à un laquay. Et quand il voyoit un beau coup à faire , il tiroit , & ainsi qu'il fit un jour à la premiere saillie qui fut faite là , qui fut à la Fons, où le Capitaine Genieres, Guidon de Mr. de Biron, fut tüé & le Fouillou, neveu de la Haye, Lieutenant de Poitou.

Je vis , & plusieurs avec moy , ledit Monsieur de Strozze tüer un cheval de cinq cens pas avec son mousquet & le maître se sauva.

Du depuis il gagna quelques Capitaines entretenus des siens, pour en porter, entr'autres furent les Capitaines Berres, Saint-Denis, Calais & autres.

Il m'en avoit donné aussi un, que je garde pour l'amour de luy, dont j'en tirois bien souvent & n'usions point encore de charges de bandoliers, mais de nos fournimens seulement, au lieu d'une charge nous en mettions deux.

Et si ce brave Monsieur de Guise étoit en vie, que Dieu le voulust, il en sçauroit bien que dire, car ainsi que nous estions dans la tranchée auprès de ces masures de pierre au commencement, il nous y trouva ainsi que nous en tirions & me pria de luy prêter le mien, car il m'aymoit fort, & qu'il vouloit essayer d'en tirer, ce qu'il fit par deux ou trois fois, & s'y pleut fort, me disant plusieurs fois depuis que j'avois esté le premier & la cause dequoy il avoit tiré du mousquet, je ne veux pas dire seulement de luy, mais s'il plaist à nostre Roy d'aujourd'huy se ressouvenir du Roy de Navarre, audit siege de la Rochelle, la premiere arquebuse à mesche dont il tira jamais, je la luy donnay, je m'en puis vanter comme d'une chose tres-vraye, qui estoit une arquebuse de Milan, fort legere & douce, & dorée d'or.

moulu, que Mr. de Strozze m'avoit donnée pour nostre embarquement de Broüage, & l'en vis tirer souvent & de fort bonne grace.

Que c'est que la generosité d'un Grand, qui veut sçavoir faire toutes choses genereuses, encore qu'elles ne touchent pas à son exercice Royal, mais pourtant quoy que ce soit, touchant & apportant en soy de la vertu, de la generosité & de l'adresse, cela sied bien tousjours à un Grand.

Ainsi ces deux grands Princes se mirent à manier l'arquebuse à la soldatesque; en quoy il les faisoit beau voir, tant pour faire paroistre une grace gentille & guerriere, que pour montrer aux soldats comment les grands honoroient les armes qu'ils portoient, ce qui leur rapportoit une grande gloire & un grand contentement, & de fait plusieurs soldats s'en esjouïrent dès-lors & s'en tinrent avantagés, voyant ce grand Prince Monsieur de Guise & leur Colonel tenir en main & en faction ce mousquet, si bien qu'ils ne les dédaignerent puis après.

Que c'est que donner exemple, & combien il emporte que les grands les donnent aux petits! Et dès-lors si Monsieur de Strozze en eust eu plusieurs, force

force soldats s'en fussent chargez , car j'en vis plusieurs qui en eurent envie à l'envy, mais il n'en avoit pas une douzaine de quelque deux douzaines dont il avoit fait provision pour nostre embarquement.

Or notez que tout ainsi que ledit Sieur de Strozze aimoit les canons de tres-gros calibre de l'arquebuse , il abhorroit bien autant ces gros mousquets , que l'on a veus depuis, car ils estoient si grands & si puissans, si pesans & si démesurez, qu'ils estoient insupportables & irrecevables pour tout, & fort peu maniables; mais il les ay moit fort du vray calibre, ny trop gros ny trop menu, qui se faisoient à Milan, & duquel s'aidoient les Espagnols.

Je me souviens que quelque temps après que ce grand Duc d'Albe passa vers Flandres, & qu'il introduisit le premier & mena les braves mousquetaires, le Roy Charles, qui estoit curieux de tout, dit un jour à Monsieur de Strozze, qu'il falloit à cette imitation qu'il en fist avoir parmy ses bandes, & qu'il avoit commandé d'en faire Mets à une centaine; & qu'il vouloit que ses gardes les eussent.

Monsieur de Strozze respondit qu'il feroit ce qui plairoit a sa Majesté. Au bout de quelque temps le Roy après les
avoir

avoir receus, non pas tous, les lui montra, mais c'estoient de longs mousquets par trop outrageusement, d'autres plus courts un peu, mais si grands & renforcez, qu'il estoit impossible au soldat de le porter & manier, si bien que comme il faut avoir mesure en toutes choses, il remontra au Roy qu'il n'y avoit nulle raison d'accabler le soldat sous ce pesant fardeau, mais qu'il en feroit apporter de Milan de ceux des Espagnols, qui seroient plus aisez & plus propres; ce qu'il fit, & ce fut ces deux douzaines pour les premiers que je vis, qu'il fit venir pour l'embarquement de Broüage, dont ce fut la premiere fois qu'il accommoda quelques-uns, comme j'ay dit, & depuis ce sont usités & pratiques parmy les bandes; en quoy du tout en faut sçavoir bon gré à Mr. de Strozze, qui fut le premier qui en fit la premiere institution & coustume avec la difficulté que j'ay dit, & si depuis nostre soldat, qui avoit entendu la grande paye que tiroit le mousquetaire Espagnol, & son goujat pour le porter, vouloit fort pratiquer à telle paye & party, mais leur ayant montré la volonté du Roy par ses Commissaires n'estre telle, ils se contenterent d'une paye assez grande & raisonnable.

Voilà comme Mr. de Strozze à com-
man-

mandé l'Infanterie Françoisse, & à luy seul la gloire est deuë. S'il y en a eu quelques-uns qui ayent voulu trouver à redire & y augmenter, je m'en rapporte à eux, mais je croy qu'ils n'y sçauroient mieux faire, veu l'amour que portoit ce Colonel à ses armes, & principalement à l'arquebuse, car n'estant que fort jeune & nourry enfant d'honneur du petit Roy François II. étant Monsieur le Dauphin, oyant dire qu'en Piedmont se faisoient de belles guerres, il se déroba avec deux chevaux seulement, & son arquebuse de Milan à l'arçon de sa selle, s'y en alla, ayant pour guide le bon rompu Jean d'Est, Allemand, que nous auons veu tant traîner en France, & depuis peu de jours pendu à Blois ayant eu l'Ordre de Saint-Michel quelques années beaucoup deuant, qui luy conseilla pour faire le voyage de dérober quelque bassetin, coupe & esguiere d'argent à Madame la Mareschalle sa mere: ce qu'ayant sceu Mr. le Mareschal son pere & le sujet pourquoy il l'auoit fait, dit que si c'eust esté pour autre chose que pour cela, qui estoit honorable & glorieux, & pour voir de la guerre, qu'il l'eust pendu, mais qu'il lui pardonnoit & luy pardonneroit quand il en pourroit prendre d'auantage, mais que ce fust pour un si valereux sujet.

Mon-

Monfieur de Strozze me l'a conté ainfi. Après quand il le vit luy en fit tres bonne chere & s'en mit à rire devant fa mere, qui en defiroit bien le chatiment, encore qu'il fust fort fevere de fon naturel & le rabroüa fort.

Il fut fort curieux de le faire tres bien nourrir, & fur tout tres-bien instruire aux bonnes lettres, & defiroit qu'il y sceust autant que luy, car il y estoit tres-parfait, mais pourtant fon fils n'y pouvoit approcher, si en fçavoit-il affez.

Je lui ay ouy conter qu'un jour venant donner le bon jour à fon pere, il luy demanda ce qu'il avoit fait le matin. Le fils luy respondit qu'il avoit monté à cheval, joué à la paume, & puis, comme de besoin, qu'il avoit déjeuné. Ah! malheureux, luy dit-il, faut il que tu raffasies le corps avant l'esprit? Jamais cela ne t'avienne; avant toutes choses raffasie ton ame & ton esprit de quelque belle lecture & estude, & après fais de ton corps ce que tu voudras.

Voilà les bons enseignemens & nourritures que donnoit ce sage pere au fils, dont depuis il s'en est tres-bien prevalu, car qui fondoit bien au vif le fils, il l'eust trouvé auffi profond en discours comme en vaillance. Encore que depuis qu'il laissa les livres pour prendre les armes,

mes, je croy qu'en sa vie il n'y a pas consumé une demi-heure de jour à les lire. Il estoit un tres homme de bien.

Il y en avoit la plus grand' part qui le tenoient de legere foy : ils pouvoient penser à leurs postes ce qui leur plaisoit, mais ils ne luy sonderent jamais l'ame assez. Il n'estoit pas certainement bigot, hypocrite, mangeur d'images, ny grand auditeur de Messes & sermons, mais il croyoit tres bien d'ailleurs ce qu'il falloit croire touchant sa grande creance, & outre cela il n'eut pas voulu faire tort à autre pour tout l'or du monde. S'il jasoit & causoit quelquefois qu'il estoit en ses goguettes, mesme pour le purgatoire & l'enfer, il n'y falloit point prendre garde, car certes il croyoit l'enfer, mais non pas qu'il pensast & creust, disoit il, un grand dragon representé par les peintres.

Pour fin, il disoit force choses dont il s'en fust bien passé, mais c'estoit plus par jaserie & gaudisserie que pour autres choses de mal.

Quant à moy, je l'ay pratiqué fort familièrement l'espace de trente ans ou plus, je puis dire qu'on ne luy eust sceu rien reprocher de grossiere foy.

Il estoit tres-bon François, & point ingrat à la France, qui l'avoit eslevé & nour-

nourry. Un jour la Reyne Mere me faisoit cet honneur de m'en oüir parler aussi, mais entr'autres paroles, elle me dit ces mots propres, qu'il estoit homme de bien & tres-loyal & bon François. S'il eust vescu nous n'eussions (si crois-je) tant de guerre en France qu'avons eu. Son ambition a esté tousjours de l'oster de France & la traifner ailleurs, non qu'il hayffe autrement l'Espagnol, encore qu'il en eust quelque sujet, à cause de la mort des siens, mais il vouloit oster le venin & la contagion de la France.

Il estimoit fort la nation Espagnole, & sur tout les soldats, il en faisoit grand cas, & loüoit fort leurs valeurs & leurs conquestes, & pour ce prenoit-il plaisir d'avoir affaire à eux.

Il y a force Espagnols qui lui ont voulu mal, pensant que ce fust leur ennemy mortel. Ils se trompoient, car il ne l'estoit point, il aymoît trop leur valeur, leur façon de faire, & sur tout leur gloire & leur superbeté & leur langage, & cent fois m'a dit qu'il eust voulu avoir donné beaucoup & sçavoir parler Espagnol comme moy.

Jamais pauvre soldat Espagnol ne s'adressa à luy demander la passade, qu'il ne luy ayt donné de bon cœur.

Pour.

Pour fin, ils l'ont tué & se sont éjouis de sa mort, non pour mal, comme j'ay dit, qu'il leur voulust de son naturel, mais qu'il luy plaisoit de faire la guerre à une nation si belliqueuse, il me l'a dit souvent. En son combat naval il fut très-mal assisté. Lors qu'il vit venir à soy l'armée que conduisoit le Marquis de Sainte-Croix, il eut telle envie d'aller à luy plustost que le Marquis à luy, qu'estant son navire lourd & mauvais voilier (car c'estoit une grosse Hurque de Flandres) il s'en osta & se mit dans un vaisseau plus leger, où estoit Monsieur de Beaumont, Lieutenant de Mr. de Brissac, & avoit esté son Gouverneur, & sans autrement temporiser vint cramponner l'Amiral & combattirent main à main longuement; mais estant blessé d'une grande mousquetade à la cuisse & assez près de genouil, ses gens s'en effraierent: & se mirent à ne rendre plus de combat; si bien que l'Espagnol entra dedans fort aisément; & s'estant saisi de luy le menerent au Marquis de Sainte-Croix, qui l'ayant veu en si pitieux estat, dit, qu'il ne feroit qu'empescher & ensaillir le navire & qu'on le parachevast; ce qu'on fit, en luy donnant deux coups de dague & le jettant dans la mer.

Voilà la fin: en Quoy faut noter le malheur

heur de ce pauvre Seigneur, que luy, qui l'espace de vingt ans s'estoit tousjours affectionné à avoir quelque bon navire sur mer, qu'il envoyoit ordinairement busquer fortune (& de fait je luy ay veu de bons & beaux vaisseaux, qui luy ont rapporté quelque profit,) qu'à ce voyage & entreprise de telle importance il ne se fust équipé d'un plus beau & meilleur pour la guerre que cette grosse & vilaine Hurque, plus propre pour la marchandise que pour un combat, si bien qu'il en fallut emprunter un autre à l'improviste, & s'y jeter dedans, lequel estoit bon & joly, & assez grand, mais non pas suffisant pour attaquer cet Amiral superbe Espagnol.

L'autre malheur de luy c'est, qu'ayant fait à sa poste choix de ses Capitaines & de ses gens, tant mariniers que soldats; ainsi qu'il luy avoit pleu, tant parmy les bandes que parmy les ports, il fut si mal servy & secouru d'eux, que nul ne lui assista que le Comte de Brissac. Mr. de Guise & moy en fîmes un jour le discours dans une allée de son jardin à l'hostel de Guise. Il y en eut un qu'il avoit choisi pour un de ses grands amys & confidens, le preferant à une infinité d'autres qu'il avoit, qui fut blasmé de l'avoir si mal secouru, & pour ce en fut mis en prison, &

accu-

accusé par la Reyne mere & par Madame la Comtesse de Fiesque, sa cousine, qui ay-
moit fort son cousin, sage, vertueuse &
genereuse Dame, s'il y en a eu de nostre
temps, & luy grevoit fort de l'avoir veu
ainsi perdu par faute de secours, cet accu-
sé estant en grande peine & danger de la
vie; sans qu'aucuns disent que son inno-
cence fut verifiée.

D'autres disent que la faveur luy ayda
fort, je m'en rapporte à ce qui en est. Si
l'ay-je veu pourtant en de bonnes affai-
res, où il n'y a jamais refusé combat,
mais tres vaillamment y est allé, &
en a rapporté glorieusement des mar-
ques.

Il y en avoit aucuns qui accusoient ledit
Mr. de Strozze, pour n'y avoir appelé
d'autres de ses plus grands amys, & tres-
approuvés en fidelité & en valeur, com-
me le jeune Lansac, lequel certainement
il appella au commencement & le mit
en grands frais; mais estant vers Bour-
deaux il lui forma quelque querelle d'Al-
lemagne, aucuns disent venant de luy,
d'autres de la Reyne mere, d'autres du
Mareschal de Matignon, d'autres du
Roy. Tant y a, que ledit Lansac le vou-
loit faire appeller pour se battre avec luy;
mais cela fut interrompu, & puis Mr. de
Strozze fit voile sans luy.

Cer-

Certes ce Seigneur Strozze avoit reputation de n'estre mauvais ennemy ny bon amy ; aussi il me le fit paroistre là-mesme comme à Lansac, car tout ainsi que je l'avois accompagné en la pluspart de ses guerres & voyages, & en France & hors de France, vingt-cinq ans & plus, je ne me voulus retirer de celuy-là, luy m'en ayant prié & me presentant bonne part de sa fortune, & continuation de son amitié.

Dont pour ce estant sur le point de me marier en un bon lieu, qui m'eust rendu pour le reste de mes jours plus heureux que je ne suis, je rompis expressement le mariage, & ainsi que je m'en allois tout droit le trouver à Bourdeaux je trouvois qu'il y avoit pas quatre jours qu'il m'avoit donné le coup de pied de mulet & fait le tour d'un amy ingratissime.

Le discours en seroit long si je le voulois mettre par escrit, suffira le monde de sçavoir que s'il ne m'eust usé de ce trait, sa mort m'eust esté insupportable, ou si je l'eusse suivy, pour le seur je fusse mort avec luy.

Je ne l'avois jamais deseparé d'un seul pas aux factions où il estoit, sans avoir jamais eu de luy bienfait ny plaisir, maistelle estoit mon humeur & de l'aymer;

mer ; force Capitaines & soldats , qui vivent encore aujourd'huy , le sçau-
roient bien dire.

Voilà donc ce pauvre Seigneur mort,
aussi homme de bien qu'il en sortit ja-
mais de sa nation ny de sa ville de Floren-
ce , comme j'ay dit ; il n'avoit que cela de
mauvais qu'il estoit le plus froid amy
que l'on vit jamais.

Un peu avant qu'il entreprist ce voya-
ge par le commandement de la Reyne,
il fut prié & pressé de se defaire de son
estat de Colonel, luy alleguant qu'il ne
pouvoit tenir les deux estats de General
en cette armée & de Colonel en France.
Ce fut une parole qui luy fut ennuyeuse à
l'ouïr & aigre à la cracher. Toutefois
le Roy desirant faire Monsieur d'Esper-
non grand & le gratifier de cet estat , au-
quel il aspiroit plus qu'à pas un de la
France , ledit Monsieur de Strozze fut
contraint de le laisser , à son tres grand
deplaisir , car je sçay bien ce qu'il m'en
dit alors , & qu'il mourroit à cette en-
treprise , où bien qu'il auroit un estat
plus grand que celuy-là , & que nul n'o-
seroit jamais penser de luy oster n'y d'y
vouloir entreprendre.

Le Roy luy donna cinquante mille
escus pour recompense , lesquels il con-
vertit en l'achat de Bressuire en Poitou ,
&

312 MEMOIRES DE
& ç'a esté ce qu'il a jamais laissé, luy & son pere, de tant de biens qu'il porta en France & à son service, car j'ay ouï dire à plusieurs, que lors qu'il y vint il avoit un million d'or, ou en banque, ou en meubles & joyaux, ou en argent monoyé, jusques à la librairie.

Mr. D'ESPERNON.

VOilà maintenant Mr. d'Espéron Colonel de France, de la façon que j'ay dit, & comme l'ayant aussi tres-bien mérité, fust au temps fust après.

De décrire maintenant ses valeurs & ses faits, ce seroit une chose tres-vaine & superflue à moy que de m'y amuser, veu qu'ayant été un favory de Roi le plus grand que jamais Roy de France ayt eu, jusques-là que je l'ay veu que l'on ne l'appelloit à la Cour que Mr. simplement, comme fils ou frere de Roy, bien que Mr. d'Alançon vesquist. Ne seroit-ce pas à moy superfluité donc d'en faire des discours, puisqu'il est vray-semblable, qu'ayant esté si grand & tenu tel rang, qu'il n'ayt obligé pour le mois quelque bon escrivain qui ayt escrit ou escrive & publie ses louanges, ainsi que j'en ay veu quelques livrets, qui ne sont pas mal faits, qui sont beaucoup pour luy & le
nous

nous font connoistre pour tel grand personnage qu'il est.

D'autres ont esté faites contre lui, mais les auteurs (ce dit-on) ont un peu parlé par passion, & ne faut pas croire quelquesfois ce que l'on dit & écrit par médisances, comme celuy que l'on fit de lui, qui fut le Gavaillon, & l'autre, dont l'on en fit une risée, car estant fait nouveau Gouverneur de Provence, il alla pour y mettre ordre, d'autant que la ligue se troubloit un peu. Il se fit un livre à Paris par mocquerie de luy, qui se vendoit devant le Palais & parmy les ruës, comme l'on en voit des crieurs & vendeurs de plusieurs autres, & s'intituloit ledit livre, *Les hauts faits, gestes & vaillances de Monsieur d'Espernon en son voyage de Provence.* Le titre le chantoit ainsi, & estoit tres-bien imprimé, mais tournant le premier feuillet & les autres ensuivant, on les trouvoit tous en blanc & rien imprimé.

Les curieux, tant amys qu'ennemis, dudit Sieur d'Espernon accouroient ausdits petits crieurs & porteurs de livres, pour voir ce que c'estoit, & en acheterent, lesquels voyant le titre déboursioient de leurs gibbecieres pour en faire l'achat.

Aucuns en voyant ce titre, & puis en
Tom. IV. O *tour-*

tournant le feuillet & n'y voyant rien , se courrouçoient contre les vendeurs, disant qu'ils estoient des abuseurs de monde de montrer par l'apparence du titre du livre & rien dedans, & eux pour excuse respondoient, Aussi na-t-il rien fait, Monsieur, pourquoy voulés-vous qu'on en imprime rien.

D'autres, se contentant de la premiere inscription sans regarder dedans, y mettoient leur peu d'argent, & eus arrivant à leur logis, pensant faire quelque belle lecture après dîner, y trouvoient blancs, & bien faschés d'avoir si mal employé l'argent de leur beaudrier, aucuns se mocquoient d'eux mesmes.

D'autres plus raquedenases se dépittoient & maudioient & Mr. d'Espernon & son livre, & ses gestes, d'y avoir mis & employé si mal leurs pieces, qu'ils eussent servy d'ailleurs. Si est-ce que nonobstant cette blanque plusieurs luy donnoient reputation d'y avoir pris une place inexpugnable, comme Lor ges, au milieu de l'hyver, des pluyes, de glaces, & des neiges, & monté & planté son artillerie pour faire sa baterie en un lieu si inaccessible, que c'est tout ce que pourroient faire les chevres que d'y aller, & la prit pourtant, mais avec per

te de force bons & honnestes hommes, tant Gentils-hommes que Capitaines & soldats, à la barbe d'un des braves & vaillants Gentils-hommes que j'aye connu, qui estoit Mr. de Vins, qui lui donna bien des empeschemens, & luy en eust biendonné d'avantage s'il eust vescu.

En son second voyage, qu'il a fait après la mort de son frere Mr. de la Valette, encore qu'il ait trouvé de braves & vaillants hommes, qui luy ont bien fait teste, l'ayant empesché de prendre les meilleurs villes du pays, que s'il les eust peu empieter il ne les eust pas desmorduës aisement, pour lesquelles attrapper il n'y a rien oublié de toutes les sortes d'industries ny de mains car il fit entreprise sur Marseille de nuit, par les moyens des petards & quelque petite intelligence qu'on le disoit avoir dedans.

Aucuns disoient & croyoient que ce n'estoit que vaine ostentation, qu'on disoit l'avoir entrepris, & qu'on dit après & publia-t-on par la France, que Monsieur d'Espernon avoit esté à tenter avec deux mille hommes sur la plus renommée & forte ville de la Gaule de temps des Romains & autres Empires & Regnes, & que de nos temps Monsieur de Bourbon & le Marquis de Pescaire, si grands & excellents Capitaines,

avoient failly, voire l'Empereur Charles en son voyage de Provence.

Voilà comment le monde discouroit sur cette entreprise vaine de Mr. d'Espernon, la tenant pour vaine.

D'autres disoient & affirmoient qu'il s'estoit armé de bon & à bon escient, & que sans un petard, qui tarda à venir, la ville estoit sienne, car déjà elle estoit toute en peur, je m'en rapporte à ce qui en est. Une autre belle expedition qu'il a faite, c'est cette citadelle, ou plustost Bastille, ou forteresse, ou blocus, (on l'appellera comme on voudra, car c'est pervertir autrement le nom de citadelle qu'il le veut bien déchiffrer) qu'il fit devant Aix, car voyant ne la pouvoir avoir par force, à cause du peu de gens qu'il avoit, pour expugner & assieger une telle place, où il y avoit tant de gens de bien, d'honneur & de valeur dedans, il s'avisa d'y bastir & construire une citadelle, pour les tenir en bride, les affamer, & faire venir à composition; & de fait la batit à leur barbe, nonobstant les belles sorties que tous les jours ceux de dedans faisoient sur les siens: œuvre certes tres-admirable, & qu'un plus grand & plus puissant que lui n'eust sceu faire, & si ce grand Empereur Frederica esté loüé & admiré pour avoir

avoir basti une telle bride devant Parme, & l'appella *Victoria*, comme nous trouvons par escrit, il faut dire de mesme que cet œuvre de Mr. d'Espèrnon a équipollé & parangonné à luy d'un des grands Empereurs & braves, qui avoit esté depuis Charlemagne jusques à luy: & ce qu'il faut admirer est que dès le commencement de cette forteresse il y fut très grièvement blessé, car ainsi qu'il étoit une après-dinée retiré dans une tente, & qu'il jouoit pour passer le temps avec quelques Gentils-hommes, il fut tiré de la ville un coup de couleuvrine, pensés par le rapport de quelque bon espion, qui luy emporta deux Gentils-hommes auprès de luy, dont l'un fort son amy, (quel secret de Dieu!) ayant la cuisse emportée & le bras, des os qui en sortirent vinrent donner contre le ventre & la cuisse dudit Mr. Espèrnon, qui le blessèrent tellement qu'on le tint pour mort long-temps; mais après il fut si bien secouru qu'il en est reschappé: & nonobstant sa blessure, jamais ne cessa sa fortification, & commanda de la continuer, tellement qu'il la mit en peu de temps inexpugnable & logeable de plus de douze cens hommes, tant à cheval qu'à pied, qui ordinairement donnaient si grande fatigue à ceux d'Aix que

la ville s'en alloit à sa mercy sans la revolte qui sourdit en la Provence , tant du costé de la Noblesse que du peuple , & sans que se remettant à l'obéissance du Roy , aviserent d'appeller Mr. d'Esdi-
guieres, un des grands Capitaines qui soit aujourd'huy en France , sans faire tort aux autres, ainsi que j'ay ouï dire à de plus entendus que moy , & que les faits le montrent encore mieux, comme j'en parle en sa vie , & nul qu'un seul Mr. d'Esdi-
guieres pouvoit faire ce coup, & nul disoit-on que Mr. d'Esdi-
guieres se pouvoit opposer à luy , ny à l'affronter ny faire songer à sa conscience ny abaisser sa cupidité & ambition. Aussi à bon chat bon rat, ce dit-on.

Veu les hazards qu'a couru ce Monsieur d'Espernon , il y a plusieurs gens qui ont opinion qu'il soit feé, ou qu'il ayt un Demon ou esprit familier qui le guide , car estant haï en France plus qu'homme qui fut jamais favorý du Roy , (si crois-je) il a esté guetté , cavale , vendu , attenté & conjuré en toutes façons , & blessé , & pourtant eschappé jusques icy.

Il fut fait une entreprise sur luy à Angoulesme , aussi-bien traînée qu'il en fut jamais , mais les executeurs ne firent rien qui vaille , & au lieu de le charger
s'a-

s'amuserent à piller son cabinet & ses habilemens & les jetter dans les fenestres.

Il y demeura deux jours & deux nuits dans le chasteau assiegé , tellement que luy & les siens n'avoient de l'eau pour boire , si bien qu'aucuns des siens, comme je leur ay ouy dire , furent contraincts de boire de leur pissat, & tous s'en alloient mourir de soif, (mort de Roland) sans que les assiegeans se mirent à capituler & faire composition d'abolition du tout , mais depuis ils l'ont bien payé.

Au bout de quelque temps après , tournant de son Gouvernement de Boulogne, & passant vers Monstreüil, il desfit la garnison de cheval de là fort heureusement, & en prit prisonnier le Gouverneur & force autres Gentils-hommes avec luy , & venant passer & loger à Corbie, où estoit Monsieur de Longueville , Lieutenant General pour le Roy en toute la Picardie , mondit Sieur d'Espernon ne sçachant pas, ou ne se souvenant, ou du tout ne voulant point, ne presenta ses prisonniers audit Lieutenant General , comme la raison vouloit. A quoy Monsieur de Longueville, Prince d'honneur & de merite , se sentant pique les luy envoya demander ce

soir, lesquels lui estant refusez de l'autre, Mr. de Longueville fait mettre tout le monde en armes, & bons corps de garde & barricades devant le logis de Mr. d'Espéron, qui eut sujet de dire, comme il a dit depuis à ses amys, que jamais il n'eut si belle peur, ny pensa mieux mourir que là. Mais enfin Mr. de Longueville, comme Prince bon & courtois à la mode de Mr. son père, qui l'estoit s'il en fut onques, se contenta de quelque honneste satisfaction, n'avisant pas tant à la convoitise ny au profit, si bien que le tout s'appaisa & Monsieur d'Espéron sortit dès le lendemain matin de la ville, bien aise, il ne le faut pas demander.

Voilà un grand hazard pourtant, que s'il eust eu affaire avec un homme turbulent, rapineux & sujet à la pince & à l'avarice, je sçay qu'il n'en eust pas esté quitté à si bon marché.

Je ne sçay comment ils en font & s'ils font tousjours en querelle, mais plusieurs disent que Mr. d'Espéron ne luy doit rien demander, puis qu'estant en son pouvoir ne luy ayant fait mal ny déplaisir, & luy en pouvant faire, s'en estoit allé ainsi.

Je m'en rapporte aux grands Capitaines duellistes, qui ont là assez ample sujet pour

pour s'y esbatre de paroles. Ce Seigneur eschappa là pourtant un grand hazard.

Il a esté aussi souvent blessé & fort grandement, & mesme à Pierrefont, d'une grande arquebusade à travers les machoires, dont il n'y avoit ordre qu'il reschappast, non plus que d'un grand Cerf en son rut, qui luy donna des cornes à travers le corps & le porta à demy mort par terre.

Force autres blessures qu'il a eues, & de frais à la fougade de Brignolles, qui a esté une grande eschappade & hazard, dont il en est eschappé fort heureusement, & par la grace de Dieu & par la bonne main de Monsieur Sourlin, qui est Prevost des bandes Françoises & un des meilleurs Chirurgiens de France, tres-heureux à l'endroit de Mr. d'Espéron & pas tant à d'autres.

Voilà pourquoy on ne sçavoit oster de l'opinion de plusieurs qu'il n'eust quelque Demon qui le tint par la main, tant pour la vie que pour les biens, faveurs & grandeurs, car il a eu du Roy son maître tout ce qu'il a jamais voulu : touchant l'or & l'argent qu'il en a jamais tiré, le monde en dit tant que je n'en puis croire la moitié.

Quant aux places & terres, il n'a jamais eu qu'Espéron & Fontenay,

& depuis peu Vilebois & autres terres de Mr. de Montpensier en Angoumois, qu'il a achetées à ses propres deniers , & non de ceux du Roy , comme Espernon & Fortenay , & n'a voulu faire comme un feu Monsieur le Connestable, Mr. le Marechal de Saint-André , Marechal de Rets, Matignon & autres favoris de Roys, qui se sont plus delectés à avoir & acquester de belles places : mais celuy-cy s'est avisé d'une cabale d'oëconomie , à laquelle les autres n'avoient jamais jetté l'œil , comme on disoit à la Cour, car luy détestant toutes ces possessions, Domaines, proprietez, ny territoires , il s'est fait donner force beaux Gouvernemens, qui luy valoient plus que tous les acquests du monde qu'il eüst iceu faire.

On l'a veu pour un coup avoir le Gouvernement de Mets & pays Messin , de Bologne & Bolonnois, & de Loches, du Marquisat de Saluces, de Provence, d'Angoumois, Xaintonge, Aunis Touraine, Angers, & de la Normandie : celuy-là il ne le garda gueres, il le donna à Mr. de Montpensier, dautant qu'il n'appartenoit de tout de temps qu'au Dauphin de France , & luy faillant & autres fils de Roy, appartenoit de tout temps à un grand Prince du sang.

Ledit

Ledit Mr. de Montpensier disoit alors, Mon maistre, ce morceau est trop gros pour vous, il vous estranglera si vous vous meslés de le vouloir avaler. Aussi le quitta-t-il.

Or je vous laisse à penser comme il a peu faire valoir le talent de tous ces Gouvernemens : aussi ont-ils esté cause du maintien de son estat & de sa grandeur, & si que possible sans iceux le Roy son maistre, qui l'avoit tant aymé & eslevé & puiss'en estoit rafroidy, luy eust fait un mauvais tour, ainsi que le bruit de la Cour & de la France en trottoit ; & si ces Gouvernemens luy ont fort servy, l'estat de Colonel l'a fondé encore mieux ; d'autant qu'il avoit sous luy tant de compagnies à sa devotion & tant de soldats, il les mettoit, il les estoit, les defaisoit, les renouvelloit, les transmuoit, les transportoit où bon luy sembloit, en dispoisoit à sa volonté, les jarroit aux garnisons, faisoit des loix, comme il vouloit, nouvelles, observoit les vieilles, ainsi qu'il voyoit luy estre utiles, fit eriger cet estat en Officier de la Couronne de France, ce qui n'avoit jamais esté fait, & a esté le premier qui fit ce coup ; & qui plus est, il estoit mieux ordinairement accompagné que le Roy mes-

O 6

me,

me, car il avoit à sa suite plus de Capitaines en chef, plus de Lieutenants, d'Enseignes, de Sergens de Capitaines entretenus de payes reales; bref, qu'estoit-il question de voir plus belle suite & compagnie que d'un tel Colonel, qui le vouloit ainsi & le commandoit expressément.

J'ay ouy dire qu'au Camp de Jalon, lorsque le Roy François manda querir ses vieilles bandes du Piedmont, pour faire teste à l'Empereur, qui vouloit descendre en Champagne, Monsieur de Tais vint faire la reverence au Roy fort pompeusement, accompagné de toutes ses bandes & Capitaines victorieux, triomphant de cette dite memorable bataille de Cerisoles, où il y en avoit grande quantité; car il y avoit vingt-quatre ou vingt-cinq Enseignes, je vous laisse à calculer combien il y pouvoit avoir de Capitaines, tant en chef qu'autres membres & Capitaines entretenus, & Dieu sçait quels hommes, tous carrés de Princes, voire de plus; admira fort cette troupe, & dit après, Foy de Gentil-homme, voilà le plus bel estat de mon Royaume, & aussi suffisant pour se faire accompagner, craindre & respecter, & m'estonne beaucoup de mes petits sots fats Princes de

de mon Royaume , qui font tant des grands & des glorieux, n'y ont jamais aspiré , qui se serviroient d'eux & de leurs moyens pour avoir des gens à se faire suivre, craindre & respecter, au lieu d'à mes despens , & qui ne leur coustant rien du leur , feroient tousjours mieux accompagner que moy , & par ainsi espargneroient le leur pour l'employer mieux pour leur service. Je ne sçay s'ils le font pour craindre ou pour espargner leur peau, car l'estat est fort hazardeux, mais pourtant ils en feroient bien-heureux honorez , & respectez , & font de petits fots qui le dédaignent.

Je ne sçay si Mr. d'Espernon avoit pris langue de là, mais je trouve, & d'autres avec moy, qu'il ne fit jamais mieux que de se pourvoir de cet estat, qu'il n'a voulu pourtant jamais démordre, quelques sollicitations que le Roy d'aujourd'huy luy en ait faites, desirant gratifier Monsieur de Chastillon.

Davantage , que le Roy disoit que Monsieur d'Espernon ne s'y rendoit pas sujet , & qu'il s'amusoit trop aux autres plus grandes charges qu'il avoit touchant ses Gouvernemens, car quand tout est dit, le plus souvent qu'il l'a exercé il estoit & Lieutenant General & Gouverneur & Colonel , exerçant tous les estats

estats ensemble, & s'en acquittant très dignement avec cela & vaillamment, & on ne luy scauroit reprocher qu'il ne fust très brave & vaillant, & avec cela fort accompli & universel en tout, tant pour la Cour que pour la guerre, pour affaires d'Estat, pour finances, pour discours pour gentilleses, pour les Dames, pour l'amour, pour plaisir, que pour tout, & bien que ceux qui voudroient escrire, ont ample matiere & bien blanche carte, qu'ils la noircissent bien s'ils veulent.

Quant à moy, pour ce coup je n'ay plus à parler pas plus outre, pour ne luy faire obligation à n'en dire bien ny mal si est-ce que sa vertu me contraint à dire cecy en passant. Parquoy je fais fin à nostre discours de nos Colonels de France, on les voit là tous jusques icy qui ont esté depuis leur premiere institution.

S'ensuit de parler des Colonels de Piedmond qui ont esté, lesquels je déchiffreray le plus promptement & brievement que je pourray, afin de ne traîner tant cette besogne, qui possible pourroit ennuyer à plusieurs.

MONSIEUR DE BONNIVET.

Monsieur de Bonnivet donc, comme j'ay dit, après la cassation & le desappointement de Mr. de Tais, fut fait Colonel des bandes du Piedmont. Encore qu'il meritoit beaucoup, une Dame lui ayda grandement, & du tems du Roi Henry une autre Dame aussi, comme j'ay dit ailleurs. Il estoit tres-beau, de sorte que quand on parloit de lui, on disoit toujours le beau Bonnivet. Il estoit de fort bonne grace, & tout luy seioit bien en tous ses exercices & actions.

J'ay ouy dire à la Reyne mere, qui me faisoit cet honneur de m'adresser quelquesfois sa parole, que le feu Roy Henry avoit esté en sa jeunesse un des meilleurs sauteurs de la Cour, & mesmes au plein saut, & que nul ne luy tenoit pied que Bonnivet, & ne se pouvoient vaincre l'un l'autre de deux doigts, quelquefois l'un & quelquefois l'autre, selon que les hommes sont journaliers, & mesme qu'ils se plaisoient fort à sauter des fossez de vingt deux & trois pieds, qu'ils franchissoient souvent, & ledit Bonnivet s'y fût noyé vne fois dans un plein d'eau, sans que le Roy son maistre le sauva.

Pour

Pour fin il estoit de son temps des galands de la Cour. Lors qu'il alla en Piedmont plusieurs eurent opinion qu'il ne pourroit estre le tres-bien venu parmy les Capitaines & soldats, dautant qu'on le tenoit par trop dameret, & plus propre pour la Cour & les Dames que pour la guerre & l'Infanterie, mais il n'y fut pas pluſtoſt qu'il s'y fit bien fort aymer, & gagna fort le cœur de ſes ſoldats & Capitaines, car il s'y rendit aſſez familier & compagnon, non qu'il leur en laiſſaſt paſſer une ſeule à ceux qui failloient en leur devoir & aux ordonnances, car il y eſtoit fort ſevere quand ils y delinquoient, au demeurant il eſtoit fort liberal, il tenoit ordinairement tres-bonne & longue table, bien garnie à tous venans, car c'eſt ce que le ſoldat demande, & puis ordinairement tables & dez de Colonels, aucuns diſoient tables de Capitaines. Il avoit avec luy force Capitaines entretenus, & Dieu ſçait quels. Il eut au commencement deux membres de ſa Colonelle, Vilemagne & Tais, couſins, braves gens & ſur tout grands piaſſeurs, & meſmes Tais, qui longtems avoit pratiqué parmy les Eſpagnols, & en parloient la langue comme le Gascon, d'où ils eſtoient. Coſſains me l'a conté ainſi, & pour ce je luy faiſois la guerre quelquefois d'avoir appris d'eux

d'eux à être ainsi grand piaffeur & brava-sche sur tout.

Ce Colonel estoit fort soigneux & pressant à faire faire souvent monstre & tres-bien payer ses gens ; aussi ne voyoit-on rien si brave , si bien en point ny si Gorgias , (ils ufoient de ce mot alors parmy les soldats du Piedmont) car quant à leurs armes , elles estoient la plus-part dorées & gravées , pour les accoustremens ce n'estoit que tout soye d'ordinaire.

J'ay ouï dire à un Capitaine , qui n'estoit que soldat, que pour venir en Guienne avec Monsieur le Connestable pour la gabelle , on vit pour un coup au Capitaine la Chasse , Gentil-homme Provençal , cinquante soldats , qui tous avoient le bonnet rouge ou de velours ferré doré avec la chaisne au col faisant deux tours , avec le fourreau , & l'écharpe de velours , ainsi parloit-on , car c'étoit une grande chose que d'avoir telle chaussure & le fourreau.

J'ay ouï dire que pour un premier jour de May un Caporal de la Colonelle , nommé Albert , comparut le matin à la Messe habillé tout de satin verd , & ses bandes de chausses toutes ratachées de doubles Ducats , d'Angelots & Nobles , jusques à ses souliers.

Aussi

Aussi j'ay ouy dire qu'en la Colonie de Mr. de Bonnivet (car il n'en qu'une) il s'y est trouvé quatre vin-
corcelets de Milan, tous gravés & i-
rés aux Enseignes, qu'à la teste de
compagnie marchaient Mr. de Pien-
les Comtes de Charny & du Lude, &
tous pour plaisir avoient pris l'arqueb-
& entroient en garde & faisoient la
ction, afin d'apprendre en jeunesse po-
se faire capables après, ainsi qu'ils
esté, & celuy qui m'a fait ce co-
c'estoit un soldat, depuis Capitaine,
nostre terre de Bourdeille, qui alors
toit soldat tres-signalé de cette com-
gnie & fort avantage, qui faisoit le q-
trième avec ces trois Seigneurs. Bre-
n'y avoit que pompe & gorgiasse par-
les soldats du Piedmont alors, si bien q-
j'ay ouy raconter à plusieurs, qui étoient
tant Courtisans, Capitaines que solda-
que quand ce grand Roy Henry alla fa-
son entré parmi toutes les villes du Pie-
mont, qui estoit une belle chose alle-
loin chez soy sans passer ny s'engager
terres d'autrui, l'on ny vit rien si brave
si bien en point qu'étoient les Capitain-
& soldats, qui se trouvoient aux entrées
chacun pour recevoir leur Roy, qui, b-
Prince & magnanime & magnific-
qu'il estoit, se pleût fort en tel specta-

& en admira ses gens; mais Mr. le Conestable dédaignant la superfluité par trop grande, le montra au Roy & avisa d'en faire plusieurs retranchemens sur les payes, les abaisser & gagner quelques jours sur les mois, bref, y faire quelques petits anicrochemens, si bien que du depuis on y trouva un peu à redire d'auparavant, mais non pas qu'il y parust gueres, car certainement il a fait tousjours beau voir ces compagnies, & mesme quand elles vinrent en Guyenne pour cette gabelle, que passant par la France on avoit accoustumé d'en voir de si belles qu'un chacun en entroit en admiration: aussi servirent elles beaucoup à rendre le peuple rebelle obeïssant à son Prince, & Mr. de Bonnivet les mena tousjours. Il ne prenoit pas plaisir de voir les querelles & supercheries parmy ses troupes, & se plaisoit à les accorder, au moins les Capitaines, & s'ils ne se vouloient accorder & le croire, il leur permettoit le combat à part, ou sur le pont du Pau, ou en quelque autre lieu à l'escart qu'ils eussent voulu, ou bien luy-mesme les faisoit battre devant luy, & après s'estre tiré trois ou quatre coups d'espée du moins ou plus, comme il croyoit estre besoin, & que chacun des combatans se pouvoit contenter, & après mieux s'accorder,

der, mettant la main à l'espée & en criant, Hola, hola, & se mettant entre-deux les separoit, ayant introduit cette coustume, que quand on crioit ces hola de Piedmont, & que c'estoient Capitaines d'autorité, il falloit s'arrester sur la peine de la vie.

J'ay ouï encore raconter, que le Capitaine la Chasse, que j'ay cy-devant nommé, eut une querelle contre le Capitaine Riolas, Gascon, gentil soldat, que l'ay veu depuis suivre Mr. de Guise, qui l'aymoit fort & se servoit de luy en fidelité. Il fut fort blessé au siege de Rouën. Leur differend fut à cause de la Noblesse, Riolas disoit qu'il étoit Gentil-homme comme luy. La Chasse luy respondit que certes il estoit Gentil-homme, à cause de son espée qu'il avoit au costé, dont il s'en estoit tousjours tres-bien prevalu & acquitté, mais avoir ce point sur luy qu'il estoit Gentil-homme de race & de l'espée & tout, dont un chacun ne peut ignorer. Ils ne se peurent sur cela nullement accorder, & salut qu'ils se batissent & missent la main à l'espée devant Monsieur de Bonnivet, & après avoir tiré quelques coups, il mit la main à l'espée, & criant hola, il les separa, & puis les mit d'accord. Je sceus ce conte d'un Capitaine de foy.

De

De raconter les vaillances de ce Colonel, je m'en remets aux vieux Capitaines & soldats qui ont esté sous luy. Je diray ce mot, que Paradin, qui a esté de nostre temps, pour le bien louer dit qu'un jour il parut sur un bastion, estant assiégué dans Saint-Ya, avec un bouclier Barcelonnois & l'espée au poing, & y demeura long-temps planté, en contemplant la contenance des ennemis, sans jamais en bouger, jusques à ce que ses gens l'en ostassent.

Voilà bien loué un Colonel, car & pour cela quelle plus grande vaillance y a-t-il estre en cette posture & bute & ne combattre rien, sinon avec son espée trancher le vent & faire le moulin & crier ça ça.

On a veu de simples soldats, voire des pionniers & goujats, en faire de mesme. Voilà pourquoy il y a des gens desquels vaudroit mieux estre blasmé que loué, tant sçavent-ils louer mal; il eust mieux valu qu'il l'eust loué en disant comme il s'alla bravement & résolument jetter dans cette place: Aussi avoit-il avec luy de tres-bons confidens, qui estoient Ludovic de Biragues, le Capitaine Moret, Calabrois, & Thebellet Bedaine, Albanois, tres-bons Capitaines & des meilleurs du monde de ces gens de pied,

omme à Monsieur de Montluc & à plusieurs autres, par tout où il s'est trouvé il tousjours bien fait.

J'en ay ouï dire , & en Piedmont & en France, tant de biens de luy; qu'on ne le sauroit assez louer. Son malheur pour luy a été qu'il n'est mort en Piedmont ny aux factions, où il avoit souvent employé & hazardé sa vie.

Ainsi sont morts une infinité de braves Capitaines, tant du vieux temps que du nostre. Ainsi mourut Pompée, ainsi Cesar, ainsi Alexandre, bref, plusieurs anciens; ainsi est mort Mr. de Brissac, General dudit Bonnivet, & sous qui il avoit bien appris & bien guerroyé, ainsi sont morts Messieurs de Termes, d'Ausson, Montluc, & un monde d'autres de ses contemporains & compagnons de guerre dudit Bonnivet, auxquels le sort n'a permis de mourir parmy les batailles & les combats qu'ils ont rendus, & les assauts qu'ils ont endurez, & aux lieux où ils se sont trouvez.

Ce Monsieur de Bonnivet donc mourut à Saint-Germain en Laye, de maladie, aussi mal visité en son mal & sa mort, que jamais homme fut, car ce fut lorsque Monsieur le Connestable étoit si déplaisant du mariage de Monsieur Montmorancy son fils, & de Mademoiselle

selle de Pienné, de laquelle Monsieur de Bonnivet estoit demy-frere, & par c Monsieur le Connestable n'en voyoit d bon cœur ny la race, ny tous ceux qu le visitoient, & le frere & la sœur qu pour quelque temps à tort fut recluse en un monastere, si bien que mal-aisément on la pouvoit voir. Son frere fut veu & visité fort peu, voire secouru, dit-on qu'il mourut autant de regret que d mal, que luy, qui avoit tant bien servi le Roy son maistre, à l'appetit de Monsieur le Connestable, qu'il avoit pour tant aydé à avancer, il n'avoit esté visité de son Roy, ny de peu de gens de la Cour. Telle a esté sa fin, telle a esté sa mort. Monsieur du Bellay en a fait un tres-beau tombeau en peu de vers, en Latin & en François; on le trouvera en ses Poësies Latines & Françaises.

MONSIEUR LE VIDASME DE CHARTRES.

A Prés Monsieur de Bonnivet fut mis en sa place Monsieur le Vidasme de Chartres, & fut Colonel general des bandes du Piedmont, comme l'autre. Il estoit digne certes de cette charge, voire d'une plus grande, tant pour le lignage & ses grandes richesses, que pour

se

ses vaillances & illustres faits, qui ont esté tels que de son temps on ne parloit que de Vidasme de Chartres, & si on parloit de ses prouësses, ou parloit bien autant de ses magnificences & liberalitez. Il fut si splendide & magnifique qu'à ses propres cousts & despens il mena au combat en Italie Artiagues, avec cent Gentils-hommes en poste, tous vestus d'une mesme parure & fort superbe, tant de la poste que du pied, & chacun une chaisne d'or au col faisant trois tours, car pour lors cela s'usoit & paroïssoit fort & en faisoit-on fort grande parade.

Cet Artiagues estoit un Espagnol, qui ayant querelle contre un autre, & ayant veu raisonner la renommée de Mr. le Vidasme, tant de ses vaillances que de ses magnificences, le vint trouver en France & le supplier de vouloir estre son parrain en un champ clos & deffi contre un autre, duquel bonnement ne me souvient du nom, pour n'avoir esté de ce temps, car j'estois trop jeune, mais pour l'avoir ouï dire à de Gentils-hommes qui estoient du convoy.

Monsieur le Vidasme, qui ne refusa onques personne de courtoisie ny de gentillesse & liberalité, accorda aussi-tost la pierre de l'Espagnol, & le mena

ainfi au combat; avec telle compagnie honorable, & luy feul fit les frais du combat, qui n'eftoient pas petits, car en telles chofes les depens y font grands & exceffifs, & bien fouvent emportent leur homme & l'abattent, comme j'ay dit ailleurs. En quoy l'Efpagnol ne fut pas sot d'avoir choifi un fi bon defrayeur & fi vaillant parrain, auffi pour lors en France, Italie & Efpagne ne parloit on que de l'appareil & fomptuofité de ce convoy & voyage.

Qu'on m'aille trouver aujourd'huy de telles perfonnes fomptueufes & liberales, & mefme à l'endroit d'un Efpagnol, aufquels il n'avoit aucune obligation comme à un François. Auffi en fit-il de mefme à Fandilles, duquel j'ay parlé au chapitre des combats. Il euft efté bien plus grand encore & euft eu plus de moyens à dépenser, s'il euft voulu espoufer une fille d'une grande Dame de la Cour, que je ne nommeray point, qui eft Madame de Valentinois.

De plus peut-on rien parler de plus liberal, pompeux & magnifique que les immenfes dépenses qu'il fit en Angleterre, lors qu'il y fut envoyé en oftage avec Meffieurs d'Aumale & d'Ancebaut, pour la paix jurée entre le
Roy

Roy Henry & le Roy Edouard. Entr'autres, il fit un festin au Roy & aux Dames de sa Cour, le plus superbe qu'il est possible d'oûir parler : les mets estoient servis tous par artifices si bien faits, representez & appliquez, qu'on les voyoit venir du ciel, lequel estoit representé ainsi dans la sale où se faisoit le festin. Cela se peut mieux dire & représenter par paroles, gestes & devisemens, que par escrit.

Quand ce vint aux fruits des confitures, ce ciel, ainsi artificieusement fait & façonné, se mit à esclairer, tonner & gresler, de telle façon & tempeste, que dans la sale on n'oyoit que tonnerres & esclairs, & au lieu de pluye du ciel & gresle on ne vit que dragée de toutes sortes pleuvoir & gresler & tomber dans la sale l'espace d'une demi-heure, & pleuvoir après toutes sortes d'eaux de senteur si bonne, si odoriferante & si souëve, que la compagnie en demeura en toute admiration de telle representation & artifice si splendide.

Le Roy Edouard s'en tint extrêmement obligé à luy, aussi l'aymoit-il autant ou plus que Seigneur de son Royaume, & le gouvernoit comme il vouloit, & luy donna ample liberté, sans aucun esgard de sa sujettion d'ostage, de se pro-

mener par tout son Royaume comme il luy plaisoit, voire jusques en Escosse & au fin fond des sauvages ; & fut par tout recueilly comme un Roy & aymé de tout le monde, tant il avoit l'esprit & la grace pour sçavoir s'entretenir avec toutes sortes de gens, car estant parmy ces sauvages Escossois, comme j'ay dit, il se fit aymer d'eux qu'il les gouvernoit comme il vouloit.

Il luy dresserent un jour une chasse generale de bestes rousses & sauvages, où ils en prirent si grande quantité que c'estoit une chose tres-estrange ; & ce qui plus sauvage estoit, comme je tiens de Monsieur de Montmorency, qui vit encore, qui le tient de mondit Sieur le Vidames son grand amy & confederé, & nous le dit en Escosse, c'est qu'après la chasse ils firent festien de la moitié de leur chasse, & la mangerent sans cuire avec du pain & toute crüe, & n'avoient seulement que de petits bastons de coudre ou autre bois, & en pressoient fort la chair, d'où en faisoient sortir le sang & en rendoient la chair si seche, que parmy eux c'estoit un tres-grand manger, & en convierent Mr. le Vidame, qui en goustâ & mangea un peu pour leur plaire, dont ils luy en firent tres-bon gré & l'aymoient tous
inf-

infiniment ; aussi par tout où il passoit il laissoit de tres-grandes marques de sa liberalité & magnificence, lesquelles si je voulois descrire tout par le menu, je n'aurois jamais fait, comme celles qu'il a employées en la Cour de ses Roys, en habits, en pompes, en esclat, en tournois, en combats, enfin en toutes gentilleses où les braves & sages Courtisans sçavent dépenser.

Quant à la guerre, il faut demander à ceux qui ont veu ses compagnies car il y a encore d'assez vivants, quelles ont esté tant ses compagnies de gendarmes, que des chevaux legers, les gens de pied que des Cornettes de General comme il a été, ainsi qu'après je le diray, comment il les faisoit beau voir : S'il y avoit quelque galand homme en France il faloit qu'il l'eust, fust ou pour combattre ou pour embellir ses troupes & pour luy lever, & l'a bien fort fait valoir. On a voulu dire qu'il l'a aymé, chery & porté pour l'amour d'une plus que tres-grande Dame, laquelle l'a tousjours aymé & porté jusques au jour de sa viduité, & donnoit-on ailleurs à ce Seigneur reputation de la servir, mais sur la fin il s'en trouva mal.

Il faut passer cela pour dire qu'au siege de Mets ce Seigneur se fit fort remar-

quer par les sorties qu'il y fit , & mesme en une qu'il fit sur les Allemans du costé du Pont aux Mores , laquelle se trouve par escrit en l'histoire de nostre temps : si faut-il que j'aïlle en rememorer une , à cause du stratageme gentil, dont il usa ainsi que le camp de l'Empereur deslogea de l'à-devant & se retiroit avec tres-grande perte , misere & confusion , car ayant fait mener quelques barques sur le grand chemin de Thionville , & luy s'estant accommodé avec quelques autres en passager , luy qui sçavoit parler Espagnol comme son François , & de ce temps rarement parmy nous ce langage estoit peu commun , comme pauvre battelier convioit ces pauvres soldats Espagnols de passer la Moselle , leur faisant accroire que le Duc d'Albe l'avoit là envoyé & commis pour leur passage. Ces pauvres gens las & harassés le creurent , comme il estoit aisé , & aussi qu'ils eussent pris tels partis qu'on leur eust présenté, tant ils en avoient besoin , ainsi en passa-t-il pour le moins trois cens , ayant mis sa compagnie en embuscade de-là l'eau , & après ayant fait le signal à l'impourveu , furent tous investis , mais à tous il leur fit mercy & grace & les envoya tous bague sauve avec l'espée fors l'arquebuse , & n'en retint aucun prisonnier,

nier, sinon un Gentil-homme de la maison de l'Empereur, & quelque page de sa chambre, & un tresorier du Duc d'Albe, & quelques marchands d'Anvers, lesquels il mena dans la ville pour en triompher seulement, & puis les renvoya en route courtoisie & honnesteté. En quoy il fut tres-hautement loué, tant des nostres que des Espagnols, qui tous, & principalement le Duc d'Albe, luy renvoyerent par un Trompette le remerciement & mille honnestetez, & les soldats disoient tous les biens du monde de luy.

Certes ce trait estoit brave & gentil, je l'ay ouy conter ainsi à ceux qui y estoient & en ferois volontiers le long discours, mais il faut vaquer ailleurs.

Or après que ce Seigneur eut longuement servy son Roy aux guerres de France en gendarme & en cheveu-leger, c'est à dire en Capitaine de l'une & l'autre compagnie, & après en avoir eu l'Ordre de son Roy & fait pour cette cause compagnon & confrere de son Roy, voire en fort jeune âge, mais ses merites l'avoient rendu vieil & meur en cela, car son premier commencement & le plus beau fut à la bataille de Cerisoles, il s'en alla en Piedmont pour commander à l'Infanterie, y succédant

à Monsieur de Bonnavet , comme j'ay dit, là où il servoit son Roy à pied aussi fidèlement & vaillamment qu'il avoit fait à cheval tenant du naturel de Cesar, qui estoit & bon homme de pied & bon homme de cheval, ne manquant d'apporter & hazarder sa vie en tous ces lieux dangereux qu'il croyoit estre necessaires pour son service, ainsi qu'il fit au siege de Conis, pour la seconde fois assiegé des François, mais failly par deux fois aussi, comme étant place seule feée & fatale en ces pais-là contre la puissance Françoise ; aussi qui est la chose qui puisse resister au destin ! Mr. le Mareschal de Termes vint à faire perdre la bataille de Gravelines & y fut fait prisonnier , lequel avoit esté constitué par le Roy Gouverneur de Calais & pays aux environs.

Monsieur le Vidafme de Chartres eut sa place & y fut Lieutenant General de sa Majesté. Durant le temps qu'il y fut il garda tres-bien tout ce qu'on luy avoit donné en charge, & en fatiga fort l'ennemy. Il eut plusieurs fois revanche de la deffaitte de Gravelines, & de plus fit une tres-belle entreprise sur Saint-Omer , mais elle faillit, & ne tint pas à luy, il s'en faut prendre à ceux qui en furent cause.

Pour avoir ce Gouvernement & Lieutenant-

tenance generale, il quitta sa charge au feu Prince de Condé, duquel il estoit fort proche parent à cause de la maison de Vendosme, de laquelle & l'un & l'autre estoient sortis, mais l'un s'appelloit René de Vendosme, & le Prince Louys de Bourbon. La paix s'en ensuivit du Roy Henry & Roy Philippes, & la France mit bas les armes, ce qui fut cause des guerres civiles, car le François ne fut jamais qu'il n'ayma à mener les mains, si non contre l'étranger plustost contre soy-mesme. Aussi le Bourguignon & le Flamand disent de nous, que quand le François dort le Diable le berce.

Mr. le Vidame, concevant en soy ce qui à esté depuis, se rendit oizeux, & d'autant plus qu'on l'avoit veu autrefois gentil & galand Courtisan, & n'ayma rien tant que la Cour. Il s'en retira après la mort du Roy Henry son maistre, & estant en oisiveté en conjectura que grand homme qu'il estoit ne pouvoit ainsi demeurer coy, sans projetter en son profond de l'ame quelque chose de grand pour l'avenir.

Il fut soupçonné; fut à faux fut à vray, d'avoir sceu quelque chose de la conjuration d'Amboise & autres menées qu'il faisoit avec le Prince de Condé contre l'Estat; parquoy le Roy François second

estant à Fontainebleau, commanda à un Capitaine de ses gardes de l'aller prendre prisonnier à Paris & le mettre dans le Bastille.

Ce fut lors que feu l'Amiral presenta au Roy sa requeste pour ceux de la Religion, & qu'il dit qu'il parloit de la part de plus de cinquante mille hommes, & que ce grand Mr. de Guise dit en plein Conseil, Et moy avec cent mille hommes, dont j'en seray le chef, & je leur rompray à tous la teste.

J'estois alors à Fontainebleau, mais je puis assûrer que Monsieur de Guise fut autant marry de la prison de Monsieur le Vidafme, qu'aucun qui fust à la Cour, car je le vis en son souper le louer en toutes sortes de louanges. Aucuns disoient que ce Marignon ressembloit à celuy de Cesar, quand il vit la teste de Pompée, dont il s'en mit à pleurer. Si avoit-il bien servy à son siege de Mets. Une grande Dame fut fort blasmée de cette prison, qui pourtant autrefois ne luy eust usé de ce tour; mais qu'y sçauroit on faire? Quand une Dame qui a aymé vient à hayr, elle en trouve toutes les inventions du monde pour bien hayr.

Ce Seigneur demeura plus de cinq mois dans la Bastille, puis le Roy estant mort il en sortit fort malade, dont il

mou-

mourut en son logis là auprès, aussi mal content de cette Dame qu'elle de luy, & en disant prou de mal, non de mal talent aigre qu'il luy portast, mais d'un jaloux dépit, ainsi qu'est le naturel de plusieurs amans, que ceux qui ont aymé esperdûment, ne hayssent jamais à l'extrémité de l'inimitié de sa mort & de sa vie, commel'on dit.

Voila la fin de ce grand Seigneur, qui pour un des Seigneurs mondains de la Cour, se retira & se resserra si estroitement, que sur la fin de ses jours on n'eust jamais dit de luy que c'estoit ce brave Vidafme de Chartres, qui avoit esté autrefois, & bien changé de ce brave Hector, qui avoit tant paru en ce monde, & auquel de son temps, ny en la Cour du Roy ny de l'Empereur, nul n'osa comparoir pour le parangonner, fors Mr. de Nemours, le non pair pour lors de la Chrestienté, qui l'a surpassé en tout, & s'il eust eu les moyens de Monsieur le Vidafme & ses richesses, encore qu'il en eust assez, il surpassoit tout le monde ensemble. Si diray je encore ce mot de ce Seigneur Mr. le Vidafme, que luy, qui avoit servy en son temps tant de belles, grandes & honnestes Dames, & assez bien désiré d'elles, il se mit sur ses vieux jours à aymer une More, qu'il aima & tint

& tint en ses delices de telle sorte qu'il dédaigna toutes sortes de beautez & toutes autres Dames honnestes, jusques à sa femme, qui estoit une tres-honneste & sage femme, estant de la maison d'Estissac, de qui j'estois fort proche.

Que c'est, quand une personne se change en un point il change aussi en plusieurs autres, ainsi qu'il fit en ses dépenses somptuositez & superfluitez, desquelles il se retrancha du tout, si bien que de grand & splendide Seigneur qu'il estoit auparavant, il ne paroissoit que comme simple Gentil-homme, encore qu'il luy resta plusieurs belles & grandes maisons, richesses & moyens pour en faire de même, car les heritiers qui en sont venus en ont eu de tres-bonnes pieces & friands morceaux. C'est assez parlé de luy.

MONSIEUR LE PRINCE DE CONDE'.

A Prés luy vint en sa charge de Colonel de Piedmont Monsieur le Prince de Condé, lequel n'eut grand temps & loisir de faire valoir beaucoup sa charge, d'autant qu'il l'eut sur le declin de la guerre, car la paix bien-tost s'en ensuiuit. Si est-ce que pour si peu qu'il fut en guerre il s'acquitta de sa charge dignement.

Or

Or de louer ce Prince c'est autant de moquerie à moy, d'autant que Messieurs de la religion, de qui il a esté grand General & protecteur, ne l'ont point oublié en leurs escrits, & Dieu sçait s'ils sçavent bien dire & mal dire aussi tout ensemble quand ils veulent. Il leur faut donner cette gloire qu'ils ont esté les premiers de la France, comme je tiens de bon lieu; qui ont commencé à des mieux & mal dire & escrire, & ont montré le chemin aux autres.

Voilà pourquoy j'en remets pour ses louanges Messieurs, qui en ont dit ce qu'il en faut, n'ont point touché beaucoup de gentilleses & nobles particularitez qu'il a faites, que j'escrirois volontiers, mais l'on m'a nommé un honneste homme qui en a fait un livre à part non encores imprimé. Voilà pourquoy je m'en tais.

Or mondit Sieur le Prince ayant eu par Monsieur l'Amiral son oncle le Gouvernement de Picardie, qui d'assez bonne ancienneté & dès la mort de Monsieur de Pienne, du temps du Roy Louys douzième, appartenoit à ceux de la maison de Vendôme, & lui ne pouvant tenir deux tels estats qu'estoient ce Gouvernement & celui de Colonel des bandes de Piedmont, & aussi pour
l'a-

350 MEMOIRES DE &c.
l'amour de la guerre civile , le Roy
en gratifia Monsieur le Mareschal de
Brissac pour son fils aîné le Comte de
Brissac.

*Fin du quatrième Tome des Hommes
illustres François.*



TA-

T A B L E

Des Vies des hommes Illu-
stres François , conte-
nuës dans ce qua-
trième Tome.

C <i>Charles IX.</i>	<i>pag. I</i>	
<i>Discours sur les Colonels de l'In- fanterie de France.</i>	<i>38</i>	X
<i>Mr. du Gna.</i>	<i>104</i>	
<i>Mr. de Chastillon.</i>	<i>221</i>	
<i>Mr. de Martignes.</i>	<i>243</i>	
<i>Mr. de Strozze.</i>	<i>270</i>	
<i>Mr. d'Espernon.</i>	<i>312</i>	
<i>Mr. de Bonniwet.</i>	<i>327</i>	
<i>Mr. le Vidasme de Chartres.</i>	<i>336</i>	
<i>Mr. le Prince de Condé.</i>	<i>348</i>	X

D.23

D. 22. 2



